

Namo tassa bhagavato arahato sammāsambuddhassa

Dīghanikāye

Pāthikavaggaṭṭhakathā

1. Pāthikasuttavaṇṇanā

Sunakkhattavatthuvaṇṇanā

1. Evaṃ me sutam...pe... malle su viharatīti pāthikasuttam. Tatrāyaṃ apubbapadavaṇṇanā. **Malle su viharatīti** mallā nāma jānapadino rājakumārā, tesam nivāso ekopi janapado ruḥhīsaddena “mallā”ti vuccati, tasmim malle su janapade. “Anupiyam nāma mallānam nigamo”ti **anupiyanti** evaṃnāmako mallānam janapadassa eko nigamo, tam gocaragāmaṃ katvā ekasmim chāyūdakasampanne vanasaṇḍe viharatīti attho. Anopiyantipi pātho. **Pāvisīti** pavittho. Bhagavā pana na tāva pavittho, pavisissāmīti nikkhantattā pana pāvisīti vutto. Yathā kiṃ, yathā “gāmaṃ gamissāmī”ti nikkhanto puriso tam gāmaṃ apattopi “kuhiṃ itthannāmo”ti vutte “gāmaṃ gato”ti vuccati, evaṃ. **Etadahosīti** gāmasamīpe ṭhatvā sūriyam oloketassa etadahosi. **Atippago khoti** ativiya pago kho, na tāva kulesu yāgubhattam niṭṭhitanti. Kiṃ pana bhagavā kālam ajānitvā nikkhantoti? Na ajānitvā. Paccūsakāleyeva hi bhagavā nāṇajālam pattharivā lokam volokento nāṇajālassa anto pavittham bhaggavagottam channaparibbājakam disvā “ajjāham imassa paribbājakassa mayā pubbe katakāraṇam samāharitvā dhammam kathessāmi, sā dhammakathā assa mayi pasādappaṭilābhavasena saphalā bhavissatī”ti nītvāva paribbājakārāmaṃ pavisitukāmo atippagova nikkhami. Tasmā tatha pavisitukāmatāya evaṃ cittaṃ uppādesi.

2. Etadavocāti bhagavantaṃ disvā mānathaddhataṃ akatvā sathhāram paccuggantvā etaṃ **etu kho, bhanteti**ādikaṃ vacanaṃ avoca. **Imam pariyaṃanti** imam vāram, ajja imam āgamanavāranti attho. Kiṃ pana bhagavā pubbe pi tatha gatapubboti? Na gatapubbo, lokasamudācāravasena pana evamāha. Lokiyā hi cirassaṃ āgatampi anāgatapubbampi manāpajātikaṃ āgataṃ disvā “kuto bhavaṃ āgato, cirassaṃ bhavaṃ āgato, katham te idhāgamanamaggo nāto, kiṃ maggamūlhosī”tiādīni vadanti. Tasmā ayampi lokasamudācāravasena evamāhāti veditabbo. **Idamāsananti** attano nisinnāsanam papphoṭevā sampādetvā dadamāno evamāha. **Sunakkhatto licchaviputtoti** sunakkhatto nāma licchavirājaputto. So kira tassa gihisahāyo hoti, kālena kālam tassa santikaṃ gacchati. **Paccakkhātoti** “paccakkhāmi dānāham, bhante, bhagavantaṃ na dānāham, bhante, bhagavantaṃ uddissa viharissāmī”ti evaṃ paṭiakkhāto nissattho pariccatto.

3. Bhagavantaṃ uddissāti bhagavā me sathhā “bhagavato aham ovādam paṭikaromī”ti evaṃ apadisitvā. **Ko santo kam paccācikkhasīti** yācako vā yācitakam paccācikkheyya, yācitako vā yācakaṃ. Tvaṃ pana neva yācako na yācitako, evaṃ sante, moghapurisa, ko santo ko samāno kam paccācikkhasīti dasseti. **Passa moghapurisāti** passa tucchapurisa. **Yāvaṇca te idam aparaddhanti** yattakam idam tava aparaddham, yattako te aparādho tattako dosoti evāham bhaggava tassa dosam āropesinti dasseti.

4. Uttarimanussadhammāti pañcasīladasasīlasaṅkhātā manussadhammāuttari. **Iddhipāṭihāriyanti** iddhibhūtam pāṭihāriyam. **Kate vāti** katamhi vā. **Yassatthāyāti** yassa dukkhakkhayassa atthāya. **So niyyāti takkarassāti** so dhammo takkarassa yathā mayā dhammo desito, tathā kārakassa sammā paṭipannassa puggalassa sabbavaṭṭadukkhakkhayāya amatanibbānasacchikiriyaṃ gacchati, na gacchati, saṃvattatī, na saṃvattatīti pucchati. **Tatra sunakkhattāti** tasmim sunakkhatta mayā desite dhamme takkarassa sammā dukkhakkhayāya saṃvattamāne kiṃ uttarimanussadhammā iddhipāṭihāriyam kataṃ

karissati, ko tena katena attho. Tasmīhi katepi akatepi mama sāsanaṃ parihāni natthi, devamanussānaṃhi amataniḃbānasampāpanatthāya ahaṃ pāramiyo pūresim, na pāṭihāriyakaraṇatthāyāti pāṭihāriyassa niratthakataṃ dassetvā “passa, moghapurisā”ti dutiyaṃ dosaṃ āropesi.

5. Aggaññanti lokapaññattiṃ. “Idaṃ nāma lokassa agga”nti evaṃ jānitabbampi aggaṃ mariyādaṃ na taṃ paññapetīti vadati. Sesamettha anantaravādānusāreṇeva veditabbam.

6. Anekapariyāyena khoti idaṃ kasmā āradhamaṃ. Sunakkhatto kira “bhagavato guṇaṃ makkhessāmi, “dosaṃ paññapessāmi”ti ettakaṃ vippalāpitvā bhagavato kathaṃ suṇanto appaṭiṭṭho niravo aṭṭhāsi.

Atha bhagavā – “sunakkhatta, evaṃ tvaṃ makkhibhāve ṭhito sayameva garaṃ pāpuṇissasī”ti makkhibhāve ādīnavadassanattaṃ **anekapariyāyenā**tiādīmāha. Tattha **anekapariyāyenā**ti anekakāraṇena. **Vajjigāmeti** vajjirājānaṃ gāme, vesālīnagare **no visahīti** nāsakkhi. **So avisahantoti** so sunakkhatto yassa pubbe tiṇṇaṃ ratanānaṃ vaṇṇaṃ kathentassa mukhaṃ nappahoti, so dāni teneva mukhena avaṇṇaṃ katheti, addhā avisahanto asakkonto brahmacariyaṃ carituṃ attano bālatāya avaṇṇaṃ kathetvā hīnāyāvatto. Buddho pana subuddhova, dhammo svākkhātova, saṅgho suppaṭiṭṭhova. Evaṃ tīṇi ratanāni thomentā manussā tuyheva dosaṃ dassessantīti. **Iti kho teti** evaṃ kho te, sunakkhatta, vattāro bhavissanti. Tato evaṃ dose uppanne satthā atītānāgate appaṭiṭṭhānaṃ, mayhaṃ evaṃ doso uppajjissatīti jānantopi puretaraṃ na kathesīti vattuṃ na lacchasīti dasseti. **Apakkamevā**ti apakkamiyeva, apakkanto vā cutoti attho. **Yathā taṃ āpāyikoti** yathā apāye nibbattanāraho satto apakkameyya, evameva apakkamīti attho.

Korakkhattiyavattuvaṇṇanā

7. Ekamidāhanti iminā kiṃ dasseti? Idaṃ suttaṃ dvīhi padehi ābaddhaṃ iddhipāṭihāriyaṃ na karotīti ca aggaññaṃ na paññapetīti ca. Tattha “aggaññaṃ na paññapetī”ti idaṃ padaṃ suttapariyosāne dassessati. “Pāṭihāriyaṃ na karotī”ti imassa pana padassa anusandhidassanavasena ayaṃ desanā āradhā.

Tattha **ekamidāhanti** ekasmiṃ ahaṃ. **Samayanti** samaye, ekasmiṃ kāle ahanti attho. **Thūlūsūti** thūlū nāma janapado, tattha viharāmi. **Uttarakā nāmā**ti itthilīṅgavasena uttarakāti evaṃnāmako thūlūnaṃ janapadassa nigamo, taṃ nigamaṃ gocaragāmaṃ katvāti attho. **Aceloti** naggo. **Korakkhattiyoti** antovaṅkapādo khattiyoti. **Kukkuravatikoti** samādinnaṃkukkuravato sunakho viya ghāyitvā khādati, uddhanantare nipajjati, aññaṃpi sunakhakiriyameva karoti. **Catukkuṇḍikoti** catusaṅghatṭito dve jāṇūni dve ca kappare bhūmiyaṃ ṭhapetvā vicarati. **Chamānikīṇṇanti** bhūmiyaṃ nikiṇṇaṃ pakkhattaṃ ṭhapitaṃ. **Bhakkhasanti** bhakkaṃ yaṃkiñci khādanīyaṃ bhojanīyaṃ. **Mukhenevā**ti hatthena aparāmasitvā khādanīyaṃ mukheneva khādati, bhojanīyaṃpi mukheneva bhuñjati. **Sādhurūpoti** sundararūpo. **Ayaṃ samaṇoti** ayaṃ arahataṃ samaṇo ekoti. Tattha **vatā**ti patthanatthe nipāto. Evaṃ kirassa patthanā ahoṣi “iminā samaṇena sadiso añño samaṇo nāma natthi, ayañhi appicchatāya vatthaṃ na nivāseti, ‘esa papañco’ti maññaṃāno bhikkhābhājanampi na pariharati, chamānikīṇṇameva khādati, ayaṃ samaṇo nāma. Mayaṃ pana kiṃ samaṇā”ti? Evaṃ sabbaññubuddhassa pacchato carantova imaṃ pāpakaṃ vitakkaṃ vitakkesi.

Etadavocāti bhagavā kira cintesi “ayaṃ sunakkhatto pāpajjhāsayo, kiṃ nu imaṃ disvā cintesī”ti? Athevaṃ cinto tassa ajjhāsayaṃ viditvā “ayaṃ moghapuriso mādisassa sabbaññuno pacchato āgacchanto acelaṃ arahatī maññati, idheva dānāyaṃ bālo niggahaṃ arahatī”ti anivattitvā etaṃ **tvampi nāmā**tiādīvacanamavoca. Tattha **tvampi nāmā**ti garahatthe pikāro. Garahanto hi naṃ bhagavā “tvampi nāmā”ti āha. “Tvampi nāma evaṃ hīnājjhāsayo, ahaṃ samaṇo sakyaputtīyoti evaṃ paṭijānissasī”ti ayañhettha adhippāyo. **Kiṃ pana maṃ, bhanteti** mayhaṃ, bhante, kiṃ gārayhaṃ disvā bhagavā “evamāhā”ti pucchati. Athassa bhagavā ācikkhanto “nanu te”tiādīmāha. **Maccharāyatīti**

“mā aññassa arahattaṃ hotū”ti kiṃ bhagavā evaṃ arahattassa maccharāyatīti pucchati. **Na kho ahanti** ahaṃ, moghapurisa, sadevakassa lokassa arahattappaṭilābhameva paccāsīsāmi, etadatthameva me bahūni dukkarāni karontena pāramiyo pūritā, na kho ahaṃ, moghapurisa, arahattassa maccharāyāmi. **Pāpakaṃ diṭṭhigatanti** na arahantaṃ arahāti, arahante ca anarahantoti evaṃ tassa diṭṭhi uppannā. Taṃ sandhāya “pāpakaṃ diṭṭhigata”nti āha. **Yaṃ kho panāti** yaṃ etaṃ acelaṃ evaṃ maññasi. **Sattamaṃ divasanti** sattame divase. **Alasakenāti** alasakabyādhinā. **Kālaṅkarissatīti** uddhumātaudaro marissati.

Kālakañcikāti tesam asurānaṃ nāmaṃ. Tesam kira tigāvuto attabhāvo appamaṃsalohito purāṇapaṇṇasadiṣo kakkatākānaṃ viya akkhīni nikkhamitvā matthake tiṭṭhanti, mukhaṃ sūcīpāsakasadiṣaṃ matthakasmimyeva hoti, tena oṇamitvā gocaraṃ gaṇhanti. **Bīraṇatthambaketi** bīraṇatīṇatthambo tasmim susāne atthi, tasmā taṃ bīraṇatthambakanti vuccati.

Tenupasaṅkamīti bhagavati ettakaṃ vatvā tasmim gāme piṇḍāya caritvā vihāraṃ gate vihārā nikkhamitvā upasaṅkami. **Yena tvanti** yena kāraṇena tvaṃ. Yasmāpi bhagavatā byākato, tasmāti attho. **Mattaṃ mattanti** pamāṇayuttaṃ pamāṇayuttaṃ. “Mantā mantā”tipi pāṭho, paññāya upaparikkhitvā upaparikkhitvāti attho. **Yathā samaṇassa gotamassāti** yathā samaṇassa gotamassa micchā vacanaṃ assa, tathā kareyyāsīti āha. Evaṃ vutte acelo sunakho viya uddhanaṭṭhāne nipanno sīsaṃ ukkhipitvā akkhīni ummīletvā olokento kiṃ kathesi “samaṇo nāma gotamo amhākaṃ verī visabhāgo, samaṇassa gotamassa uppannakā lato paṭṭhāya mayaṃ sūriye uggate khajjopanakā viya jāta. Samaṇo gotamo amhe, evaṃ vācaṃ vadeyya aññathā vā. Verino pana kathā nāma tacchā na hoti, gaccha tvaṃ ahamettha kattabbaṃ jānissāmi”ti vatvā punadeva nipajji.

8. Ekadvīhikāyāti ekaṃ dveti vatvā gaṇesi. **Yathā tanti** yathā asaddahamāno koci gaṇeyya, evaṃ gaṇesi. Ekadivasaṅca tikkhattuṃ upasaṅkamitvā eko divaso atīto, dve divasā atītāti ārocesi. **Sattamaṃ divasanti** so kira sunakkhattassa vacanaṃ sutvā sattāhaṃ nirāhārova ahosi. Athassa sattame divase eko upaṭṭhāko “amhākaṃ kulūpakasamaṇassa ajja sattamo divaso gehaṃ anāgacchantassa aphāsu nu kho jāta”nti sūkaramaṃsaṃ pacāpetvā bhattamādāya gantvā purato bhūmiyaṃ nikkhipi. Acelo disvā cintesi “samaṇassa gotamassa kathā tacchā vā atacchā vā hotu, āhāraṃ pana khādītva suhitassa me maraṇampi sumaraṇa”nti dve hatthe jaṇṇukāni ca bhūmiyaṃ ṭhapetvā kucchipūraṃ bhuñji. So rattibhāge jīrāpetuṃ asakkonto alasakena kalamakāsi. Sacepi hi so “na bhuñjeyya”nti cinteyya, tathāpi taṃ divasaṃ bhuñjitvā alasakena kālaṃ kareyya. Advejjhavacanā hi tathāgatāti.

Bīraṇatthambaketi titthiyā kira “kālaṅkato korakkhattiyo”ti sutvā divasāni gaṇetvā idaṃ tāva saccaṃ jātaṃ, idāni naṃ aññattha chaḍḍetvā “musāvādena samaṇaṃ gotamaṃ niggaṇhissāmā”ti gantvā tassa sarīraṃ vallyā bandhitvā ākaḍḍhantā “ettha chaḍḍessāma, ettha chaḍḍessāmā”ti gacchanti. Gatagataṭṭhānaṃ aṅgaṇameva hoti. Te kaḍḍhamānā bīraṇatthambakasusānaṃyeva gantvā susānabhāvaṃ ṇatvā “aññattha chaḍḍessāmā”ti ākaḍḍhiṃsu. Atha nesam valli chijjitha, pacchā cāletuṃ nāsakkhiṃsu. Te tatova pakkantā. Tena vuttaṃ – “bīraṇatthambake susāne chaḍḍesu”nti.

9. Tenupasaṅkamīti kasmā upasaṅkami? So kira cintesi “avasesaṃ tāva samaṇassa gotamassa vacanaṃ sameti, matassa pana uṭṭhāya aññena saddhiṃ kathaṃ nāma natthi, handāhaṃ gantvā pucchāmi. Sace katheti, sundaraṃ. No ce katheti, samaṇaṃ gotamaṃ musāvādena niggaṇhissāmī”ti iminā kāraṇena upasaṅkami. **Ākoṭesīti** pahari. **Jānāmi āvusoti** matasarīraṃ uṭṭhahitvā kathetuṃ samatthaṃ nāma natthi, idaṃ kathaṃ kathesīti? Buddhānubhāvena. Bhagavā kira korakkhattiyaṃ asurayonito ānetvā sarīre adhimocetvā kathāpesi. Tameva vā sarīraṃ kathāpesi, acinteyyo hi buddhavisayo.

10. Tatheva taṃ vipākanti tassa vacanassa vipākaṃ tatheva, udāhu noti līngavipallāso kato, tatheva so vipākoti attho. Keci pana “vipakka”ntipi paṭhanti, nibbattanti attho.

Ettha ṭhatvā pāṭihāriyāni samānetabbāni. Sabbāneva hetāni pañca pāṭihāriyāni honti. “Sattame

divase marissatī”ti vuttam, so tatheva mato, idam paṭhamam pāṭihāriyam. “Alasakenā”ti vuttam, alasakeneva mato, idam dutiyam. “Kālakañcikesu nibbattissatī”ti vuttam, tattheva nibbatto, idam tatiyam. “Bīraṇatthambake susāne chaḍḍessantī”ti vuttam, tattheva chaḍḍito, idam catuttham. “Nibbattaṭṭhānato āgantvā sunakkhattena saddhim kathessatī”ti vutto, so kathesiyeva, idam pañcamam pāṭihāriyam.

Acelakaḷāramatṭakavattuvaṇṇanā

11. Kaḷāramatṭakoti nikkhantadantamattako. Nāameva vā tassetam. **Lābhaggappattoti** lābhaggam patto, aggalābham pattoti vuttam hoti. **Yasaggappattoti** yasaggam aggaparivāram patto. **Vatapadānīti** vatāniyeva, vatakoṭṭhāsā vā. **Samattānīti** gahitāni. **Samādinnaṇīti** tasseva vevacanam. **Puratthimena vesālīti** vesālito avidūre puratthimāya disāya. **Cetiyaṇīti** yakkhacetiyaṭṭhānam. Esa nayo sabbattha.

12. Yena acelakoti bhagavato vattam katvā yena acelo kaḷāramatṭako tenupasaṅkami. **Pañham apucchīti** gambhīram tilakkhaṇāhatam pañham pucchi. **Na sampāyāsīti** na sammā ñāṇagatiyā pāyāsī, andho viya visamatṭhāne tattha tattheva pakkhali. Neva ādim, na pariyoṣānamaddasa. Atha vā “na sampāyāsī”ti na sampādesi, sampādetvā kathetuṃ nāsakkhi. **Asampāyantoti** kabarakkhīni parivattetvā olokeno “asikkhitakassa santike vuṭṭhosi, anokāsepi pabbajito pañham pucchanto vicarasi, apehi mā etasmim ṭhāne aṭṭhāsī”ti vadanto. **Kopaṇca dosaṇca appaccayaṇca pātvākāsīti** kuppanākāram kopam, dussanākāram dosam, atuṭṭhākārabhūtam domanassasaṅkhātam appaccayaṇca pākaṭamakāsī. **Āsādimhaseti** āsādiyimha ghaṭṭayimha. **Mā vata no ahoṣīti** aho vata me na bhavēyya. Maṃ vata no ahoṣīti pāṭho. Tattha **manti** sāmivacanatthe upayogavacanam, ahoṣi vata nu mamāti attho. Evaṇca pana cintetvā ukkuṭikam nisīditvā “khamatha me, bhante”ti tam khamāpesi. Sopi ito paṭṭhāya aññam kiñci pañham nāma na pucchissasīti. Āma na pucchissāmīti. Yadi evam gaccha, khamāmi teti tam uyyojesi.

14. Parihitoti paridahito nivatthavattho. **Sānucārikoti** anucārikā vuccati bhariyā, saha anucārikāya sānucāriko, tam tam brahmacariyam pahāya sabhariyoti attho. **Odanakummāsanti** surāmaṃsato atirekam odanampi kummāsampi bhuñjamāno. **Yasā nihīnoti** yaṃ lābhaggayasaggam patto, tato parihiṇo hutvā. “Kataṃ hoti uttarimanussadhammā iddhipāṭihāriya”nti idha sattavatapadātikkamavasena satta pāṭihāriyāni veditabbāni.

Acelapāthikaputtavattuvaṇṇanā

15. Pāthikaputtoti pāthikassa putto. **Ñāṇavādenāti** ñāṇavādena saddhim. **Upaḍḍhapathanti** yojanam ce, no antare bhavēyya, gotamo aḍḍhayojanam, aham aḍḍhayojanam. Esa nayo aḍḍhayojanādīsu. Ekapadavārampi atikkamma gacchato jayo bhavissati, anāgacchato parājayoti. **Te tatthāti** te mayam tattha samāgataṭṭhāne. **Taddiguṇam taddiguṇāhanti** tato tato diguṇam diguṇam aham karissāmi, bhagavatā saddhim pāṭihāriyam kātuṃ asamatthabhāvam jānantopi “uttamapurisena saddhim paṭṭhapetvā asakkuṇantassāpi pāsaṃso hoti”ti ñatvā evamāha. Nagaravāsinopi tam sutvā “asamattho nāma evam na gajjati, addhā ayampi arahā bhavissati”ti tassa mahantam sakkāramakamṣu.

16. Yenāham tenupasaṅkamīti “sunakkhatto kira pāthikaputto evam vadatī”ti assosi. Athassa hīnajjhāsayattā hīnadassanāya cittaṃ udapādi.

So bhagavato vattam katvā bhagavati gandhakuṭim pavitṭhe pāthikaputtassa santikam gantvā pucchi “tumhe kira evarūpiṃ katham kathethā”ti? “Āma, kathamā”ti. Yadi evam “mā bhāyittha vissatthā punappunam evam vadatha, aham samaṇassa gotamassa upaṭṭhāko, tassa visayam vijānāmi, tumhehi saddhim pāṭihāriyam kātuṃ na sakkhissati, aham samaṇassa gotamassa kathetvā bhayam uppādetvā tam aññato gahetvā gamissāmi, tumhe mā bhāyitthā”ti tam assāsetvā bhagavato santikam gato. Tena vuttam

“yenāhaṃ tenupasaṅkamī”ti. **Taṃ vācanti**ādīsu “ahaṃ abuddhova samāno buddhomhīti vicariṃ, abhūtaṃ me kathitaṃ nāhaṃ buddho”ti vadanto taṃ vācaṃ pajahati nāma. Raho nisīditvā cintayamāno “ahaṃ ‘ettakaṃ kālaṃ abuddhova samāno buddhomhī’ti vicariṃ, ito dāni paṭṭhāya nāhaṃ buddho”ti cintayanto taṃ cittaṃ pajahati nāma. “Ahaṃ ‘ettakaṃ kālaṃ abuddhova samāno buddhomhī’ti pāpakaṃ diṭṭhiṃ gahetvā vicariṃ, ito dāni paṭṭhāya imaṃ diṭṭhiṃ pajahāmi”ti pajahanto taṃ diṭṭhiṃ paṭinissajjati nāma. Evaṃ akaronto pana taṃ vācaṃ appahāya taṃ cittaṃ appahāya taṃ diṭṭhiṃ appaṭinissajjitvāti vuccati. **Vipateyyāti** bandhanā muttatālapakkaṃ viya gīvato pateyya, sattadhā vā pana phaleyya.

17. Rakkhatetanti rakkhatu etaṃ. **Ekamsenāti** nippariyāyena. **Odhāritāti** bhāsītā. **Acelo ca, bhante, pāthikaputtoti** evaṃ ekamsena bhagavato vācāya odhāritāya sace acelo pāthikaputto. **Virūparūpenāti** vigatarūpena vigacchitasabhāvena rūpena attano rūpaṃ pahāya adissamānena kāyena. Sīhabyagghādivasena vā vividharūpena sammukhībhāvaṃ āgaccheyya. **Tadassa bhagavato musāti** evaṃ sante bhagavato taṃ vacanaṃ musā bhaveyyāti musāvādena niggaṇhāti. Ṭhapetvā kira etaṃ na aññena bhagavā musāvādena niggaṇhitapubboti.

18. Dvayagāminīti sarūpena atthibhāvaṃ, atthena natthibhāvanti evaṃ dvayagāminī. Alikatucchanipphalavācāya etaṃ adhivacanaṃ.

19. Ajitopi nāma licchavīnaṃ senāpatīti so kira bhagavato upaṭṭhāko ahosi, so kalamakāsi. Athassa sarīrakiccaṃ katvā manussā pāthikaputtaṃ pucchimsu “kuhiṃ nibbatta senāpatī”ti? So āha – “mahāniraye nibbatta”ti. Idañca pana vatvā puna āha “tumhākaṃ senāpatī mama santikaṃ āgamma ahaṃ tumhākaṃ vacanamakatvā samaṇassa gotamassa vādaṃ paṭiṭṭhapetvā niraye nibbattomhī”ti paroditthāti. **Tenupasaṅkami divāvihārāyāti** ettha “pāṭihāriyakaraṇatthāyā”ti kasmā na vadati? Abhāvā. Sammukhībhāvopi hissa tena saddhiṃ natthi, kuto pāṭihāriyakaraṇaṃ, tasmā tathā avatvā “divāvihārāyā”ti āha.

Iddhipāṭihāriyakathāvaṇṇanā

20. Gahapatinecayikāti gahapati mahāsālā. Tesañhi mahādhanadhaññanicayo, tasmā “necayikā”ti vuccanti. **Anekasahassāti** sahassehipi aparimāṇagaṇanā. Evaṃ mahatiṃ kira paṇisaṃ ṭhapetvā sunakkhattaṃ añño sannipātetuṃ samattho natthi. Teneva bhagavā ettakaṃ kālaṃ sunakkhattaṃ gahetvā vicari.

21. Bhayanti cittutrāsabhayaṃ. **Chambhitattanti** sakalasarīracalanaṃ. **Lomahaṃsoti** lomānaṃ uddhaggabhāvo. So kira cintesi – “ahaṃ atimahantaṃ kathaṃ kathetvā sadevake loke aggapuggalena saddhiṃ paṭiviruddho, mayhaṃ kho panabbhantare arahattaṃ vā pāṭihāriyakaraṇahetu vā natthi, samaṇo pana gotamo pāṭihāriyaṃ karissati, athassa pāṭihāriyaṃ disvā mahājano ‘tvaṃ dāni pāṭihāriyaṃ kātuṃ asakkonto kasmā attano pamāṇamajānitvā loke aggapuggalena saddhiṃ paṭimallo hutvā gajjasī’ti kaṭṭhaleḍḍudaṇḍādīhi viheṭhessatī”ti. Tenassa mahājanasannipātañceva tena bhagavato ca āgamaṇaṃ sutvā bhayaṃ vā chambhitattaṃ vā lomahaṃso vā udapādi. So tato dukkhā muccitukāmo tindukakhāṇukaparibbājakārāmaṃ agamāsi. Tamatthaṃ dassetuṃ **atha kho bhagavāti**ādīmāha. Tattha **upasaṅkamīti** na kevalaṃ upasaṅkami, upasaṅkamitvā pana dūraṃ aḍḍhayojanantaraṃ paribbājakārāmaṃ pavittho. Tatthapi cittassādaṃ alabhamāno antantena āvijjhivā āramapaccante ekaṃ gahanaṭṭhānaṃ upadhāretvā pāsāṇaphalake nisīdi. Atha bhagavā cintesi – “sace ayaṃ bālo kassacideva kathaṃ gahetvā idhāgaccheyya, mā nassatu bālo”ti “nisinnaṇṇapāsāṇaphalakaṃ tassa sarīre allīnaṃ hotū”ti adhiṭṭhāsi. Saha adhiṭṭhānacittena taṃ tassa sarīre allīyi. So mahāaddubandhanabaddho viya chinnapādo viya ca ahosi.

Assosīti ito cito ca pāthikaputtaṃ pariyesamānā paṇisā tassa anupadaṃ gantvā nisinnaṭṭhānaṃ ṇatvā āgatena aññatarena purisena “tumhe kaṃ pariyesathā”ti vutte pāthikaputtanti. So

“tindukakhāṇukaparibbājakārāme nisinno”ti vuttavacanena assosi.

22. Samsappatīti osīdati. Tattheva sañcarati. **Pāvaḷā** vuccati ānisadaṭṭhikā.

23. Parābhūtarūpoti parājitarūpo, vinatṭharūpo vā.

25. Goyugehīti goyuttehi satamattehi vā sahasamattehi vā yugehi. **Āviñcheyyāmāti** ākaḍḍheyyāma. **Chijjeyyunti** chindeyyuṃ. Pāthikaputto vā bandhatṭhāne chijjeyya.

26. Dārupattikantevāsīti dārupattikassa antevāsī. Tassa kira etadahosi “tiṭṭhatu tāva pāṭihāriyaṃ, samaṇo gotamo ‘acelo pāthikaputto āsanāpi na vuṭṭhahissatī’ti āha. Handāhaṃ gantvā yena kenaci upāyena taṃ āsanā vuṭṭhāpemi. Ettāvata ca samaṇassa gotamassa parājayo bhavissatī”ti. Tasmā evamāha.

27. Sīhassāti cattāro sīhā tiṇasīho ca kālasīho ca paṇḍusīho ca kesarasīho ca. Tesam catunnaṃ sīhānaṃ kesarasīho aggataṃ gato, so idhāhippeto. **Migaraññoti** sabbacattuppadānaṃ rañño. **Āsayanti** nivāsaṃ. **Sihanādanti** abhītanādaṃ. **Gocarāya pakkameyyanti** āharatthāya pakkameyyaṃ. **Varam varanti** uttamuttamaṃ, thūlaṃ thūlanti attho. **Mudumaṃsānīti** mudūni maṃsāni. “Madhumaṃsānī”tipi pāṭho, madhuraṃsānīti attho. **Ajjhupeyyanti** upagaccheyyaṃ. **Sihanādaṃ naditvāti** ye dubbalā pāṇā, te palāyantūti attano sūrabhāvasannissitena kāruññaena naditvā.

28. Vighāsaṃvaḍḍhoti vighāseṇa saṃvaḍḍho, vighāsaṃ bhakkhitā tirittamaṃsaṃ khāditvā vaḍḍhito. **Dittoti** dappito thūlasarīro. **Balavāti** balasampanno. **Etadahosīti** kasmā ahosi? Asmimānadosena.

Tatrāyaṃ anupubbikathā – ekadivasaṃ kira so sīho gocarato nivattamāno taṃ siṅgālaṃ bhayena palāyamānaṃ disvā kāruññajāto hutvā “vayasa, mā bhāyi, tiṭṭha ko nāma tva”nti āha. Jambuko nāmāhaṃ sāmīti. Vayasa, jambuka, ito paṭṭhāya maṃ upaṭṭhātuṃ sakkhissasīti. Upaṭṭhahissāmīti. So tato paṭṭhāya upaṭṭhāti. Sīho gocarato āgacchanto mahantaṃ mahantaṃ maṃsakhaṇḍaṃ āharati. So taṃ khāditvā avidūre pāsānapitṭhe vasati. So katipāhaccayeneva thūlasarīro mahākhandho jāto. Atha naṃ sīho avoca – “vayasa, jambuka, mama vijambhanakāle avidūre ṭhatvā ‘viroca sāmī’ti vattuṃ sakkhissasī”ti. Sakkomi sāmīti. So tassa vijambhanakāle tathā karoti. Tena sīhassa atireko asmimāno hoti.

Athekadivasaṃ jarasiṅgālo udakasoṇḍiyaṃ pānīyaṃ pivanto attano chāyaṃ olokento addasa attano thūlasarīratañceva mahākhandhatañca. Disvā ‘jarasiṅgālosmī’ti manam akatvā “ahampi sīho jāto”ti maññi. Tato attanāva attānaṃ etadavoca – “vayasa, jambuka, yuttaṃ nāma tava iminā attabhāvena parassa ucchiṭṭhamamsaṃ khādituṃ, kiṃ tvam puriso na hosi, sīhassāpi cattāro pādā dve dāṭhā dve kaṇṇā ekaṃ naṅguṭṭhaṃ, tavapi sabbam tatheva, kevalam tava kesarabhāramattameva natthī”ti. Tassevaṃ cintayato asmimāno vaḍḍhi. Athassa tena asmimānadosena etaṃ “ko cāha”ntiādi maññitamahosi. Tattha **ko cāhanti** ahaṃ ko, sīho migarājā ko, na me ñāti, na sāmiko, kimahaṃ tassa nipaccakāraṃ karomīti adhippāyo. **Siṅgālakamyevāti** siṅgālaravameva. **Bheraṇḍakamyevāti** appiyaamanāpasaddameva. **Ke ca chave siṅgāleti** ko ca lāmako siṅgālo. **Ke pana sihanādeti** ko pana sihanādo siṅgālassa ca sihanādassa ca ko sambandhoti adhippāyo. **Sugatāpadānesūti** sugatalakkhaṇesu. Sugatassa sāsanasambhūtasu tīsu sikkhāsu. Kathaṃ panesa tattha jīvati? Etassa hi cattāro paccaye dadamānā silādiguṇasampannānaṃ sambuddhānaṃ demāti denti, tena esa abuddho samāno buddhānaṃ niyāmitapaccaye paribhuñjanto sugatāpadānesu jīvati nāma. **Sugatātirittānīti** tesam kira bhojanāni dadamānā buddhānañca buddhasāvakañca datvā pacchā avasesaṃ sāyanhasamaye denti. Evamesa sugatātirittāni bhuñjati nāma. **Tathāgateti** tathāgataṃ arahantaṃ sammāsambuddhaṃ āsādetabbaṃ ghaṭṭayitabbaṃ. Atha vā “tathāgate”tiādīni upayogabahuvacanāneva. **Āsādetabbanti** idampi bahuvacanameva ekavacanam viya vuttaṃ. **Āsādanāti** ahaṃ buddhena saddhim pāṭihāriyaṃ karissāmīti

ghaṭṭanā.

29. **Samekkhiyānā**ti samekkhitvā, maññitvāti attho. **Amaññī**ti puna amaññittha **kotthū**ti singālo.

30. **Attānaṃ vighāse samekkhiyā**ti soṇḍiyaṃ ucchiṭṭhodake thūlaṃ attabhāvaṃ disvā. **Yāva attānaṃ na passatī**ti yāva ahaṃ sīhavighāsasaṃvaḍḍhitako jarasingāloti evaṃ yathābhūtaṃ attānaṃ na passati. **Byagghoti maññatī**ti sīhohamasmīti maññati, sīhena vā samānabalo byagghoyeva ahanti maññati.

31. **Bhutvāna bheketi** āvāṭamaṇḍuke khādītvā. **Khalamūsikāyoti** khalesu mūsikāyo ca khādītvā. **Kaṭasīsu khittāni ca koṇapānī**ti susānesu chaḍḍitakuṇapāni ca khādītvā. **Mahāvaneti** mahante vanasmiṃ. **Suññavaneti** tucchavane. **Vivaḍḍhoti** vaḍḍhito. **Tatheva so singālakam anadī**ti evaṃ saṃvaḍḍhopi migarājāhamasmīti maññitvāpi yathā pubbe dubbalasingālakāle, tatheva so singālaravaṃyeva aravīti. Imāyapi gāthāya bhekādīni bhutvā vaḍḍhitasingālo viya lābhasakkāragiddho tvanti pāthikaputtameva ghaṭṭesi.

Nāgehīti hatthīhi. **Mahābandhanā**ti mahatā kilesabandhanā mocetvā. **Mahāviduggā**ti mahāviduggaṃ nāma cattāro oghā. Tato uddharitvā nibbānathale patiṭṭhapetvā.

Aggaññaṃ paññattikathāvaṇṇanā

36. Iti “bhagavā ettakena kathāmaggena pāṭihāriyaṃ na karotī”’ti padassa anusandhiṃ dassetvā idāni “na aggaññaṃ paññāpetī”’ti imassa anusandhiṃ dassento **aggaññañcāhanti** desanaṃ ārabhi. Tattha **aggaññañcāhanti** ahaṃ, bhaggava, aggaññañca pajānāmi lokuppatticariyavaṃsañca. **Taṅca pajānāmī**ti na kevalaṃ aggaññaṃ eva, taṅca aggaññaṃ pajānāmi. Tato ca uttaritaraṃ silasamādhito paṭṭhāya yāva sabbaññutaññāṇā pajānāmi. **Taṅca pajānaṃ na parāmasāmī**ti taṅca pajānantopi ahaṃ idaṃ nāma pajānāmīti taṅhādīṭṭhimānavasena na parāmasāmi. Natthi tathāgatassa parāmasoti dīpeti. **Paccattaññeva nibbuti viditā**ti attanāyeva attani kilesanibbānaṃ viditaṃ. **Yadabhijānaṃ tathāgatoti** yaṃ kilesanibbānaṃ jānanto tathāgato. **No anayaṃ āpajjatī**ti aviditanibbānā titthiyā viya anayaṃ dukkhaṃ byasanaṃ nāpajjati.

37. Idāni yaṃ taṃ titthiyā aggaññaṃ paññāpenti, taṃ dassento **santi bhaggavā**tiādimāha. Tattha **issarakuttaṃ brahmakuttanti** issarakataṃ brahmakataṃ, issaranimmitaṃ brahmanimmitanti attho. Brahmā eva hi ettha ādhipaccabhāvena issaroti veditabbo. **Ācariyakanti** ācariyabhāvaṃ ācariyavādaṃ. Tattha ācariyavādo aggaññaṃ. Aggaññaṃ pana ettha desitanti katvā so aggaññaṃ tveva vutto. **Kathaṃ vihita**kanti kena vihitaṃ kinti vihitaṃ. Sesāṃ brahmajāle vitthāritanayeneva veditabbaṃ.

41. **Khiḍḍāpadosikanti** khiḍḍāpadosikamūlaṃ.

47. **Asatā**ti avijjamānena, asaṃvijjamānaṭṭhenāti attho. **Tucchā**ti tucchena antosāravirahitena. **Musā**ti musāvādena. **Abhūtenā**ti bhūtatthavirahitena. **Abbhācikkhantī**ti abhiācikkhanti. **Viparītoti** viparītasāñño viparītacitto. **Bhikkhavo cāti** na kevalaṃ samaṇo gotamoyeva, ye ca assa anusīṭṭhiṃ karonti, te bhikkhū ca viparītā. Atha yaṃ sandhāya viparītoti vadanti, taṃ dassetuṃ **samaṇo gotamotiā**di vuttaṃ. **Subhaṃ vimokkhanti** vaṇṇakasiṇaṃ. **Asubhantvevā**ti subhañca asubhañca sabbaṃ asubhanti evaṃ pajānāti. **Subhantveva tasmim samayeti** subhanti eva ca tasmim samaye pajānāti, na asubhaṃ. **Bhikkhavo cāti** ye te evaṃ vadanti, tesāṃ bhikkhavo ca antevāsikasamaṇā viparītā. **Pahotī**ti samattho paṭibalo.

48. **Dukkaraṃ khoti** ayaṃ paribbājako yadidaṃ “evaṃpasanno ahaṃ, bhante”’tiādimāha, taṃ sāṭṭheyyena kohaññena āha. Evaṃ kirassa ahosi – “samaṇo gotamo mayhaṃ ettakaṃ dhammakathaṃ

kathesi, tamahaṃ sutvāpi pabbajitūṃ na sakkomi, mayā etassa sāsanaṃ paṭipannasadisena bhavitūṃ vaṭṭatī”ti. Tato so sātheyyena kohaññena evamaḥa. Tenassa bhagavā mammāṃ ghaṭṭento viya “dukkaraṃ kho etaṃ, bhaggava tayā aññadiṭṭhikenā”tiādimāha. Taṃ poṭṭhapādasutte vuttatthameva. **Sādhukamanurakkhāti** suṭṭhu anurakkha.

Iti bhagavā pasādamattānurakkhaṇe paribbājakāṃ niyojesi. Sopi evaṃ mahantaṃ suttantaṃ sutvāpi nāsakkhi kilesakkhayaṃ kātuṃ. Desanā panassa āyatiṃ vāsanāya paccayo ahoṣi. Sesāṃ sabbattha uttānatthamevāti.

Sumaṅgalavilāsiniyā dīghanikāyaṭṭhakathāya

Pāthikasuttavaṇṇanā niṭṭhitā.

2. Udumbarikasuttavaṇṇanā

Nigrodhaparibbājakavatthuvaṇṇanā

49. Evaṃ me sutanti udumbarikasuttaṃ. Tatrāyamaṃpubbapadavaṇṇanā – **paribbājakoti** channaparibbājako. **Udumbarikāya paribbājakārāmeti** udumbarikāya deviyā santake paribbājakārāme. **Sandhānoti** tassa nāmaṃ. Ayamā pana mahānubhāvo parivāretvā vicarantānaṃ pañcannaṃ upāsakasatānaṃ aggapuriso anāgāmī bhagavatā mahāparisamajjhe evaṃ saṃvaṇṇito –

“Chahi, bhikkhave, āṅgehi samannāgato sandhāno gahapati tathāgate niṭṭhaṅgato saddhamme iriyati. Katamehi chahi? Buddhhe aveccappasādena dhamme aveccappasādena saṅghe aveccappasādena ariyena sīlena ariyena ñāṇena ariyāya vimuttiyā. Imehi kho, bhikkhave, chahi āṅgehi samannāgato sandhāno gahapati tathāgate niṭṭhaṅgato saddhamme iriyatī”ti (a. ni. 6.120-139).

So pātoyeva uposathaṅgāni adhiṭṭhāya pubbaṅhasamaye buddhappamukhassa saṅghassa dānaṃ datvā bhikkhūsu vihāraṃ gatesu ghare khuddakamahallakānaṃ dāraṅkānaṃ saddena ubbālho satthu santike “dhammaṃ sossāmī”ti nikkhanto. Tena vuttaṃ **divā divassa rājagahā nikkhamīti**. Tattha **divā divassāti** divasassa divā nāma majjhanhātikkamo, tasmīṃ divasassāpi divābhūte atikkantamatte majjhanhike nikkhamīti attho. **Paṭisallīnoti** tato tato rūpādigocarato cittaṃ paṭisaṃharitvā nilīno jhānaratisevanāvasena ekībhāvaṃ gato. **Manobhāvanīyānanti** manavaḍḍhakānaṃ. Ye ca āvajjato manasikaroto cittaṃ vinīvaraṇaṃ hoti unnamati vaḍḍhati.

50. Unnādinīyātiādīni poṭṭhapādasutte vitthāritanayeneva veditabbāni.

51. Yāvatāti yattakā. **Ayamā tesamā aññataroti** ayamā tesamā abbhantaro eko sāvako, bhagavato kira sāvakā ghīanāgāminoyeva pañcasatā rājagahe paṭivasanti. Yesamā ekekassa pañca pañca upāsakasatāni parivārā, te sandhāya “ayamā tesamā aññataro”ti āha. **Appeva nāmāti** tassa upasaṅkamaṇaṃ patthayamāno āha. Patthanākāraṇaṃ pana poṭṭhapādasutte vuttameva.

52. Etadavocāti āgacchanto antarāmaggeyeva tesamā kathāya sutattā etaṃ **aññathā kho imeti**ādivacanaṃ avoca. Tattha **aññatitthiyāti** dassanenapi ākappenapi kuttanapi ācārenapi vihārenapi iriyāpathenapi aññe titthiyāti aññatitthiyā. **Saṅgama samāgammāti** saṅgantvā samāgantvā rāsi hutvā nisinnaṭṭhāne. **Araññavanapatthānīti** araññavanapatthāni gāmūpacārato muttāni dūrasenāsanāni. **Pantānīti** dūratarāni manussūpacāravirahitāni. **Appasaddānīti** vihārūpacārena gacchato addhikajanassapi saddena mandasaddāni. **Appanigghosānīti** avibhāvitatthena nigghosena mandanigghosāni. **Vijanavātānīti** antosañcārino janassa vātena vigatavātāni.

Manussarāhasseyyakānī manussānaṃ rahassakaraṇassa yuttāni anucchavikāni.

Paṭisallānasārubbānī ekībhāvassa anurūpāni. Iti sandhāno gahapati “aho mama satthā yo evarūpāni senāsānāni paṭisevatī”ti añjalim paggayha uttamaṅge sirasmim patiṭṭhapetvā imaṃ udānaṃ udānento nisīdi.

53. Evaṃ vutteti evaṃ sandhānena gahapatinā udānaṃ udānentena vutte. Nigrodho paribbājako ayaṃ gahapati mama santike nisinnopi attano satthāraṃyeva thometi ukkaṃsati, amhe pana atthītipi na maññati, etasmim uppanakopaṃ samaṇassa gotamassa upari pātesāmīti sandhānaṃ gahapatim etadavoca.

Yaggheti codanatthe nipāto. **Jāneyyāsīti** bujjiheyyāsī passeyyāsī. **Kena samaṇo gotamo saddhim sallapatīti** kena kāraṇena kena puggalena saddhim samaṇo gotamo sallapati vadati bhāsati. Kim vuttaṃ hoti – “yadi kiñci sallāpakāraṇaṃ bhaveyya, yadi vā koci samaṇassa gotamassa santikaṃ sallāpatthiko gaccheyya, sallapeyya, na pana kāraṇaṃ atthi, na tassa santikaṃ koci gacchati, svāyaṃ kena samaṇo gotamo saddhim sallapati, asallapanto kathaṃ unnādī bhavissatī”ti.

Sākacchanti saṃsandanaṃ. **Paññāveyyattiyanti** uttarapaccuttaranayena ñāṇabyattabhāvaṃ. **Suññāgārahātāti** suññāgāresu natthā, samaṇena hi gotamena bodhimūle appamattikā paññā adhigatā, sāpissa suññāgāresu ekakassa nisīdato natthā. Yadi pana mayaṃ viya gaṇasaṅgaṇikaṃ katvā nisīdeyya, nāssa paññā nasseyyāti dasseti. **Aparisāvacaroti** avisāradattā parisāṃ otarituṃ na sakkoti. **Nālaṃ sallāpāyāti** na samattho sallāpaṃ kātuṃ. **Antamantānevāti** koci maṃ pañhaṃ puccheyyāti pañhābhīto antamantāneva pantasenāsānāni sevati. **Gokāṇāti** ekakkhihatā kāṇagāvī. Sā kira pariyantacārīni hoti, antamantāneva sevati. Sā kira kāṇakkhibhāvena vanantābhimukhīpi na sakkoti bhavituṃ. Kasmā? Yasmā pattena vā sākāya vā kaṇṭakena vā pahārassa bhāyati. Gunnaṃ abhimukhīpi na sakkoti bhavituṃ. Kasmā? Yasmā siṅgena vā kaṇṇena vā vālena vā pahārassa bhāyati. **Inghāti** codanatthe nipāto. **Saṃsādeyyāmāti** ekapañhapucchaneneva saṃsādanaṃ visādamāpannaṃ kareyyāma. **Tucchakumbhīva nanti** rittaghaṭaṃ viya naṃ. **Orodheyyāmāti** vinandheyyāma. Pūritaghaṭo hi ito cito ca parivattetvā na suvinandhanīyo hoti. Rittako yathāruci parivattetvā sakkā hoti vinandhituṃ, evameva hatapaññatāya rittakumbhisadisāṃ samaṇaṃ gotamaṃ vādavinandhanena samantā vinandhissāmāti vadati.

Iti paribbājako satthu suvaṇṇavaṇṇaṃ nalāṭamaṇḍalaṃ apassanto dasabalassa parammukhā attano balaṃ dīpento asambhinnaṃ khattiyakumāraṃ jātiyā ghaṭṭayanto caṇḍālaputto viya asambhinnakesarasīhaṃ migarājānaṃ thāmena ghaṭṭento jarasiṅgālo viya ca nānappakāraṃ tucchagajjitaṃ gajji. Upāsakopi cintesi “ayaṃ paribbājako ati viya gajjati, avīciphusaṇatthāya pādaṃ, bhavaggaṅgahaṇatthāya hatthaṃ pasārayanto viya niratthakaṃ vāyamaṃ. Sace me satthā imaṃ ṭhānamāgaccheyya, imassa paribbājakassa yāva bhavaggā ussitāṃ mānaddhajaṃ ṭhānasova opāteyyā”ti.

54. Bhagavāpi tesāṃ taṃ kathāsallāpaṃ assosiyeva. Tena vuttaṃ “assosi kho imaṃ kathāsallāpa”nti.

Sumāgadhāyāti sumāgadhā nāma pokkharāṇī, yassā tīre nisinnō aññataro puriso padumañāṭantarehi asurabhavanaṃ pavisaṇtaṃ asurasenaṃ addasa. **Moranivāpoti** nivāpo vuccati bhattaṃ, yattha morānaṃ abhayena saddhim nivāpo dinno, taṃ ṭhānanti attho. **Abbhokāseti** aṅgaṇatthāne. **Assāsapattāti** tuṭṭhipattā somanassapattā. **Ajjhāsayanti** uttamanissayabhūtaṃ. **Ādibrahmacariyanti** purāṇabrahmacariyasāṅkhātaṃ ariyamaggaṃ. Idaṃ vuttaṃ hoti – “ko nāma so, bhante, dhammo yena bhagavatā sāvakā vinītā ajjhāsayaḍibrahmacariyabhūtaṃ ariyamaggaṃ pūretvā arahattādhigamavasena assāsapattā paṭijānanti”ti.

Tapojjucchāvādavaṇṇanā

55. Vipakatāti mamāgamanapaccayā anitṭhitā, va hutvā ṭhitā, kathehi, ahametaṃ nitṭhapetvā matthakaṃ pāpetvā dassemiṭi sabbaññupavāraṇaṃ pavāresi.

56. Dujjānaṃ khoti bhagavā paribbājakassa vacanaṃ sutvā “ayaṃ paribbājako mayā sāvakānaṃ desetabbaṃ dhammaṃ tehi pūretabbaṃ paṭipattiṃ pucchati, sacassāhaṃ āditova taṃ kathessāmi, kathitampi naṃ na jānissati, ayaṃ pana vīriyena pāpajigucchanaṃ vādo, handāhaṃ etasseva visaye pañhaṃ pucchāpetvā puthusamaṇabrāhmaṇānaṃ laddhiyā niratthakabhāvaṃ dassemi. Atha pacchā imaṃ pañhaṃ byākarissāmi”ti cintetvā **dujjānaṃ kho** etantiādīmāha. Tattha **sake ācariyake**ti attano ācariyavāde. **Adhijeguccheti** vīriyena pāpajigucchanaṃ bhāve. **Kathaṃ santāti** kathaṃ bhūtā. **Tapojigucchāti** vīriyena pāpajigucchā pāpavivajjanā. **Paripuṇṇāti** parisuddhā. **Kathaṃ aparipuṇṇāti** kathaṃ aparisuddhā hotīti evaṃ pucchāti. **Yatra hi nāmāti** yo nāma.

57. Appasadde katvāti nirave appasadde katvā. So kira cintesi – “samaṇo gotamo ekaṃ pañhampi na katheti, sallāpakathāpissa atibahukā natthi, ime pana ādito paṭṭhāya samaṇaṃ gotamaṃ anuvattanti ceva pasamsanti ca, handāhaṃ ime nissadde katvā sayāṃ kathemi”ti. So tathā akāsi. Tena vuttaṃ “appasadde katvā”ti. “Tapojigucchavādā”tiādīsu tapojigucchaṃ vadāma, manasāpi tameva sārato gahetvā vicarāma, kāyenaṃpimhā tameva allīnā, nānappakāraṃ attakilamathānuyogamanuyuttā viharāmāti attho.

Upakkilesavaṇṇanā

58. Tapassīti tapanissitako. “Acelako”tiādīni sīhanāde (dī. ni. aṭṭha. 1.393) vitthāritanayeneva veditabbāni. **Tapam samādiyatīti** acelakabhāvādikam tapam sammā ādiyati, dalham gaṇhāti. **Attamano hotīti** ko añño mayā sadiso imasmim tape atthīti tuṭṭhamano hoti. **Paripuṇṇasaṅkappoti** alamettāvatāti evaṃ pariyositasāṅkappo, idaṅca titthiyānaṃ vasena āgataṃ. Sāsanāvacarenāpi pana dīpetabbaṃ. Ekacco hi dhutaṅgaṃ samādiyati, so teneva dhutaṅgena ko añño mayā sadiso dhutaṅgadharoti attamano hoti paripuṇṇasaṅkappo. **Tapassino upakkilesa hotīti** duvidhassāpetassa tapassino ayaṃ upakkilesa hoti. Ettāvatāyaṃ tapo upakkilesa hotīti vadāmi.

Attānukkamaṃsetīti “ko mayā sadiso atthī”ti attānaṃ ukkaṃsati ukkhipati. **Param vambhetīti** “ayaṃ na mādiso”ti paraṃ saṃhāreti avakkhipati.

Majjatiti mānamadakarāṇena majjati. **Mucchatīti** mucchito hoti gadhito ajjhāpanno. **Pamādamāpajjati**ti etadeva sāranti pamādamāpajjati. Sāsane pabbajitopi dhutaṅgasuddhiko hoti, na kammatṭhānasuddhiko. Dhutaṅgameva arahattaṃ viya sārato pacceti.

59. Lābhasakkārasilokanti ettha cattāro paccayā labbhanti lābhā, teyeva suṭṭhu katvā paṭisaṅkharitvā laddhā sakkāro, vaṇṇabhaṇaṇaṃ siloko. **Abhinibbattetīti** acelakādībhāvaṃ terasadhutaṅgasamādānaṃ vā nissāya mahālābho uppajjati, tasmā “abhinibbattetī”ti vutto. Sesametta purimavāranayeneva duvidhassāpi tapassino vasena veditabbaṃ.

60. Vodāsaṃ āpajjatiti dvebhāgaṃ āpajjati, dve bhāge karoti. **Khamati**ti rucati. **Nakkhamati**ti na rucati. **Sāpekkho pajahati**ti sataṅho pajahati. Kathaṃ? Pātova khīrabhattaṃ bhutto hoti. Athassa maṃsabhajanaṃ upaneti. Tassa evaṃ hoti “idāni evarūpaṃ kadā labhissāma, sace jāneyyāma, pātova khīrabhattaṃ na bhuñjeyyāma, kiṃ mayā sakkā kātuṃ, gaccha bho, tvameva bhuñjā”ti jīvitam pariccajanto viya sāpekkho pajahati. **Gadhiti**ti gedhajāto. **Mucchiti**ti balavataṅhāya mucchito saṃmuṭṭhassatī hutvā. **Ajjhāpannoti** āmise atilaggo, “bhuñjissatha, āvuso”ti dhammanimantanamattampi akatvā mahante mahante kabaḷe karoti. **Anādīnavadassāvīti**ādīnavamattampi na passati. **Anissaraṇapaññoti** idha mattaññūtanissaraṇapaccavekkhaṇaparibhogamattampi na karoti. **Lābhasakkārasilokanikantihetūti** lābhādīsu taṅhāhetu.

61. Saṃbhakkhetīti saṃkhādāti. **Asanivicakkanti** vicakkasaṅṭhānā asaniyeva. Idaṃ vuttaṃ hoti “asanivicakkaṃ imassa dantakūṭaṃ mūlabhājādīsu na kiñci na saṃbhuñjati. Atha ca pana naṃ samaṇappavādena samaṇoti sañjānanti”ti. Evaṃ apasādeti avakkhipati. Idaṃ titthiyavasena āgataṃ. Bhikkhuvasena panettha ayaṃ yojanā, attanā dhutaṅgadharo hoti, so aññaṃ evaṃ apasādeti “kiṃ samaṇā nāma ime samaṇamhāti vadanti, dhutaṅgamattampi natthi, uddesabhattādīni pariyesantā paccayabāhullikā vicaranti”ti. **Lūkhājīvinti** acelakādivasena vā dhutaṅgavasena vā lūkhājīviṃ. **Issāmacchariyanti** parassa sakkārādisampattikhīyanalakkhaṇaṃ issaṃ, sakkārādikaraṇaakkhamanalakkhaṇaṃ macchariyañca.

62. Āpāthakanisādī hotīti manussānaṃ āpāthe dassanaṅṭhāne nisīdati. Yattha te passanti, tattha ṭhito vaggulivataṃ carati, pañcātapam tappati, ekapādena tiṭṭhāti, sūriyaṃ namassati. Sāsane pabbajitopi samādinnadhutaṅgo sabbarattim sayitvā manussānaṃ cakkhupathe tapam karoti, mahāsāyanheyeva cīvarakuṭim karoti, sūriye uggate paṭisaṃharati, manussānaṃ āgatabhāvaṃ ñatvā ghaṇḍim paharivā cīvaraṃ matthake ṭhapetvā caṅkamaṃ otarati, sammuñjanaṃ gahetvā vihāraṅgaṇaṃ sammajjati.

Attānanti attano guṇaṃ **adassayamānoti** ettha a-kāro nipātamattaṃ, dassayamānoti attho. **Idampi me tapasminti** idampi kammaṃ mameva tapasmim, paccatte vā bhummaṃ, idampi mama tapoti attho. So hi asukasmim ṭhāne acelako atthi muttācārotiādīni sutvā amhākaṃ esa tapo, amhākaṃ so antevāsikotiādīni bhaṇāti. Asukasmim vā pana ṭhāne paṃsukūliko bhikkhu atthītiādīni sutvā amhākaṃ esa tapo, amhākaṃ so antevāsikotiādīni bhaṇāti.

Kiñcidevāti kiñci vajjaṃ diṭṭhigataṃ vā. **Paṭicchannaṃ sevātīti** yathā aññe na jānanti, evaṃ sevati. **Akkhamamānaṃ āha khamatīti** aruccamānaṃyeva rucati meti vadati. Attanā kataṃ atimahantampi vajjaṃ appamattakaṃ katvā paññapeti, parena kataṃ dukkaṭamattaṃ vītikkamampi pārājikasadisam katvā dasseti. **Anuññeyyanti** anujānitabbaṃ anumoditabbaṃ.

63. Kodhano hoti upanāhīti kujjhanalakkhaṇena kodhena, veraappaṭinissaggalakkhaṇena upanāhena ca samannāgato. **Makkhī hoti paḷāsīti** paraguṇamakkhanalakkhaṇena makkhena, yugaggāhalakkhaṇena paḷāsena ca samannāgato.

Issukī hoti maccharīti parasakkārādīsu usūyanalakkhaṇāya issāya, āvāsakulābhavaṇṇadhammesu maccharāyanalakkhaṇena pañcavidhamaccherena ca samannāgato hoti. **Saṭho hoti māyāvīti** kerāṭikalakkhaṇena sāṭheyena, katappaṭicchādanalakkhaṇāya māyāya ca samannāgato hoti. **Thaddho hoti atimānīti** nissinehanikkaruṇathaddhalakkhaṇena thambhena, atikkamitvā maññanalakkhaṇena atimānena ca samannāgato hoti. **Pāpiccho hotīti** asantasambhāvanapatthanalakkhaṇāya pāpicchatāya samannāgato hoti. **Pāpikānanti** tāsāmyeva lāmakānaṃ icchānaṃ vasaṃ gato. **Micchādīṭṭhikoti** natthi dinnantiādinayappavattāya ayāthāvadiṭṭhiyā upeto. **Antaggāhikāyāti** sāyeva diṭṭhi ucchedantassa gahitattā “antaggāhikā”ti vuccati, tāya samannāgatoti attho. **Sandiṭṭhiparāmāsīti**ādīsu sayam diṭṭhi sandiṭṭhi, sandiṭṭhimeva parāmasati gahetvā vadatīti **sandiṭṭhiparāmāsī**. Ādhānaṃ vuccati daḷhaṃ suṭṭhu ṭhapitaṃ, tathā katvā gaṇhātīti **ādhānaggāhī**. Ariṭṭho viya na sakkā hoti paṭinissajjāpetunti **duppaṭinissaggi**. **Yadimeti** yadi ime.

Parisuddhapapaṭikappattakathāvaṇṇanā

64. Idha, nigrodha, tapassīti evaṃ bhagavā aññatitthiyehi gahitaladdhim tesam rakkhitam tapam sabbameva saṃkiliṭṭhanti upakkilesapāḷim dassetvā idāni parisuddhapāḷidassanattam desanamārabhanto **idha, nigrodhātī**ādīmāha. Tattha “na attamano”tiādīni vuttavipakkhavaseneva veditabbāni. Sabbavāresu ca lūkhatapassino ceva dhutaṅgadharassa ca vasena yojanā veditabbā. **Evaṃ so tasmim ṭhāne parisuddho hotīti** evaṃ so tena na attamanatā na paripuññasāṅkappabhāvasāṅkhātena kāraṇena parisuddho nirupakkilesa hoti, uttari vāyamamāno kammaṭṭhānasuddhiko hutvā arahattaṃ pāpuṇāti. Iminā nayena sabbavāresu attho veditabbo.

69. Addhā kho, bhanteti bhante evaṃ sante ekamseneva vīriyena pāpajigucchanavādo parisuddho hotīti anujānāti. Ito parañca aggabhāvaṃ vā sārabbhāvaṃ vā ajānanto **aggappattā sārappattā cāti** āha. Athassa bhagavā sārappattabhāvaṃ paṭisedhento **na kho nigrodhāti**ādīmāha. **Papaṭikappattā hotīti** sāravato rukkhassa sāraṃ phegguṃ tacañca atikkamma bahipapaṭikasadisā hotīti dasseti.

Parisuddhatacappattādikathāvaṇṇanā

70. Aggaṃ pāpetūti desanāvasena aggaṃ pāpetvā desetu, sāraṃ pāpetvā desetūti dasabalaṃ yācati. **Cātuyāmasaṃvarasaṃvutoti** catubbidhena saṃvarena pihito. **Na pānaṃ atipātetīti** pānaṃ na hanati. **Na bhāvitamāsīsati**ti bhāvitaṃ nāma tesam saññāya pañca kāmagaṇā, te na āsīsati na sevati attho.

Aduṃ cassa hotīti etañcassa idāni vuccamānaṃ “so abhiharatī”tiādilakkhaṇaṃ. **Tapassitāyāti** tapassibhāvena hoti. Tattha **so abhiharatīti** so taṃ sīlaṃ abhiharati, uparūpari vaḍḍheti. Sīlaṃ me paripuṇṇaṃ, tapo āraddho, alamettāvatāti na vīriyaṃ vissajjeti. **No hīnāyāvattati**ti hīnāya gihibhāvattāya na āvattati. Sīlato uttari visesādhigamatthāya vīriyaṃ karotiyeva, evaṃ karonto so vivittaṃ senāsaṇaṃ bhajati. “Arañña”ntiādīni sāmāññaphale (dī. ni. aṭṭha. 1.216) vitthāritāneva. “Mettāsahagatenā”tiādīni visuddhimagge vaṇṇitāni. **Tacappattāti** papaṭikato abbhantaraṃ tacamaṃ pattā. **Phegguppattāti** tacato abbhantaraṃ phegguṃ pattā, pheggusadisā hotīti attho.

74. “Ettāvata, kho nigrodha, tapojigucchā aggappattā ca hoti sārappattā cā”ti idaṃ bhagavā titthiyānaṃ vasenāha. Titthiyānañhi lābhasakkāro rukkhassa sākāpalāsasadisā. Pañcasīlamattakaṃ papaṭikasadisam. Aṭṭhasamāpattimattaṃ tacasadisam. Pubbenivāsaññāvasanā abhiññā pheggusadisā. Dibbacakkhuṃ panete arahattanti gahetvā vicaranti. Tena nesam taṃ rukkhassa sārasadisam. Sāsane pana lābhasakkāro sākāpalāsasadisā. Sīlasampadā papaṭikasadisā. Jhānasamāpattiyo tacasadisā. Lokiyābhiññā pheggusadisā. Maggaphalaṃ sāro. Iti bhagavatā attano sāsanaṃ onatavinataphalabhārabharitarukkhūpamāya upamitaṃ. So desanākusalatāya tato tacasārasampattito mama sāsanaṃ uttaritarañceva paṇītatarañca, taṃ tuvaṃ kadā jānissasīti attanodesanāya visesabhāvaṃ dassetuṃ “iti kho nigrodhā”ti desanaṃ ārabhi. **Te paribbājakāti** te tassa parivārā tiṃsasatasankhyā paribbājakā. **Ettha mayaṃ anassāmāti** ettha acelakapālīdīsu, idaṃ vuttaṃ hoti “amhākaṃ acelakapālīmattampi natthi, kuto parisuddhapāli. Amhākaṃ parisuddhapālīmattampi natthi, kuto cātuyāmasaṃvarādīni. Cātuyāmasaṃvaropi natthi, kuto araññavāsādīni. Araññavāsopi natthi, kuto nīvaraṇappahānādīni. Nīvaraṇappahānampi natthi, kuto brahmavihārādīni. Brahmavihāramattampi natthi, kuto pubbenivāsādīni. Pubbenivāsaññānamattampi natthi, kuto amhākaṃ dibbacakkhu. Ettha mayaṃ saācariyakā natthā”ti. **Ito bhiyyo uttaritaranti** ito dibbacakkhuññādhigamato bhiyyo aññaṃ uttaritaraṃ visesādhigamaṃ mayaṃ sutivasenāpi na jānāmāti vadanti.

Nigrodhassapajjhāyanavaṇṇanā

75. Atha nigrodhaṃ paribbājakanti evaṃ kirassa ahosi “ime paribbājakā idāni bhagavato bhāsitaṃ sussūsanti, iminā ca nigrodhena bhagavato parammukhā kakkhaḷaṃ durāsadavacanaṃ vuttaṃ, idāni ayampi sotukāmo jāto, kālo dāni me imassa mānaddhajaṃ nipātetvā bhagavato sāsanaṃ ukkhipitu”nti. Atha nigrodhaṃ paribbājakaṃ etadavoca. Aparampissa ahosi “ayaṃ mayi akathente sathhāraṃ na khamāpessati, tadassa anāgate ahitāya dukkhāya saṃvattissati, mayā pana kathite khamāpessati, tadassa bhavissati dīgharattaṃ hitāya sukhāya”ti. Atha nigrodhaṃ paribbājakaṃ etadavoca. **Aparisāvacaraṃ pana naṃ karothāti** ettha **panāti** nipāto, atha naṃ aparisāvacaraṃ karothāti attho. “Aparisāvacareta”ntipi pāṭho, aparisāvacaraṃ vā etaṃ karotha, gokāṇādīnaṃ vā aññataranti attho.

Gokāṇanti etthāpi gokāṇaṃ pariyantacārinim viya karothāti attho. **Tuṇhībūtoti** tuṇhībhāvaṃ upagato. **Mañkubūtoti** nittejataṃ āpanno. **Pattakkhandhoti** onatagīvo. **Adhomukhoti** heṭṭhāmukho.

76. Buddho so bhagavā bodhāyāti sayam buddho sattānampi catusaccabodhatthāya dhammaṃ deseti. **Dantoti** cakkhutopi danto...pe... manatopi danto. **Damathāyāti** aññesampi damanattāya eva, na vādattāya. **Santoti** rāgasantatāya santo, dosamohasantatāya sabba akusalasabbābhisaṅkhārasantatāya santo. **Samathāyāti** mahājanassa rāgādisamanattāya dhammaṃ deseti. **Tiṇṇoti** cattāro oghe tiṇṇo. **Taraṇāyāti** mahājanassa oghanittharaṇattāya. **Parinibbutoti** kilesaparinibbānena parinibbuto. **Parinibbānāyāti** mahājanassāpi sabbakilesaparinibbānattāya dhammaṃ deseti.

Brahmacariyapariyosānādivaṇṇanā

77. Accayotiādāni sāmāññaphale (dī. ni. aṭṭha. 1.250) vuttāni. **Ujujātikoti** kāyavaṅkādivirahito ujusabhāvo. **Ahamanusāsāmīti** ahaṃ tādisaṃ puggalaṃ anusāsāmi, dhammaṃ assa desemi. **Sattāhanti** sattadivasāni, idaṃ sabbampi bhagavā dandhapaññaṃ puggalaṃ sandhāyāha asaṭṭho pana amāyāvī ujujātikoti taṃmuhutteneva arahattaṃ pattuṃ sakkhissati. Iti bhagavā “asaṭṭha”ntiādivacanena saṭṭho hi vaṅkavaṅko, mayāpi na sakkā anusāsītunti dīpento paribbājakaṃ pādesu gahetvā mahāmerupādāta viya khipittha. Kasmā? Ayañhi atisaṭṭho, kuṭilacitto satthari evaṃ kathentepi buddhadhammasaṅghesu nādhimuccati, adhimuccanattāya sotam na odahati, kohaññe ṭhito satthāraṃ khamāpeti. Tasmā bhagavā tassajjhāsayam viditvā “etu viññū puriso asaṭṭho”tiādīmāha. Saṭṭhaṃ panāhaṃ anusāsītum na sakkomīti.

78. Antevāsikamyatāti antevāsikamyatāya, amhe antevāsike icchanto. **Evamāhāti** “etu viññūpuriso”tiādīmāha. **Yo eva vo ācariyoti** yo eva tumhākaṃ pakatiyā ācariyo. **Uddesā no cāvetukāmoti** attano anusāsaniṃ gāhāpetvā amhe amhākaṃ uddesato cāvetukāmo. **So eva vo uddeso hotūti** yo tumhākaṃ pakatiyā uddeso, so tumhākaṃyeva hotu, na mayam tumhākaṃ uddesena atthikā. **Ājīvāti** ājīvato. **Akusalasaṅkhātāti** akusalāti koṭṭhāsaṃ pattā. **Akusalā dhammāti** dvādasa akusalacittuppadadhammā taṅhāyeva vā visesena. Sā hi punabbhavakaraṇato “ponobbhavikā”ti vuttā. **Sadarathāti** kilesadarathasampayuttā. **Jātijarāmarañiyāti** jātijarāmarāṇaṃ paccayabhūtā. **Samkilesikā dhammāti** dvādasa akusalacittuppadā. **Vodāniyāti**, samathavipassanā dhammā. Te hi satte vodāpentī, tasmā “vodāniyā”ti vuccanti. **Paññāpāripūrinti** maggapaññāpāripūriṃ. **Vepullattañcāti** phalapaññāvepullataṃ, ubhopi vā etāni aññamaññavevacanāneva. Idaṃ vuttaṃ hoti “tato tumhe maggapaññāñceva phalapaññāñca dīṭṭheva dhamme sayam abhiññā sacchikatvā upasampajja viharissathā”ti. Evam bhagavā paribbājake ārabha attano ovādānusāsaniyā phalaṃ dassento arahattanikūṭena desanaṃ niṭṭhapesi.

79. Yathā taṃ mārenāti yathā mārena pariyuṭṭhitacittā nisīdanti evameva tuṅhībhūtā...pe... appaṭibhānā nisinnā.

Māro kira satthā ativiya gajjanto buddhabalaṃ dīpetvā imesaṃ paribbājakaṇaṃ dhammaṃ deseti, kadāci dhammābhisamayo bhaveyya, handāhaṃ pariyuṭṭhāmīti so tesam cittāni pariyuṭṭhāsi. Appahīnavipallāsānañhi cittaṃ māressa yathākāmakaraṇīyaṃ hoti. Tepi mārena pariyuṭṭhitacittā thaddhaṅgapaccaṅgā viya tuṅhī appaṭibhānā nisīdimṣu. Atha satthā ime paribbājakā ativiya niravā hutvā nisinnā, kiṃ nu khoti āvajjanto mārena pariyuṭṭhitabhāvaṃ aññāsi. Sace pana tesam maggaphaluppattihetu bhaveyya, māraṃ paṭibāhitvāpi bhagavā dhammaṃ deseyya, so pana tesam natthi. “Sabbepi me tucchapurisā”ti aññāsi. Tena vuttaṃ “atha kho bhagavato etadahosi sabbepi me moghapurisā”tiādi.

Tattha **phuṭṭhā pāpimatāti** pāpimatā mārena phuṭṭhā. **Yatra hi nāmāti** yesu nāma. **Aññāṇatthampīti** jānanatthampi. **Kiṃ karissati sattāhoti** samaṇena gotamena paricchinnasattāho amhākaṃ kiṃ karissati. Idaṃ vuttaṃ hoti “samaṇena gotamena ‘sayam abhiññā sacchikatvā upasampajja viharissati sattāha’nti vuttaṃ, so sattāho amhākaṃ kiṃ apphāsukaṃ karissati. Handa mayam sattāhabbhantare etaṃ dhammaṃ sacchikatvā sakkā, na sakkāti aññāṇatthampi brahmacariyam carissāmā”ti. Atha vā jānāma tāvassa dhammanti ekadivase ekavāraṃ aññāṇatthampi etesaṃ cittaṃ nuppannaṃ, sattāho pana etesaṃ kusītānaṃ kiṃ karissati, kiṃ sakkhissanti te sattāhaṃ pūretunti

ayametta adhippāyo. **Sīhanādanti** paravādabhindanaṃ sakavādasamussāpanaṅca abhītanādaṃ naditvā. **Paccupaṭṭhāsīti** patiṭṭhito. **Tāvadevāti** tasmiññeva khaṇe. **Rājagahaṃ pāvisīti** rājagahameva pavitṭho. Tesam pana paribbājakānaṃ kiñcāpi idaṃ suttantaṃ sutvā viseso na nibbatto, āyatim pana nesaṃ vāsanāya paccayo bhavissatīti. Sesam sabbattha uttānamevāti.

Sumaṅgalavilāsiniyā dīghanikāyaṭṭhakathāya

Udumbarikasuttavaṇṇanā niṭṭhitā.

3. Cakkavattisuttavaṇṇanā

Attadīpasaraṇatāvaṇṇanā

80. Evaṃ me sutanti cakkavattisuttaṃ. Tatrāyamanuttānapadavaṇṇanā – **mātulāyanti** evaṃnāmake nagare. Taṃ nagaraṃ gocaragāmaṃ katvā avidūre vanasaṅḍe viharati. “Tatra kho bhagavā bhikkhū āmantesī”ti ettha ayamanupubbikathā –

Bhagavā kira imassa suttassa samuṭṭhānasamaye paccūsakāle mahākaruṇāsamāpattiṭto vuṭṭhāya lokaṃ volokento imāya anāgatavaṃsadīpikāya suttantakathāya mātulanagaravāsīnaṃ caturāsītiyā pānasahassānaṃ dhammābhisamayaṃ disvā pātova vīsati bhikkhusahassaparivāro mātulanagaraṃ sampatto. Mātulanagaravāsīno khattiyā “bhagavā āgato”ti sutvā paccuggamma dasabalaṃ nimantevā mahāsakkārena nagaraṃ pavesevā nisajjattānaṃ saṃvidhāya bhagavantaṃ mahārahe pallaṅke nisīdāpetvā buddhappamukhassa bhikkhusaṅghassa mahādānaṃ adamsu. Bhagavā bhattakiccaṃ niṭṭhāpetvā cintesi – “sacāhaṃ imasmim ṭhāne imesaṃ manussānaṃ dhammaṃ desessāmi, ayaṃ padeso sambādho, manussānaṃ ṭhātuṃ vā nisīdituṃ vā okāso na bhavissati, mahatā kho pana samāgamena bhavitabba”nti.

Atha rājakulānaṃ bhattānumodanaṃ akatvāva pattaṃ gahetvā nagarato nikkhami. Manussā cintayimṃsu – “sattā amhākaṃ anumodanampi akatvā gacchati, addhā bhattaggaṃ amanāpaṃ ahoṣi, buddhānaṃ nāma na sakkā cittaṃ gahetuṃ, buddhehi saddhim viśāsakaraṇaṃ nāma samussitaphaṇaṃ āsīvisaṃ gīvāya gahaṇasadiṣaṃ hoti; etha bho, tathāgataṃ khamāpessāmā”ti. Sakalanagaravāsīno bhagavatā saheva nikkhantā. Bhagavā gacchantova magadhakkhette ṭhitam sākhaṃvītapasampannaṃ sandacchāyaṃ karīsamattabhūmipatthaṭaṃ ekaṃ mātularukkhaṃ disvā imasmim rukkhamūle nisīditvā dhamme desiyamāne “mahājanassa ṭhānanisajjanokāso bhavissatī”ti. Nivattitvā maggā okkamma rukkhamūlaṃ upasaṅkamitvā dhammabhaṇḍāgārikaṃ ānandattheraṃ olokesi. Thero olokitasaññāya eva “sattā nisīditukāmo”ti ṇatvā sugatamahācīvaraṃ paññāpetvā adāsi. Nisīdi bhagavā paññatte āsane. Athassa purato manussā nisīdimṃsu. Ubhosu passesu pacchato ca bhikkhusaṅgho, ākāse devatā aṭṭhaṃsu, evaṃ mahāparisamajjhagato tatra kho bhagavā bhikkhū āmantesi.

Te bhikkhūti tatra upaviṭṭhā dhammappaṭiggāhakā bhikkhū. **Attadīpāti** attānaṃ dīpaṃ tāṇaṃ leṇaṃ gatim parāyaṇaṃ patiṭṭhaṃ katvā viharathāti attho. **Attasaraṇāti** idaṃ tasseva vevacanaṃ. **Anaññasaraṇāti** idaṃ aññasaraṇapaṭikkhepavacanaṃ. Na hi añño aññaṣa saraṇaṃ hoti, aññaṣa vāyāmena aññaṣa asujjhanato. Vuttampi cetaṃ “attā hi attano nātho, ko hi nātho paro siyā”ti (dha. pa. 160). Tenāha “anaññasaraṇā”ti. Ko panettha attā nāma, lokiya lokuttaro dhammo. Tenāha – “dhammadīpā dhammasaraṇā anaññasaraṇā”ti. “Kāye kāyānupassī”tiādīni mahāsatiṭṭhāne vitthāritāni.

Gocareti carituṃ yuttaṭṭhāne. **Saketi** attano santake. **Pettike visayeti** pitito āgatavisaye. **Caratanti** carantānaṃ. “Caranta”ntipi pāṭho, ayamevattho. **Na lacchatīti** na labhissati na passissati. **Māroti** devaputtamāropi, maccumāropi, kilesamāropi. **Otāranti** randhaṃ chiddaṃ vivaraṃ. Ayaṃ panattho

leḍḍuṭṭhānato nikkhamma toraṇe nisīditvā bālātapam tapantam lāpam sakuṇam gahetvā.
Pakkhandasenasakuṇavatthunā dīpetabbo. Vuttañhetam –

“Bhūtapubbam, bhikkhave, sakuṇagghi lāpam sakuṇam sahasā ajjhappattā aggahesi. Atha kho, bhikkhave, lāpo sakuṇo sakuṇagghiyā hariyamāno evam paridevasi ‘mayamevamha alakkhikā, mayam appapuññā, ye mayam agocare carimha paravisaye, sacejja mayam gocare careyyāma sake pettike visaye, na myāyam sakuṇagghi alam abhavissa yadidaṃ yuddhāyā’ ti. Ko pana te lāpa gocarō sako pettiko visayoti? Yadidaṃ naṅgalakaṭṭhakarāṇam leḍḍuṭṭhānanti. Atha kho, bhikkhave, sakuṇagghi sake bale apatthaddhā sake bale asaṃvadamānā lāpam sakuṇam pamuñci gaccha kho tvam lāpa, tatrapī gantvā na mokkhasīti.

Atha kho, bhikkhave, lāpo sakuṇo naṅgalakaṭṭhakarāṇam leḍḍuṭṭhānam gantvā mahantam leḍḍum abhiruhitvā sakuṇagghim vadamāno aṭṭhāsi ‘ehi kho dāni me sakuṇagghi, ehi kho dāni me sakuṇagghī’ ti. Atha kho sā, bhikkhave, sakuṇagghi sake bale apatthaddhā sake bale asaṃvadamānā ubho pakkhe sannayha lāpam sakuṇam sahasā ajjhappattā. Yadā kho, bhikkhave, aññāsi lāpo sakuṇo bahuāgatā kho myāyam sakuṇagghīti, atha kho tasseva leḍḍussa antaram paccupādi. Atha kho, bhikkhave, sakuṇagghi tattheva uram paccatāḷesi. Evañhi tam, bhikkhave, hoti yo agocare carati paravisaye.

Tasmātiha, bhikkhave, mā agocare carittha paravisaye, agocare, bhikkhave, caratam paravisaye lacchati māro otāram, lacchati māro ārammaṇam. Ko ca, bhikkhave, bhikkhuno agocarō paravisayo, yadidaṃ pañca kāmagaṇā. Katame pañca? Cakkhuviññeyyā rūpā iṭṭhā kantā manāpā piyarūpā kāmūpasamhitā rajanīyā, sotaviññeyyā saddā iṭṭhā kantā manāpā piyarūpā kāmūpasamhitā rajanīyā, ghānaviññeyyā gandhā iṭṭhā kantā manāpā piyarūpā kāmūpasamhitā rajanīyā, jivhāviññeyyā rasā iṭṭhā kantā manāpā piyarūpā kāmūpasamhitā rajanīyā, kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā. Ayam, bhikkhave, bhikkhuno agocarō paravisayo.

Gocare, bhikkhave, caratha...pe... na lacchati māro ārammaṇam. Ko ca, bhikkhave, bhikkhuno gocarō sako pettiko visayo, yadidaṃ cattāro satipaṭṭhānā. Katame cattāro? Idha bhikkhave, bhikkhu kāye kāyānupassī viharati ātāpī sampajāno satimā, vineyya loke abhiññādomanassam; vedanāsu vedanānupassī viharati ātāpī sampajāno satimā, vineyya loke abhiññādomanassam; citte cittānupassī viharati ātāpī sampajāno satimā, vineyya loke abhiññādomanassam; dhammesu dhammānupassī viharati ātāpī sampajāno satimā, vineyya loke abhiññādomanassam – ayam, bhikkhave, bhikkhuno gocarō sako pettiko visayoti (sam. ni. 5.371).

Kusalānanti anavajjalakkhaṇānam. **Samādānāhetūti** samādāya vattanāhetu. **Evamidaṃ puññaṃ pavaḍḍhatīti** evam idaṃ lokiya lokuttaram puññaphalam vaḍḍhati, puññaphalanti ca uparūpari puññaṃ pi puññavipākopi veditabbo.

Daḷhanemicakkavattirājakathāvaṇṇanā

81. Tattha **duvidham kusalam** vaṭṭagāmī ca vivaṭṭagāmī ca. Tattha vaṭṭagāmikusalam nāma mātāpitūnam puttadhītasu puttadhītanāṇca mātāpitūsu sinehasena mudumaddavacittam. Vivaṭṭagāmikusalam nāma ‘cattāro satipaṭṭhānā’ tiādibhedā sattatiṃsa bodhipakkhiyadhammā. Tesu vaṭṭagāmipuññassa pariyoṣānam manussaloke cakkavattisīrivibhavo. Vivaṭṭagāmikusalassa maggaphalanibbānasampatti. Tattha vivaṭṭagāmikusalassa vipākam suttapariyoṣāne dassessati.

Idha pana vaṭṭagāmikusalassa vipākadassanattam, bhikkhave, yadā puttadhītarō mātāpitūnam ovāde na aṭṭhamṣu, tadā āyunāpi vañṇenāpi issariyenāpi parihāyimsu. Yadā pana aṭṭhamṣu, tadā

vaḍḍhimsūti vatvā vaṭṭagāmikusalānusandhivasena “bhūtapubbam, bhikkhave”ti desanam ārabhi. Tattha cakkavattītiādīni mahāpadāne (dī. ni. aṭṭha. 2.33) vitthāritāneva.

82. Osakkitanti īsakampi avasakkitaṃ. **Ṭhānā cutanti** sabbaso ṭhānā apagataṃ. Taṃ kira cakkaratanam antepuradvāre akkhāhataṃ viya vehāsam aṭṭhāsi. Athassa ubhosu passesu dve khadiratthambhe nikhaṇitvā cakkaratanamatthake nemiabhimukham ekaṃ suttakaṃ bandhimsu. Adhobhāgepi nemiabhimukham ekaṃ bandhimsu. Tesu uparimasuttato appamattakampi ogataṃ cakkaratanam osakkitaṃ nāma hoti, heṭṭhā suttassa ṭhānam uparimakoṭiyā atikkantagataṃ ṭhānā cutam nāma hoti, tadetaṃ atibalavadose sati evaṃ hoti. Suttamattampi ekaṅguladvaṅgulamattaṃ vā bhaṭṭham ṭhānā cutameva hoti. Taṃ sandhāyetaṃ vuttaṃ “osakkitaṃ ṭhānā cuta”nti.

Atha me āroceyyāsīti tāta, tvaṃ aṅga ādim katvā divasassa tikkhattuṃ cakkaratanassa upaṭṭhānam gaccha, evaṃ gacchanto yadā cakkaratanam īsakampi osakkitaṃ ṭhānā cutam passasi, atha mayham ācikkheyyāsī. Jīvitañhi me tava hatthe nikkhattanti. **Addasāti** appamatto divasassa tikkhattuṃ gantvā olokeno ekadivasam addasa.

83. Atha kho, bhikkhaveti bhikkhave, atha rājā daḥhanemi “cakkaratanam osakkita”nti sutvā uppannalavadomanasso “na dāni mayā ciraṃ jīvitaḥham bhavissati, appāvesam me āyu, na me dāni kāme paribhuñjanakālo, pabbajjākālo me idāni”ti roditvā paridevitvā jeṭṭhaputtaṃ kumāram āmantāpetvā etadavoca. **Samuddapariyantanti** parikkhittaekasamuddapariyantameva. Idam hissa kulasantakaṃ. Cakkavāḷapariyantaṃ pana puññiddhivasena nibbattaṃ, na taṃ sakkā dātuṃ. Kulasantakaṃ pana niyyātentō “samuddapariyanta”nti āha. **Kesamassunti** tāpasapabbajjam pabbajantāpi hi paṭhamam kesamassam ohārenti. Tato paṭṭhāya parūlhakese bandhitvā vicaranti. Tena vuttaṃ – “kesamassam ohāretvā”ti.

Kāsāyānti kasāyarasapītāni. Ādito evaṃ katvā pacchā vakkalānipi dhārenti. **Pabbajīti** pabbajito. Pabbajitvā ca attano maṅgalavanuyyāneyeva vasi. **Rājisimhīti** rājāsīmhi. Brāhmaṇapabbajitā hi “brāhmaṇisayo”ti vuccanti. Setacchattaṃ pana pahāya rājapabbajitā rājisayoti. **Antaradhāyīti** antarahitaṃ nibbutadīpasikhā viya abhāvam upagataṃ. **Paṭisamvedesīti** kandanto paridevanto jānāpesi. **Pettikanti** pitito āgataṃ dāyajjam na hoti, na sakkā kusītena hīnavīriyena dasa akusalakammapathe samādāya vattantena pāpuṇiṃ. Attano pana sukataṃ kammaṃ nissāya dasavidham dvādasavidham vā cakkavattivattaṃ pūrentenevetam pattabbanti dīpeti. Atha nam vattapaṭipattiyam codento “iṅgha tva”ntiādīmāha. Tattha **ariyeti** niddose. **Cakkavattivatteti** cakkavattīnam vatte.

Cakkavattiarivyavattavaṇṇanā

84. Dhammanti dasakusalakammapatthadhammam. **Nissāyāti** tadadhiṭṭhānena cetasā tameva nissayam katvā. **Dhammam sakkarontoti** yathā kato so dhammo suṭṭhu kato hoti, evametaṃ karonto. **Dhammam garum karontoti** tasmim gāravupattiyā taṃ garum karonto. **Dhammam mānentoti** tameva dhammam piyañca bhāvanīyañca katvā viharanto. **Dhammam pūjentoti** taṃ apadisitvā gandhamālādīpūjanenassa pūjam karonto. **Dhammam apacayamānoti** tasseva dhammassa añjalikaraṇādīhi nīcavuttitaṃ karonto. **Dhammaddhajo dhammaketūti** taṃ dhammam dhajamiva purakkhatvā ketumiva ca ukkhipitvā pavattiyā dhammaddhajo dhammaketu ca hutvāti attho. **Dhammādhipeyyoti** dhammādhipeyyoti āgatabhāvena dhammavaseneva sabbakiriyānam karaṇena dhammādhipeyyo hutvā. **Dhammikam rakkhāvaraṇaguttiṃ samvidahassūti** dhammo assā atthīti dhammikā, rakkhā ca āvaraṇaṅca gutti ca rakkhāvaraṇagutti. Tattha “param rakkhanto attānam rakkhati”ti (sam. ni. 5.385) vacanato khantiādayo rakkhā. Vuttañhetam “kathañca, bhikkhave, param rakkhanto attānam rakkhati. Khantiyā avihiṃsāya mettacittatā anuddayatā”ti (sam. ni. 5.385). Nivāsanapārupanagehādīnam nivāraṇā āvaraṇam, corādiupaddavanivāraṇattham gopāyanā gutti, taṃ sabbampi suṭṭhu samvidahassu pavattaya ṭhapehīti attho. Idāni yattha sā samvidahitabbā, taṃ dassento **antojanasminti**ādīmāha.

Tatrāyaṃ saṅkhepattho – antojanasāṅkhātaṃ tava puttadāraṃ sīlasaṃvare paṭiṭṭhapehi, vatthagandhamālādīni cassa dehi, sabbopaddave cassa nivārehi. **Balakāyā**dīsupi eseva nayo. Ayaṃ pana viseso – balakāyo kālaṃ anatikkamitvā bhattavetasampadānenapi anuggahetabbo. Abhisittakhattiyā bhadrassājāneyyādiratanasampadānenapi upasaṅgaṇhitabbā. Anuyantakhattiyā tesam anurūpayānavāhanasampadānenapi paritoseṭabbā. Brāhmaṇā annapānavatthādīnā deyyadhammena. Gahapatikā bhattabījānaṅgalaphālalibaddādisampadānena. Tathā nigamavāsino negamā, janapadavāsino ca jānapadā. Samitapāpabāhitapāpā samaṇabrāhmaṇā samaṇaparikkhārasampadānena sakkāṭabbā. Migapakkhino abhayadānena samassāsetabbā.

Vijiteti attano āṇāpavattiṭṭhāne. **Adhammakāro**ti adhammakiriyā. **Mā pavattitthā**ti yathā nappavattati, tathā naṃ paṭipādehīti attho. **Samaṇabrāhmaṇā**ti samitapāpabāhitapāpā. **Madappamādā paṭiviratā**ti navavidhā mānamadā, pañcasu kāmagaṇesu cittavossajjanasāṅkhātā pamādā ca paṭiviratā. **Khantisoracce nivittiṭṭhā**ti adhivāsanaṅkantiyaṅca suratabhāve ca paṭiṭṭhitā. **Ekamattānanti** attano rāgādīnaṃ damanādīhi ekamattānaṃ damenti samenti parinibbāpentīti vuccanti. **Kālena kālanti** kāle kāle. **Abhinivajjeyyāsī**ti gūthaṃ viya viya viya aggim viya ca suṭṭhu vajjeyyāsī. **Samādāyā**ti surabhikusumadāmaṃ viya amataṃ viya ca sammā ādāya pavatteyyāsī.

Idha ṭhatvā vattaṃ samānetabbaṃ. Antojanasmiṃ balakāyepi ekaṃ, khattiyesu ekaṃ, anuyantesu ekaṃ, brāhmaṇagahapatikesu ekaṃ, negamājānapadesu ekaṃ, samaṇabrāhmaṇesu ekaṃ, migapakkhīsu ekaṃ, adhammakārappaṭikkhepo ekaṃ, adhanānaṃ dhanānuppādānaṃ ekaṃ samaṇabrāhmaṇe upasaṅkamitvā pañhapucchanaṃ ekanti evametaṃ dasavidhaṃ hoti. Gahapatike pana pakkhiyāte ca viṣuṃ katvā gaṇentassa dvādasavidhaṃ hoti. Pubbe avuttaṃ vā gaṇentena adhammārāgassa ca viṣamalobhassa ca pahānavasena dvādasavidhaṃ vedittabbaṃ. **Idaṃ kho tāta tanti** idaṃ dasavidhaṃ dvādasavidhaṅca ariyacakkavattivattaṃ nāma. **Vattamānassā**ti pūretvā vattamānassa. **Tadahuposatheti**ādi mahāsudassane vuttaṃ.

90. Samatenāti attano matiyā. **Sudanti** nipātamattaṃ. **Pasāsā**ti anusāsati. Idaṃ vuttaṃ hoti – porāṇakaṃ rājavamsaṃ rājapaveṇiṃ rājadhammaṃ pahāya attano matimatte ṭhatvā janapadaṃ anusāsāti. Evamayaṃ maghadevavamsassa kaḷārajanako viya daḷhanemivamsassa upacchedako antimapuriso hutvā uppanno. **Pubbenāparanti** pubbakālena sadisā hutvā aparakālaṃ. **Janapadā na pabbantī**ti na vaḍḍhanti. **Yathā taṃ pubbakānanti** yathā pubbakānaṃ rājūnaṃ pubbe ca pacchā ca sadisāyeva hutvā pabbimṣu, tathā na pabbanti. Katthaci suññā honti hataviluttā, telamadhuphāṇitādīsū ceva yāgubhattādīsū ca oḷāpi parihāyitthāti attho.

Amaccā pārisajjāti amaccā ceva parisāvacaṛā ca. **Gaṇakamahāmattā**ti acchiddakādipāṭhagaṇakā ceva mahāamaccā ca. **Anīkaṭṭhā**ti hatthiācariyādayo. **Dovārikā**ti dvārarakkhino. **Mantassājīvinoti** mantā vuccati paññā, taṃ nissayaṃ katvā ye jīvanti paṇḍitā mahāmattā, tesam etaṃ nāmaṃ.

Āyuvaṇṇādiparihānikathāvaṇṇanā

91. No ca kho adhanānanti balavalobhattā pana adhanānaṃ daliddamanussānaṃ dhanāṃ nānuppādāsi. **Nānuppadiyamāneti** ananuppadiyamāne, ayameva vā pāṭho. **Daliddiyanti** daliddabhāvo. **Attanā ca jīvāhī**ti sayaṅca jīvaṃ yāpehīti attho. **Uddhaggikanti**ādīsū uparūparibhūmīsū phaladānavasena uddhamaggamassāti uddhaggikā. Saggassa hitā tatrūpapattijānanatoti sovaggikā. Nibbattaṭṭhāne sukho vipāko assāti sukhavipākā. Suṭṭhu aggānaṃ dibbavaṇṇādīnaṃ dasannaṃ viṣeṣānaṃ nibbattanato saggasaṃvattanikā. Evarūpaṃ dakkhiṇaṃ dānaṃ paṭiṭṭhāpetīti attho.

92. Pavaddhissatīti vaḍḍhissati bahuṃ bhavissati. **Sunisedhaṃ nisedheyanti** suṭṭhu nisiddhaṃ nisedheyyaṃ. **Mūlaghaccanti** mūlahataṃ. **Kharassarenā**ti pharusasaddena. **Paṇavenā**ti vajjhabheriyā.

93. Sīsāni nesaṃ chindissāmāti yesaṃ antamaso mūlakamuṭṭhimpī harissāma, tesam tatheva

sīsāni chindissāma, yathā koci haṭabhāvampi na jānissati, amhākaṃ dāni kimettha rājāpi evaṃ uṭṭhāya paraṃ māretīti ayaṃ nesam adhippāyo. **Upakkamimsūti** ārabhimsu. **Panthaduhananti** panthaghātaṃ, panthe ṭhatvā corakammaṃ.

94. Na hi, devāti so kira cintesi – “ayaṃ rājā saccam devāti mukhapaṭiññāya dinnāya mārāpeti, handāham musāvādam karomī”ti, maraṇabhayā “na hi devā”ti avoca.

96. Ekidanti ettha **idanti** nipātamattaṃ, eke sattāti attho. **Cārittanti** micchācāraṃ. **Abhijjhābyāpādāti** abhijjhā ca byāpādo ca. **Micchādittḥīti** natthi dinnantiādikā antaggāhikā paccanīkadiṭṭhi.

101. Adhammarāgoti mātā mātucchā pitucchā mātulanītiādike ayuttaṭṭhāne rāgo. **Visamalobhoti** paribhogayuttesupi ṭhānesu atibalavalobho. **Micchādhammoti** purisānaṃ purisesu itthīnañca itthīsu chandarāgo.

Amatteyyatītiādīsu mātu hito matteyyo, tassa bhāvo matteyyatā, mātari sammā paṭipattiyā etaṃ nāmaṃ. Tassā abhāvo ceva tappaṭipakkhatā ca amatteyyatā. **Apetteyyatā**disupi eseva nayo. **Na kule jeṭṭhāpacāyitāti** kule jeṭṭhānaṃ apacitiyā nīcavuttiyā akaraṇabhāvo.

Dasavassāyukasamayavaṇṇanā

103. Yaṃ imesanti yasmiṃ samaye imesaṃ. **Alampateyyāti** patino dātum yuttā. **Imāni rasānīti** imāni loke aggarasāni. **Atibyādippissantīti** ativiya dippissantī, ayameva vā pāṭho. **Kusalantipi na bhavissatīti** kusalanti nāmampi na bhavissati, paññattimattampi na paññāyissatīti attho. **Pujjā ca bhavissantīti pāsamsā cāti** pūjārahā ca bhavissantī pasamsārahā ca. Tadā kira manussā “asukena nāma mātā pahatā, pitā pahato, samaṇabrāhmaṇā jīvitā voropitā, kule jeṭṭhānaṃ atthibhāvampi na jānāti, aho puriso”ti tameva pūjessanti ceva pasamsissantī ca.

Na bhavissati mātāti vāti ayaṃ mayhaṃ mātāti garucittaṃ na bhavissati. Gehe mātugāmaṃ viya nānāvidhaṃ asabbhikathaṃ kathayamānā agāravupacārena upasaṅkamissantī. **Mātucchādīsupi** eseva nayo. Ettha ca **mātucchāti** mātubhaginī. **Mātulanīti** mātulabhariyā. **Ācariyabhariyāti** sippāyatanāni sikkhāpakassa ācariyassa bhariyā. **Garūnaṃ dārāti** cūlapitumahāpituādīnaṃ bhariyā. **Sambhedanti** missībhāvaṃ, mariyādabhedam vā.

Tibbo āghāto paccupaṭṭhito bhavissatīti balavakopo punappunaṃ uppattivāsena paccupaṭṭhito bhavissati. Aparāni dve etasseva vevacanāni. Kopo hi cittaṃ āghātetīti **āghāto**. Attano ca parassa ca hitasukhaṃ byāpādetīti **byāpādo**. Manopadūsanato **manopadosoti** vuccati. **Tibbaṃ vadhakacittanti** piyamānassāpi paraṃ mārānatthāya vadhakacittaṃ. Tassa vatthum dassetum **mātupi puttamhīti**adi vuttaṃ. **Māgavikassāti** migaluddakassa.

104. Sathantarakappoti sathena antarakappo. Saṃvaṭṭakappaṃ appatvā antarāva lokavināso. Antarakappo ca nāmesa dubbhikkhantarakappo rogantarakappo sathantarakappoti tividho. Tattha lobhussadāya pajāya dubbhikkhantarakappo hoti. Mohussadāya rogantarakappo. Dosussadāya sathantarakappo. Tattha dubbhikkhantarakappena naṭṭhā yebhuyyena pettivisaye upapajjanti. Kasmā? Āhāranikantiyā balavattā. Rogantarakappena naṭṭhā yebhuyyena sagge nibbattanti kasmā? Tesañhi “aho vataññesaṃ sattānaṃ evarūpo rogo na bhaveyyā”ti mettacittaṃ uppajjatīti. Sathantarakappena naṭṭhā yebhuyyena niraye upapajjanti. Kasmā? Aññamaññaṃ balavāghātāya.

Migasaññanti “ayaṃ migo, ayaṃ migo”ti saññaṃ. **Tiṇhāni satthāni hatthesu pātubhavissantīti** tesam kira hatthena phuṭṭhamattaṃ yaṃkiñci antamaso tiṇapaṇṇaṃ upādāya āvudhameva bhavissati. **Mā ca mayaṃ kañcīti** mayaṃ kañci ekapurisampi jīvitā mā voropayimha. **Mā ca amhe kocīti** amhepi

koci ekapuriso jīvitā mā voropayittha. **Yaṃnūna mayanti** ayaṃ lokavināso paccupaṭṭhito, na sakkā dvīhi ekaṭṭhāne thitehi jīvitam laddhanti maññamānā evaṃ cintayimsu. **Vanagahananti** vanasaṅkhātehi tiṇagumbalatādīhi gahanam duppavesatṭhānam. **Rukkhagahananti** rukkhehi gahanam duppavesatṭhānam. **Nadīvidugganti** nadīnam antaradīpādīsu duggamanaṭṭhānam. **Pabbatavisamanti** pabbatehi visamam, pabbatesupi vā visamaṭṭhānam. **Sabhāgāyissanti** yathā aham jīvāmi diṭṭhā bho sattā, tvampi tathā jīvasīti evaṃ sammodanakathāya attanā sabhāge karissanti.

Āyuvaṇṇādivaḍḍhanakathāvaṇṇanā

105. Āyatanti mahantaṃ. **Pāṇātipātā virameyyāmāti** pāṇātipātato osakkeyyāma. Pāṇātipātam virameyyāmātipi sājñhāyanti, tattha pāṇātipātam pajaheyyāmāti attho. **Vīsativassāyukāti** mātāpitāro pāṇātipātā paṭiviratā, puttā kasmā vīsativassāyukā ahesunti khettavisuddhiyā. Tesañhi mātāpitāro sīlavanto jātā. Iti sīlagabbhe vaḍḍhitattā imāya khettavisuddhiyā dīghāyukā ahesum. Ye panettha kālam katvā tattheva nibbattā, te attanova sīlasampattiyā dīghāyukā ahesum.

Assāmāti bhaveyyāma. **Cattārīsavassāyukāti**ādayo koṭṭhāsā adinnādānādīhi paṭiviratānam vasena veditabbā.

Saṅkharājauppattivaṇṇanā

106. Icchāti mayham bhattam dethāti evaṃ uppajjanakataṇhā. **Anasananti** na asanam avipphārikabhāvo kāyālasīyam, bhattam bhuttānam bhattasammadapaccayā nipajjitukāmatājanako kāyadubbalabhāvoti attho. **Jarāti** pākatajarā. **Kukkuṭasampātikāti** ekagāmassa chadanapiṭṭhato uppatitvā itaragāmassa chadanapiṭṭhe patanasāṅkhāto kukkuṭasampāto. Etāsu atthīti kukkuṭasampātikā. “Kukkuṭasampādikā”tipi pāṭho, gāmantarato gāmantaram kukkuṭānam padasā gamanasāṅkhāto kukkuṭasampādo etāsu atthīti attho. Ubhayampetaṃ ghananivāsataṃyeva dīpeti. **Avīci maññe puṭo bhavissati** avīcimahānirayo viya nirantarapūrito bhavissati.

107. “Asītivassasahassāyukesu, bhikkhave, manussesu **metteyyo** nāma bhagavā loke uppajjissati”ti na vaḍḍhamānakavasena vuttaṃ. Na hi buddhā vaḍḍhamāne āyumi nibbattanti, hāyamāne pana nibbattanti. Tasmā yadā taṃ āyu vaḍḍhitvā asaṅkheyyataṃ patvā puna hāyamānam asītivassasahassakāle ṭhassati, tadā uppajjissati attho. **Pariharissati**ti idaṃ pana parivāretvā vicarantānam vasena vuttaṃ. **Yūpoti** pāsādo. **Raṇṇā mahāpanādena kārāpitoti** raṇṇā hetubhūtena tassatthāya sakkena devarājena vissakammadevaputtaṃ pesetvā kārāpito. Pubbe kira dve pitāputtā naḷakārā paccekabuddhassa naḷehi ca udumbarehi ca paṇṇasālam kārāpetvā taṃ tattha vāsāpetvā catūhi paccayehi upaṭṭhahimsu. Te kalam katvā devaloke nibbattā. Tesu pitā devalokeyeva aṭṭhāsi. Putto devalokā cavitvā surucissa raṇṇo deviyā sumedhāya kucchimim nibbatto. Mahāpanādo nāma kumāro ahoṣi. So aparabhāge chattaṃ ussāpetvā mahāpanādo nāma rājā jāto. Athassa puññānubhāvena sakko devarājā vissakammadevaputtaṃ raṇṇo pāsādam karohīti paṇiṇi so tassa pāsādam nimmini pañcavīsatiyojanubbedham sattaratanamayam satabhūmakam. Yam sandhāya jātake vuttaṃ –

“Panādo nāma so rājā, yassa yūpo suvaṇṇayo;
Tiriyaṃ soḷasubbedho, uddhamāhu sahasadhā.

Sahassakaṇḍo satageṇḍu, dhajālu haritāmayo;
Anaccum tattha gandhabbā, cha sahasāni sattadhā.

Evametaṃ tadā āsi, yathā bhāsasi bhaddaji;
Sakko aham tadā āsim, veyyāvaccakaro tavā”ti. (jā. 5.3.42);

So rājā tattha yāvatāyukam vasitvā kalam katvā devaloke nibbatti. Tasmim devaloke nibbatte so

pāsādo mahāgaṅgāya anusotaṃ pati. Tassa dhurasopānasammukhaṭṭhāne payāgapatiṭṭhānaṃ nāma nagaraṃ māpitaṃ. Thupikāsammukhaṭṭhāne koṭigāmo nāma. Aparabhāge amhākaṃ bhagavato kāle so naḷakāradepaputto devalokato cavitvā manussapathe bhaddajiseṭṭhi nāma hutvā satthu santike pabbajitvā arahattaṃ pāpuṇi. So nāvāya gaṅgāraṇadivase bhikkhusaṅghassa taṃ pāsādaṃ dassetīti vatthu vitthāretabbaṃ. Kasmā panesa pāsādo na antarahitoti? Itarassa ānubhāvā. Tena saddhiṃ puññaṃ katvā devaloke nibbattakulaputto anāgate saṅkho nāma rājā bhavissati. Tassa paribhogatthāya so pāsādo uṭṭhahissati, tasmā na antarahitoti.

108. Ussāpetvāti taṃ pāsādaṃ uṭṭhāpetvā. **Ajjhāvasitvāti** tattha vasitvā. **Taṃ datvā vissajjitvāti** taṃ pāsādaṃ dānavasena datvā nirapekkho pariccāgavasena ca vissajjitvā. Kassa ca evaṃ datvāti? Samaṇādīnaṃ. Tenāha – “samaṇabrāhmaṇakapaṇaddhikavanibbakayācakānaṃ dānaṃ datvā”ti. Kathaṃ pana so ekaṃ pāsādaṃ bahūnaṃ dassatīti? Evaṃ kirassa cittaṃ uppajjissati “ayaṃ pāsādo vippakiriyatū”ti. So khaṇḍakhaṇḍaso vippakirissati. So taṃ alaggamānova hutvā “yo yattakaṃ icchati, so tattakaṃ gaṇhatū”ti dānavasena vissajjissati. Tena vuttaṃ – “dānaṃ datvā metteyyassa bhagavato... pe... viharissati”ti. Ettakena bhagavā vaṭṭagāmikusalassa anusandhiṃ dasseti.

109. Idāni vivaṭṭagāmikusalassa anusandhiṃ dassento puna **attadīpā, bhikkhave, viharathāti**ādīmāha.

Bhikkhuno āyuvaṇṇādivaḍḍhanakathāvaṇṇanā

110. Idaṃ kho, bhikkhave, bhikkhuno āyusminti bhikkhave yaṃ vo ahaṃ āyunāpi vaḍḍhissathāti avocaṃ, tattha idaṃ bhikkhuno āyusmiṃ idaṃ āyukāraṇanti attho. Tasmā tumhehi āyunā vaḍḍhitukāmehi ime cattāro iddhipādā bhāvetabbāti dasseti.

Vaṇṇasminti yaṃ vo ahaṃ vaṇṇenapi vaḍḍhissathāti avocaṃ, idaṃ tattha vaṇṇakāraṇaṃ. Sīlavato hi avipphaṭṭisārādīnaṃ vasena sarīravaṇṇopi kittivasena guṇavaṇṇopi vaḍḍhati. Tasmā tumhehi vaṇṇena vaḍḍhitukāmehi sīlasampannehi bhavitabbanti dasseti.

Sukhasminti yaṃ vo ahaṃ sukhenapi vaḍḍhissathāti avocaṃ, idaṃ tattha vivekajaṃ pītisukhādīnānappakāraṃ jhānasukhaṃ. Tasmā tumhehi sukheṇa vaḍḍhitukāmehi imāni cattāri jhānāni bhāvetabbāni.

Bhogasminti yaṃ vo ahaṃ bhogenapi vaḍḍhissathāti avocaṃ, ayaṃ so appamāṇānaṃ sattānaṃ appaṭikūlatāvaho sukhasayanādi ekādasānisamaṃso sabbadisāvippahāritabrahmavihārabhogo. Tasmā tumhehi bhogena vaḍḍhitukāmehi ime brahmavihārā bhāvetabbā.

Balasminti yaṃ vo ahaṃ balenapi vaḍḍhissathāti avocaṃ, idaṃ āsavakkhayapariyosāne uppannaṃ arahattaphalasaṅkhātaṃ balaṃ. Tasmā tumhehi balena vaḍḍhitukāmehi arahattappattiyā yogo karaṇīyo.

Yathayidaṃ, bhikkhave, mārabalanti yathā idaṃ devaputtamāramaccumāraḷesamārānaṃ balaṃ duppasahaṃ durabhisambhavaṃ, evaṃ aññaṃ loke ekabalampi na samanupassāmi. Tampi balaṃ idameva arahattaphalaṃ pasahati abhibhavati ajjhottharati. Tasmā ettheva yogo karaṇīyoti dasseti.

Evamidaṃ puññanti evaṃ idaṃ lokuttarapuññaṃpi yāva āsavakkhayā pavaḍḍhatīti vivaṭṭagāmikusalānusandhiṃ niṭṭhapento arahattanikūṭeṇa desanaṃ niṭṭhapesi. Suttapariyosāne vīsati bhikkhusahassāni arahattaṃ pāpuṇiṃsu. Caturāsīti pāṇasahassāni amatapānaṃ pivimiṃsūti.

Sumaṅgalavilāsiniyā dīghanikāyaṭṭhakathāya

Cakkavattisuttavaṇṇanā niṭṭhitā.

4. Aggaññasuttavaṇṇanā

Vāseṭṭhabhāradvājavaṇṇanā

111. Evaṃ me sutanti aggaññasuttam. Tatrāyamanuttānapadavaṇṇanā – **pubbārāme migāramātupāsādeti** ettha ayaṃ anupubbikathā. Atīte satasahassakappamatthake ekā upāsikā padumuttaraṃ bhagavantaṃ nimantetvā buddhappamukhassa bhikkhusatasahassassa dānaṃ datvā bhagavato pādamūle nipajjitvā “anāgate tumhādisassa buddhassa aggupaṭṭhāyikā homī”ti patthanam akāsi. Sā kappasatasahassam devesu ceva manussesu ca saṃsaritvā amhākaṃ bhagavato kāle bhaddiyanagare meṇḍakaseṭṭhiputtassa dhanañcayaseṭṭhino gehe sumanadeviyā kucchimhi paṭisandhim gaṇhi. Jātakāle tassā visākhāti nāmaṃ akaṃsu. Sā yadā bhagavā bhaddiyanagaraṃ āgamāsi, tadā pañcadāsisatehi saddhim bhagavato paccuggamaṃ katvā paṭhamadassanamhiyeva sotāpannā ahoṣi.

Aparabhāge sāvattiyam migāraseṭṭhiputtassa puṇṇavaḍḍhanakumārassa geham gatā. Tattha nam migāraseṭṭhi mātuṭṭhāne ṭhapesi. Tasmā migāramātāti vuccati. Patikulam gacchantiyā cassā pitā mahālatāpiḷandhanam nāma kārāpesi. Tasmim piḷandhane catasso vajiranāliyo upayogaṃ agamaṃsu, muttānam ekādasa nāliyo, pavāḷassa dvāvīsati nāliyo, mañīnam tettiṃsa nāliyo. Iti etehi ca aññehi ca sattahi ratanehi niṭṭhānam agamāsi. Tam sīse paṭimukkaṃ yāva pādapiṭṭhiyā bhassati. Pañcannam hatthīnam balaṃ dhārayamānāva nam itthī dhāretum sakkoti. Sā aparabhāge dasabalassa aggupaṭṭhāyikā hutvā tam pasādhanam vissajjetvā navahi koṭṭhi bhagavato vihāram kārayamānā karīsamatte bhūmibhāge pāsādam kāresi. Tassa uparibhūmiyam pañca gabbhasatāni hontī, heṭṭhimabhūmiyam pañcāti gabbhasahassappaṭimaṇḍito ahoṣi. Sā “suddhapāsādova na sobhatī”ti tam parivāretvā pañca duvaḍḍhagehasatāni, pañca cūlapāsādasatāni, pañca dīghasālasatāni ca kārāpesi. Vihāramaho catūhi māsehi niṭṭhānam agamāsi.

Mātugāmattabhāve ṭhitāya visākhāya viya aññissā buddhasāsane dhanapariccāgo nāma natthi, purisattabhāve ṭhitassa anāthapiṇḍikassa viya aññassāti. So hi catupaṇṇāsakoṭiyo vissajjetvā sāvattiyā dakkhiṇabhāge anurādhapurassa mahāvihārasadise ṭhāne jetavanamahāvihāram nāma kāresi. Visākhā sāvattiyā pācīnabhāge uttaradeviyā vihārasadise ṭhāne pubbārāmaṃ nāma kāresi. Bhagavā imesaṃ dvinnam kulānam anukampāya sāvattim nissāya viharanto imesu dvīsu vihāresu nibaddhavāsam vasi. Ekaṃ antovassaṃ jetavane vasati, ekaṃ pubbārāme. Tasmim samaye pana bhagavā pubbārāme viharati. Tena vuttam “pubbārāme migāramātupāsāde”ti.

Vāseṭṭhabhāradvājāti vāseṭṭho ca sāmaṇero bhāradvājo ca. **Bhikkhūsu parivasantīti** te neva tīthiyaparivāsam vasanti, na āpattiparivāsam. Aparipuṇṇavassattā pana bhikkhubhāvaṃ patthayamānā vasanti. Tenevāha “bhikkhubhāvaṃ ākaṅkhamānā”ti. Ubhopi hete udiccabrāhmaṇamahāsālakule nibbattā, cattālīsa cattālīsa koṭivibhavā tiṇṇam vedānam pāragū majjhimanikāye **vāseṭṭhasuttam** sutvā saraṇam gatā, **tevijjasuttam** sutvā pabbajitvā imasmim kāle bhikkhubhāvaṃ ākaṅkhamānā parivasanti. **Abbhokāse caṅkamati**ti uttaradakkhiṇena āyatassa pāsādassa puratthimadisābhāge pāsādacchāyāyam yantarajjūhi ākaḍḍhiyamānam ratanasatubbedham suvaṇṇaagghikaṃ viya anilapathe vidhāvantihi chabbaṇṇāhi buddharasmīhi sobhamāno aparāparaṃ caṅkamati.

113. Anucaṅkamimsūti añjalim paggayha onatasarīrā hutvā anuvattamānā caṅkamimsu. **Vāseṭṭham āmantesīti** so tesam paṇḍitaro gahetabbaṃ vissajjetabbaṃ jānāti, tasmā tam āmantesi. **Tumhe khvatthāti** tumhe kho attha. **Brāhmaṇajaccāti**, brāhmaṇajātikā. **Brāhmaṇakulīnāti** brāhmaṇesu kulīnā kulasampannā. **Brāhmaṇakulāti** brāhmaṇakulato, bhogādīsampannam brāhmaṇakulam pahāyāti attho. **Na akkosantīti** dasavidhena akkosavatthunā na akkosanti. **Na paribhāsantīti** nānāvīdhāya paribhāvakathāya na paribhāsantīti attho. Iti bhagavā “brāhmaṇā ime sāmaṇere akkosanti paribhāsantī”ti jānamānova pucchati. Kasmā? Ime mayā apucchitā paṭhamataram na kathessanti, akathite kathā na samuṭṭhātīti kathāsamuṭṭhāpanatthāya. **Tagghāti** ekaṃsavacane nipāto,

ekamseneva no, bhante, brāhmaṇā akkosanti paribhāsantīti vuttaṃ hoti. **Attarūpāyāti** attano anurūpāya. **Paripuṇṇāyāti** yathāruci padabyañjanāni āropetvā āropetvā paripūritāya. **No aparipuṇṇāyāti** antarā aṭṭhapitāya niran taraṃ pavattāya.

Kasmā pana brāhmaṇā ime sāmaṇere akkosantīti? Appatiṭṭhatāya. Ime hi sāmaṇerā aggabrahmaṇānaṃ puttā tiṇṇaṃ vedānaṃ pāragū jambudīpe brāhmaṇānaṃ antare pākāṭā sambhāvitā tesam pabbajitattā aññe brāhmaṇaputtā pabbajimsu. Atha kho brāhmaṇā “apatiṭṭhā mayam jāta” ti imāya appatiṭṭhatāya gāmadvārepi antogāmepe te disvā “tumhehi brāhmaṇasamayo bhinno, muṇḍasamaṇakassa pacchato pacchato rasagiddhā hutvā vicarathā” tiādīni ceva pāliyaṃ āgatāni “brāhmaṇova seṭṭho vaṇṇo” tiādīni ca vatvā akkosanti. Sāmaṇerā tesu akkosantesupi kopam vā āghātaṃ vā akatvā kevalaṃ bhagavatā puṭṭhā “taggha no, bhante, brāhmaṇā akkosanti paribhāsanti” ti ārocesuṃ. Atha ne bhagavā akkosanākāraṃ pucchanto **yathā kathaṃ pana voti** pucchati. Te ācikkhantā **brāhmaṇā bhanteti**ādīmāhaṃsu.

Tattha **seṭṭho vaṇṇoti** jātigottādīnaṃ paññāpanaṭṭhāne brāhmaṇova seṭṭhoti dassenti. **Hīnā aññe vaṇṇāti** itare tayo vaṇṇā hīnā lāmakāti vadanti. **Sukkoti** paṇḍaro. **Kaṇhoti** kālako. **Sujjhantīti** jātigottādīnaṃ paññāpanaṭṭhāne sujjhanti. **Brahmuno puttāti** mahābrahmuno puttā. **Orasā mukhato jātāti** ure vasitvā mukhato nikkhantā, ure katvā saṃvaḍḍhitāti vā orasā. **Brahmajāti** brahmato nibbattā. **Brahmanimmitāti** brahmunā nimmitā. **Brahmadāyādāti** brahmuno dāyādā. **Hīnamattha vaṇṇaṃ ajjhupagatāti** hīnaṃ vaṇṇaṃ ajjhupagatā attha. **Muṇḍake samaṇaketi** nindantā jigucchantā vadanti, na muṇḍakamattañceva samaṇamattañca sandhāya. **Ibbheti** gahapatike. **Kaṇheti** kālake. **Bandhūti** mārassa bandhubhūte mārappakkhike. **Pādāpacce**ti mahābrahmuno pādānaṃ apaccabhūte pādato jāteti adhippāyo.

114. “Taggha vo, vāseṭṭha, brāhmaṇā porāṇaṃ assarantā evamāhaṃsū” ti ettha **voti** nipātamattaṃ, sāmivacanaṃ vā, tumhākaṃ brāhmaṇāti attho. **Porāṇanti** porāṇakaṃ aggaññaṃ lokuppatticariyavaṃsaṃ. **Assarantāti** assaramānā. Idaṃ vuttaṃ hoti, ekamsena vo, vāseṭṭha, brāhmaṇā porāṇaṃ lokuppattiṃ ananussarantā ajānantā evaṃ vadantīti. “Dissanti kho panā” ti evamādi tesam laddhibhindanattāya vuttaṃ. Tattha **brāhmaṇiyoti** brāhmaṇānaṃ puttappaṭilābhatthāya āvāhavivāhasena kulaṃ ānītā brāhmaṇiyo dissanti. Tā kho panetā aparena samayena utuniyopi honti, sañjātapupphāti attho. **Gabbhiniyoti** sañjātagabbhā. **Vijāyamānāti** puttadhītarō janayamānā. **Pāyamānāti** dārake thaññaṃ pāyantiyo. **Yonijāva samānāti** brāhmaṇīnaṃ passāvamaggena jātā samānā. **Evamāhaṃsūti** evaṃ vadanti. Kathaṃ? “Brāhmaṇova seṭṭho vaṇṇo...pe... brahmadāyādā” ti. Yadi pana nesaṃ taṃ saccavacanaṃ siyā, brāhmaṇīnaṃ kucchi mahābrahmassa uro bhaveyya, brāhmaṇīnaṃ passāvamaggo mahābrahmuno mukhaṃ bhaveyya, na kho panetaṃ evaṃ daṭṭhabbaṃ. Tenāha “te ca brahmūnañceva abbhācikkhanti” tiādī.

Catuvaṇṇasuddhivaṇṇanā

Ettāvata “mayam mahābrahmuno ure vasitvā mukhato nikkhantāti vuttaṃ mā labhantū” ti imaṃ mukhacchedakavādaṃ vatvā puna cattāropi vaṇṇā kusale dhamme samādāya vattantāva sujjhantīti dassanattamaṃ **cattārome, vāseṭṭha, vaṇṇāti**ādīmāha. **Akusalasaṅkhātāti** akusalāti saṅkhātā akusalakoṭṭhāsabhūtā vā. Esa nayo sabbattha. **Na alamariyāti** ariyabhāve asamattā. **Kaṇhāti** pakatikālakā. **Kaṇhavipākāti** vipākopi nesaṃ kaṇho dukkhoti attho. **Khattiyepi teti** khattiyamhipi te. **Ekacce**ti ekasmiṃ. Esa nayo sabbattha.

Sukkāti nikkilesabhāvena paṇḍarā. **Sukkavipākāti** vipākopi nesaṃ sukko sukhoti attho.

116. **Ubhayavokiṇṇesu vattamānesūti** ubhayesu vokiṇṇesu missībhūtesu hutvā vattamānesu. Katamesu ubhayesūti? Kaṇhasukkesu dhammesu viññugarahitesu ceva viññuppasatthesu ca. **Yadettha brāhmaṇā evamāhaṃsūti** ettha etesu kaṇhasukkadhammesu vattamānāpi brāhmaṇā yadetaṃ evaṃ

vadanti “brāhmaṇova seṭṭho vaṇṇo”tiādi. **Taṃ nesam viññū nānujānantī** ye loke paṇḍitā, te nānumodanti, na pasamsantīti attho. **Taṃ kissa hetu? Imesañhi vāseṭṭhā**tiādimhi ayam saṅkhepattho. Yaṃ vuttaṃ nānujānantīti, taṃ kasmāti ce? Yasmā imesaṃ catunnaṃ vaṇṇānaṃ yo bhikkhu arahaṃ... pe... sammadaññā vimutto, so tesam aggamakkhāyati, te ca na evarūpā. Tasmā nesam viññū nānujānanti.

Arahantiādīpadesu cettha kilesānaṃ ārakattādīhi kāraṇehi **arahaṃ**. Āsavānaṃ khīṇattā **khīṇāsavo**. Satta sekkhā puthujjanakalyāṇakā ca brahmacariyavāsaṃ vasanti nāma. Ayam pana vutthavāsoti **vusitavā**. Catūhi maggehi catūsu saccesu pariṇānādīkaraṇīyaṃ kataṃ assāti **katakaraṇīyo**. Kilesabhāro ca khandhabhāro ca ohito assāti **ohitabhāro**. Ohitoti ohārito. Sundaro attho, sako vā attho sadattho, anuppatto sadattho etenāti **anuppattasadattho**. Bhavasamyojanaṃ vuccati taṇhā, sā parikkhīṇā assāti **parikkhīṇabhavasamyojano**. **Sammadaññā vimuttoti** sammā hetunā kāraṇena jānitvā vimutto. **Janetasminti** jane etasmiṃ, imasmiṃ loketi attho. **Diṭṭhe ceva dhamme abhisamparāyañcāti** idhattabhāve ca parattabhāve.

117. Anantarāti antaravirahitā, attano kulena sadisāti attho. **Anuyuttāti** vasavattino. **Nipaccakāranti** mahallakatarā nipaccakāraṃ dassenti. Daharatarā abhivādanādīni karonti. Tattha **sāmīcikkammanti** taṃtaṃvattakaraṇādi anucchavikkammaṃ.

118. Nivīṭṭhāti abhinivīṭṭhā acalaṭṭhitā. Kassa pana evarūpā saddhā hotīti? Sotāpannassa. So hi nivīṭṭhasaddho asinā sise chejjamānēpi buddho abuddhoti vā, dhammo adhammoti vā, saṅgho asaṅghoti vā na vadati. Patiṭṭhitasaddho hoti sūrambaṭṭho viya.

So kira satthu dhammadesanaṃ sutvā sotāpanno hutvā gehaṃ agamāsi. Atha māro dvattimsavaralakkhaṇappaṭimaṇḍitaṃ buddharūpaṃ māpetvā tassa gharadvāre ṭhatvā “satthā āgato”ti sāsaṇaṃ pahiṇi. Sūrambaṭṭho cintesi “ahaṃ idāneva satthu santike dhammaṃ sutvā āgato, kiṃ nu kho bhavissatī”ti upasaṅkamitvā satthusaññāya vanditvā aṭṭhāsi. Māro āha – “ambaṭṭha, yaṃ te mayā ‘rūpaṃ aniccaṃ...pe... viññānaṃ aniccanti kathitaṃ, taṃ dukkathitaṃ. Anupadhāretvāva hi mayā evaṃ vuttaṃ. Tasmā tvaṃ ‘rūpaṃ niccaṃ...pe... viññānaṃ nicca’nti gaṇhāhi”ti. So cintesi – “aṭṭhānametaṃ yaṃ buddhā anupadhāretvā apaccakkaṃ katvā kiñci katheyyuṃ, addhā ayam mayhaṃ vicchindajananatthaṃ māro āgato”ti. Tato naṃ “tvaṃ mārosī”ti āha. So musāvadaṃ kātuṃ nāsakkihi. “Āma mārosmi”ti paṭijānāti. “Kasmā āgatosī”ti? Tava saddhācālanatthanti āha. “Kaṇha pāpima, tvaṃ tāva eko tiṭṭha, tādisānaṃ mārānaṃ satampi sahasampi satasahasampi mama saddhaṃ cāletuṃ asamatthaṃ, maggena āgatasaddhā nāma thirā silāpathaviyaṃ patiṭṭhitasineru viya acalā hoti, kiṃ tvaṃ etthā”ti accharaṃ pahari. So ṭhātuṃ asakkonto tattheva antaradhāyi. Evarūpaṃ saddhaṃ sandhāyetaṃ vuttaṃ “nivīṭṭhā”ti.

Mūlajātā patiṭṭhitāti maggamūlassa sañjātattā tena maggamūlena patiṭṭhitā. **Dalḥāti** thirā. **Asaṃhāriyāti** sunikhātaidakhīlo viya kenaci cāletuṃ asakkuṇeyyā. **Tassetam kallaṃ vacanāyāti** tassa ariyasāvakassa yuttametaṃ vattuṃ. Kintī? “Bhagavatomhi putto oraso”ti evamādi. So hi bhagavantaṃ nissāya ariyabhūmiyaṃ jātoti **bhagavato putto**. Ure vasitvā mukhato nikkhantadhammaghosavasena maggaphalesu patiṭṭhitattā **oraso mukhato jāto**. Ariyadhammato jātattā ariyadhammena ca nimmitattā **dhammajo dhammanimmito**. Navalokuttaradhammadāyajjaṃ arahatīti **dhammadāyādo**. **Taṃ kissa hetūti** yadetaṃ “bhagavatomhi putto”ti vatvā “dhammajo dhammanimmito”ti vuttaṃ, taṃ kasmāti ce? Idānissa atthaṃ dassento **tathāgatassa hetanti**ādīmāha. Tattha “dhammakāyo itipī”ti kasmā tathāgato “dhammakāyo”ti vutto? Tathāgato hi tepīkaṃ buddhavacanaṃ hadayena cintetvā vācāya abhinīhari. Tenassa kāyo dhammamayattā dhammova. Iti dhammo kāyo assāti **dhammakāyo**. Dhammakāyattā eva **brahmakāyo**. Dhammo hi seṭṭhatthena brahmāti vuccati. **Dhammabhūtoti** dhammasabhāvo. Dhammabhūtatā eva **brahmabhūto**.

119. Ettāvataṃ bhagavā seṭṭhacchedakavādaṃ dassetvā idāni aparenapi nayena

seṭṭhacchedakavādameva dassetuṃ **hoti kho so, vāseṭṭha, samayotiādīmāha**. Tattha samvattavivaṭṭakathā **brahmajāle** vitthārītava. **Itthattaṃ āgacchanti** itthabhāvaṃ manussattaṃ āgacchanti. **Tedha honti manomayāti** te idha manussaloke nibbattamānāpi opapātikā hutvā maneneva nibbattāti manomayā. Brahmaloce viya idhāpi nesam pītiyeva āhārakiccaṃ sādhetīti **pītibhakkhā**. Eteneva nayena **sayampabhādīnīpi** veditabbānīti.

Rasapathavipātubhāvavaṇṇanā

120. Ekodakībhūtanti sabbaṃ cakkavāḷaṃ ekodakameva bhūtaṃ. **Andhakāroti** tamo. **Andhakāratimisāti** cakkhuviññāṇupattinivāraṇena andhabhāvakaraṇaṃ bahalatamaṃ. **Samatanīti** patiṭṭhahi samantato patthari. **Payaso tattassāti** tattassa khīrassa. **Vaṇṇasampannāti** vaṇṇena sampannā. Kaṇikārapupphasadiso hissā vaṇṇo ahosi. **Gandhasampannāti** gandhena sampannā dibbagandhaṃ vāyati. **Rasasampannāti** rasena sampannā pakkhittadibbojā viya hoti. **Khuddamadhūti** khuddakamakkhikāhi katamadhuṃ. **Aneḷakanti** niddosaṃ makkhikaṇḍakavirahitaṃ. **Lolajātikoti** lolasabhāvo. Atītānantarepi kappe loloyeva. **Ambhoti** acchariyajāto āha. **Kimevidaṃ bhavissatīti** vaṇṇopissā manāpo gandhopi, raso panassā kīdiso bhavissatīti attho. Yo tattha uppannalobho, so rasapathaviṃ aṅguliyaṃ sāyi, aṅguliyaṃ gahetvā jivhagge ṭhapesi.

Acchādesīti jivhagge ṭhapitamattā satta rasaharaṇīsahassāni pharitvā manāpā hutvā tiṭṭhati. **Tañhā cassa okkamīti** tattha cassa tañhā uppajji.

Candimasūriyādipātubhāvavaṇṇanā

121. Āluppakārakaṃ upakkamiṃsu paribhuñjitunti ālopaṃ katvā piṇḍe piṇḍe chinditvā paribhuñjituṃ ārabhiṃsu. **Candimasūriyāti** candimā ca sūriyo ca. **Pāturahesunti** pātubhaviṃsu.

Ko pana tesam paṭhamam pātubhavi, ko kasmim vasati, kassa kim pamāṇam, ko upari, ko sīgham gacchati, kati nesam vīthiyo, katham caranti, kittake ṭhāne ālokaṃ karontīti? Ubho ekato pātubhavanti. Sūriyo paṭhamataram paññāyati. Tesañhi sattānaṃ sayampabhāya antarahitāya andhakāro ahosi. Te bhītatasitā “bhaddakaṃ vatassa sace āloko pātubhaveyyā”ti cintayimṃsu. Tato mahājanassa sūrabhāvaṃ janayamānaṃ sūriyamaṇḍalaṃ uṭṭhahi. Tenevassa sūriyoti nāmaṃ ahosi. Tasmiṃ divasaṃ ālokaṃ katvā atthaṅgate puna andhakāro ahosi. Te “bhaddakaṃ vatassa sace añño āloko uppajjeyyā”ti cintayimṃsu. Atha nesam chandaṃ ñatvāva candamaṇḍalaṃ uṭṭhahi. Tenevassa candoti nāmaṃ ahosi.

Tesu cando antomaṇivimāne vasati. Taṃ bahi rajatena parikkhittaṃ. Ubhayampi sītalameva ahosi. Sūriyo antokanakavimāne vasati. Taṃ bāhiraṃ phalikaparikkhittaṃ hoti. Ubhayampi uṇhameva.

Pamāṇato cando ujukaṃ ekūnapaññāsajojano. Parimaṇḍalato tīhi yojanehi unadiyaḍḍhasatayojano. Sūriyo ujukaṃ paññāsajojano, parimaṇḍalato diyaḍḍhasatayojano.

Cando heṭṭhā, sūriyo upari, antarā nesam yojanaṃ hoti. Candassa heṭṭhimantato sūriyassa uparimantato yojanasataṃ hoti.

Cando ujukaṃ saṅikaṃ gacchati, tiriyam sīgham. Dvīsu passesu nakkhattatārakā gacchanti. Cando dhenu viya vacchaṃ taṃ taṃ nakkhattaṃ upasaṅkamati. Nakkhattāni pana attano ṭhānaṃ na vijahanti. Sūriyassa ujukaṃ gamanaṃ sīgham, tiriyam gamanaṃ dandham. So kāḷapakkhauposathato pāṭipadadivase yojanānaṃ satasahassaṃ candamaṇḍalaṃ ohāya gacchati. Atha cando lekḥā viya paññāyati. Pakkhassa dutiyāya satasahassanti evaṃ yāva uposathadivasā satasahassaṃ satasahassaṃ ohāya gacchati. Atha cando anukkamena vaḍḍhitvā uposathadivase paripuṇṇo hoti. Puna pāṭipadadivase yojanānaṃ satasahassaṃ dhāvītvā gaṇhāti. Dutiyāya satasahassanti evaṃ yāva uposathadivasā satasahassaṃ satasahassaṃ dhāvītvā gaṇhāti. Atha cando anukkamena hāyītvā uposathadivase sabbaso

na paññāyati. Candam heṭṭhā katvā sūriyo upari hoti. Mahatiyā pātiyā khuddakabhājanam viya candamaṇḍalam pidhiyati. Majjhanhike gehacchāyā viya candassa chāyā na paññāyati. So chāyāya apaññāyamānāya dūre ṭhitānam divā padīpo viya sayampi na paññāyati.

Kati nesam vīthiyoti ettha pana ajavīthi, nāgavīthi, govīthī tisso vīthiyō honti. Tattha ajānam udakam paṭikūlam hoti, hatthināgānam manāpam. Gunnam sītuṇhasamatāya phāsu hoti. Tasmā yam kālam candimasūriyā ajavīthim āruhanti, tadā devo ekabindumpi na vassati. Yadā nāgavīthim ārohanti, tadā bhinnam viya nabham paggharati. Yadā govīthim ārohanti, tadā utusamatā sampajjati. Candimasūriyā chamāse sineruto bahi nikkhamanti, chamāse anto vicaranti. Te hi āsāḷhamāse sinerusamīpena vicaranti. Tato pare dve māse nikkhamitvā bahi vicarantā paṭhamakattikamāse majjhena gacchanti. Tato cakkavāḷābhimukhā gantvā tayo māse cakkavāḷasamīpena caritvā puna nikkhamitvā citramāse majjhena gantvā tato dve māse sinerubhimukhā pakkhanditvā puna āsāḷhe sinerusamīpena caranti.

Kittake ṭhāne ālokaṃ karontīti? Ekappahārena tīsu dīpesu ālokaṃ karonti. Katham? Imasmiñhi dīpe sūriyuggamanakālo pubbavidehe majjhanhiko hoti, uttarakurūsu atthaṅgamanakālo, aparagoyāne majjhimayāmo. Pubbavidehamhi uggamanakālo uttarakurūsu majjhanhiko, aparagoyāne atthaṅgamanakālo, idha majjhimayāmo. Uttarakurūsu uggamanakālo aparagoyāne majjhanhiko, idha atthaṅgamanakālo, pubbavidehe majjhimayāmo. Aparagoyānadīpe uggamanakālo idha majjhanhiko, pubbavidehe atthaṅgamanakālo, uttarakurūsu majjhimayāmoti.

Nakkhattāni tārakarūpānīti kattikādinakkhattāni ceva sesatārakarūpāni ca candimasūriyehi saddhimyeva pāturahesum. **Rattindivāti** tato sūriyatthaṅgamanato yāva aruṇuggamanā ratti, aruṇuggamanato yāva sūriyatthaṅgamanā divāti evaṃ rattindivā paññāyimsu. Atha pañcadasa rattiyo aḍḍhamāso, dve aḍḍhamāsā māsoti evaṃ māsāḍḍhamāsā paññāyimsu. Atha cattāro māsā utu, tayo utū samvaccharoti evaṃ utusamvaccharā paññāyimsu.

122. Vaṇṇavevaṇṇatā cāti vaṇṇassa vivaṇṇabhāvo. **Tesam vaṇṇātimānapaccayāti** tesam vaṇṇam ārabha uppannaatimānapaccayā. **Mānātimānajātikananti** punappunam uppajjamānātimānasabhāvānam. **Rasāya pathaviyāti** sampannarasattā rasāti laddhanāmāya pathaviyā. **Anutthuniṃsūti** anubhāsiṃsu. **Aho rasanti** aho amhākaṃ madhurarasaṃ antarahitam. **Aggañnam akkharanti** lokupattivaṃsakatham. **Anusarantīti** anugacchanti.

Bhūmipappaṭakapātubhāvādivaṇṇanā

123. Evameva pāturahosīti ediso hutvā utṭhahi, antovāpiyam uduke chinne sukkhakalalapaṭalam viya ca utṭhahi.

124. Padālatāti ekā madhurasā bhaddālatā. **Kalambukāti** nālikā. **Ahu vata noti** madhurasā vata no padālatā ahosi. **Ahāyi vata noti** sā no etarahi antarahitāti.

125. Akaṭṭhapākoti akaṭṭheya bhūmibhāge uppanno. **Akaṇoti** nikkunḍako. **Athusoti** nitthuso. **Sugandhoti** dibbagandham vāyati. **Taṇḍulapphaloti** suparisuddham paṇḍaram taṇḍulameva phalati. **Pakkam paṭivirūḷhanti** sāyam gahitaṭṭhānam pāto pakkam hoti, puna virūḷham paṭipākatikameva gahitaṭṭhānam na paññāyati. **Nāpadānam paññāyatīti** alāyitam hutvā anūnameva paññāyati.

Itthipurisaliṅgādipātubhāvavaṇṇanā

126. Itthiyā cāti yā pubbe manussakāle itthī, tassa itthilingam pātubhavati, pubbe purisassa purisalingam. Mātugāmo nāma hi purisattabhāvaṃ labhanto anupubbena purisattapaccaye dhamme pūretvā labhati. Puriso itthattabhāvaṃ labhanto kamesumicchācāram nissāya labhati. Tadā pana pakatiyā

mātugāmassa itthilingaṃ, purisassa purisalingaṃ pāturahosi. **Upanijjhāyatanti** upanijjhāyantānaṃ oloketānaṃ. **Pariḷāhoti** rāgapariḷāho. **Seṭṭhinti** chārikaṃ. **Nibbuyhamānāyāti** niyyamānāya.

127. Adhammasammatanti taṃ paṃsukhipanādi adhammoti sammatam. **Tadetarahi dhammasammatanti** taṃ idāni dhammoti sammatam, dhammoti taṃ gahetvā vicaranti. Tathā hi ekaccesu jānapadesu kalahaṃ kurumānā itthiyo “tvam kasmā kathesi? Yā gomayapiṇḍamattampi nālatthā”ti vadanti. **Pātabyatanti** sevittabbaṃ. **Sannidhikārakanti** sannidhiṃ katvā. **Apadānaṃ paññāyitthāti** chinnaṭṭhānaṃ ūnameva hutvā paññāyittha. **Saṇḍasaṇḍāti** ekekasmim ṭhāne kalāpabandhā viya gumbagumbā hutvā.

128. Mariyādaṃ ṭhapeyyāmāti sīmaṃ ṭhapeyyāma. **Yatra hi nāmāti** yo hi nāma. **Pāṇinā pahariṃsūti** tayo vāre vacanaṃ agaṇhantaṃ pāṇinā pahariṃsu. **Tadagge khoti** taṃ aggaṃ katvā.

Mahāsammatarājavaṇṇanā

130. Khīyitabbaṃ khīyeyyāti pakāsetabbaṃ pakāseyya khipitabbaṃ khipeyya, hāretabbaṃ hāreyyāti vuttaṃ hoti. **Yo nesam sattoti** yo tesam satto. Ko pana soti? Amhākaṃ bodhisatto. **Sālīnaṃ bhāgaṃ anupadassāmāti** mayaṃ ekekassa khettato ambaṇambaṇaṃ āharitvā tuyhaṃ sālibhāgaṃ dassāma, tayā kiñci kammaṃ na kātabbaṃ, tvam amhākaṃ jeṭṭhakaṭṭhāne tiṭṭhāti.

131. Akkharaṃ upanibbattanti saṅkhā samaññā paññatti vohāro uppanno. **Khattiyo khattiyotveva dutiyaṃ akkharanti** na kevalaṃ akkharaṃeva, te panassa khettasāmino tīhi saṅkhehi abhisekampi akaṃsu. **Raṇjetīti** sukheti pineti. **Aggaññenāti** agganti ñātena, agge vā ñātena lokuppattisamaye uppanna abhinibbatti ahoṣīti.

Brāhmaṇamaṇḍalādivaṇṇanā

132. Vītaṅgārā vītadhūmāti pacitvā khāditabbābhāvato vigatadhūmaṅgārā. **Pannamusalāti** koṭṭetvā pacitabbābhāvato patitamusalā. **Ghāsamesamānāti** bhikkhācariyavasena yāgubhattaṃ pariyesantā. **Tamenam manussā disvāti** te ete manussā passivā. **Anabhisambhuṇamānāti** asahamānā asakkontā. **Ganthe karontāti** tayo vede abhisankharontā ceva vācentā ca. **Acchantīti** vasanti, “acchantī”tipi pāṭho. Esevattho. **Hīnasammatanti** “mante dhārenti mante vācentī”ti kho, vāseṭṭha, idaṃ tena samayena hīnasammatam. **Tadetarahi seṭṭhasammatanti** taṃ idāni “ettake mante dhārenti ettake mante vācentī”ti seṭṭhasammatam jātam. **Brāhmaṇamaṇḍalassāti** brāhmaṇagaṇassa.

133. Methunaṃ dhammaṃ samādāyāti methunadhammaṃ samādiyitvā. **Visukammante payojesunti** gorakkha vāṇijakammādike vīssute uggate kammante payojesuṃ.

134. Suddā suddāti tena luddācāraṃ kammakuddācāraṃ kammunā suddam suddam lahuṃ lahuṃ kucchitaṃ gacchanti, vinassantīti attho. **Ahu khoti** hoti kho.

135. Sakaṃ dhammaṃ garahamānoti na setacchattaṃ ussāpanamattena sujjhitaṃ sakkāti evaṃ attano khattiyadhammaṃ nindamāno. Esa nayo sabbattha. “Imehi kho, vāseṭṭha, catūhi maṇḍalehi”ti iminā imaṃ dasseti “samaṇamaṇḍalaṃ nāma viṣuṃ natthi, yasmā pana na sakkā jātiyā sujjhitaṃ, attano attano sammāpaṭipattiyā visuddhi hoti. Tasmā imehi catūhi maṇḍalehi samaṇamaṇḍalassa abhinibbatti hoti. Imāni maṇḍalāni samaṇamaṇḍalaṃ anuvattanti, anuvattantāni ca dhammeneva anuvattanti, no adhammena. Samaṇamaṇḍalañhi āgamma sammāpaṭipattiṃ pūretvā suddhiṃ pāpuṇanti”ti.

Duccaritādikathāvaṇṇanā

136. Idāni yathājātiyā na sakkā sujjhitaṃ, sammāpaṭipattiyāva sujjhanti, tamatthaṃ pākaṭaṃ karonto **khattiyopi kho, vāseṭṭhā**ti desanaṃ ārabhi. Tatha **micchādīṭṭhikammasamādānā**hetūti micchādīṭṭhivasena samādinnaṃkammāhetu, micchādīṭṭhikammasa vā samādānāhetu.

137. Dvayakārīti kālena kusalaṃ karoti, kālena akusalanti evaṃ ubhayakārī. **Sukhadukkhapaṭisaṃvedī hotī**ti ekakkhaṇe ubhayavipākādānaṭṭhānaṃ nāma natthi. Yena pana akusalaṃ bahuṃ kataṃ hoti, kusalaṃ mandaṃ, so taṃ kusalaṃ nissāya khattiyakule vā brāhmaṇakule vā nibbattati. Atha naṃ akusalakammaṃ kāṇampi karoti khujjampi pīṭhasappimpī. So rajjassa vā anaraho hoti, abhisittakāle vā evaṃbhūto bhoge paribhuñjitaṃ na sakkoti. Aparassa maraṇakāle dve balavamallā viya te dvepi kusalākusalakammāni upaṭṭhahanti. Tesu akusalaṃ balavataraṃ hoti, taṃ kusalaṃ paṭibāhivā tiracchānāyoniyaṃ nibbattāpeti. Kusalakammampi pavattivedanīyaṃ hoti. Tameṇaṃ maṅgalaṭṭhiṃ vā karonti maṅgalaassaṃ vā maṅgalaussabhaṃ vā. So sampattiṃ anubhavati. Idaṃ sandhāya vuttaṃ “sukhadukkhapaṭisaṃvedī hotī”ti.

Bodhipakkhiyabhāvanāvaṇṇanā

138. Sattanaṃ bodhipakkhiyānanti “cattāro satipaṭṭhānā”ti ādikoṭṭhāsavasena sattanaṃ, paṭipāṭiyā pana sattatiṃsāya bodhipakkhiyānaṃ dhammānaṃ. **Bhāvanamanvāyāti** bhāvanaṃ anugantvā, paṭipajjitvāti attho. **Parinibbāyati**ti kilesaparinibbānena parinibbāyati. Iti bhagavā cattāro vaṇṇe dassetvā vinivattetvā paṭividdhacatusaccaṃ khīṇāsavameva devamanussesu seṭṭhaṃ katvā dassesi.

140. Idāni tamevatthaṃ lokasammatassa brahmunopi vacanadassanānusārena daḷhaṃ katvā dassento **imesaṅhi vāseṭṭha catunnaṃ vaṇṇānanti**ādīmāha. “Brahmunāpesā”tiādi ambaṭṭhasutte vitthāritaṃ. Iti bhagavā ettakena iminā kathāmaggena seṭṭhacchedakavādameva dassetvā suttantaṃ vinivattetvā arahattanikūṭena desanaṃ niṭṭhāpesi. **Attamanā vāseṭṭhabhāradvājāti** vāseṭṭhabhāradvāja sāmaṇerāpi hi sakamaṇā tuṭṭhamaṇā “sādhu, sādhu”ti bhagavato bhāsitaṃ abhinandimsu. Idameva suttantaṃ āvajjantā anumajjantā saha paṭisambhidāhi arahattaṃ pāpuṇimsūti.

Sumaṅgalavilāsinīyā dīghanikāyaṭṭhakathāya

Aggaññasuttavaṇṇanā niṭṭhitā.

5. Sampasādanīyasuttavaṇṇanā

Sāriputtasīhanādavaṇṇanā

141. Evaṃ me sutanti sampasādanīyasuttaṃ. Tatrāyamanuttānapadavaṇṇanā – **nāḷandāyanti** nāḷandāti evaṃnāmake nagare, taṃ nagaraṃ gocaragāmaṃ katvā. **Pāvārikambavaneti** dussapāvārikaseṭṭhino ambavane. Taṃ kira tassa uyyānaṃ ahoṣi. So bhagavato dhammadesanaṃ sutvā bhagavati pasanno tasmim uyyāne kuṭiḷeṇamaṇḍapaḍīpaṭimaṇḍitaṃ bhagavato vihāraṃ katvā niyyātesi. So vihāro jīvakambavanaṃ viya “pāvārikambavana”ntveva saṅkhyāṃ gato, tasmim pāvārikambavane viharatīti attho. Bhagavantaṃ etadavoca – “evaṃpasanno ahaṃ, bhante, bhagavati”ti. Kasmā evaṃ avoca? Attano uppannasomanassapavedanaṭṭhaṃ.

Tatrāyamanupubbikathā – thero kira taṃdivasaṃ kālasseva sarīrapaṭijjaggaṇaṃ katvā sunivatthanivāsano pattacīvaramādāya pāsādikehi abhikkantādīhi devamanussānaṃ pasādaṃ āvahanto nāḷandavāsīnaṃ hitasukhamanubrūhayanto piṇḍāya pavisitvā pacchābhattaṃ piṇḍapātaṭṭhikanta viharāṃ gantvā satthu vattaṃ dassetvā sathari gandhakuṭim pavitṭhe sathāraṃ vanditvā attano divāṭṭhānaṃ agamāsi. Tatha saddhivihārikantevāsikesu vattaṃ dassetvā paṭikkantesu divāṭṭhānaṃ

sammajjitvā cammakkhandaṃ paññapetvā udakatumbato udakena hatthapāde sītale katvā tisandhipallaṅkaṃ ābhujitvā kālaparicchedaṃ katvā phalasaṃpattiṃ samāpajji.

So yathāparicchinna-kālavasena samāpattito vuṭṭhāya attano guṇe anussaritamāradhho. Athassa guṇe anussarato sīlaṃ āpāthamāgataṃ. Tato paṭipāṭiyāva samādhi paññā vimutti vimuttiñānadassanaṃ paṭhamam jhānaṃ dutiyam jhānaṃ tatiyam jhānaṃ catuttham jhānaṃ ākāsañācāyatana-samāpatti viññānañcāyatana-samāpatti ākiñcaññāyatana-samāpatti nevasaññānāsaññāyatana-samāpatti vipassanāñānaṃ manomayiddhiñānaṃ iddhi-vidhañānaṃ dibbasotañānaṃ cetopariyañānaṃ pubbenivāsānussatiñānaṃ dibbacakkhuñānaṃ...pe... sotāpattimaggo sotāpattiphalaṃ...pe... arahattamaggo arahattaphalaṃ atthapaṭisambhidā dhammapaṭisambhidā niruttapaṭisambhidā paṭibhānapaṭisambhidā sāvaka-pāramiñānaṃ. Ito paṭṭhāya kappasatasahassādhikassa asaṅkhyeyyassa upari anomadassībuddhassa pādāmūle kataṃ abhinīhāraṃ ādiṃ katvā attano guṇe anussarato yāva nisinnapallaṅkā guṇā upaṭṭhahimsu.

Evam thero attano guṇe anussaramāno guṇānaṃ pamānaṃ vā paricchedaṃ vā daṭṭhuṃ nāsakki. So cintesi – “mayhaṃ tāva padesañāne ṭhitassa sāvakassa guṇānaṃ pamānaṃ vā paricchedo vā natthi. Ahaṃ pana yaṃ sathhāraṃ uddissa pabbajito, kīdisā nu kho tassa guṇā”ti dasabalassa guṇe anussaritam āradhho. So bhagavato sīlaṃ nissāya, samādhiṃ paññaṃ vimuttiṃ vimuttiñānadassanaṃ nissāya, cattāro satipaṭṭhāne nissāya, cattāro sammappadhāne cattāro iddhipāde cattāro magge cattāri phalāni catasso paṭisambhidā catuyoniparicchedakañānaṃ cattāro ariyavaṃse nissāya dasabalassa guṇe anussaritamāradhho.

Tathā pañca padhāniyaṅgāni, pañcaṅgikaṃsammāsama-dhiṃ, pañcindriyāni, pañca balāni, pañca nissaraṇiyā dhātuyo, pañca vimuttāyatanāni, pañca vimutti-paripācāniyā paññā, cha saraṇīye dhamme, cha anussatiṭṭhānāni, cha gārove, cha nissaraṇiyā dhātuyo, cha satatavihāre, cha anuttariyāni, cha nibbedhabhāgiyā paññā, cha abhiññā, cha asādhāraṇañānāni, satta aparīhāniye dhamme, satta ariyadhaṇāni, satta bojjhaṅge, satta sappurisadhamme, satta nijjaravatthūni, satta paññā, satta dakkhiṇeyyapuggale, satta khīṇāsavabalāni, aṭṭha paññāpaṭilābhahetū, aṭṭha sammattāni, aṭṭha lokadhammātikkaṃ, aṭṭha ārambhavatthūni, aṭṭha akkhaṇadesanā, aṭṭha mahāpurisavītakke, aṭṭha abhibhāyatanāni, aṭṭha vimokkhe, nava yonisomanasikāramūlake dhamme, nava pārisuddhipadhāniyaṅgāni, nava sattāvāsadesanā, nava āghāta-paṭivīnaye, nava paññā, nava nānattāni, nava anupubbavihāre, dasa nāthakaraṇe dhamme, dasa kaṣiṇāyatanāni, dasa kusalakamma-pathe, dasa tathāgatabalāni, dasa sammattāni, dasa ariyavāse, dasa asekkhadhamme, ekādasa mettānisavaṃse, dvādasa dhammacakkākaṇe, terasa dhutaṅgaguṇe, cuddasa buddhañānāni, pañcadasa vimutti-paripācāniye dhamme, soḷasa vidhaṃ ānāpānassatiṃ, aṭṭhārasa buddhadhamme, ekūnavīsati paccavekkhaṇañānāni, catu-cattālīsa ṇāṇavatthūni, paropaṇṇāsa kusaladhamme, satta-sattati ṇāṇavatthūni, catu-vīsati koṭi-satasahassasamāpattisañcaramahāvajirañānaṃ nissāya dasabalassa guṇe anussaritam ārabhi.

Tasmīmyeva ca divāṭṭhāne nisinnoyeva upari “aparaṃ pana, bhante, etadānuttariya”nti āgamiṃsanti soḷasa aparāmpariyadhammā, tepi nissāya anussaritam ārabhi. So “kusala-paññattiyam anuttaro mayhaṃ sathhā, āyatanapaññattiyam anuttaro, gabbhāvakkantiyam anuttaro, ādesanāvidhāsu anuttaro, dassanasamāpattiyam anuttaro, puggalapaññattiyam anuttaro, padhāne anuttaro, paṭipadāsu anuttaro, bhassasamācāre anuttaro, purisa-sīlasamācāre anuttaro, anusāsanīvidhāsu anuttaro, parapuggalavimuttiñāne anuttaro, sassatavādesu anuttaro, pubbenivāsañāne anuttaro, dibbacakkhuñāne anuttaro, iddhi-vidhe anuttaro, iminā ca iminā ca anuttaro”ti evam dasabalassa guṇe anussaranto bhagavato guṇānaṃ neva antaṃ, na pamānaṃ passi. Thero attanopi tāva guṇānaṃ antaṃ vā pamānaṃ vā nāddasa, bhagavato guṇānaṃ kiṃ passissati? Yassa yassa hi paññā mahatī ṇānaṃ visadaṃ, so so buddhaguṇe mahantato saddahati. Lokiyamahājanano ukkāsitvāpi khipitvāpi “namo buddhāna”nti attano attano upanissaye ṭhatvā buddhānaṃ guṇe anussarati. Sabbalokiyamahājanato eko sotāpanno buddhaguṇe mahantato saddahati. Sotāpannaṃ satatopi sahasatopi eko sakadāgāmī. Sakadāgāmīnaṃ

satatopi sahasatopi eko anāgāmī. Anāgāmīnaṃ satatopi sahasatopi eko arahā buddhagūṇe mahantato saddahati. Avasesarahantehi asīti mahātherā buddhagūṇe mahantato saddahanti. Asītimahātherehi cattāro mahātherā. Catūhi mahātherehi dve aggasāvaka. Tesupi sārīputtatthero, sārīputtattheratopi eko paccekabuddho buddhagūṇe mahantato saddahati. Sace pana sakalacakkavāḷagabbhe saṅghāṭīkaṇṇena saṅghāṭīkaṇṇaṃ pahariyamānā nisinnā paccekabuddhā buddhagūṇe anussareyyuṃ, tehi sabbehipi eko sabbaññubuddhova buddhagūṇe mahantato saddahati.

Seyyathāpi nāma mahājano “mahāsamuddo gambhīro uttāno” ti jānanatthaṃ yottāni vaṭṭeyya, tattha koci byāmappamāṇaṃ yottaṃ vaṭṭeyya, koci dve byāmaṃ, koci dasabyāmaṃ, koci vīsatiabyāmaṃ, koci tiṃsabyāmaṃ, koci cattālīsabyāmaṃ, koci paññāsabyāmaṃ, koci satabyāmaṃ, koci sahasabyāmaṃ, koci caturāsītibyāmasahassaṃ. Te nāvaṃ āruya, samuddamajjhe uggatapabbatādīmhi vā ṭhatvā attano attano yottaṃ otāreyyuṃ, tesu yassa yottaṃ byāmamattaṃ, so byāmamattaṭṭhāneyeva udakaṃ jānāti...pe... yassa caturāsītibyāmasahassaṃ, so caturāsītibyāmasahassaṭṭhāneyeva udakaṃ jānāti. Parato udakaṃ ettakanti na jānāti. Mahāsamudde pana na tattakaṃyeva udakaṃ, atha kho anantamaparimāṇaṃ. Caturāsītiyojanasahassaṃ gambhīro hi mahāsamuddo, evameva ekabyāmayottato paṭṭhāya navabyāmayottena ñātaudakaṃ viya lokiyamahājanena diṭṭhabuddhagūṇā veditabbā. Dasabyāmayottena dasabyāmaṭṭhāne ñātaudakaṃ viya sotāpannena diṭṭhabuddhagūṇā. Vīsatiabyāmayottena vīsatiabyāmaṭṭhāne ñātaudakaṃ viya sakadāgāminā diṭṭhabuddhagūṇā. Tiṃsabyāmayottena tiṃsabyāmaṭṭhāne ñātaudakaṃ viya anāgāminā diṭṭhabuddhagūṇā. Cattālīsabyāmayottena cattālīsabyāmaṭṭhāne ñātaudakaṃ viya arahatā diṭṭhabuddhagūṇā. Paññāsabyāmayottena paññāsabyāmaṭṭhāne ñātaudakaṃ viya asītimahātherehi diṭṭhabuddhagūṇā. Satabyāmayottena satabyāmaṭṭhāne ñātaudakaṃ viya catūhi mahātherehi diṭṭhabuddhagūṇā. Sahassabyāmayottena sahasabyāmaṭṭhāne ñātaudakaṃ viya mahāmoggallānattherena diṭṭhabuddhagūṇā. Caturāsītibyāmasahassayottena caturāsītibyāmasahassaṭṭhāne ñātaudakaṃ viya dhammasenāpatinā sārīputtattherena diṭṭhabuddhagūṇā. Tattha yathā so puriso mahāsamudde udakaṃ nāma na ettakaṃyeva, anantamaparimāṇanti gaṇhāti, evameva āyasmā sārīputto dhammanvayena anvayabuddhiyā anumānena nayaggāhena sāvakaṃpāramīñāṇe ṭhatvā dasabalassa gūṇe anussaranto “buddhagūṇā anantā aparimāṇā” ti saddahi.

Therena hi diṭṭhabuddhagūṇehi dhammanvayena gahetabbabuddhagūṇāyeva bahutarā. Yathā kathaṃ viya? Yathā ito nava ito navāti aṭṭhārasa yojanāni avattharivā gacchantiyā candabhāgāya mahānadiyā puriso sūcipāsena udakaṃ gaṇheyya, sūcipāsena gahitaudakato aggahitameva bahu hoti. Yathā vā pana puriso mahāpathavito aṅguliyaṃ paṃsuṃ gaṇheyya, aṅguliyaṃ gahitapaṃsuto avasesapaṃsuyeva bahu hoti. Yathā vā pana puriso mahāsamuddābhimukhiṃ aṅguliṃ kareyya, aṅguliabhimukhaudakato avasesaṃ udakaṃyeva bahu hoti. Yathā ca puriso ākāśābhimukhiṃ aṅguliṃ kareyya, aṅguliabhimukhaākāsato sesaākāsappadesova bahu hoti. Evaṃ therena diṭṭhabuddhagūṇehi adiṭṭhā gūṇāva bahūti veditabbā. Vuttampi cetam –

“Buddhopi buddhassa bhaṇeyya vaṇṇaṃ,
Kappampi ce aññamabhāsamāno;
Khīyetha kappo ciradīghamantare,
Vaṇṇo na khīyetha tathāgatassā” ti.

Evaṃ therassa attano ca satthu ca gūṇe anussarato yamakamahānadīmahogho viya abbhantare pītisomanassaṃ avattharamānaṃ vāto viya bhastaṃ, ubbhijjivā uggataudakaṃ viya mahārahadaṃ sakalasarīraṃ pūreti. Tato therassa “supatthitā vata me patthanā, suladdhā me pabbajjā, yvāhaṃ evaṃvidhassa satthu santike pabbajito” ti āvajjantassa balavataraṃ pītisomanassaṃ uppajji.

Atha thero “kassāhaṃ imaṃ pītisomanassaṃ āroceyya” nti cinto añño koci samaṇo vā brāhmaṇo vā devo vā māro vā brahmā vā mama imaṃ pasādaṃ anucchavikaṃ katvā paṭiggahetuṃ na sakkhissati, ahaṃ imaṃ somanassaṃ satthunoyeva pavedeeyāmi, satthāva me paṭiggaṇhituṃ

sakkhissati, so hi tiṭṭhatu mama pītisomanassam, mādisassa samaṇasatassa vā samaṇasahassassa vā samaṇasatasahassassa vā somanassam pavedentassa sabbesam manam gaṇhanto paṭiggahetum sakkoti. Seyyathāpi nāma aṭṭhārasa yojanāni avattharamānaṃ gacchanti candabhāgamahānadim kusumbhā vā kandarā vā sampaṭicchitum na sakkonti, mahāsamuddova taṃ sampaṭicchati. Mahāsamuddo hi tiṭṭhatu candabhāgā, evarūpānaṃ nadīnaṃ satampi sahasampi satahasampi sampaṭicchati, na cassa tena ūnattam vā pūrattam vā paññāyati, evameva satthā mādisassa samaṇasatassa samaṇasahassassa samaṇasatasahassassa vā pītisomanassam pavedentassa sabbesam manam gaṇhanto paṭiggahetum sakkoti. Sesā samaṇabrāhmaṇādayo candabhāgam kusumbhakandarā viya mama somanassam sampaṭicchitum na sakkonti. Handāham mama pītisomanassam satthunova ārocmīti pallaṅkam vinibbhujitvā cammakkaṇḍam papphotetvā ādāya sāyanhasamaye pupphānaṃ vaṇṇato chijjitvā paggharaṇakāle satthāram upasaṅkamitvā attano somanassam pavedento **evam pasanno aham, bhanteti**ādīmāha. Tattha **evam pasannoti** evam uppannasaddho, evam saddahāmīti attho. **Bhiyyobhiññataroti** bhiyyataro abhiññāto, bhiyyatarābhiñño vā, uttaritaraññoti attho. **Sambodhiyanti** sabbaññutaññāne arahattamaggañāne vā, arahattamaggeneva hi buddhaguṇā nippadesā gahitā honti. Dve hi aggasāvakā arahattamaggeneva sāvakapāramīññaṃ paṭilabhanti. Paccekabuddhā paccekabodhiññaṃ. Buddhā sabbaññutaññānceva sakale ca buddhaguṇe. Sabbañhi nesam arahattamaggeneva ijjhati. Tasmā arahattamaggaññaṃ sambodhi nāma hoti. Tena uttaritaro bhagavatā natthi. Tenāha “bhagavatā bhiyyobhiññataro yadidaṃ sambodhiya”nti.

142. Uḷārāti seṭṭhā. Ayañhi uḷārasaddo “uḷārāni khādanīyāni khādanti”tiādīsu (ma. ni. 1.366) madhure āgacchati. “Uḷārāya khalu bhavaṃ, vacchāyano, samaṇam gotamaṃ pasamsāya pasamsati”tiādīsu (ma. ni. 3.280) seṭṭhe. “Appamāṇo uḷāro obhāso”tiādīsu (dī. ni. 2.32) vipule. Svāyamidha seṭṭhe āgato. Tena vuttam – “uḷārāti seṭṭhā”ti. **Āsabhīti** usabhassa vācāsadisī acalā asampavedhī. **Ekamso gahitoti** anussavena vā ācariyaparamparāya vā itikirāya vā piṭakasampadānena vā ākāravarivittakkena vā diṭṭhinijjhānakkhantiyā vā takkahetu vā nayahetu vā akathetvā paccakkhato ñānena paṭivijjhivā viya ekamso gahito, sannitṭhānakathāva kathitāti attho.

Sīhanādoti seṭṭhanādo, neva dandhāyantena na gaggarāyantena sīhena viya uttamanādo naditoti attho. **Kim te sārīputtāti** imaṃ desanaṃ kasmā ārabhīti? Anuyogadāpanattham. Ekacco hi sīhanādam naditvā attano sīhanāde anuyogaṃ dātuṃ na sakkoti, nighamaṇaṃ nakkhamati, lepe patitamakkaṭo viya hoti. Yathā dhamamānaṃ aparissuddhalohaṃ jhāyitvā jhāmaṅgāro hoti, evaṃ jhāmaṅgāro viya hoti. Eko sīhanāde anuyogaṃ dāpiyamāno dātuṃ sakkoti, nighamaṇaṃ khamati, dhamamānaṃ niddosajātārūpaṃ viya adhikāraṃ sobhati, tādiso thero. Tena naṃ bhagavā “anuyogakkhamo aya”nti ñatvā sīhanāde anuyogadāpanattham imampi desanaṃ ārabhi.

Tattha **sabbe teti sabbe te tayā. Evamsilāti**ādīsu lokiyalokuttaravasena silādīni pucchati. Tesam vitthārakathā mahāpadāne kathitāva.

Kim pana te, sārīputta, ye te bhavissantīti atītā ca tāva niruddhā, apanṇattikabhāvaṃ gatā dīpasikhā viya nibbutā, evaṃ niruddhe apanṇattikabhāvaṃ gate tvaṃ kathaṃ jānissasi, anāgatabuddhānaṃ pana guṇā kinti tayā attano cittaṃ paricchinditvā viditāti pucchanto evamāha. **Kim pana te, sārīputta, aham etarahīti** anāgatāpi buddhā ajātā anibbattā anuppannā, tepi kathaṃ tvaṃ jānissasi? Tesañhi jānaṃ apade ākāse padadassanaṃ viya hoti. Idāni mayā saddhim ekavihāre vasasi, ekato bhikkhāya carasi, dhammadesanākāle dakkhiṇapasse nisīdasi, kim pana mayhaṃ guṇā attano cetasaṃ paricchinditvā viditā tayāti anuyujjanto evamāha.

Thero pana pucchite pucchite “no hetam, bhante”ti paṭikkhipati. Therassa ca viditampi atthi aviditampi atthi, kim so attano viditaṭṭhāne paṭikkhepaṃ karoti, aviditaṭṭhāneti? Viditaṭṭhāne na karoti, aviditaṭṭhāneyeva karotīti. Thero kira anuyoge āraddheyeva aññāsi. Na ayaṃ anuyogo sāvakapāramīññaṃ, sabbaññutaññāne ayaṃ anuyogoti attano sāvakapāramīññaṃ paṭikkhepaṃ akatvā aviditaṭṭhāne sabbaññutaññāne paṭikkhepaṃ karoti. Tena idampi dīpeti “bhagavā mayhaṃ

atītānāgatapaccuppannānaṃ buddhānaṃ sīlasamādhipaññāvimuttikāraṇajānanasamattham sabbaññutaññānaṃ natthi’ ti.

Etthāti etesu atītādibhedesu buddhesu. **Atha kiñcarahī**ti atha kasmā evaṃ ñāṇe asati tayā evaṃ kathitanti vadati.

143. Dhammanvayoti dhammassa paccakkhato ñāṇassa anuyogaṃ anugantvā uppannaṃ anumānañānaṃ nayaggāho vidito. Sāvakaṇāpāramiññāṇe thatvāva imināva ākārena jānāmi bhagavāti vadati. Therassa hi nayaggāho appamāṇo apariyānto. Yathā sabbaññutaññāṇassa pamāṇaṃ vā pariyaṇto vā natthi, evaṃ dhammasenāpatino nayaggāhassa. Tena so “iminā evaṃvidho, iminā anuttaro satthā” ti jānāti. Therassa hi nayaggāho sabbaññutaññāṇagatiko eva. Idāni taṃ nayaggāhaṃ pākāṭaṃ kātuṃ upamāya dassento **seyyathāpi, bhanteti**ādīmāha. Tattha yasmā majjhimapadesa nagarassa uddhāpapakārādīni thirāni vā hontu, dubbalāni vā, sabbaso vā pana mā hontu, corāsaṅkā na hoti, tasmā taṃ aggahetvā paccantimanagaranti āha. **Daḷhuddhāpanti** thirapākārapādaṃ. **Daḷhapākārorāṇanti** thirapākārañceva thirapiṭṭhasaṅghāṭaṇca. **Ekadvāraṇanti** kasmā āha? Bahudvāre hi nagare bahūhi paṇḍitadovārikehi bhavitabbaṃ. Ekadvāre ekova vaṭṭati. Therassa ca paññāya sadiso añño natthi. Tasmā attano paṇḍitabhāvassa opammatthaṃ ekaṃyeva dovārikaṃ dassetuṃ ekadvāra’ nti āha. **Paṇḍitoti** paṇḍiccena samannāgato. **Byattoti** veyyattiyena samannāgato visadaññaṇo. **Medhāvīti** thānuppattikapaññāsaṅkhātāya medhāya samannāgato. **Anupariyāyapathanti** anupariyāyanāmakam pākāramaggaṃ. **Pākārasandhanti** dvinnam itṭhakānaṃ apagataṭṭhānaṃ. **Pākāravivaranti** pākārasa chinnaṭṭhānaṃ.

Cetaso upakkileseti pañca nīvaraṇāni cittaṃ upakkilesenti kiliṭṭhaṃ karonti upatāpenti vibādheti, tasmā “cetaso upakkilesā” ti vuccanti. **Paññāya dubbalīkaraṇeti** nīvaraṇā uppajjamānā anuppannāya paññāya uppajjitum na denti, uppannāya paññāya vaḍḍhitum na denti, tasmā “paññāya dubbalīkaraṇā” ti vuccanti. **Suppatiṭṭhitacittāti** catūsu satipaṭṭhānesu suṭṭhu thapitacittā hutvā. **Satta bojjaṅge yathābhūtaṇti** satta bojjaṅge yathāsabhāvena bhāvetvā. **Anuttaraṃ sammāsambodhanti** arahattaṃ sabbaññutaññānaṃ vā paṭivijjhimsūti dasseti.

Apicettha satipaṭṭhānāti vipassanā. Sambojjaṅgā maggo. Anuttarāsammāsambodhi arahattaṃ. Satipaṭṭhānāti vā maggāti vā bojjaṅgamissakā. Sammāsambodhi arahattameva. Dīghabhāṇakamahāsīvaththero pañña “satipaṭṭhāne vipassanāti gahetvā bojjaṅge maggo ca sabbaññutaññāṇāñcāti gahite sundaro pañño bhavēyya, na panevaṃ gahita” nti. Iti thero sabbaññubuddhānaṃ nīvaraṇappahāne satipaṭṭhānabhāvanāya sambodhiyaṇca majjhe bhinnasuvaṇṇarajatānaṃ viya nānattābhāvaṃ dasseti.

Idha thatvā upamā saṃsandetabbā – āyasmā hi sārīputto paccantanagaraṃ dassesi, pākāraṃ dassesi, pariyaṇyapathaṃ dassesi, dvāraṃ dassesi, paṇḍitadovārikaṃ dassesi, nagaraṃ pavesanānikkhamanake oḷārike paṇe dassesi, paṇḍitadovārikassa tesam pañānaṃ pākāṭabhāvaṇca dassesi. Tattha kiṃ kena sadisanti ce. Nagaraṃ viya hi nibbānaṃ, pākāro viya sīlaṃ, pariyaṇyapatho viya hirī, dvāraṃ viya ariyamaggo, paṇḍitadovāriko viya dhammasenāpati, nagaraṃpavisānanānikkhamanākaḷārikapāṇā viya atītānāgatapaccuppannā buddhā, dovārikassa tesam pañānaṃ pākāṭabhāvo viya āyasmato sārīputtassa atītānāgatapaccuppannabuddhānaṃ sīlasamathādīhi pākāṭabhāvo. Ettāvata therena bhagavā evamaṃ sāvakaṇāpāramiññāṇe thatvā dhammanvayena nayaggāhena jānāmīti attano sīhanādassa anuyogo dinno hoti.

144. Idhāhaṃ, bhante, yena bhagavāti imaṃ desanaṃ kasmā ārabhi? Sāvakaṇāpāramiññāṇassa nipphattidassanattaṃ. Ayañhettha adhippāyo, bhagavā ahaṃ sāvakaṇāpāramiññāṇaṃ paṭilabhanto pañcānavuttipāsaṇḍe na aññaṃ ekampi samaṇaṃ vā brāhmaṇaṃ vā upasaṅkamitvā sāvakaṇāpāramiññāṇampi paṭilabhiṃ, tumheyeva upasaṅkamitvā tumhe payirupāsanto paṭilabhanti. Tattha **idhāti** nipātamattaṃ. **Upasaṅkamim dhammasavanāyāti** tumhe upasaṅkamanto pañāhaṃ na

cīvarādihetu upasaṅkamanto, dhammasavanatthāya upasaṅkamanto. Evaṃ upasaṅkamitvā sāvakaṇḍarāmīṇaṇaṃ paṭilabhīṃ. Kadā pana thero dhammasavanatthāya upasaṅkamantoti. Sūkarakhatalaṇe bhāgīneyyadīghanakaparibbājakassa vedanāpariggahasuttantakathanadivase (ma. ni. 2.205) upasaṅkamanto, tadāyeva sāvakaṇḍarāmīṇaṇaṃ paṭilabhīti. Taṃdivasaṅhi thero tālavaṇṭaṃ gaḥetvā bhagavaṇṭaṃ bījamaṇo ṭhito taṃ desanaṃ sutvā tattheva sāvakaṇḍarāmīṇaṇaṃ hatthagataṃ akāsi. **Uttaruttaraṃ paṇītapanaṇītaṃ** uttaruttaraṇceva paṇītapanaṇītaṇca katvā desesi. **Kaṇhasukkasappaṭibhāgati** kaṇhaṇceva sukkaṇca. Taṇca kho sappaṭibhāgaṃ savipakkaṃ katvā. Kaṇhaṃ paṭibāhitvā sukkaṃ, sukkaṃ paṭibāhitvā kaṇhanti evaṃ sappaṭibhāgaṃ katvā kaṇhasukkaṃ desesi, kaṇhaṃ desentopi ca saussāhaṃ savipākaṃ desesi, sukkaṃ desentopi saussāhaṃ savipākaṃ desesi.

Tasmiṃ dhamme abhiṇṇā idhekaccaṃ dhammaṃ dhammesu niṭṭhamagamaṇti tasmiṃ desite dhamme ekaccaṃ dhammaṃ nāma sāvakaṇḍarāmīṇaṇaṃ saṅjānitvā dhammesu niṭṭhamagamaṃ. Katamesu dhammesūti? Catusaccadhammesu. Etthāyaṃ therasallaṇo, kālavallavāsī sumatthero tāva vadati “catusaccadhammesu idāni niṭṭhagamaṇakāraṇaṃ natthi. Assajimahāsāvakaṇsa hi diṭṭhadivaseyeva so paṭhamamaḡgena catusaccadhammesu niṭṭhaṃ gato, aparabhāge sūkarakhatalaṇadvāre upari tīhi maggehi catusaccadhammesu niṭṭhaṃ gato, imasmiṃ pana ṭhāne ‘dhammesū’ti buddhaguṇesu niṭṭhaṃ gato”ti. Lokantaravāsī cūlasīvaththero pana “sabbaṃ tattheva vatvā imasmiṃ pana ṭhāne ‘dhammesū’ti arahatte niṭṭhaṃ gato”ti āha. Dīghabhāṇakatipītakamahāsīvaththero pana “tattheva purimavādaṃ vatvā imasmiṃ pana ṭhāne ‘dhammesū’ti sāvakaṇḍarāmīṇaṇe niṭṭhaṃ gato”ti vatvā “buddhaguṇā pana nayato āgatā”ti āha.

Satthari pasīdinti evaṃ sāvakaṇḍarāmīṇaṇadhammesu niṭṭhaṃ gantvā bhīyosomattāya “sammāsambuddho vata so bhagavā”ti satthari pasīdiṃ. **Svākkhāto bhagavatā dhammoti** suṭṭhu akkhāto sukathito niyyāniko maggo phalattthāya niyyāti rāgadosamohanimmadanasamatto.

Suppaṭipanno saṅghoti buddhassa bhagavato sāvakaṇsaṅghopi vaṅkādidosaviraḥitaṃ sammāpaṭipadaṃ paṭipannattā suppaṭipannoti pasannomhi bhagavatīti dasseti.

Kusaladhammadeṇaṇvaṇṇaṇā

145. Idāni divaṭṭhāne nisīditvā samāpajjite soḷasa aparāpariyadhamme dassetuṃ **aparaṃ pana bhante etadānuttariyaṇti** desanaṃ ārabhi. Tattha **anuttariyaṇti** anuttarabhāvo. **Yathā bhagavā dhammaṃ deseti**ti yathā yenākāreṇa yāya desanāya bhagavā dhammaṃ deseti, sā tumhākaṃ desanā anuttarāti vadati. **Kusalesu dhammesūti** tāya desanāya desitesu kusalesu dhammesupi bhagavāva anuttaroti dīpeti. Yā vā sā desanā, tassā bhūmiṃ dassentopi “kusalesu dhammesū”ti āha. **Tatrima kusalā dhammāti** tatra kusalesu dhammesūti vuttapade ime kusalā dhammā nāmāti veditabbā. Tattha ārogyaṭṭhena, anavajjaṭṭhena, kosallasambhūtaṭṭhena, niddarathaṭṭhena, sukhavipākaṭṭhenaṇti paṇcadhā kusalaṃ veditabbaṃ. Tesu jātakapariyāyaṃ patvā ārogyaṭṭhena kusalaṃ vaṭṭati. Suttantapariyāyaṃ patvā anavajjaṭṭhena. Abhidhammapariyāyaṃ patvā kosallasambhūtaniddarathasukhavipākaṭṭhena. Imasmiṃ pana ṭhāne bāhitikasuttantapariyāyena (ma. ni. 2.358) anavajjaṭṭhena kusalaṃ daṭṭhabbaṃ.

Cattāro satipaṭṭhāṇāti cuddasavidhena kāyānupassanāsatipaṭṭhāṇaṃ, navavidhena vedanānupassanāsatipaṭṭhāṇaṃ, soḷasavidhena cittānupassanāsatipaṭṭhāṇaṃ, paṇcavidhena dhammānupassanāsatipaṭṭhāṇanti evaṃ nāṇāyehi vibhajitvā samathavipassanāmaggavasena lokiyalokuttaramissakā cattāro satipaṭṭhāṇā desitā. Phalasaṭipaṭṭhāṇaṃ pana idha anadhippetāṃ. **Cattāro sammappadhāṇāti** paggaḥaṭṭhena ekalakkhaṇā, kiccavasena nāṇākiccā. “Idha bhikkhu anuppannāṇaṃ pāpakāṇaṃ akusalāṇaṃ dhammāṇaṃ anuppādāyā”tiadinā nayena samathavipassanāmaggavasena lokiyalokuttaramissakāva cattāro sammappadhāṇā desitā. **Cattāro iddhipādāti** ijjhanaṭṭhena ekasaṅghā, chandādivasena nāṇāsabhāvā. “Idha bhikkhu chandasamādhīpadhāṇasaṅkhārasamannāgataṃ iddhipādaṃ bhāveti”tiadinā nayena

samathavipassanāmaggavasena lokiyalokuttaramissakāva cattāro iddhipādā desitā.

Pañcendriyānī ādhipateyyaṭṭhena ekalakkhaṇāni, adhimokkhādisabhāvavasena nānāsabhāvāni. Samathavipassanāmaggavaseneva ca lokiyalokuttaramissakāni saddhādīni pañcendriyāni desitāni. **Pañca balānī** upatthambhanaṭṭhena akampiyatṭhena vā ekasaṅgahāni, salakkhaṇena nānāsabhāvāni. Samathavipassanāmaggavaseneva lokiyalokuttaramissakāni saddhādīni pañca balāni desitāni. **Satta bojjaṅgā**ti niyyānaṭṭhena ekasaṅgahā, upaṭṭhānādīnā salakkhaṇena nānāsabhāvā. Samathavipassanā maggavaseneva lokiyalokuttaramissakā satta bojjaṅgā desitā.

Ariyo aṭṭhaṅgiko maggoti hetuṭṭhena ekasaṅgaho, dassanādīnā salakkhaṇena nānāsabhāvo. Samathavipassanāmaggavaseneva lokiyalokuttaramissako ariyo aṭṭhaṅgiko maggo desitoti attho.

Idha, bhante, bhikkhu āsavānaṃ khayāti idam kimattham āraddham? Sāsanassa pariyośanadassanattham. Sāsanassa hi na kevalam maggeneva pariyośanam hoti, arahattaphalena pana hoti. Tasmā tam dassetum idamāradhanti veditabbam. **Etadānuttariyam, bhante, kusalesu dhammesūti** bhante yā ayam kusalesu dhammesu evaṃdesanā, etadānuttariyam. **Tam bhagavāti** tam desanam bhagavā asesam sakalam abhijānāti. **Tam bhagavatoti** tam desanam bhagavato asesam abhijānato. **Uttari abhiññeyyam natthīti** taduttari abhijānitabbam natthi, ayam nāma ito añño dhammo vā puggalo vā yam bhagavā na jānāti idam natthi. **Yadabhijānam añño samaṇo vāti** yam tumhehi anabhiññātam, tam añño samaṇo vā brāhmaṇo vā abhijānanto bhagavatā bhīyyobhiññataro assa, adhikatarapañño bhavye. **Yadidam kusalesu dhammesūti** ettha yadidanti nipātamattam, kusalesu dhammesu bhagavatā uttaritaro natthīti ayametthattho. Iti bhagavāva kusalesu dhammesu anuttaroti dassento “imināpi kāraṇena evaṃpasanno aham, bhante, bhagavatī”ti dīpeti. Ito paresu **aparam panāti**ādīsu visesamattameva vaṇṇayissāma. Purimavārasadisam pana vuttanayeneva veditabbam.

Āyatanapaṇṇattidesanāvaṇṇanā

146. Āyatanapaṇṇattīsūti āyatanapaññāpanāsu. Idāni tā āyatanapaññattīyo dassento **chayimāni, bhanteti**ādīmāha. Āyatanakathā panesā visuddhimagge vitthārena kathitā, tena na tam vitthārayissāma, tasmā tattha vuttanayeneva sā vitthārato veditabbā.

Etadānuttariyam, bhante, āyatanapaṇṇattīsūti yāyam āyatanapaṇṇattīsu ajjhattikabāhiravavattānādivasena evam desanā, etadānuttariyam. Sesam vuttanayameva.

Gabbhāvakkantidesanāvaṇṇanā

147. Gabbhāvakkantīsūti gabbhokkamanesu. Tā gabbhāvakkantiyo dassento **catasso imā, bhanteti**ādīmāha. Tattha **asampajānoti** ajānanto sammūlho hutvā. **Mātukucchiṃ okkamātīti** paṭisandhivasena pavisati. **Ṭhātīti** vasati. **Nikkhamātīti** nikkhamantopi asampajāno sammūlho va nikkhamati. **Ayam paṭhamāti** ayam pakatilokiyamanussānam paṭhamā gabbhāvakkanti.

Sampajāno mātukucchiṃ okkamātīti okkamanto sampajāno asammūlho hutvā okkamati.

Ayam dutiyāti ayam asītimahātherānam sāvakānam dutiyā gabbhāvakkanti. Te hi pavisantāva jānanti, vasantā ca nikkhamantā ca na jānanti.

Ayam tatiyāti ayam dvinnāñca aggasāvakanam paccekabodhisattānañca tatiyā gabbhāvakkanti. Te kira kammajehi vātehi adhosirā uddhampādā anekasataporise papāte viya yonimukhe khittā tālacchiggaḷena hatthi viya sambādhena yonimukhena nikkhamamānā anantam dukkham paṇuṇanti. Tena nesam “mayam nikkhamamhā”ti sampajānatā na hoti. Evam pūritapāramīnampi ca sattānam

evarūpe ṭhāne mahantaṃ dukkhaṃ uppajjatīti alameva gabbhāvāse nibbindituṃ alaṃ virajjituṃ.

Ayaṃ catutthāti ayaṃ sabbaññubodhisattānaṃ vasena catutthā gabbhāvakkanti.

Sabbaññubodhisattā hi mātukucchimiṃ paṭisandhiṃ gaṇhantāpi jānanti, tattha vasantāpi jānanti, nikkhamantāpi jānanti, nikkhamanakālepi ca te kammajavātā uddhampāde adhosire katvā khipituṃ na sakkonti, dve hatthe pasāretvā akkhīni ummīletvā ṭhitakāva nikkhamanti. Bhavaggaṃ upādāya avīciantare añño tīsu kālesu sampajāno nāma natthi ṭhapetvā sabbaññubodhisatte. Teneva nesam mātukucchiṃ okkamanakāle ca nikkhamanakāle ca dasasahassilokadhātu kampaṭīti. Sesamettha vuttanayeneva veditabbaṃ.

Ādesanavidhādesanāvaṇṇanā

148. Ādesanavidhāsūti ādesanakoṭṭhāsesu. Idāni tā ādesanavidhā dassento **catasso imāti**ādīmāha. **Nimittena ādisatīti** āgatanimittena gatanimittena ṭhitanimittena vā idaṃ nāma bhavissatīti katheti.

Tatridaṃ vatthu – eko rājā tisso muttā gahetvā purohitaṃ pucchi “kiṃ me, ācariya, hatthe”ti? So ito cito ca olokesi. Tena ca samayena ekā sarabū “makkhikaṃ gahessāmī”ti pakkhandi, gahaṇakāle makkhikā palātā, so makkhikāya muttattā “muttā mahārājā”ti āha. Mutta tāva hotu, kati muttāti? So puna nimittaṃ olokesi. Atha avidūre kukkuṭo tikkhattuṃ saddaṃ nicchāresi. Brāhmaṇo “tisso mahārājā”ti āha. Evaṃ ekacco āgatanimittena katheti. Etenupāyena gataṭhitani mittehipi kathanam veditabbaṃ.

Amanussānanti yakkhapisācādīnaṃ. **Devatānanti** cātumahārājikādīnaṃ. **Saddaṃ sutvāti** aññassa cittaṃ ṇatvā kathentānaṃ saddaṃ sutvā. **Vitakkavipphārasaddanti** vitakkavipphārasavasena uppannaṃ vipalapanānaṃ suttapamattādīnaṃ saddaṃ. **Sutvāti** taṃ saddaṃ sutvā. Yaṃ vitakkayato tassa so saddo uppanno, tassa vasena “evampi te mano”ti ādisati. **Manosaṅkhārā paṇihitāti** cittasaṅkhārā suṭṭhapitā. **Vitakkessatīti** vitakkayissati pavattessatīti pajānāti. Jānanto ca āgamanena jānāti, pubbhāgena jānāti, antosamāpattiyam cittaṃ oloketvā jānāti. **Āgamanena jānāti** nāma kaṣiṇaparikkamālepeva yenākārena esa kaṣiṇabhāvanam āraddho paṭhamajjhānaṃ vā...pe... catutthajjhānaṃ vā aṭṭhasamāpattiyō vā nibbattessatīti jānāti. **Pubbabhāgena jānāti** nāma samathavipassanāya āraddhāyeva jānāti, yenākārena esa vipassanaṃ āraddho sotāpattimaggaṃ vā nibbattessati, sakadāgāmaggaṃ vā nibbattessati, anāgāmaggaṃ vā nibbattessati, arahattamaggaṃ vā nibbattessatīti jānāti. **Antosamāpattiyam cittaṃ oloketvā jānāti** nāma yenākārena imassa manosaṅkhārā suṭṭhapitā, imassa nāma cittassa anantarā imaṃ nāma vitakkaṃ vitakkessati. Ito vuṭṭhitassa etassa hānabhāgiyo vā samādhi bhavissati, ṭhitibhāgiyo vā visesabhāgiyo vā nibbedhabhāgiyo vā abhiññāyo vā nibbattessatīti jānāti.

Tattha puthujjano cetopariyaññalābhī puthujjanānaṃyeva cittaṃ jānāti, na ariyānaṃ. Ariyesupi heṭṭhimo heṭṭhimo uparimassa uparimassa cittaṃ na jānāti, uparimo pana heṭṭhimassa jānāti. Etesu ca sotāpanno sotāpattiphalasamāpattiṃ samāpajjati. Sakadāgāmī, anāgāmī, arahā, arahattaphalasangāmiṃ samāpajjati. Uparimo heṭṭhimam na samāpajjati. Tesañhi heṭṭhimā heṭṭhimā samāpatti tatrūpapattiyeva hoti. **Tatheva taṃ hotīti** idaṃ ekaṃsena tatheva hoti. Cetopariyaññavasena ñātañhi aññathābhāvī nāma natthi. Sesam purimanayeneva yojetabbaṃ.

Dassanasamāpattidesanāvaṇṇanā

149. Ātappamanvāyātiādi brahmajāle vitthāritameva. Ayaṃ panettha saṅkhepo, **ātappanti** vīriyam. Tadeva padahitabbato **padhānaṃ**. Anuyuñjitabbato **anuyogo**. **Appamā**danti sativippavāsam. **Sammāmanasikā**ranti anicce aniccantiādivasena pavattaṃ upāyamanasikāram. **Cetosamādhinti** paṭhamajjhānasamādhim. **Ayaṃ paṭhamā dassanasamāpattīti** ayaṃ dvattiṃ sākāram paṭikūlato manasikatvā paṭikūladassanavasena uppāditā paṭhamajjhānasamāpatti paṭhamā dassanasamāpatti nāma,

sace pana taṃ jhānaṃ pādakaṃ katvā sotāpanno hoti, ayaṃ nippariyāyeneva paṭhamā dassanasamāpatti.

Atikkamma cāti atikkamitvā ca. **Chavimaṃsalohitanti** chaviṅca maṃsaṅca lohitaṅca. **Aṭṭhiṃ paccavekkhatī** aṭṭhi aṭṭhīti paccavekkhati. Aṭṭhi aṭṭhīti paccavekkhitvā uppāditā aṭṭhiārammaṇā dibbacakkhupādakajjhānasamāpatti dutiyā dassanasamāpatti nāma. Sace pana taṃ jhānaṃ pādakaṃ katvā sakadāgāmimaggaṃ nibbatteti. Ayaṃ nippariyāyena dutiyā dassanasamāpatti. Kāḷavallavāsī sumatthero pana “yāva tatiyamaggā vaṭṭatī”ti āha.

Viññāpasotanti viññānameva. **Ubhayato abbochinnanti** dvīhipi bhāgehi acchinnam. **Idha loke patiṭṭhitaṅcāti** chandarāgavasena imasmiṅca loke patiṭṭhitam. Dutiyapadepe eseva nayo. Kamman vā kammato upagacchantam idha loke patiṭṭhitam nāma. Kammabhavam ākaḍḍhantam paraloke patiṭṭhitam nāma. Iminā kiṃ kathitam? Sekkhaputhujjanānam cetopariyañānam kathitam. Sekkhaputhujjanānañhi cetopariyañānam tatiyā dassanasamāpatti nāma.

Idha loke appatiṭṭhitaṅcāti nicchandarāgattā idhaloke ca appatiṭṭhitam. Dutiyapadepe eseva nayo. Kamman vā kammato na upagacchantam idha loke appatiṭṭhitam nāma. Kammabhavam anākaḍḍhantam paraloke appatiṭṭhitam nāma. Iminā kiṃ kathitam? Khīṇāsavassa cetopariyañānam kathitam. Khīṇāsavassa hi cetopariyañānam catutthā dassanasamāpatti nāma.

Apica dvattiṃsākāre āradhaviṃpassanāpi paṭhamā dassanasamāpatti. Aṭṭhiārammaṇe āradhaviṃpassanā dutiyā dassanasamāpatti. Sekkhaputhujjanānam cetopariyañānam khīṇāsavassa cetopariyañānantī idam padadvayam niccalameva. Aparo nayo paṭhamajjhānam paṭhamā dassanasamāpatti. Dutiyajjhānam dutiyā. Tatiyajjhānam tatiyā. Catutthajjhānam catutthā dassanasamāpatti. Tathā paṭhamamaggo paṭhamā dassanasamāpatti. Dutiyamaggo dutiyā. Tatiyamaggo tatiyā. Catutthamaggo catutthā dassanasamāpatti. Sesametta purimanayeneva yojetabbam.

Puggalapaṇṇattidesanāvāṇṇanā

150. Puggalapaṇṇattīsūti lokavohāravasena “satto puggalo naro poso”ti evam paññāpetabbāsu lokapaññattīsu. Buddhānañhi dve kathā sammutikathā, paramatthakathāti poṭṭhapādasutte (dī. ni. aṭṭha. 1.439-443) vitthāritā.

Tattha puggalapaṇṇattīsūti ayaṃ sammutikathā. Idāni ye puggale paññapento puggalapaṇṇattīsu bhagavā anuttaro hoti, te dassento **sattime bhante puggalā. Ubhatobhāgavimuttoti**ādīmāha. Tattha **ubhatobhāgavimuttoti** dvīhi bhāgehi vimutto, arūpasamāpattiyā rūpakāyato vimutto, maggena nāmakāyato. So catunnam arūpasamāpattīnam ekekato vuṭṭhāya saṅkhāre sammāsītva arahattappattānam, catunnam, nirodhā vuṭṭhāya arahattappattānāgāmino ca vasena pañcavidho hoti.

Pāḷi panettha “katamo ca puggalo ubhatobhāgavimutto? Idhekacco puggalo aṭṭhavimokkhe kāyena phusitvā viharati, paññāya cassa disvā āsavā parikkhīṇā hontī”ti (dhātu. 24) evam aṭṭhavimokkhalābhino vasena āgatā. Paññāya vimuttoti **paññāvimutto**. So sukkhaviṃpassako ca, catūhi jhānehi vuṭṭhāya arahattam pattā cattāro cāti imesaṃ vasena pañcavidhova hoti.

Pāḷi panettha aṭṭhavimokkhaṭṭhapaṭikkhepavaseneva āgatā. Yathāha “na heva kho aṭṭha vimokkhe kāyena phusitvā viharati. Paññāya cassa disvā āsavā parikkhīṇā honti. Ayaṃ vuccati puggalo paññāvimutto”ti (dhātu. 25).

Phuṭṭhantam sacchi karotīti **kāyasakkhi**. So jhānaphassam paṭhamam phusati, pacchā nirodham nibbānam sacchikaroti, so sotāpattiṭṭhantaṃ ādim katvā yāva arahattamaggaṭṭhā chabbidho hotīti veditabbo. Tenevāha “idhekacco puggalo aṭṭha vimokkhe kāyena phusitvā viharati, paññāya cassa disvā

ekacce āsavā parikkhīṇā honti. Ayaṃ vuccati puggalo kāyasakkhī’ ti (dhātu. 26).

Diṭṭhantaṃ pattoti **diṭṭhippatto**. Tatridaṃ saṅkhepalakkhaṇaṃ, dukkhā saṅkhārā sukho nirodhoti ñātaṃ hoti diṭṭhaṃ viditaṃ sacchikataṃ passitaṃ paññāyāti **diṭṭhippatto**. Vitthārato panesopi kāyasakkhi viya chabbidho hoti. Tenevāha – “idhekacco puggalo idaṃ dukkhanti yathābhūtaṃ pajānāti...pe... ayaṃ dukkhanirodhagāminī paṭipadāti yathābhūtaṃ pajānāti, tathāgatappaveditā cassa dhammā paññāya vodiṭṭhā honti vocaritā, paññāya cassa disvā ekacce āsavā parikkhīṇā honti. Ayaṃ vuccati puggalo diṭṭhippatto’ ti (dhātu. 27).

Saddhāya vimuttoti **saddhāvimutto**. Sopi vuttanayeneva chabbidho hoti. Tenevāha – “idhekacco puggalo idaṃ dukkhanti yathābhūtaṃ pajānāti, ayaṃ dukkhasamudayoti yathābhūtaṃ pajānāti, ayaṃ dukkhanirodhoti yathābhūtaṃ pajānāti, ayaṃ dukkhanirodhagāminī paṭipadāti yathābhūtaṃ pajānāti, tathāgatappaveditā cassa dhammā paññāya vodiṭṭhā honti vocaritā, paññāya cassa disvā ekacce āsavā parikkhīṇā honti no ca kho yathā diṭṭhippatassa. Ayaṃ vuccati puggalo saddhāvimutto’ ti (dhātu. 28). Etesu hi saddhāvimuttassa pubbhāgamaggakkhaṇe saddahantassa viya, okappentassa viya, adhimuccantassa viya ca kilesakkhayo hoti. Diṭṭhippatassa pubbhāgamaggakkhaṇe kilesacchedakam ñānaṃ adandhaṃ tikhiṇaṃ sūraṃ hutvā vahati. Tasmā yathā nāma nātītikhiṇena asinā kadaliṃ chindantassa chinnaṭṭhānaṃ na maṭṭhaṃ hoti, asi na sīghaṃ vahati, saddo suyyati, balavataro vāyāmo kātabbo hoti, evarūpā saddhāvimuttassa pubbhāgamaggabhāvanā. Yathā pana atinisitena asinā kadaliṃ chindantassa chinnaṭṭhānaṃ maṭṭhaṃ hoti, asi sīghaṃ vahati, saddo na suyyati, balavataṃ vāyāmakiccaṃ na hoti, evarūpā paññāvimuttassa pubbhāgamaggabhāvanā veditabbā.

Dhammaṃ anussaratīti **dhammānusārī**. **Dhammoti** paññā, paññāpubbaṅgamaṃ maggaṃ bhāvetīti attho. **Saddhānusārimhipi** eseva nayo, ubhopete sotāpattimaggaṭṭhāyeva. Vuttampi cetam “yassa puggalassa sotāpattiphalaśacchikiriyāya paṭipannassa paññindriyaṃ adhimattaṃ hoti, paññāvāhiṃ paññāpubbaṅgamaṃ ariyamaggaṃ bhāveti. Ayaṃ vuccati puggalo dhammānusārī’ ti.

Tathā “yassa puggalassa sotāpattiphalaśacchikiriyāya paṭipannassa saddhindriyaṃ adhimattaṃ hoti, saddhāvāhiṃ saddhāpubbaṅgamaṃ ariyamaggaṃ bhāveti. Ayaṃ vuccati puggalo saddhānusārī’ ti. Ayamettha saṅkhepo, vitthārato panesā ubhatobhāgavimuttādīkathā visuddhimagge paññābhāvanādhikāre vuttā. Tasmā tattha vuttanayeneva veditabbā. Sesamidhāpi purimanayeneva yojetabbaṃ.

Padhānadesanāvaṇṇanā

151. Padhānesūti idha padahanavasena “satta bojjaṅgā padhānā’ ti vuttā. Tesam vitthārakathā mahāsatiṭṭhāne vuttanayeneva veditabbā. Sesamidhāpi purimanayeneva yojetabbaṃ.

Paṭipadādesanāvaṇṇanā

152. Dukkhaṭipadādīsu ayaṃ vitthāranayo – “tattha katamā dukkhaṭipadā dandhābhiññā paññā? Dukkheṇa kasirena samādhiṃ uppādentassa dandhaṃ taṃ ṭhānaṃ abhijānantassa yā paññā pajānanā...pe... amoho dhammavicayo sammādiṭṭhi, ayaṃ vuccati dukkhaṭipadā dandhābhiññā paññā. Tattha katamā dukkhaṭipadā khippābhiññā paññā? Dukkheṇa kasirena samādhiṃ uppādentassa khippaṃ taṃ ṭhānaṃ abhijānantassa yā paññā pajānanā...pe... sammādiṭṭhi, ayaṃ vuccati dukkhaṭipadā khippābhiññā paññā. Tattha katamā sukhaṭipadā dandhābhiññā paññā? Akiccheṇa akasirena samādhiṃ uppādentassa dandhaṃ taṃ ṭhānaṃ abhijānantassa yā paññā pajānanā...pe... sammādiṭṭhi, ayaṃ vuccati sukhaṭipadā dandhābhiññā paññā. Tattha katamā sukhaṭipadā khippābhiññā paññā? Akiccheṇa akasirena samādhiṃ uppādentassa khippaṃ taṃ ṭhānaṃ abhijānantassa yā paññā pajānanā...pe... sammādiṭṭhi, ayaṃ vuccati sukhaṭipadā khippābhiññā paññā’ ti (vibha. 801). Ayamettha saṅkhepo, vitthāro pana visuddhimagge vutto. Sesamidhāpi purimanayeneva

yojetabbaṃ.

Bhassasamācārādivaṇṇanā

153. Na ceva musāvādūpasañhitanti bhassasamācāre ʒhitopi kathāmaggaṃ anupacchinditvā kathentopi idhekacco bhikkhu na ceva musāvādūpasañhitaṃ bhāsati. Aṭṭha anariyavohāre vajjetvā aṭṭha ariyavohārayuttameva bhāsati. **Na ca vebhūtiyanti** bhassasamācāre ʒhitopi bhedakaravācaṃ na bhāsati. **Na ca pesuṇiyanti** tassāyevetaṃ vevacanaṃ. Vebhūtiyavācā hi piyabhāvassa suññakaraṇato “pesuṇiya”nti vuccati. Nāmamevassā etanti mahāsīvatthero avoca. **Na ca sārambhajanti** sārambhajā ca yā vācā, tañca na bhāsati. “Tvamaṃ dussīlo”ti vutte, “tvamaṃ dussīlo tavācariyo dussīlo”ti vā, “tuyhaṃ āpatti”ti vutte, “ahaṃ piṇḍāya caritvā pāṭaliputtaṃ gato”tiadinā nayena bahiddhā vikkhepakathāpavattaṃ vā karaṇuttariyavācaṃ na bhāsati. **Jayāpekkhoti** jayapurekkhāro hutvā, yathā hatthako sakyaputto titthiyā nāma dhammenapi adhammenapi jetabbāti saccālikamaṃ yaṃkiñci bhāsati, evamaṃ jayāpekkho jayapurekkhāro hutvā na bhāsati attho. **Mantā mantā ca vācaṃ bhāsati** ettha mantāti vuccati paññā, mantāya paññāya. Puna mantāti upaparikkhitvā. Idamaṃ vuttaṃ hoti, bhassasamācāre ʒhito divasabhāgampi kathento paññāya upaparikkhitvā yuttakathameva katheti. **Nidhānavatinti** hadayepi nidahitabbayuttaṃ. **Kālenāti** yuttapattakālena.

Evamaṃ bhāsitaṃ hi vācā amusā ceva hoti apisuṇā ca aphaṇṇasā ca asaṭṭhā ca asamphappalāpā ca. Evarūpā ca ayaṃ vācā catusaccanissitātipi sikkhattayanissitātipi dasakathāvatthunissitātipi terasadhutaṅganissitātipi sattattimśabodhipakkhiyadhammanissitātipi magganissitātipi vuccati. Tenāha **etadānuttariyaṃ, bhante, bhassasamācāreti** taṃ purimanayeneva yojetabbaṃ.

Sacco cassa saddho cāti sīlācāre ʒhito bhikkhu sacco ca bhavēyya saccakatho saddho ca saddhāsampanno. Nanu heṭṭhā saccamaṃ kathitameva, idha kasmā puna vuttanti? Heṭṭhā vācāsaccamaṃ kathitaṃ. Sīlācāre ʒhito pana bhikkhu antamaso hasanakathāyapi musāvādaṃ na karoti dassetuṃ idha vuttaṃ. Idāni so dhammena samena jīvitamaṃ kappeti dassanattaṃ **na ca kuhakoti**adi vuttaṃ. Tatha “kuhako”tiadinā brahmaṇāle vitthāritāni.

Indriyesu guttadvāro, bhojane mattaññūti chasu indriyesu guttadvāro bhojanepi pamāṇaññū. **Samakārīti** samacārī, kāyena vācāya manasā ca kāyavānkādīni pahāya samaṃ caratīti attho. **Jāgariyānuoyogamanuyuttoti** rattindivamaṃ cha koṭṭhāse katvā “divasamaṃ caṅkamaṃ nisajjāyā”ti vuttanayeneva jāgariyānuoyogaṃ yuttappayutto viharati. **Atanditoti** nittandī kāyālasiyavirahito. **Āraddhavīriyoti** kāyikavīriyenāpi āraddhavīriyo hoti, gaṇasaṅgaṇikaṃ vinodetvā catūsu iriyāpathesu aṭṭhaārabbhavatthivasena ekavīhārī. Cetasikavīriyenāpi āraddhavīriyo hoti, kilesasaṅgaṇikaṃ pahāya vinodetvā aṭṭhasamāpattivasena ekavīhārī. Api ca yathā tathā kilesuppattim nivārento cetasikavīriyena āraddhavīriyo hoti. **Jhāyīti** ārammaṇalakkhaṇūpanijjhānavasena jhāyī. **Satimāti** cirakatādiānussaraṇasamatthāya satiyā samannāgato.

Kalyāṇapaṭibhānoti vākkaraṇasampanno ceva hoti paṭibhānasampanno ca. Yuttapaṭibhāno kho pana hoti no muttapaṭibhāno. Sīlasamācārasmiñhi ʒhitabhikkhu muttapaṭibhāno na hoti, yuttapaṭibhāno pana hoti vaṅgīsatthero viya. **Gatimāti** gamanasamatthāya paññāya samannāgato. **Dhitimāti** dhāraṇasamatthāya paññāya samannāgato. **Matimāti** ettha pana matīti paññāya nāmameva, tasmā paññāvāti attho. Iti tīhipi imehi padehi paññāva kathitā. Tatha heṭṭhā samaṇadhammakaraṇavīriyaṃ kathitaṃ, idha buddhavacanaṅgaṇhanavīriyaṃ. Tathā heṭṭhā vipassanāpaññā kathitā, idha buddhavacanaṅgaṇhanapaññā. **Na ca kāmesu giddhoti** vatthukāmakilesakāmesu agiddho. **Sato ca nipako cāti** abhikkantapaṭikkantādīsu sattuṃ ʒhānesu satiyā ceva ṇāṇena ca samannāgato caratīti attho. Nepakkanti paññā, tāya samannāgatattā nipakoti vutto. Sesamidhāpi purimanayeneva yojetabbaṃ.

Anusāsanavidhādivaṇṇanā

154. Paccattaṃ yoniso manasikārāti attano upāyamanasikārena. **Yathānusitṭhaṃ tathā paṭipajjamānoti** yathā mayā anusitṭhaṃ anusāsānī dinnā, tathā paṭipajjamāno. **Tiṇṇaṃ saṃyojanānaṃ parikkhayāti**tiādi vuttatthameva. Sesamidhāpi purimanayeneva yojetabbaṃ.

155. Parapuggalavimuttiñāṇeti sotāpannādīnaṃ parapuggalānaṃ tena tena maggena kilesavimuttiñāṇe. Sesamidhāpi purimanayeneva yojetabbaṃ.

156. Amutrāsīm evaṃnāmoti eko pubbenivāsaṃ anussaranto nāmagottaṃ pariyādiyamāno gacchati. Eko suddhakhandheyeva anussarati, eko hi sakkoti, eko na sakkoti. Tattha yo sakkoti, tassa vasena aggahetvā asakkontassa vasena gahitaṃ. Asakkonto pana kiṃ karoti? Suddhakhandheyeva anussaranto gantvā anekajātisatasahassamatthake ṭhatvā nāmagottaṃ pariyādiyamāno otarati. Taṃ dassento **evaṃnāmoti**tiādimāha. **So evamāhāti** so diṭṭhigatiko evamāha. Tattha kiñcāpi sassatoti vatvā “te ca sattā saṃsaranti”ti vadantassa vacanaṃ pubbāparaviruddhaṃ hoti. Diṭṭhigatikattā panesa etaṃ na sallakkhesi. Diṭṭhigatikassa hi ṭhānaṃ vā niyamo vā natthi. Imaṃ gahetvā imaṃ vissajjeti, imaṃ vissajjetvā imaṃ gaṇhātīti brahmajāle vitthāritamevettaṃ. **Ayaṃ tatiyo sassatavādoti** thero lābhisseva vasena tayo sassatavāde āha. Bhagavatā pana takkīvādampi gahetvā brahmajāle cattāro vuttā. Etesaṃ pana tiṇṇaṃ vādānaṃ vitthārakathā brahmajāle (dī. ni. aṭṭha. 1.30) vuttanayeneva vedītabbā. Sesamidhāpi purimanayeneva vitthāretabbaṃ.

157. Gaṇaṇāya vāti piṇḍagaṇaṇāya. **Saṅkhānenāti** acchiddakavasena manogaṇaṇāya. Ubhayathāpi piṇḍagaṇaṇameva dasseti. Imaṃ vuttaṃ hoti, vassānaṃ satavasena saṃsārasavasena satasahasavasena koṭivasena piṇḍaṃ katvāpi ettakāni vassasatānīti vā ettakā vassakoṭiyoti vā evaṃ saṅkhātuṃ na sakkā. Tumhe pana attano dasannaṃ pāramīnaṃ pūritattā sabbaññutaññāssa suppaṭividdhattā yasmā vo anāvarenaññānaṃ sūraṃ vahati. Tasmā desanāññākusalatamaṃ purakkhatvā vassagaṇaṇāyapi pariyantikaṃ katvā kappagaṇaṇāyapi paricchinditvā ettakanti dassethāti dīpeti. Pāḷiyattho panettha vuttanayoyeva. Sesamidhāpi purimanayeneva yojetabbaṃ.

158. Etadānuttariyaṃ, bhante, sattānaṃ cutūpapātañāṇeti bhante yāpi ayaṃ sattānaṃ cutipaṭisandhivasena ñāṇadesanā, sāpi tumhākaṃyeva anuttarā. Atītabuddhāpi evameva desesaṃ. Anāgatāpi evameva desessanti. Tumhe tesamaṃ atītānāgatabuddhānaṃ ñāṇena saṃsanditvāva desayittha. “Imināpi kāraṇena evaṃpasanno ahaṃ bhante bhagavati”ti dīpeti. Pāḷiyattho panettha vitthāritoyeva.

159. Sāsavā saupadhikāti sadosā saupārambhā. **No ariyāti vuccatīti** ariyiddhīti na vuccati. **Anāsavā anupadhikāti** niddosā anupārambhā. **Ariyāti vuccatīti** ariyiddhīti vuccati. **Appaṭikūlasaṅgī tattha viharatīti** kathaṃ appaṭikūlasaṅgī tattha viharatīti? Paṭikūle satte mettaṃ pharati, saṅkhāre dhātusaṅgīnaṃ upasaṃharati. Yathāha “kathaṃ paṭikūle appaṭikūlasaṅgī viharati (paṭi. ma. 3.97)? Anīṭṭhasmiṃ vatthusmiṃ mettāya vā pharati, dhātuto vā upasaṃharati”ti. **Paṭikūlasaṅgī tattha viharatīti** appaṭikūle satte asubhasaṅgīnaṃ pharati, saṅkhāre aniccasaṅgīnaṃ upasaṃharati. Yathāha “kathaṃ appaṭikūle paṭikūlasaṅgī viharati? Iṭṭhasmiṃ vatthusmiṃ asubhāya vā pharati, aniccato vā upasaṃharati”ti. Evaṃ sesapadesupi attho vedītabbo.

Upekkhako tattha viharatīti iṭṭhe arajjanto anīṭṭhe adussanto yathā aññe asamapekkhanena moḥaṃ uppādentī, evaṃ anuppādentī chasu ārammaṇesu chaḷaṅgupekkhāya upekkhako viharati. **Etadānuttariyaṃ, bhante, iddhividhāsūti**, bhante, yā ayaṃ dvīsu iddhīsu evaṃdesanā, etadānuttariyaṃ. **Taṃ bhagavāti** taṃ desanaṃ bhagavā asesamaṃ sakalaṃ abhijānāti. **Taṃ bhagavatoti** taṃ desanaṃ bhagavato asesamaṃ abhijānato. **Uttari abhiññeyamaṃ natthīti** uttari abhijānitabbaṃ natthi. Ayaṃ nāma ito añño dhammo vā puggalo vā yaṃ bhagavā na jānāti idamaṃ natthi. **Yadabhijānaṃ añño samaṇo vā brāhmaṇo vāti** yaṃ tumhehi anabhiññātaṃ añño samaṇo vā brāhmaṇo vā abhijānanto bhagavatā bhiyyobhiññataro assa, adhikatarapañño bhavēyya. **Yadidamaṃ iddhividhāsūti** ettha yadidanti nipātamaṃ. Iddhividhāsu bhagavatā uttaritaro natthi. Atītabuddhāpi hi imā dve iddhiyo desesaṃ, anāgatāpi imāva desessanti. Tumhepi tesamaṃ ñāṇena saṃsanditvā imāva desayittha. Iti bhagavā

iddhividhāsu anuttaroti dassento “imināpi kāraṇena evaṃpasanno ahaṃ, bhante, bhagavatī”ti dīpeti. Ettāvata ye dhammasenāpati divāṭṭhāne nisīditvā soḷasa aparampariyadhamme sammasi, teva dassitā honti.

Aññathāsathugūṇadassanādivaṇṇanā

160. Idāni aparenapi ākārena bhagavato guṇe dassento **yaṃ taṃ bhanteti**ādīmāha. Tattha **saddhena kulaputtenā**ti saddhā kulaputtā nāma atītānāgatapaccuppannā bodhisattā. Tasmā yaṃ sabbaññubodhisattena pattabbanti vuttaṃ hoti. Kiṃ pana tena pattabbaṃ? Nava lokuttaradhammā. **Āraddhavīriyenā**tiādīsu “vīriyaṃ thāmo”tiādīni sabbāneva vīriyavevacanāni. Tattha **āraddhavīriyenā**ti paggahitavīriyena. **Thāmavatā**ti thāmasampannena thiravīriyena. **Purisathāmenā**ti tena thāmavatā yaṃ purisathāmena pattabbanti vuttaṃ hoti. Anantarapadadvayepi eseva nayo. **Purisadhorayhenā**ti yā asamadhurehi buddhehi vahitabbā dhurā, taṃ dhuraṃ vahanasamatthena mahāpurisena. **Anuppattaṃ taṃ bhagavatā**ti taṃ sabbaṃ atītānāgatabuddhehi pattabbaṃ, sabbameva anuppattaṃ, bhagavato ekaguṇopi ūno natthīti dasseti. **Kāmesu kāmasukhallikānuyoganti** vatthukāmesu kāmasukhallikānuyogaṃ. Yathā aññe keṇiyajaṭilādayo samaṇabrāhmaṇā “ko jānāti paralokaṃ. Sukho imissā paribbājikāya mudukāya lomasāya bāhāya samphasso”ti moḷibandhāhi paribbājikāhi paricārenti sampattaṃ sampattaṃ rūpādiārammaṇaṃ anubhavamānā kāmasukhamanuyuttā, na evamanuyuttoti dasseti.

Hīnanti lāmakāṃ. **Gammanti** gāmvāsīnaṃ dhammaṃ. **Pothujjanikanti** puthujjanehi sevitaṃ. **Anariyanti** na niddosaṃ. Na vā ariyehi sevitaṃ. **Anatthasañhitanti** anatthasaṃyuttaṃ. **Attakilamathānuyoganti** attano ātāpanaparitāpanānuyogaṃ. **Dukkhanti** dukkhayuttaṃ, dukkhamaṃ vā. Yathā eke samaṇabrāhmaṇā kāmasukhallikānuyogaṃ parivajjessāmāti kāyakilamathaṃ anudhāvanti, tato muñcissāmāti kāmasukhaṃ anudhāvanti, na evaṃ bhagavā. Bhagavā pana ubho ete ante vajjetvā yā sā “atthi, bhikkhave, majjhimā paṭipadā tathāgatena abhisambuddhā cakkhukaraṇī”ti evaṃ vuttā sammāpaṭipatti, tameva paṭipanno. Tasmā “na ca attakilamathānuyoga”ntiādīmāha.

Ābhicetasikānanti abhicetasikānaṃ, kāmāvacaracittāni atikkamitvā ṭhitānanti attho. **Diṭṭhadhammasukhavihārānanti** imasmiṃyeva attabhāve sukhavihārānaṃ. **Poṭṭhapādasuttanta**smiñhi sappītikadutiyajjhānaphalasaṃpatti kathitā (dī. ni. 1.432). **Pāsādikasuttante** saha maggena vipassanāpādakajjhānaṃ. Dasuttarasuttante catutthajjhānikaphalasaṃpatti. Imasmiṃ sampasādanīye diṭṭhadhammasukhavihārājjhānāni kathitāni. **Nikāmalābhīti** yathākāmalābhī. **Akicchalābhīti** adukkhalābhī. **Akasiralābhīti** vipulalābhī.

Anuyogadānappakāraṇaṇā

161. **Ekissā lokadhātuyā**ti dasasahassilokadhātuyā. Tīṇi hi khetāni – jātikhettaṃ āṇākhettaṃ visayakhettaṃ. Tattha **jātikhettaṃ** nāma dasasahassī lokadhātu. Sā hi tathāgatassa mātukucchiṃ okkamanakāle nikkhamanakāle sambodhikāle dhammacakkappavattane āyusañkhārossajjane parinibbāne ca kampati. Koṭisatasahassacakkavāḷaṃ pana **āṇākhettaṃ** nāma. Āṭānāṭiyamoraparittadhajjagaparittaratānāparittādīnāñhi ettha āṇā vattati. **Visayakhettaṃ** pana parimāṇaṃ natthi, buddhāññāñhi “yāvatakaṃ ñāṇaṃ, tāvatakaṃ ñeyyaṃ, yāvatakaṃ ñeyyaṃ tāvatakaṃ ñāṇaṃ, ñāṇapariyantikaṃ ñeyyaṃ, ñeyyapariyantikaṃ ñāṇa”nti (mahāni. 55) vacanato avisayo nāma natthi.

Imesu pana tīsu khettesu ṭhapetvā imaṃ cakkavāḷaṃ aññasmiṃ cakkavāḷe buddhā uppajjantīti suttaṃ natthi, nuppañjantīti pana atthi. Tīṇi piṭākāni vinayaṭīkaṃ, suttantaṭīkaṃ abhidhammaṭīkaṃ. Tisso saṅgītiyo mahākassapattherassa saṅgīti, yasattherassa saṅgīti, moggaliputtatissattherassa saṅgīti. Imā tisso saṅgītiyo āruḷhe teṭītake buddhavacane “imaṃ cakkavāḷaṃ muñcitvā aññattha buddhā uppajjantī”ti suttaṃ natthi, nuppañjantīti pana atthi.

Apubbaṃ acarimanti apure apacchā ekato nuppajjanti, pure vā pacchā vā uppajjantīti vuttaṃ hoti. Tattha bodhipallaṅke “bodhiṃ apatvā na uṭṭhahissāmi”ti nisinnakālato paṭṭhāya yāva mātukucchismim paṭisandhiggahaṇaṃ, tāva pubbeti na veditabbaṃ. Bodhisattassa hi paṭisandhiggahaṇe dasasahassacakkavāḷakampaneneva khettapariggaho kato. Aññassa buddhassa uppattipi nivāritā hoti. Parinibbānato paṭṭhāya ca yāva sāsapamattāpi dhātuyo tiṭṭhanti, tāva pacchāti na veditabbaṃ. Dhātūsu hi ṭhitāsu buddhāpi ṭhitāva honti. Tasmā etthantare aññassa buddhassa uppatti nivāritāva hoti. Dhātuparinibbāne pana jāte aññassa buddhassa uppatti na nivāritā.

Tipiṭakaantaradhānakathā

Tiṇi antaradhānāni nāma pariyattiantaradhānaṃ, paṭivedhaantaradhānaṃ, paṭipattiantaradhānanti. Tattha **pariyattīti** tiṇi piṭakāni. **Paṭivedhoti** saccappaṭivedho. **Paṭipattīti** paṭipadā. Tattha paṭivedho ca paṭipatti ca hotipi na hotipi. Ekasmiṃhi kāle paṭivedhakarā bhikkhū bahū honti, esa bhikkhu puthujjanoti aṅgulim pasāretvā dassetabbo hoti. Imasmiṃyeva dīpe ekavāraṃ puthujjanabhikkhu nāma nāhosi. Paṭipattipūrakāpi kadāci bahū honti, kadāci appā. Iti paṭivedho ca paṭipatti ca hotipi na hotipi. Sāsanaṭṭhitiyā pana pariyatti pamāṇaṃ. Paṇḍito hi tepiṭakaṃ sutvā dvepi pūreti.

Yathā amhākaṃ bodhisatto ālārassa santike pañcābhiññā satta ca samāpattiyo nibbattetvā nevasaññānāsaññāyatanasamāpattiyā parikammaṃ pucchi, so na jānāmīti āha. Tato udakassa santikaṃ gantvā adhigatavisesaṃ saṃsanditvā nevasaññānāsaññāyatanassa parikammaṃ pucchi, so ācikkhi, tassa vacanasamanantameva mahāsatto taṃ jhānaṃ sampādesi, evameva paññavā bhikkhu pariyattim sutvā dvepi pūreti. Tasmā pariyattiyā ṭhitāya sāsanaṃ ṭhitaṃ hoti. Yadā pana sā antaradhāyati, tadā paṭhamam abhidhammapiṭakaṃ nassati. Tattha paṭṭhānaṃ sabbapaṭhamam antaradhāyati. Anukkamena pacchā dhammasaṅgaho, tasmim antarahite itaresu dvīsu piṭakesu ṭhitesupi sāsanaṃ ṭhitameva hoti.

Tattha suttantapiṭake antaradhāyamāne paṭhamam aṅguttaranikāyo ekādasakato paṭṭhāya yāva ekakā antaradhāyati, tadanantaram saṃyuttanikāyo cakkapeyyālato paṭṭhāya yāva oghataraṇā antaradhāyati. Tadanantaram majjhimanikāyo indriyabhāvanato paṭṭhāya yāva mūlapariyāyā antaradhāyati. Tadanantaram dīghanikāyo dasuttarato paṭṭhāya yāva brahmajālā antaradhāyati. Ekissāpi dvinnampi gāthānaṃ pucchā addhānaṃ gacchati, sāsanaṃ dhāretuṃ na sakkoti, sabhiyapucchā āḷavakapucchā viya ca. Etā kira kassapabuddhakālikā antarā sāsanaṃ dhāretuṃ nāsakkhiṃsu.

Dvīsu pana piṭakesu antarahitesupi vinayapiṭake ṭhite sāsanaṃ tiṭṭhati. Parivārakkhandhakesu antarahitesu ubhatovibhaṅge ṭhite ṭhitameva hoti. Ubhatovibhaṅge antarahite mātikāyapi ṭhitāya ṭhitameva hoti. Mātikāya antarahitāya pātimokkhapabbajjāupasampadāsu ṭhitāsu sāsanaṃ tiṭṭhati. Liṅgaṃ addhānaṃ gacchati. Setavattasamaṇavaṃso pana kassapabuddhakālato paṭṭhāya sāsanaṃ dhāretuṃ nāsakkhi. **Paṭisambhidāpattehi** vassasahassaṃ aṭṭhāsi. **Chalabhiññehi** vassasahassaṃ. **Tevijjehi** vassasahassaṃ. **Sukkhavipassakehi** vassasahassaṃ. **Pātimokkhehi** vassasahassaṃ aṭṭhāsi. Pacchimakassa pana saccappaṭivedhato pacchimakassa sīlabhedato paṭṭhāya sāsanaṃ osakkitaṃ nāma hoti. Tato paṭṭhāya aññassa buddhassa uppatti na nivāritā.

Sāsanaantarahitavaṇṇanā

Tiṇi parinibbānāni nāma kilesaparinibbānaṃ khandhparinibbānaṃ dhātuparinibbānanti. Tattha kilesaparinibbānaṃ bodhipallaṅke ahoṣi. Khandhparinibbānaṃ kulinārāyaṃ. Dhātuparinibbānaṃ anāgate bhavissati. Sāsanaṃ kira osakkanakāle imasmiṃ tambapaṇṇidīpe dhātuyo sannipatitvā mahācetiyaṃ gamissanti. Mahācetiyaṃ nāgadīpe rājāyatanacetiyaṃ. Tato mahābodhipallaṅkaṃ gamissanti. Nāgabhanatopi devalokatopi brahmalokatopi dhātuyo mahābodhipallaṅkameva gamissanti. Sāsapamattāpi dhātuyo na antarā nassissanti. Sabbadhātuyo mahābodhipallaṅke rāsibhūtā suvaṇṇakkhandho viya ekagghanā hutvā chabbaṇṇarasmiyo vissajjessanti.

Tā dasasahassilokadhātuṃ pharissanti, tato dasasahassacakkavāḷadevatā sannipatitvā “ajja satthā parinibbāti, ajja sāsanaṃ osakkati, pacchimidassanaṃ dāni idaṃ amhāka”nti dasabalassa parinibbutadīvasato mahantataraṃ kāruṇṇaṃ karissanti. Ṭhapetvā anāgāmikhīṇāsava avasesā sakabhāvena sandhāretuṃ na sakkhissanti. Dhātūsu tejodhātu uṭṭhahitvā yāva brahmalokā uggacchissati. Sāsapamattāyapi dhātuyā sati ekajālā bhavissati. Dhātūsu pariyādānaṃ gatāsu upacchijjissati. Evaṃ mahantaṃ ānubhāvaṃ dassetvā dhātūsu antarahitāsu sāsanaṃ antarahitaṃ nāma hoti.

Yāva na evaṃ antaradhāyati, tāva acarimaṃ nāma hoti. Evaṃ apubbaṃ acarimaṃ uppajjeyyūṃ, netam ṭhānaṃ vijjati. Kasmā pana apubbaṃ acarimaṃ nuppajjantīti? Anacchariyattā. Buddhā hi acchariyamanussā. Yathāha – “ekapuggalo, bhikkhave, loke uppajjamāno uppajjati acchariyamanusso. Katamo ekapuggalo? Tathāgato araham sammāsambuddho”ti (a. ni. 1.172). Yadi ca dve vā cattāro vā aṭṭha vā soḷasa vā ekato uppajjeyyūṃ, anacchariyā bhaveyyūṃ. Ekasmiṃhi vihāre dvinnam cetiyānampi lābhasakkāro uḷāro na hoti. Bhikkhūpi bahutāya na acchariyā jātā, evaṃ buddhāpi bhaveyyūṃ, tasmā nuppajjanti. Desanāya ca visesābhāvato. Yaṅhi satipaṭṭhānādibhedam dhammaṃ eko deseti. Aṅhena uppajjitvāpi sova desetabbo siyā, tato anacchariyā siyā. Ekasmiṃ pana dhammaṃ desente desanāpi acchariyā hoti, vivādabhāvato ca. Bahūsu hi buddhesu uppannesu bahūnaṃ ācariyānaṃ antevāsikā viya amhākaṃ buddho pāsādiko, amhākaṃ buddho madhurassaro lābhī puṇṇavāti vivadeyyūṃ. Tasmāpi evaṃ nuppajjanti. Api cetam kāraṇam milindaraṅgāpi puṭṭhena nāgasenattherena vitthāritameva. Vuttaṅhi tattha –

Bhante, nāgasena, bhāsitaṃpi hetam bhagavatā “aṭṭhānametaṃ, bhikkhave, anavakāso, yaṃ ekissā lokadhātuyā dve arahanto sammāsambuddhā apubbaṃ acarimaṃ uppajjeyyūṃ, netam ṭhānaṃ vijjati”ti. Desayantā ca, bhante nāgasena, sabbepi tathāgatā sattatimsa bodhipakkhiye dhamme desenti, kathayamānā ca cattāri ariyasaccāni kathenti, sikkhāpentā ca tīsu sikkhāsu sikkhāpentī, anusāsamānā ca appamādappaṭipattiyam anusāsanti. Yadi, bhante nāgasena, sabbesampi tathāgatānaṃ ekā desanā ekā kathā ekasikkhā ekānusāsanaṃ, kena kāraṇena dve tathāgatā ekakkhaṇe nuppajjanti. Ekenapi tāva buddhuppādena ayam loko obhāsajāto, yadi dutiyo buddho bhaveyya, dvinnam pabhāya ayam loko bhiyyosomattāya obhāsajāto bhaveyya, ovadamānā ca dve tathāgatā sukham ovadeyyūṃ, anusāsamānā ca sukham anusāseyyūṃ, tattha me kāraṇam desehi, yathāham nissamsayo bhaveyya”nti.

Ayam, mahārāja, dasasahassī lokadhātu ekabuddhadhāraṇī, ekasseva tathāgatassa guṇam dhāreti, yadi dutiyo buddho uppajjeyya, nāyam dasasahassī lokadhātu dhāreyya, caleyya, kampeyya, nameyya, oṇameyya, vīnameyya, vikireyya, vidhameyya, viddhamseyya, na ṭhānamupagaccheyya.

Yathā, mahārāja, nāvā ekapurisasandhāraṇī bhaveyya, ekapurise abhirūḷhe sā nāvā samupādikā bhaveyya, atha dutiyo puriso āgaccheyya tādiso āyunā vaṇṇena vayena pamāṇena kisathūlena sabbaṅgapaccaṅgena, so tam nāvam abhirūheyya, api nu sā, mahārāja, nāvā dvinnampi dhāreyyāti? Na hi, bhante, caleyya, kampeyya, nameyya, oṇameyya, vīnameyya, vikireyya, vidhameyya, viddhamseyya, na ṭhānamupagaccheyya osīdeyya udaketi. Evameva kho, mahārāja, ayam dasasahassī lokadhātu ekabuddhadhāraṇī, ekasseva tathāgatassa guṇam dhāreti, yadi dutiyo buddho uppajjeyya, nāyam dasasahassī lokadhātu dhāreyya...pe... na ṭhānamupagaccheyya.

Yathā vā pana, mahārāja, puriso yāvadattham bhojanam bhuñjeyya chādentam yāva kaṇṭhamabhipūrayitvā, so dhāto pīṇito paripuṇṇo nirantaro tandīkato anōnamitandaṇḍajāto punadeva tāvatakaṃ bhojanam bhuñjeyya, api nu kho so, mahārāja, puriso sukhito bhavēyyāti? Na hi, bhante, sakim bhuttova mareyyāti; evameva kho, mahārāja, ayam dasasahassī lokadhātu ekabuddhadhāraṇī ...pe... na ṭhānamupagaccheyyāti.

Kim nu kho, bhante nāgasena, atidhammabhārena pathavī calatīti? Idha, mahārāja, dve sakaṭā ratanapūritā bhavēyyuṃ yāva mukhasamā, ekasmā sakaṭato ratanaṃ gahetvā ekasmim sakaṭe ākireyyuṃ, api nu kho taṃ, mahārāja, sakaṭaṃ dvinnampi sakaṭānaṃ ratanaṃ dhāreyyāti? Na hi, bhante, nāhipi tassa phaleyya, arāpi tassa bhijjeyyūṃ, nemipi tassa opateyya, akkhopi tassa bhijjeyyāti. Kim nu kho, mahārāja, atiratanabhārena sakaṭaṃ bhijjatīti? Āma, bhante, ti. Evameva kho, mahārāja, atidhammabhārena pathavī calati.

Apica, mahārāja, imaṃ kāraṇaṃ buddhabalaparidīpanāya osāritaṃ aññampi tattha atirūpaṃ kāraṇaṃ suṇohi, yena kāraṇena dve sammāsambuddhā ekakkhaṇe nuppajjanti. Yadi, mahārāja, dve sammāsambuddhā ekakkhaṇe uppajjeyyūṃ, tesam parisāya vivādo uppajjeyya ‘‘tumhākaṃ buddho amhākaṃ buddho’’ti, ubhato pakkhajātā bhavēyyuṃ. Yathā, mahārāja, dvinnaṃ balavāmaccānaṃ parisāya vivādo uppajjeyya ‘‘tumhākaṃ amacco amhākaṃ amacco’’ti, ubhato pakkhajātā honti; evameva kho, mahārāja, yadi dve sammāsambuddhā ekakkhaṇe uppajjeyyūṃ, tesam parisāya vivādo uppajjeyya ‘‘tumhākaṃ buddho, amhākaṃ buddho’’ti, ubhato pakkhajātā bhavēyyuṃ, idaṃ tāva, mahārāja, ekaṃ kāraṇaṃ, yena kāraṇena dve sammāsambuddhā ekakkhaṇe nuppajjanti.

Aparampi, mahārāja, uttariṃ kāraṇaṃ suṇohi, yena kāraṇena dve sammāsambuddhā ekakkhaṇe nuppajjanti. Yadi, mahārāja, dve sammāsambuddhā ekakkhaṇe uppajjeyyūṃ, ‘‘aggo buddho’’ti yaṃ vacanaṃ, taṃ micchā bhavēyya, ‘‘jeṭṭho buddho’’ti, seṭṭho buddhoti, visiṭṭho buddhoti, uttamo buddhoti, pavaro buddhoti, asamo buddhoti, asamasamo buddhoti, appaṭimo buddhoti, appaṭibhāgo buddhoti, appaṭipuggalo buddhoti yaṃ vacanaṃ, taṃ micchā bhavēyya. Imampi kho tvaṃ, mahārāja, kāraṇaṃ atthato sampaṭiccha, yena kāraṇena dve sammāsambuddhā ekakkhaṇe nuppajjanti.

Apica kho, mahārāja, buddhānaṃ bhagavantānaṃ sabhāvapakati esā, yaṃ ekoyeva buddho loke uppajjati. Kasmā kāraṇā? Mahantaṭāya sabbaññubuddhaguṇānaṃ, yaṃ aññampi, mahārāja, mahantaṃ hoti, taṃ ekaṃyeva hoti. Pathavī, mahārāja, mahantī, sā ekāyeva. Sāgaro mahanto, so ekoyeva. Sineru girirājā mahanto, so ekoyeva. Ākāso mahanto, so ekoyeva. Sakko mahanto, so ekoyeva. Māro mahanto, so ekoyeva. Mahābrahmā mahanto, so ekoyeva. Tathāgato arahaṃ sammāsambuddho mahanto, so ekoyeva lokasmim. Yattha te uppajjanti, tattha aññesaṃ okāso na hoti. Tasmā, mahārāja, tathāgato arahaṃ sammāsambuddho ekoyeva loke uppajjatīti. Sukathito, bhante nāgasena, pañho opammehi kāraṇehīti (mi. pa. 5.1.1).

Dhammassa cānudhammanti navavidhassa lokuttaradhammassa anudhammaṃ pubbhāgappaṭipadaṃ. **Sahadhammikoti** sakāraṇo. **Vādānuvādoti** vādoyeva.

Acchariyaabbhutavaṇṇanā

162. Āyasmā udāyīti tayo therā udāyī nāma – lāḷudāyī, kāḷudāyī, mahāudāyīti. Idha mahāudāyī adhippeto. Tassa kira imaṃ suttaṃ ādito paṭṭhāya yāva pariyoṣānā suṇantassa abbhantare pañcavaṇṇā pīti uppajjitvā pādapiṭṭhito sīsamatthakaṃ gacchati, sīsamatthakato pādapiṭṭhiṃ āgacchati, ubhato paṭṭhāya majjhaṃ otarati, majjhato paṭṭhāya ubhato gacchati. So nirantaraṃ pītiyā phuṭasarīro balavasomanassena dasabalassa guṇaṃ kathento **acchariyaṃ bhanteti**ādimaḥa. **Appicchatāti** nittaṇhatā. **Santuṭṭhitāti** catūsu paccayesu tīhākārehi santoso. **Sallekhatāti** sabbakilesānaṃ sallikhitabhāvo. **Yatra hi nāmāti** yo nāma. **Na attānaṃ pātukarissatīti** attano guṇe na āvi karissati. **Paṭākāṃ parihareyyunti** ‘‘ko amhehi sadiso atthī’’ti vadantā paṭākāṃ ukkhipitvā nāḷandaṃ vicareyyuṃ.

Passa kho tvaṃ, udāyī, tathāgatassa appicchatāti passa udāyī yādisī tathāgatassa appicchatāti therassa vacanaṃ sampaṭicchanto āha. Kim pana bhagavā neva attānaṃ pātukaroti, na attano guṇaṃ

kathetīti ce? Na, na katheti. Appicchatādīhi kathetabbaṃ, cīvarādihetuṃ na katheti. Tenevāha – “passa kho tvaṃ, udāyi, tathāgatassa appicchatā”’tiādi. Bujjhanakasattaṃ pana āgamma veneyyavasena katheti. Yathāha –

“Na me ācariyo atthi, sadiso me na vijjati;
Sadevakasmiṃ lokasmiṃ, natthi me paṭipuggalo”’ti. (mahāva. 11);

Evam tathāgatassa guṇadīpikā bahū gāthāpi suttantāpi vitthāretabbā.

163. Abhikkhaṇaṃ bhāseyyāsīti punappunaṃ bhāseyyāsī. Pubbaṇhasamaye me kathitanti mā majjhanhikādīsu na kathayittha. Ajja vā me kathitanti mā paradiवासādīsu na kathayitthāti attho. **Pavedesīti** kathesi. **Imassa veyyākaraṇassāti** niggaṭhakattā idaṃ suttaṃ “veyyākaraṇa”’nti vuttaṃ. **Adhivacananti** nāmaṃ. Idaṃ pana “iti hida”’nti paṭṭhāya padaṃ saṅgītikārehi ṭhapitaṃ. Sesam sabbattha uttānatthamevāti.

Sumaṅgalavilāsiniyā dīghanikāyaṭṭhakathāya

Sampasādanīyasuttavaṇṇanā niṭṭhitā.

6. Pāsādikasuttavaṇṇanā

Nigaṇṭhanāṭaputtakālaṅkiriyaṇṇanā

164. Evaṃ me sutanti pāsādikasuttaṃ. Tatrāyamanuttānapadavaṇṇanā – **vedhaññā nāma sakyāti** dhanumhi katasikkhā vedhaññanāmākā eke sakyā. **Tesaṃ ambavane pāsādeti** tesaṃ ambavane sippaṃ uggaṇhatthāya kato dīghapāsādo atthi, tattha viharati. **Adhunā kālaṅkatoti** sampati kālaṅkato. **Dvedhikajātāti** dvejjhajātā, dvebhāgā jātā. **Bhaṇḍanādīsu** bhaṇḍanaṃ pubbabhāgakaḷaho, taṃ daṇḍādānādivasena paṇṇattivītikamavasena ca vaḍḍhitaṃ **kalaho**. “Na tvaṃ imaṃ dhammavinayaṃ ājānāsī”’tiādinā nayena viruddhavaṇṇanaṃ **vivādo**. **Vitudantāti** vijjhantā. **Sahitaṃ meti** mama vacanaṃ atthasañhitaṃ. **Adhiciṇṇaṃ te viparāvattanti** yaṃ tava adhiciṇṇaṃ cirakālāsevanavasena paguṇaṃ, taṃ mama vādaṃ āgamma nivattaṃ. **Āropito te vādoti** tuyhaṃ upari mayā doso āropito. **Cara vādappamokkhāyāti** bhattapuṭaṃ ādāya taṃ taṃ upasaṅkamitvā vādappamokkhatthāya uttari pariyesamāno vicara. **Nibbeṭṭhehi vāti** atha vā mayā āropitadosato attānaṃ mocehi. **Sace pahosīti** sace sakkosi. **Vadhoyevāti** maraṇameva. **Nāṭaputtiyesūti** nāṭaputtassa antevāsikesu. **Nibbinnarūpāti** ukkaṇṭhitasabhāvā abhivādanādīnipi na karonti. **Virattarūpāti** vigatapemā. **Paṭivānarūpāti** tesaṃ sakkaccakiriyaṇṇato nivattanasabhāvā. **Yathā tanti** yathā durakkhātādisabhāve dhammavinaye nibbinnavirattappaṭivānarūpehi bhavitabbaṃ, tatheva jātāti attho. **Durakkhāteti** dukkathite. **Duppavediteti** duviññāpīte. **Anupasamaṃvattaniketi** rāgādīnaṃ upasamaṃ kātuṃ asamatthe. **Bhinnathūpeti** bhindappatiṭṭhe. Ettha hi nāṭaputtova nesaṃ patiṭṭhaṭṭhena thūpo. So pana bhinnō mato. Tena vuttaṃ “bhinnathūpe”’ti. **Appaṭisaraṇeti** tasseva abhāvena paṭisaraṇavirahite.

Nanu cāyaṃ nāṭaputto nāḷandavāsiko, so kasmā pāvāyaṃ kālaṅkatoti? So kira upālinā gahapatinā paṭividdhasaccena dasahi gāthāhi bhāsīte buddhaguṇe sutvā uṇhaṃ lohitaṃ chaḍḍesi. Atha naṃ aphāsukaṃ gahetvā pāvāyaṃ agamaṃsu. So tattha kālamakāsī. Kālaṃ kurumāno ca cintesi – “mama laddhi aniyānikā sāravirahitā, mayaṃ tāva naṭṭhā, avasesajanopi mā apāyapūrakō ahosi, sace panāhaṃ ‘mama sāsanaṃ aniyānika’nti vakkhāmi, na saddahissanti, yaṃnūnāhaṃ dvepi jane na ekañihārena uggaṇhāpeyyaṃ, te mamaccayena aññamaññaṃ vivadissanti, satthā taṃ vivādaṃ paṭicca ekaṃ dhammakathaṃ kathessati, tato te sāsanaṃ mahantabhāvaṃ jānissanti”’ti.

Atha naṃ eko antevāsiko upasaṅkamitvā āha – “bhante tumhe dubbalā, mayhampi imasmiṃ

dhamme sāraṃ ācikkhatha, ācariyappamāṇa”nti. “Āvuso, tvaṃ mamaccayena sassatanti gaṇheyyāsī”ti. Aparopi upasaṅkami, taṃ ucchedaṃ gaṇhāpesi. Evaṃ dvepi jane ekaladdhike akatvā bahū nānānīhārena uggaṇhāpetvā kālamakāsi. Te tassa sarīrakiccaṃ katvā sannipatitvā aññamaññaṃ pucchimsu – “kassāvuso, ācariyo sāraṃ ācikkhī”ti? Eko utthahitvā mayhanti āha. Kiṃ ācikkhīti? Sassatanti. Aparo taṃ paṭibāhitvā “mayhaṃ sāraṃ ācikkhī”ti āha. Evaṃ sabbe “mayhaṃ sāraṃ ācikkhi, ahaṃ jeṭṭhako”ti aññamaññaṃ vivādaṃ vaḍḍhetvā akkose ceva paribhāse ca hatthapādappahārādīni ca pavattetvā ekamaggena dve agacchantā nānādisāsu pakkamimsu.

165. Atha kho cundo samaṇuddesoti ayaṃ thero dhammasenāpatissa kaniṭṭhabhātiko. Taṃ bhikkhū anupasampannakāle “cundo samaṇuddeso”ti samudācaritvā therakālepi tatheva samudācarimsu. Tena vuttaṃ – “cundo samaṇuddeso”ti.

“Pāvāyaṃ vassaṃvuṭṭho yena sāmagāmo, yenāyasmā ānando tenupasaṅkamī”ti kasmā upasaṅkami? Nāṭaputte kira kālaṅkate jambudīpe manussā tattha tattha kathaṃ pavattayimsu “nigaṇṭho nāṭaputto eko satthāti paññāyittha, tassa kālaṅkiriyyāya sāvakānaṃ evarūpo vivādo jāto. Samaṇo pana gotamo jambudīpe cando viya sūriyo viya ca pākaṭo, sāvakāpissa pākaṭāyeva. Kīdiso nu kho samaṇe gotame parinibbute sāvakānaṃ vivādo bhavissatī”ti. Thero taṃ kathaṃ sutvā cintesi – “imaṃ kathaṃ gahetvā dasabalassa āroccesāmi, satthā etaṃ aṭṭhuppattim katvā ekaṃ desanaṃ kathessatī”ti. So nikkhamitvā yena sāmagāmo, yenāyasmā ānando tenupasaṅkami.

Sāmagāmoti sāmākānaṃ ussannattā tassa gāmassa nāmaṃ. **Yenāyasmā ānandoti** ujumeva bhagavato santikaṃ agantvā yenassa upajjhāyo āyasmā ānando tenupasaṅkami.

Buddhakāle kira sārīputtatthero ca ānandatthero ca aññamaññaṃ mamāyimsu. Sārīputtatthero “mayā kātabbaṃ satthu upaṭṭhānaṃ karotī”ti ānandattheraṃ mamāyi. Ānandatthero “bhagavato sāvakānaṃ aggo”ti sārīputtattheraṃ mamāyi. Kuladārake ca pabbājetvā sārīputtattherassa santike upajjhaṃ gaṇhāpesi. Sārīputtattheropi tatheva akāsi. Evaṃ ekamekena attano pattacīvaraṃ datvā pabbājetvā upajjhaṃ gaṇhāpitāni pañca pañca bhikkhusatāni ahesuṃ. Āyasmā ānando paṇṭāni cīvarādīnīni labhitvā therassa adāsi.

Dhammaratanapūjā

Eko kira brāhmaṇo cintesi – “buddharatanassa ca saṅgharatanassa ca pūjā paññāyati, kathaṃ nu kho dhammaratanaṃ pūjitaṃ hotī”ti? So bhagavantaṃ upasaṅkamitvā etamatthaṃ pucchi. Bhagavā āha – “sacepi brāhmaṇa dhammaratanaṃ pūjetukāmo, ekaṃ bahussutaṃ pūjehī”ti. Bahussutaṃ, bhante, ācikkhathāti. Bhikkhusaṅghaṃ pucchāti. So bhikkhusaṅghaṃ upasaṅkamitvā “bahussutaṃ, bhante, ācikkhathā”ti āha. Ānandatthero brāhmaṇāti. Brāhmaṇo therāṃ saḥassagghanikena ticīvarena pūjesi. Thero taṃ gahetvā bhagavato santikaṃ agamāsi. Bhagavā “kuto, ānanda, laddha”nti āha? Ekena, bhante, brāhmaṇena dīnaṃ, idaṃ paṇāhaṃ āyasmato sārīputtassa dātukāmoti. Dehi, ānandāti. Cārikaṃ pakkanto bhanteti. Āgatakāle dehīti, sikkhāpadaṃ bhante, paññattanti. Kadā pana sārīputto āgamissatīti? Dasāhamattena bhanteti. “Anujānāmi, ānanda, dasāhaparamaṃ atirekacīvaraṃ nikkhipitu”nti sikkhāpadaṃ paññāpesi.

Sārīputtattheropi tatheva yaṃkiñci manāpaṃ labhati, taṃ ānandattherassa deti. So imampi attano kaniṭṭhabhātikaṃ therasseva saddhivihārikaṃ adāsi. Tena vuttaṃ – “yenassa upajjhāyo āyasmā ānando tenupasaṅkamī”ti. Evaṃ kirassa ahosi – “upajjhāyo me mahāpañño, so imaṃ kathaṃ satthu āroccesatī, atha satthā tadanurūpaṃ dhammaṃ desessatī”ti. **Kathāpābhatanti** kathāya mūlaṃ. Mūlañhi “pābhata”nti vuccati. Yathāha –

“Appakenāpi medhāvī, pābhatena vicakkhaṇo;
Samuṭṭhāpeti attānaṃ, aṇuṃ aggaṃva sandhama”nti. (jā. 1.1.4);

Bhagavantam dassanāyāti bhagavantam dassanattāya. Kiṃ panānena bhagavā na diṭṭhapubboti? No na diṭṭhapubbo. Ayañhi āyasmā divā nava vāre, rattiṃ nava vāreti ekāhaṃ aṭṭhārasa vāre upaṭṭhānameva gacchati. Divasassa pana satavāraṃ vā sahasavāraṃ vā gantukāmo samānopi na akāraṇā gacchati, ekaṃ pañhuddhāraṃ gahetvāva gacchati. So taṃ divasaṃ tena kathāpābhatena gantukāmo evamāha.

Asammāsambuddhappaveditadhammavinayaṇṇanā

166. Evañhetam, cunda, hotīti bhagavā ānandattherena ārocitepi yasmā na ānandatthero imissā kathāya sāmiko, cundatthero pana sāmiko. Sova tassā ādimajjhapariyosānaṃ jānāti. Tasmā bhagavā tena saddhiṃ kathento “evañhetam, cunda, hotī”tiādīmāha. Tassattho – cunda evañhetam hoti durakkhātādisabhāve dhammavinaye sāvakā dvedhikajātā bhaṇḍanādīni katvā mukhasattīhi vitudantā viharanti.

Idāni yasmā aniyyānikasāsaneneva niyyānikasāsanam pākaṭam hoti, tasmā ādito aniyyānikasāsanameva dassento **idha cunda sathā ca hoti asammāsambuddhoti**ādīmāha. Tattha **vokkamma ca tamhā dhammā vattatīti** na nīrantaram pūreti, okkamitvā okkamitvā antarantaram katvā vattatīti attho. **Tassa te, āvuso, lābhāti** tassa tuyham ete dhammānudhammappaṭipattīdayo lābhā. **Suladdhanti** manussatampi te suladdham. **Tathā paṭipajjatūti** evam paṭipajjatu. **Yathā te sathārā dhammo desitoti** yena te ākārena sathārā dhammo kathito. **Yo ca samādapetīti** yo ca ācariyo samādapeti. **Yañca samādapetīti** yaṃ antevāsīṃ samādapeti. **Yo ca samādapitoti** yo ca evam samādapito antevāsiko. Yathā ācariyena samādapitam, tathatthāya paṭipajjati. **Sabbe teti** tayopi te. Ettha hi ācariyo samādapitattā apuññaṃ pasavati, samādinnantevāsiko samādinnattā, paṭipannako paṭipannattā. Tena vuttam – “sabbe te bahum apuññaṃ pasavanti”ti. Etenupāyena sabbavāresu attho veditabbo.

167. Apicettha **ñāyappaṭipannoti** kāraṇappaṭipanno. **Ñāyamārādhessatīti** kāraṇam nipphādessati. **Vīriyam ārabhatīti** attano dukkhanibbattakam vīriyam karoti. Vuttañhetam “durakkhāte, bhikkhave, dhammavinaye yo āradhāvīriyo, so dukkham viharati. Yo kusīto, so sukham viharati”ti (a. ni. 1.318).

Sammāsambuddhappaveditadhammavinayādivaṇṇanā

168. Evam aniyyānikasāsanam dassetvā idāni niyyānikasāsanam dassento **idha pana, cunda, sathā ca hoti sammāsambuddhoti**ādīmāha. Tattha **niyyānikoti** maggatthāya phalattāya ca niyyāti.

169. Vīriyam ārabhatīti attano sukhanipphādakam vīriyam ārabhati. Vuttañhetam “svākkhāte, bhikkhave, dhammavinaye yo kusīto, so dukkham viharati. Yo āradhāvīriyo, so sukham viharati”ti (a. ni. 1.319).

170. Iti bhagavā niyyānikasāsane sammāpaṭipannassa kulaputtassa pasamsam dassetvā puna desanam vaḍḍhento **idha, cunda, sathā ca loke udapādīti**ādīmāha. Tattha **aviññāpitattāti** abodhitattā. **Sabbasaṅgāhapadakatanti** sabbasaṅgahapadehi katam, sabbasaṅgāhikam katam na hotīti attho. “Sabbasaṅgāhapadagata”ntipi pāṭho, na sabbasaṅgāhapadesu gatam, na ekasaṅgahajātanti attho. **Sappāṭihīrakatanti** niyyānikam. **Yāva devamanussehīti** devalokato yāva manussalokā suppakāsitam. **Anutappo hotīti** anutāpakaro hoti. **Sathā ca no loketi** idam tesam anutāpakāradassanattam vuttam. **Nānutappo hotīti** sathāram āgamma sāvakehi yaṃ pattabam, tassa pattattā anutāpakaro na hoti.

172. Theroti thiro therakārahehi dhammehi samannāgato. “Rattaññū”tiādīni vuttatthāneva. **Etehi ce pīti** etehi heṭṭhā vutthehi.

173. Pattayogakkhemāti catūhi yogehi khemattā arahattam idha yogakkhemam nāma, tam pattāti

attho. **Alaṃ samakkhātuṃ saddhammassāti** sammukhā gahitattā assa saddhammaṃ sammā ācikkhituṃ samatthā.

174. Brahmācārinoti brahmacariyavāsaṃ vasamānā ariyasāvaka. **Kāma bhoginoti** gihisotāpannā. “Iddhañceva” tiādīni mahāparinibbāne vitthāritāneva. **Lābhaggayasaggapattanti** lābhaggañceva yasaggañca pattam.

175. Santi kho pana me, cunda, etarahi therā bhikkhū sāvakāti sārīputtamoggallānādayo therā. **Bhikkhuniyoti** khemātherūppalavaṇṇatherīdayo. **Upāsakā sāvakā gihī odātavattavasana** brahmācārinoti cittagahapatihattakaālavakādayo. **Kāma bhoginoti** cūlaanāthapiṇḍikamahāanāthapiṇḍikādayo. **Brahmācārinīyoti** nandamādayo. **Kāma bhoginīyoti** khujjuttarādayo.

176. Sabbākārasampannanti sabbakāraṇasampannaṃ. **Idameva tanti** idameva brahmacariyaṃ, imameva dhammaṃ sammā hetunā nayena vadamāno vadeyya. **Udakāssudanti udako sudaṃ. Passaṃ na passatīti** passanto na passati. So kira imaṃ pañhaṃ mahājanaṃ pucchi. Tehi “na jānāma, ācariya, kathehi no” ti vutto so āha – “gambhīro ayaṃ pañho āhārasappāye satī thokaṃ cintetvā sakkā kathetu” nti. Tato tehi cattāro māse mahāsakkāre kate taṃ pañhaṃ kathento **kiñca passaṃ na passatīti** tiādīmāha. Tattha **sādhunisitassāti** suṭṭhunisitassa tikhiṇassa, sunisitakhurassa kira talam paññāyati, dhārā na paññāyatīti ayamettha attho.

Saṅgāyitabbadhammādivaṇṇanā

177. Saṅgama samāgammāti saṅgantvā samāgantvā. **Atthena atthaṃ, byañjanena byañjananti** atthena saha atthaṃ, byañjanenapi saha byañjanaṃ samānentehīti attho. **Saṅgāyitabbanti** vācetaḃbaṃ sajjhāyitabbam. **Yathayidaṃ brahmacariyanti** yathā idaṃ sakalaṃ sāsana brahmacariyaṃ.

178. Tatra ceti tatra saṅghamajjhe, tassa vā bhāsīte. **Atthañceva micchā gaṇhāti, byañjanāni ca micchā ropetīti** “cattāro satipaṭṭhānā” ti ettha ārammaṇaṃ “satipaṭṭhāna” nti atthaṃ gaṇhāti. “Satipaṭṭhānāni” ti byañjanaṃ ropeti. **Imassa nu kho, āvuso, atthassāti** “satiyeva satipaṭṭhāna” nti. Atthassa “cattāro satipaṭṭhānā” ti kiṃ nu kho imāni byañjanāni, udāhu cattāri satipaṭṭhānāni” ti etāni vā byañjanāni. **Katamāni opāyikatarānīti** imassa atthassa katamāni byañjanāni upapannatarāni allīnatarāni. **Imesañca byañjanānanti** “cattāro satipaṭṭhānā” ti byañjanānaṃ “satiyeva satipaṭṭhāna” nti kiṃ nu kho ayaṃ attho, udāhu “ārammaṇaṃ satipaṭṭhāna” nti eso atthoti? **Imassa kho, āvuso, atthassāti** “ārammaṇaṃ satipaṭṭhāna” nti imassa atthassa. **Yā ceva etānīti** yāni ceva etāni mayā vuttāni. **Yā ceva esoti** yo ceva esa mayā vutto. **So neva ussādetabboti** tumhehi tāva sammā atthe ca sammā byañjane ca ṭhātabbam. So pana neva ussādetabbo, na apasādetabbo. **Saññāpetabboti** jānāpetabbo. **Tassa ca atthassāti** “satiyeva satipaṭṭhāna” nti atthassa ca. **Tesañca byañjanānanti** “satipaṭṭhānā” ti byañjanānaṃ. **Nisantīyāti** nisāmanatthaṃ dhāraṇatthaṃ. Iminā nayena sabbavāresu attho veditabbo.

181. Tādisanti tumhādisaṃ. **Atthupetanti** atthena upetaṃ atthassa viññātāraṃ. **Byañjanupetanti** byañjanehi upetaṃ byañjanānaṃ viññātāraṃ. Evaṃ etaṃ bhikkhuṃ pasamsatha. Eso hi bhikkhu na tumhākaṃ sāvako nāma, buddho nāma esa cundāti. Iti bhagavā bahussutaṃ bhikkhuṃ attano ṭhāne ṭhapesi.

Paccayānuññātakāraṇādivaṇṇanā

182. Idāni tatopi uttaritaraṃ desanaṃ vaḍḍhento **na vo ahaṃ, cundāti** tiādīmāha. Tattha diṭṭhadhammikā āsavā nāma idhaloke paccaya hetu upajjanakā āsavā. Samparāyikā āsavā nāma paraloke bhaṇḍana hetu upajjanakā āsavā. **Samvarāyāti** yathā te na pavisanti, evaṃ pidahanāya. **Paṭighātāyāti** mūlaghātena paṭihanāyā. **Alaṃ vo taṃ yāvadeva sītassa paṭighātāyāti** taṃ tumhākaṃ

sītassa paṭighātāya samattham. Idaṃ vuttaṃ hoti, yaṃ vo mayā cīvaram anuññātam, taṃ pārupitvā dappam vā mānam vā kurumānā viharissathāti na anuññātam, taṃ pana pārupitvā sītappaṭighātādīni katvā sukham samaṇadhammaṃ yoniso manasikāram karissathāti anuññātam. Yathā ca cīvaram, evaṃ piṇḍapātādayopi. Anupadasaṃvaṇṇanā panettha visuddhimagge vuttanayeneva veditabbā.

Sukhallikānuyogādivaṇṇanā

183. Sukhallikānuyoganti sukhaliyanānuyogaṃ, sukhasēvanādhimuttanti attho. **Sukhetīti** sukhitaṃ karoti. **Piṇetīti** piṇitaṃ thūlaṃ karoti.

186. Aṭṭhitadhammāti naṭṭhitasabhāvā. Jivhā no atthīti yaṃ yaṃ icchanti, taṃ taṃ kathenti, kadāci maggaṃ kathenti, kadāci phalaṃ kadāci nibbānanti adhippāyo. **Jānatāti** sabbaññutaññāna jānanta. **Passatāti** pañcahi cakkhūhi passantena. **Gambhīranemoti** gambhīrabhūmiṃ anupaviṭṭho. **Sunikhātoti** suṭṭhu nikhāto. **Evameva kho, āvusoti** evaṃ khīṇāsavo abhabbo nava ṭhānāni ajjhācaritum. Tasmīṃ anajjhācāro acalo asampavedhī. Tatha sañcicca paṇaṃ jīvītā voropanādīsu sotāpannādayopi abhabbā. **Sannidhikāraṃ kāme paribhuñjīti** vatthukāme ca kilesakāme ca sannidhiṃ katvā paribhuñjīti. **Seyyathāpi pubbe agārikabhūtoti** yathā pubbe gihibhūto paribhuñjati, evaṃ paribhuñjīti abhabbo.

Pañhabyākaraṇavaṇṇanā

187. Agāramajjhe vasantā hi sotāpannādayo yāvajīvam gihibyañjanena tiṭṭhanti. Khīṇāsavo pana arahattaṃ patvāva manussabhūto parinibbāti vā pabbajati vā. Cātumahārājikādīsu kāmāvacaradevesu muhuttampi na tiṭṭhati. Kasmā? Vivekaṭṭhānassa abhāvā. Bhummadevattabhāve pana ṭhito arahattaṃ patvāpi tiṭṭhati. Tassa vasena ayaṃ pañho āgato. Bhinnadosattā panassa bhikkhubhāvo veditabbo. **Atīrakanti** atīraṃ aparicchedaṃ mahantaṃ. **No ca kho anāgatanti** anāgataṃ pana addhānaṃ ārabha evaṃ na paññapeti, atītameva maññe samaṇo gotamo jānāti, na anāgataṃ. Tathā hissa atīte aḍḍhachattasatajātakānussaraṇaṃ paññāyati. Anāgate evaṃ bahum anussaraṇaṃ na paññāyatīti imamatthaṃ maññamānā evaṃ vadeyyum. **Tayidaṃ kiṃ sūti** anāgate apaññāpanaṃ kiṃ nu kho? **Kathamsūti** kena nu kho kāraṇena ajānantoyeva nu kho anāgataṃ nānussarati, ananussarītukāmatāya nānussarati. **Aññavihitakena ñānadassanenāti** paccakkhaṃ viya katvā dassanasamatthatāya dassanabhūtena ñānaṃ aññatthavihitakena ñānaṃ aññaṃ ārabha pavattena, aññavihitakaṃ aññaṃ ārabha pavattamānaṃ ñānadassanaṃ saṅgāhetabbaṃ paññāpetabbaṃ maññanti. Te hi carato ca tiṭṭhato ca suttassa ca jāgarassa ca satataṃ samitaṃ ñānadassanaṃ paccupaṭṭhitaṃ maññanti, tādisañca ñānaṃ nāma natthi. Tasmā yathariva bālā abyattā, evaṃ maññantīti veditabbo.

Satānusārīti pubbenivāsānussatisampayuttakaṃ. **Yāvatakaṃ ākañkhatīti** yattakaṃ ñātuṃ icchati, tattakaṃ jānissāmīti ñānaṃ pesesi. Athassa dubbalapattapuṭe pakkhandanārāco viya appaṭihataṃ anivāritaṃ ñānaṃ gacchati, tena yāvatakaṃ ākañkhati tāvatakaṃ anussarati. **Bodhijanti** bodhimūle jātaṃ. **Ñānaṃ uppajjati** catumaggañānaṃ uppajjati. **Ayamantimā jāti** tena ñānaṃ jātimūlassa pahīnattā puna ayamantimā jāti. **Natthidāni punabbhavoti** aparampi ñānaṃ uppajjati. **Anatthasamhitanti** na idhalokattaṃ vā paralokattaṃ vā nissitaṃ. **Na taṃ tathāgato byākarotīti** taṃ bhāratayuddhasītāharaṇasadiṣaṃ aniyyānikakathaṃ tathāgato na katheti. **Bhūtaṃ tacchaṃ anatthasamhitanti** rājakathāditiracchānakathaṃ. **Kālaññū tathāgato hotīti** kālaṃ jānāti. Sahetukaṃ sakāraṇaṃ katvā yuttapattakāleyeva katheti.

188. Tasmā tathāgatoti vuccatīti yathā yathā gaditabbaṃ, tathā tatheva gadanato dakārassa takāraṃ katvā tathāgatoti vuccatīti attho. **Diṭṭhanti** rūpāyanaṃ. **Sutanti** saddāyanaṃ. **Mutanti** mutvā patvā gahetabbato gandhāyanaṃ rasāyanaṃ phoṭṭhabbāyanaṃ. **Viññātanti** sukhadukkhādidhammāyanaṃ. **Pattanti** pariyesitvā vā apariyesitvā vā pattaṃ. **Pariyesitanti** pattaṃ vā apattaṃ vā pariyesitaṃ. **Anuvaritaṃ manasāti** cittena anusañcaritaṃ. “Tathāgatena

abhisambuddha’nti iminā etaṃ dasseti, yañhi aparimāṇāsu lokadhātūsu imassa sadevakassa lokassa nīlaṃ pītakantiādi rūpārammaṇaṃ cakkhudvāre āpāthamāgacchati, “ayaṃ satto imasmim̄ khaṇe imaṃ nāma rūpārammaṇaṃ disvā sumano vā dummano vā majjhatto vā jāto”ti sabbaṃ taṃ tathāgatassa evaṃ abhisambuddhaṃ. Tathā yaṃ aparimāṇāsu lokadhātūsu imassa sadevakassa lokassa bherisaddo mudiṅgasaddotiādi saddārammaṇaṃ sotadvāre āpāthamāgacchati. Mūlagandho tacagandhotiādi gandhārammaṇaṃ ghānavāre āpāthamāgacchati. Mūlaraso khandharasotiādi rasārammaṇaṃ jivhādvāre āpāthamāgacchati. Kakkhalaṃ mudukantiādi pathavīdhātutejodhātuvāyodhātubhedam̄ phoṭṭhabbārammaṇaṃ kāyadvāre āpāthamāgacchati. “Ayaṃ satto imasmim̄ khaṇe imaṃ nāma phoṭṭhabbārammaṇaṃ phusitvā sumano vā dummano vā majjhatto vā jāto”ti sabbaṃ taṃ tathāgatassa evaṃ abhisambuddhaṃ. Tathā yaṃ aparimāṇāsu lokadhātūsu imassa sadevakassa lokassa sukhadukkhādibhedam̄ dhammārammaṇaṃ manodvārassa āpāthamāgacchati, “ayaṃ satto imasmim̄ khaṇe idaṃ nāma dhammārammaṇaṃ vijānitvā sumano vā dummano vā majjhatto vā jāto”ti sabbaṃ taṃ tathāgatassa evaṃ abhisambuddhaṃ.

Yañhi, cunda, imesaṃ sattānaṃ diṭṭhaṃ suttaṃ mutaṃ viññātaṃ tattha tathāgatena adiṭṭhaṃ vā asutaṃ vā amutaṃ vā aviññātaṃ vā natthi. Imassa mahājanassa pariyesitvā pattampi atthi, pariyesitvā appattampi atthi. Apariyesitvā pattampi atthi, apariyesitvā appattampi atthi. Sabbampi taṃ tathāgatassa appattaṃ nāma natthi, ñāṇena asacchikataṃ nāma. “Tasmā tathāgatoti vuccatī”ti. Yaṃ yathā lokena gataṃ tassa tatheva gatattā “tathāgato”ti vuccati. Pāliyaṃ pana abhisambuddhanti vuttaṃ, taṃ gatasaddena ekatthaṃ. Iminā nayena sabbavāresu “tathāgato”ti nigamanassa attho veditabbo, tassa yutti **brahmajāle** tathāgatasaddavitthāre vuttāyeva.

Abyākataṭṭhānavāṇanā

189. Evaṃ attano asamataṃ anuttarataṃ sabbaññutaṃ dhammarājabhāvaṃ kathetvā idāni “pūthasamaṇabrāhmaṇānaṃ laddhīsu mayā aññātaṃ adiṭṭhaṃ nāma natthi, sabbaṃ mama ñāṇassa antoyeva parivattatī”ti sīhanādaṃ nadanto **ṭhānaṃ kho panetaṃ, cunda, vijjatī**tiādimāha. Tattha **tathāgatoti** satto. **Na hetam̄, āvuso, atthasam̄hitanti** idhalokaparalokaatthasam̄hitam̄ na hoti. **Na ca dhammasam̄hitanti** navalokuttaradhammanissitam̄ na hoti. **Na ādibrahmacariyakanti** sikkhattayasāṅgahitassa sakalasāsanabrahmacariyassa ādibhūtam̄ na hoti.

190. Idam̄ dukkhanti khotiādīsu taṇhaṃ ṭhapetvā avasesā tebhummakā dhammā idaṃ dukkhanti byākataṃ. Tasseva dukkhassa pabhāvīkā janīkā taṇhā **dukkhasamudayoti** byākataṃ. Ubhinnaṃ appavatti **dukkhanirodhoti** byākataṃ. Dukkhaparijānāno samudayapajahano nirodhasacchikaraṇo ariyamaggo **dukkhanirodhagāminī paṭipadāti** byākataṃ. “Etañhi, āvuso, atthasam̄hita”ntiādisu etaṃ idhalokaparalokaatthanissitam̄ navalokuttaradhammanissitam̄ sakalasāsanabrahmacariyassa ādi padhānaṃ pubbaṅgamanti ayamatto.

Pubbantasahagatadiṭṭhinissayavaṇanā

191. Idāni yaṃ taṃ mayā na byākataṃ, taṃ ajānantena na byākatanti mā evaṃ saññamakamsu. Jānantova ahaṃ evaṃ “etasim̄ byākatēpi attho natthī”ti na byākariṃ. Yaṃ pana yathā byākātabbaṃ, taṃ mayā byākatamevāti sīhanādaṃ nadanto puna **yepi te, cundāti**ādimāha. Tattha diṭṭhiyova **diṭṭhinissayā**, diṭṭhinissitakā diṭṭhigatikāti attho. **Idameva saccanti** idameva dassanaṃ saccaṃ. **Moghamaññanti** aññesaṃ vacanaṃ moghaṃ. **Asayaṃkāroti** asayaṃ kato.

192. Tatrāti tesu samaṇabrāhmaṇesu. **Atthi nu kho idaṃ āvuso vuccatīti**, āvuso, yaṃ tumhehi sassato attā ca loko cāti vuccati, idamatthi nu kho udāhu natthīti evamahaṃ te pucchāmīti attho. **Yañca kho te evamāhamsūti** yaṃ pana te “idameva saccaṃ moghamañña”nti vadanti, taṃ tesam̄ nānujānāmi. **Paññattiyāti** diṭṭhipaññattiyā. **Samasamanti** samena ñāṇena samaṃ. **Yadidaṃ adhipaññattīti** yā ayaṃ adhipaññatti nāma. Ettha ahameva bhiyyo uttaritaro na mayā samo atthi. Tattha yañca vuttaṃ

“paññattiyāti yañca adhipaññattī”ti ubhayametaṃ atthato ekaṃ. Bhedato hi paññatti adhipaññattīti dvayaṃ hoti. Tattha paññatti nāma diṭṭhipaññatti. Adhipaññatti nāma khandhapaññatti dhātupaññatti āyatanapaññatti indriyapaññatti saccapaññatti puggalapaññattīti evaṃ vuttā cha paññattiyō. Idha pana paññattiyāti etthāpi paññatti ceva adhipaññatti ca adhippetā, adhipaññattīti etthāpi. Bhagavā hi paññattiyāpi anuttaro, adhipaññattiyāpi anuttaro. Tenāha – “ahameva tattha bhīyyo yadidaṃ adhipaññattī”ti.

196. Pahānāyāti pajahanatthaṃ. **Samatikkamāyāti** tasseva vevacanaṃ. **Desitāti** kathitā. **Paññattāti** ṭhapitā. Satipaṭṭhānabhāvanāya hi ghanavinibbhogaṃ katvā sabbadhammesu yāthāvato diṭṭhesu “suddhasaṅkhārapuñjōyaṃ nayidha sattūpalabbhatī”ti sanniṭṭhānato sabbadiṭṭhinissayānaṃ pahānaṃ hotīti. Tena vuttaṃ. Diṭṭhinissayānaṃ pahānāya samatikkamāya evaṃ mayā ime cattāro satipaṭṭhānā desitā paññattā”ti. Sesama sabbattha uttānatthamevāti.

Sumaṅgalavilāsiniyā dīghanikāyattakathāya

Pāsādikasuttavaṇṇanā niṭṭhitā.

7. Lakkhaṇasuttavaṇṇanā

Dvattiṃsamahāpurisalakkhaṇavaṇṇanā

199. Evaṃ me sutanti lakkhaṇasuttaṃ. Tatrāyamanuttānapadavaṇṇanā. **Dvattiṃsimānīti** dvattiṃsa imāni. **Mahāpurisalakkhaṇānīti** mahāpurisabyañjanāni mahāpurisanimittāni “ayaṃ mahāpuriso”ti sañjānanakāraṇāni. “Yehi samannāgatassa mahāpurisassa”tiādi mahāpadāne vitthāritanayeneva veditabbaṃ.

“Bāhirakāpi isayo dhārenti, no ca kho jānanti ‘imassa kammaṃ katattā imaṃ lakkhaṇaṃ paṭilabhatī’ti” kasmā āha? Aṭṭhuppattiyā anurūpattā. Idañhi suttaṃ saatṭhuppattikaṃ. Sā panassa aṭṭhuppatti kattha samuṭṭhitā? Antogāme manussānaṃ antare. Tadā kira sāvattivāsino attano attano gehesu ca gehadvāresu ca santhāgārādīsu ca nisīditvā kathaṃ samuṭṭhāpesuṃ – “bhagavato asītianubyañjanāni byāmapabbhā dvattiṃsamahāpurisalakkhaṇāni, yehi ca bhagavato kāyo, sabbaphāliphullo viya pāricchattako, vikasitamiva kamalavanaṃ, nānāratanaṃ viya suvaṇṇatorāṇaṃ, tārāmaricivirocamiva gaganatalaṃ, ito cito ca vidhāvamānā vipphandamānā chabbaṇṇarasmīyo muñcanto ativiya sobhati. Bhagavato ca iminā nāma kammaṃ idaṃ lakkhaṇaṃ nibbattanti kathitaṃ natthi, yāguuḷuṅkamattampi pana kaṭacchubhattamattaṃ vā pubbe dinnapaccayā evaṃ uppajjatīti bhagavatā vuttaṃ. Kiṃ nu kho satthā kammaṃ akāsi, yenassa imāni lakkhaṇāni nibbattanti”ti.

Athāyasmā ānando antogāme caranto imaṃ kathāsallāpaṃ sutvā katabhattakicco vihāraṃ āgantvā satthu vattaṃ katvā vanditvā ṭhito “mayā, bhante, antogāme ekā kathā sutā”ti āha. Tato bhagavatā “kiṃ te, ānanda, suta”nti vutte sabbā ārocesi. Satthā therassa vacanaṃ sutvā parivāretvā nisinne bhikkhū āmantetvā “dvattiṃsimāni, bhikkhave, mahāpurisassa mahāpurisalakkhaṇāni”ti paṭipāṭiyā lakkhaṇāni dassetvā yena kammaṃ yaṃ nibbattaṃ, tassa dassanatthaṃ evamāha.

Suppatiṭṭhitapādātālakkhaṇavaṇṇanā

201. Purimaṃ jātintiādīsu pubbe nivutthakkhandhā jātavasena “jātī”ti vuttā. Tathā bhavanavasena “bhavo”ti, nivutthavasena ālayattṭhena vā “niketo”ti. Tiṇṇampi padānaṃ pubbe nivutthakkhandhasantāne ṭhitoti attho. Idāni yasmā taṃ khandhasantānaṃ devalokādīsūpi vattati. Lakkhaṇanibbattanasamatthaṃ pana kusalakammaṃ tattha na sukaraṃ, manussabhūtasappa sukaraṃ.

Tasmā yathābhūtena yaṃ kammaṃ kataṃ, taṃ dassento **pubbe manussabhūto samānoti** āha. Akāraṇaṃ vā etaṃ. Hatthiassamigamahimsavānarādibhūtopi mahāpuriso pāramiyo pūreṭṭiyeva. Yasmā pana evarūpe attabhāve ʘhitena katakammaṃ na sakkā sukhena dīpetuṃ, manussabhāve ʘhitena katakammaṃ pana sakkā sukhena dīpetuṃ. Tasmā “pubbe manussabhūto samāno”ti āha.

Daḷhasamādānoti thiragahaṇo. **Kusalesu dhammesūti** dasakusalakammappathesu.

Avatthitasamādānoti niccalagahaṇo anivattitagahaṇo. Mahāsattassa hi akusalakammato aggiṃ patvā kukkuṭapattaṃ viya cittaṃ paṭikuṭati, kusalaṃ patvā vitānaṃ viya pasāriyati. Tasmā daḷhasamādāno hoti avatthitasamādāno. Na sakkā kenaci samaṇena vā brāhmaṇena vā devena vā mārena vā brahmunā vā kusalasangādānaṃ vissajjāpetuṃ.

Tatrimāni vatthūni – pubbe kira mahāpuriso kalandakayoniyaṃ nibbatti. Atha deve vuṭṭhe ogho āgantvā kulāvakaṃ gahetvā samuddameva pavesesi. Mahāpuriso “puttake nīharissāmī”ti naṅguṭṭhaṃ temetvā temetvā samuddato udakaṃ bahi khipi. Sattame divase sakko āvajjivā tattha āgamma “kiṃ karosī”ti pucchi? So tassa ārocesi. Sakko mahāsamuddato udakassa dunnīharaṇīyabhāvaṃ kathesi. Bodhisatto tādisena kusītena saddhiṃ kathetumpi na vaṭṭati. “Mā idha tiṭṭhā”ti apasāresi. Sakko “anomapurisenā gahitagahaṇaṃ na sakkā vissajjāpetu”nti tuṭṭho tassa puttake ānetvā adāsi. Mahājanakakālepi mahāsamuddaṃ taramāno “kasmā mahāsamuddaṃ tarasī”ti devatāya puṭṭho “pāraṃ gantvā kulasantake raṭṭhe rajjaṃ gahetvā dānaṃ dātuṃ tarāmī”ti āha. Tato devatāya – “ayaṃ mahāsamuddo gambhīro ceva puthulo ca, kadā naṃ tarissatī”ti vutte so āha “taveso mahāsamuddasadiṣo, mayhaṃ pana ajjhāsayaṃ āgamma khuddakamātikā viya khāyati. Tvamaṃyeva maṃ dakkhissasi samuddaṃ taritvā samuddapārato dhaṇaṃ āharitvā kulasantaṃ rajjaṃ gahetvā dānaṃ dadamāna”nti. Devatā “anomapurisenā gahitagahaṇaṃ na sakkā vissajjāpetu”nti bodhisattaṃ āliṅgetvā haritvā uyyāne nipajjāpesi. So chattaṃ ussāpetvā divase divase pañcasatasahassapariccāgaṃ katvā aparabhāge nikkhamma pabbajito. Evaṃ mahāsatto na sakkā kenaci samaṇena vā...pe... brahmunā vā kusalasangādānaṃ vissajjāpetuṃ. Tena vuttaṃ – “daḷhasamādāno ahoṣi kusalesu dhammesu avatthitasamādāno”ti.

Idāni yesu kusalesu dhammesu avatthitasamādāno ahoṣi, te dassetuṃ **kāyasucariteti**ādīmāha.

Dānasamvibhāgeti ettha ca dānameva diyyanavasena dānaṃ, samvibhāgakaraṇavasena samvibhāgo. **Sīlasamādāneti** pañcasīladasasīlacatupārisuddhisīlapūraṇakāle. **Uposathūpavāseti** cātuddasikādhedassa uposathassa upavasanaṃkāle. **Matteyyatāyāti** mātukātabbavatte. Sesapadesupi eseva nayo. **Aññataraññataresu cāti** aññesu ca evarūpesu. **Adhikusalesūti** ettha atthi kusalā, atthi adhikusalā. Sabbepi kāmāvacarā kusalā kusalā nāma, rūpāvacarā adhikusalā. Ubhopi te kusalā nāma, arūpāvacarā adhikusalā. Sabbepi te kusalā nāma, sāvakaṃpāramīpaṭilābhapaccayā kusalā adhikusalā nāma. Tepi kusalā nāma, paccekabodhipaṭilābhapaccayā kusalā adhikusalā. Tepi kusalā nāma, sabbaññūtaññāppaṭilābhapaccayā pana kusalā idha “adhikusalā”ti adhippetā. Tesu adhikusalesu dhammesu daḷhasamādāno ahoṣi avatthitasamādāno.

Kaṭattā upacittatī ettha sakimpi kataṃ katameva, abhiṇhakarāṇena pana upacittaṃ hoti.

Ussannattāti piṇḍikataṃ rāsīkataṃ kammaṃ ussannanti vuccati. Tasmā “ussannattā”ti vadanto mayā katakammaṃ cakkavāḷaṃ atisambādhaṃ, bhavaggaṃ atinīcaṃ, evaṃ me ussannaṃ kammanti dasseti.

Vipulattāti appamaṇattā. Iminā “anantaṃ aparimāṇaṃ mayā kataṃ kamma”nti dasseti.

Adhiggaṇhātī adhibhavati, aññehi devehi atirekaṃ labhatīti attho. **Paṭilabhatī** adhigacchati.

Sabbāvantehi pādālehīti idaṃ “samaṃ pādāṃ bhūmiyaṃ nikkhipatī”ti etassa vitthāravacanaṃ.

Tattha sabbāvantehīti sabbapadesavantehi, na ekena padesena paṭhamaṃ phusati, na ekena pacchā, sabbeheva pādālehi samaṃ phusati, samaṃ uddharati. Sacepi hi tathāgato “anekasataporisaṃ naraṃ akkamissāmī”ti pādāṃ abhinīharati. Tāvadeva ninnatṭhānaṃ vātapūritā viya kammārabhastā unnamitvā pathavisamaṃ hoti. Unnatatṭhānampi anto pavasati. “Dūre akkamissāmī”ti abhinīharantassa sineruppamaṇopi pabbato suseditavettaṅkuro viya onamitvā pādasaṃpāṇaṃ āgacchati. Tathā hissa

yamakapāṭihāriyaṃ katvā ‘‘yugandharapabbataṃ akkamissāmī’’ti pāde abhinīhaṭe pabbato onamitvā pādasamīpaṃ āgato. Sopi taṃ akkamitvā dutiyapādena tāvatimsabhavanaṃ akkami. Na hi cakkalakkhaṇena paṭiṭṭhātabbaṭṭhānaṃ visamaṃ bhavituṃ sakkoti. Khāṇu vā kaṇṭako vā sakkharā vā kathalā vā uccārapassāvakeḷasiṅghāṇikādīni vā purimataraṃ vā apagacchanti, tattha tattheva vā pathaviṃ pavisanti. Tathāgatassa hi sīlatejena puññatejena dhammatejena dasannaṃ pāramīnaṃ ānubhāvena ayaṃ mahāpathavī sammā mudupupphābhikiṇṇā hoti.

202. Sāgarapariyantanti sāgarasīmaṃ. Na hi tassa rajjaṃ karontassa antarā rukkho vā pabbato vā nadī vā sīmā hoti mahāsamuddova sīmā. Tena vuttaṃ ‘‘sāgarapariyanta’’nti.

Akhilamanimittamaṇṭakanti niccoraṃ. Corā hi kharasamphassaṭṭhena khilā, upaddavapaccayaṭṭhena nimittā, vijjhaṇaṭṭhena kaṇṭakāti vuccanti. **Iddhanti** samiddhaṃ. **Phīṭanti** sabbasampattiphāliphullaṃ. **Khemanti** nibbhayaṃ. **Sivanti** nirupaddavaṃ. **Nirabbudanti** abbudavirahitaṃ, gumbaṃ gumbaṃ hutvā carantehi corehi virahitanti attho. **Akkhambhiyoti** avikkhambhaniyo. Na naṃ koci ṭhānato cāletuṃ sakkoti. **Paccatthikenāti** paṭipakkaṃ icchantena. **Paccāmittenāti** paṭiviruddhena amittena. Ubhayampetaṃ sapattavevacanaṃ. **Abbhantarehīti** anto utṭhitehi rāgādīhi.

Bāhirehīti samaṇādīhi. Tathā hi naṃ bāhirā devadattakokālikādayo samaṇāpi soṇadaṇḍakūṭadaṇḍādayo brāhmaṇāpi sakkasadisā devatāpi satta vassāni anubandhamāno māropi bakādayo brahmānopi vikkhambhetuṃ nāsakkhiṃsu.

Ettāvatā bhagavatā kammaṇca kammaṣarikkhakaṇca lakkhaṇaṇca lakkhaṇānisamso ca vutto hoti. **Kammaṃ** nāma sataṣaḥsakappādhikāni cattāri asaṅkhyeyyāni daḷhavīriyena hutvā kataṃ kammaṃ. **Kammaṣarikkhakaṃ** nāma daḷhena hutvā katabhāvaṃ sadevako loko jānātūti suppaṭiṭṭhitapādamahāpurisalakkhaṇaṃ. **Lakkhaṇaṃ** nāma suppaṭiṭṭhitapādatā. **Lakkhaṇānisamso** nāma paccatthikehi avikkhambhaniyatā.

203. Tatthetaṃ vuccatīti tattha vutte kammādibhede aparampi idaṃ vuccati, gāthābandhaṃ sandhāya vuttaṃ. Etā pana gāthā porāṇakattherā ‘‘ānandattherena ṭhapitā vaṇṇanāgāthā’’ti vatvā gatā. Aparabhāge therā ‘‘ekapadiko atthuddhāro’’ti āhaṃsu.

Tattha **sacceti** vacīsacce. **Dhammeti** dasakusalakammāpathadhamme. **Dameti** indriyadamane. **Samyameti** sīlasaṃyame. ‘‘**Soceyyasīlālayuposathesu cā**’’ti ettha kāyasoceyyādi tividhaṃ **soceyyaṃ**. Ālayabhūtaṃ sīlameva **sīlālayo**. Uposathakammaṃ **uposatho**. **Ahiṃsāyāti** avihiṃsāya. **Samattamācarīti** sakalaṃ acari.

Anvabhīti anubhavi. **Veyyañjanikāti** lakkhaṇapāṭhakā. **Parābhibhūti** pare abhibhavanasamattho. **Sattubhīti** sapattehi akkhambhiyo hoti.

Na so **gacchati jātu khambhananti** so ekaṃseneva aggapuggalo vikkhambhetabbataṃ na gacchati. **Esā hi tassa dhammatāti** tassa hi esā dhammatā ayaṃ sabhāvo.

Pādatalacakkalakkhaṇavaṇṇanā

204. Ubbegauttāsabhayanti ubbegabhayaṇceva uttāsabhayaṇca. Tattha corato vā rājato vā paccatthikato vā vilopanabandhanādiniṣsayāṃ bhayaṃ **ubbego** nāma, taṃmuhuttikaṃ caṇḍahatthiassādīni vā ahiyakkhādayo vā paṭicca lomahaṃsanakaraṃ bhayaṃ **uttāsabhayaṃ** nāma. Taṃ sabbaṃ apanuditā vūpasametā. **Samvidhātāti** samvidahitā. Kathaṃ samvidahati? Aṭaviyaṃ sāsāṅkaṭṭhānesu dānasālaṃ kāretvā tattha āgate bhojetvā manusse datvā ativāheti, taṃ ṭhānaṃ pavisitūṃ asakkontānaṃ manusse pesetvā paveseti. Nagarādīsupi tesu tesu ṭhānesu ārakkhaṃ ṭhapeti, evaṃ samvidahati. **Saparivāraṇca dānaṃ adāsīti** annaṃ pānanti dasavidhaṃ dānavatthūṃ.

Tattha **annanti** yāgubhattaṃ. Taṃ dadanto na dvāre t̥hapetvā adāsi, atha kho antonivesane haritupalittat̥thāne lājā ceva pupphāni ca vikiritvā āsanaṃ paññāpetvā vitānaṃ bandhitvā gandhadhūmādīhi sakkāraṃ katvā bhikkhusaṅghaṃ nisīdāpetvā yāguṃ adāsi. Yāguṃ dento ca sabyañjanaṃ adāsi. Yāgupānāvasāne pāde dhovivā telena makkhetvā nānappakāraṃ anantaṃ khajjakaṃ datvā pariyoṣāne anekasūpaṃ anekabyañjanaṃ pañītabhojanaṃ adāsi. Pānaṃ dento ambapānādiat̥thavidhaṃ pānaṃ adāsi, tampi yāgubhattaṃ datvā. Vatthaṃ dento na suddhavatthameva adāsi, ekapaṭṭadupaṭṭādīpahonakaṃ pana datvā sucimpi adāsi, suttampi adāsi, suttaṃ vaṭṭesi, sūcikkammaṃ karaṇat̥thāne bhikkhūnaṃ āsanāni, yāgubhattaṃ, pādamakkaṇaṃ, piṭṭhimakkaṇaṃ, rajanaṃ, paṇḍupalāsaṃ, rajanadoṇikaṃ, antamaso cīvararajanaṃ kappiyakāraṃ adāsi.

Yānanti upāhanaṃ. Taṃ dadantopi upāhanatthavikaṃ upāhanadaṇḍakaṃ makkhanatelaṃ heṭṭhā vuttāni ca annādīni tasseva parivāraṃ katvā adāsi. **Mālaṃ** dentopi na suddhamālemeva adāsi, atha kho naṃ gandhehi missetvā heṭṭhimāni cattāri tasseva parivāraṃ katvā adāsi. Bodhicetiyaāsanapothakādīpūjanatthāya ceva cetiyagharadhūpanatthāya ca **gandhaṃ** dentopi na suddhagandhameva adāsi, gandhapisanakanisadāya ceva pakkhipanakabhājanena ca saddhiṃ heṭṭhimāni pañca tassa parivāraṃ katvā adāsi. Cetiyaṇḍīnaṃ atthāya haritālamānosilācīnapiṭṭhādī **vilepanaṃ** dentopi na suddhavilepanameva adāsi, vilepanabhājanena saddhiṃ heṭṭhimāni cha tassa parivāraṃ katvā adāsi. **Seyyāti** mañcapīṭhaṃ. Taṃ dentopi na suddhakameva adāsi, kojavakambalapaccattharaṇamañcappaṭīpādakehi saddhiṃ antamaso maṅgulasodhanadaṇḍakaṃ heṭṭhimāni ca satta tassa parivāraṃ katvā adāsi. **Āvasathaṃ** dentopi na gehamattameva adāsi, atha kho naṃ mālakammaṃ latākammaṃ paṭīmaṇḍitaṃ supaññātaṃ mañcapīṭhaṃ kāretvā heṭṭhimāni at̥tha tassa parivāraṃ katvā adāsi. **Padīpeyyanti** padīpatelaṃ. Taṃ dento cetiyāṅgaṇe bodhiyāṅgaṇe dhammassavanagge vasanagehe pothakavācanaṭṭhāne iminā dīpaṃ jālāpethāti na suddhatelameva adāsi, vaṭṭi kapallakatelabhājanādīhi saddhiṃ heṭṭhimāni nava tassa parivāraṃ katvā adāsi. **Suvibhattantarānīti** suvibhattaantarāni.

Rājānoti abhisittā. **Bhogiyāti** bhojakā **kumārāti** rājakumārā. Idha **kammaṃ** nāma saporivāraṃ dānaṃ. **Kammasarikkhakaṃ** nāma saporivāraṃ katvā dānaṃ adāsīti iminā kāraṇena sadevako loko jānātūti nibbattaṃ cakkalakkhaṇaṃ. **Lakkhaṇaṃ** nāma tadeva cakkalakkhaṇaṃ. **Ānisaṃso** mahāparivāratā.

205. Tatthetaṃ vuccatīti imā tadatthaparidīpanā gāthā vuccanti. Duvidhā hi gāthā honti – tadatthaparidīpanā ca visesatthaparidīpanā ca. Tattha pālīgatameva atthaṃ paridīpanā **tadatthaparidīpanā** nāma. Pālīyaṃ anāgataṃ paridīpanā **visesatthaparidīpanā** nāma. Imā pana tadatthaparidīpanā. Tattha **pureti** pubbe. **Puratthāti** tasseva vevacanaṃ. **Purimāsu jātisūti** imissā jātiyā pubbekatakammaṃ paṭīkkhepadīpanaṃ. **Ubbegauttāsabhayāpanūdanoti** ubbegabhayassa ca uttāsabhayassa ca apanūdanaṃ. **Ussukoti** adhimutto.

Satapuññalakkhaṇanti satena satena puññakammaṇa nibbattaṃ ekekaṃ lakkhaṇaṃ. Evaṃ sante yo koci buddho bhavēyyāti na rocayīṃsu, anantesu pana cakkavāḷesu sabbe sattā ekekaṃ kammaṃ satakkhattuṃ kareyyuṃ, ettakehi janehi kataṃ kammaṃ bodhisatto ekova ekekaṃ sataguṇaṃ katvā nibbatto. Tasmā “satapuññalakkhaṇo”ti imamatthaṃ rocayīṃsu. **Manussāsurasakkarakkhasāti** manussā ca asurā ca sakkā ca rakkhasā ca.

Āyatapañhitādītilakkhaṇavaṇṇanā

206. Antarāti paṭisandhito sarasacutiyaṃ antare. Idha **kammaṃ** nāma pāṇātipātā virati. **Kammasarikkhakaṃ** nāma pāṇātipātaṃ karonto padasaddasavanabhayā aggagapādehi akkamantā gantvā paraṃ pātenti. Atha te iminā kāraṇena tesam taṃ kammaṃ jano jānātūti antovaṅkapādā vā bahivaṅkapādā vā ukkuṭīkapādā vā aggakoṇḍā vā pañhikoṇḍā vā bhavanti. Aggagapādehi gantvā parassa amāritabhāvaṃ pana tathāgatassa sadevako loko iminā kāraṇena jānātūti **āyatapañhi**

mahāpurisalakkhaṇaṃ nibbattati. Tathā paraṃ ghātentā unnatakāyena gacchantā aññe passissantīti onatā gantvā paraṃ ghātentī. Atha te evamime gantvā paraṃ ghātayimsūti nesam taṃ kammaṃ iminā kāraṇena paro jānātūti khujjā vā vāmanā vā pīṭhasappi vā bhavanti. Tathāgatassa pana evaṃ gantvā paresam aghātītabhāvaṃ iminā kāraṇena sadevako loko jānātūti **brahmujugattamahāpurisalakkhaṇaṃ** nibbattati. Tathā paraṃ ghātentā āvudhaṃ vā muggaraṃ vā gaṇhitvā muṭṭhikatahatthā paraṃ ghātentī. Te evaṃ tesam parassa ghātītabhāvaṃ iminā kāraṇena jano jānātūti rassaṅgulī vā rassahatthā vā vaṅkaṅgulī vā phaṇahatthakā vā bhavanti. Tathāgatassa pana evaṃ paresam aghātītabhāvaṃ sadevako loko iminā kāraṇena jānātūti **dīghaṅgulimahāpurisalakkhaṇaṃ** nibbattati. Idamettha **kammasarikkhakaṃ**. Idameva pana lakkhaṇattayaṃ **lakkhaṇaṃ** nāma. Dīghāyukabhāvo **lakkhaṇānisamso**.

207. Maraṇavadhabhayattanoti ettha maraṇasaṅkhāto vadho maraṇavadho, maraṇavadhato bhayaṃ **maraṇavadhabhayaṃ**, taṃ attano jānitvā. **Paṭivirato paraṃmāraṇāyāti** yathā mayhaṃ maraṇato bhayaṃ mama jīvitam piyaṃ, evaṃ paresampīti ñatvā paraṃ māraṇato paṭivirato ahoṣi. **Sucaritenāti** suciṇṇena. **Saggamagamāti** saggam gato.

Caviya punaridhāgatoti cavitvā puna idhāgato. **Dīghapāsaṅhikoti** dīghapaṅhiko. **Brahmāva sujūti** brahmā viya suṭṭhu uju.

Subhujoti sundarabhujō. **Susūti** mahallakakālepi taruṇarūpo. **Susaṅṭhitoti** susaṅṭhānasampanno. **Mudutalunaṅguliyaṃ** mudū ca talunā ca aṅguliyo assa. **Tībhiṭi** tīhi. **Purisavaraggalakkhaṇehīti** purisavarassa aggalakkhaṇehi. **Cirayapanāyāti** ciram yāpanāya, dīghāyukabhāvāya.

Ciram yapetīti ciram yāpeti. **Ciraram pabbajati yadi tatoti** tato ciraram yāpeti, yadi pabbajati attho. **Yāpayati ca vasiddhibhāvanāyāti** vasippatto hutvā iddhibhāvanāya yāpeti.

Sattussadatālakkhavaṇṇanā

208. Rasitānanti rasantampannānaṃ. “Khādanīyāna”ntiādīsu **khādanīyāni** nāma piṭṭhakhajjakādīni. **Bhojanīyānīti** pañca bhojanāni. **Sāyanīyānīti** sāyitabbāni sappinavanītādīni. **Lehanīyānīti** nillehitabbāni piṭṭhapāyāsādīni. **Pānānīti** aṭṭha pānakāni.

Idha **kammaṃ** nāma kappasatasahassādhikāni cattāri asaṅkhyeyyāni dinnam idaṃ paṇītabhojanadānaṃ. **Kammasarikkhakaṃ** nāma lūkhabhojane kucchigate lohitaṃ sussati, maṃsam milāyati. Tasmā lūkhadāyakā sattā iminā kāraṇena nesam lūkhabhojanassa dinnabhāvaṃ jano jānātūti appamaṃsā appalohitā manussapetā viya dullabhannapānā bhavanti. Paṇītabhojane pana kucchigate maṃsalohitaṃ vaḍḍhati, paripuṇṇakāyā pāsādikā abhirūpadassanā honti. Tasmā tathāgatassa dīgharattaṃ paṇītabhojanadāyakattaṃ sadevako loko iminā kāraṇena jānātūti sattussadamahāpurisalakkhaṇaṃ nibbattati. **Lakkhaṇaṃ** nāma sattussadalakkhaṇameva. Paṇītalābhitā **ānisamso**.

209. Khajjabhojjamathaleyyasāyitanti khajjakañca bhojanañca lehanīyañca sāyanīyañca. **Uttamaggarasadāyakoti** uttamo aggarasadāyako, uttamānaṃ vā aggarasānaṃ dāyako.

Satta cussadeti satta ca ussade. **Tadatthajotakanti** khajjabhojjādijotakam, tesam lābhasamvattanikanti attho. **Pabbajampi cāti** pabbajamānopi ca. **Tadādhigacchatīti** taṃ adhigacchati. **Lābhiruttamanti** lābhi uttamaṃ.

Karacaraṇādilakkhavaṇṇanā

210. Dānenātiādīsu ekacco dāneneva saṅgaṇhitabbo hoti, taṃ dānena saṅgahesi. Pabbajitānaṃ pabbajitaparikkhāraṃ, gihīnaṃ ghiparikkhāraṃ adāsi.

Peyyavajjenāti ekacco hi “ayaṃ dātabbaṃ nāma deti, ekena pana vacanena sabbaṃ makkhetvā nāseti, kiṃ etassa dāna”nti vattā hoti. Ekacco “ayaṃ kiñcāpi dānaṃ na deti, kathento pana telena viya makkheti. Eso detu vā mā vā, vacanameva tassa sahasaṃ agghatī”ti vattā hoti. Evarūpo puggalo dānaṃ na paccāsīsatī, piyavacanameva paccāsīsatī. Taṃ piyavacanena saṅgahesi.

Atthacariyāyāti atthasaṃvaḍḍhanakathāya. Ekacco hi neva dānaṃ, na piyavacanaṃ paccāsīsatī. Attano hitakathaṃ vaḍḍhitakathameva paccāsīsatī. Evarūpaṃ puggalaṃ “idaṃ te kātappaṃ, idaṃ te na kātappaṃ. Evarūpo puggalo sevitaṃ, evarūpo puggalo na sevitaṃ”ti evaṃ atthacariyāya saṅgahesi.

Samānattatāyāti samānasukhadukkhabhāvena. Ekacco hi dānādīsu ekampi na paccāsīsatī, ekāsane nisajjaṃ, ekapallaṅke sayanaṃ, ekato bhojananti evaṃ samānasukhadukkhatāṃ paccāsīsatī. Tattha jātiyā hīno bhogena adhiko dussaṅgaho hoti. Na hi sakkā tena saddhiṃ ekaparibhogo kātuṃ, tathā akariyamāne ca so kujjhati. Bhogena hīno jātiyā adhiropi dussaṅgaho hoti. So hi “ahaṃ jātimā”ti bhogasampanna saddhiṃ ekaparibhogaṃ na icchati, tasmīṃ akariyamāne kujjhati. Ubhohipi hīno pana susaṅgaho hoti. Na hi so itarena saddhiṃ ekaparibhogaṃ icchati, na akariyamāne ca kujjhati. Ubhohi sadisopi susaṅgahoyeva. Bhikkhūsu dussīlo dussaṅgaho hoti. Na hi sakkā tena saddhiṃ ekaparibhogo kātuṃ, tathā akariyamāne ca kujjhati. Sīlavā susaṅgaho hoti. Sīlavā hi adīyamānepi akariyamānepi na kujjhati. Aññaṃ attanā saddhiṃ paribhogaṃ akarontampi na pāpakena cittaṃ passati. Paribhogo tena saddhiṃ sukaro hoti. Tasmā evarūpaṃ puggalaṃ evaṃ samānattatāya saṅgahesi.

Susaṅgahitāssa hontīti susaṅgahitā assa hontī. Detu vā mā vā detu, karotu vā mā vā karotu, susaṅgahitāva hontī, na bhijjanti. “Yadāssa dātabbaṃ hoti, tadā deti. Idāni maññe natthi, tena na deti. Kiṃ mayaṃ dadamānameva upaṭṭhahāma? Adentaṃ akarontaṃ na upaṭṭhahāma”ti evaṃ cintenti.

Idha **kammaṃ** nāma dīgharattaṃ kataṃ dānādīsaṅgahakammaṃ. **Kammasarikkhakaṃ** nāma yo evaṃ asaṅgāhako hoti, so iminā kāraṇena asaṅgāhakahāvaṃ jano jānātūti thaddhatthapādo ceva hoti, visamaṭṭhitāvayavalakkhaṇo ca. Tathāgatassa pana dīgharattaṃ saṅgāhakahāvaṃ sadevako loko iminā kāraṇena jānātūti imāni dve lakkhaṇāni nibbattanti. **Lakkhaṇaṃ** nāma idameva lakkhaṇadvayaṃ. Susaṅgahitaparijanatā **ānisamso**.

211. Kariyāti karitvā. **Cariyāti** caritvā. **Anavamatenāti** anavaññātena. “Anapamodenā”tipi pāṭho, na appamodena, na dīnena na gabbhitenāti attho.

Caviyāti cavitvā. **Atirucira suvaggu dassaneyyanti** atiruciraṅca supāsādikaṃ suvaggu ca suṭṭhu chekaṃ dassaneyyaṅca daṭṭhabbayuttaṃ. **Susu kumāro**ti suṭṭhu sukumāro.

Parijanassavoti parijano assavo vacanakaro. **Vidheyoti** kattabbākattabbesu yathārucci vidhātabbo. **Mahimanti** mahiṃ imaṃ. **Piyavadū hitasukhataṃ jigīsamānoti** piyavado hutvā hitaṅca sukhaṅca pariyesamāno. **Vacanapaṭīkarassā bhippasannāti** vacanapaṭīkarā assa abhippasannā. **Dhammānudhammanti** dhammaṅca anudhammaṅca.

Ussaṅkhapādādīlakkhaṇavaṇṇanā

212. Atthūpasamhitanti idhalokaparalokatthanissitaṃ. **Dhammūpasamhitanti** dasakusalakammamathanissitaṃ. **Bahujanaṃ nidaṃsesīti** bahujanaṃ nidaṃsanakathaṃ kathesi. **Pāṇinanti** sattānaṃ. “Aggo”tiādīni sabbāni aññaṃaññaṃavevacanāni. Idha **kammaṃ** nāma dīgharattaṃ bhāsītā uddhaṅgamanīyā atthūpasamhitā vācā. **Kammasarikkhakaṃ** nāma yo evarūpaṃ uggatavācaṃ na bhāsati, so iminā kāraṇena uggatavācāya abhāsaṃ jano jānātūti adhosaṅkhapādo ca hoti

adhonatalomo ca. Tathāgatassa pana dīgharattaṃ evarūpāya uggatavācāya bhāsita bhāvaṃ sadevako loko iminā kāraṇena jānātūti **ussaṅkha pādala kkhāṇaṇca uddhagga lomala kkhāṇaṇca** nibbattati. **Lakkhaṇaṃ** nāma idameva lakkhaṇadvayaṃ. Uttamabhāvo **ānisaṃso**.

213. Erayanti bhaṇanto. **Bahujaṇaṃ nidaṃsayīti** bahujaṇassa hitaṃ dasseti. **Dhammayāganti** dhammadānayaññaṃ.

Ubbhamuppatitalomavā sasoti so esa uddhagga lomavā hoti. **Pādagaṇṭhirahūti** pādagaṇṭhī pādagaṇṭhī ahesuṃ. **Sādhusaṇṭhitāti** suṭṭhu saṇṭhitā. **Maṃsalohitācitāti** maṃsena ca lohitena ca ācitā. **Tacotthātāti** tacena pariyaṇaddhā nigulhā. **Vajātīti** gacchati. **Anomanikkamoti** anomavihārī seṭṭhavihārī.

Enijaṅghalakkhaṇavaṇṇanā

214. Sippaṃ vātiādīsu sippaṃ nāma dve sippāni – hīnaṇca sippaṃ, ukkaṭṭhaṇca sippaṃ. Hīnaṃ nāma sippaṃ naḷakārasippaṃ, kumbhakārasippaṃ pesakārasippaṃ nahāpitasippaṃ. Ukkaṭṭhaṃ nāma sippaṃ lekhaṃ muddā gaṇanā. **Vijjāti** ahivijjādiānekavidhā. **Carāṇanti** pañcasīlaṃ dasasīlaṃ pātīmokkhasaṃvarasīlaṃ. **Kammanti** kammassakatājānanapaññā. **Kiliseyyunti** kilameyyuṃ. Antevāsikavattaṃ nāma dukkhaṃ, taṃ nesaṃ mā ciramahosīti cintesi.

Rājārahānīti rañño anurūpāni hatthiassādīni, tāniyeva rañño senāya aṅgabhūtattā **rājaṅgānīti** vuccanti. **Rājūpabhogaṇīti** rañño upabhogaṇaparibhogaṇaṇḍāni, tāni ceva sattaratanāni ca. **Rājānucchavikānīti** rañño anucchavikāni. Tesameyeva sabbesaṃ idaṃ gahaṇaṃ. **Samaṇārahānīti** samaṇānaṃ anurūpāni cīvarādīni. **Samaṇāṅgānīti** samaṇānaṃ koṭṭhāsabhūtā catasso parisā. **Samaṇūpabhogaṇīti** samaṇānaṃ upabhogaṇaparikkhārā. **Samaṇānucchavikānīti** tesameyeva adhivacanaṃ.

Idha pana **kammaṃ** nāma dīgharattaṃ sakkaccaṃ sippādivācanaṃ. **Kammasarikkhakaṃ** nāma yo evaṃ sakkaccaṃ sippaṃ avācento antevāsike ukkuṭṭikāsanajaṅghapesanikādīhi kilameti, tassa jaṅghamaṃsaṃ likhitvā pātitaṃ viya hoti. Tathāgatassa pana sakkaccaṃ vācita bhāvaṃ sadevako loko iminā kāraṇena jānātūti anupubbauggatavaṭṭitaṃ **enijaṅghalakkhaṇaṃ** nibbattati. **Lakkhaṇaṃ** nāma idameva lakkhaṇaṃ. Anucchavikalābhita **ānisaṃso**.

215. Yadūpaghātāyāti yaṃ sippaṃ kassaci upaghātāya na hoti. **Kilissatīti** kilamissati. **Sukhumattacotthātāti** sukhumattacena pariyaṇaddhā. Kiṃ pana aññaṇa kammena aññaṃ lakkhaṇaṃ nibbattatīti? Na nibbattati. Yaṃ pana nibbattati, taṃ anubyañjanaṃ hoti, tasmā idha vuttaṃ.

Sukhumacchavilakkhaṇavaṇṇanā

216. Samaṇaṃ vāti samitapāpaṭṭhena samaṇaṃ. **Brāhmaṇaṃ vāti** bāhitapāpaṭṭhena brāhmaṇaṃ.

Mahāpaññotiādīsu mahāpaññādīhi samannāgato hotīti attho. Tatridaṃ mahāpaññādīnaṃ nānattaṃ.

Tattha katamā **mahāpaññā?** Mahante sīlakkhandhe pariggaṇhātīti **mahāpaññā**, mahante samādhikkhandhe paññākkhandhe vimuttikkhandhe vimuttiññaṇadassanakkhandhe pariggaṇhātīti mahāpaññā. Mahantāni ṭhānāṭhānāni mahantā vihārasamāpattiyo mahantāni ariyasaccāni mahante satipaṭṭhāne sammappadhāne iddhipāde mahantāni indriyāni balāni mahante bojjhaṅge mahante ariyamagge mahantāni sāmāññaphalāni mahantā abhiññāyo mahantaṃ paramatthaṃ nibbānaṃ pariggaṇhātīti mahāpaññā.

Katamā **puthupaññā**? Puthunānākhandhesu ñāṇaṃ pavattatīti **puthupaññā**. Puthunānādhātūsu puthunānāyatanesu puthunānāpaṭṭicasamuppādesu puthunānāsuññatamanupalabbhesu puthunānāatthesu dhammesu niruttīsu paṭibhānesu. Puthunānāsīlakkhandhesu puthunānāsamādhipaññāvimuttivimuttiñāḍassanakkhandhesu puthunānāṭhānāṭhānesu puthunānāvihārasamāpattīsu puthunānāriyasaccesu puthunānāsatiṭṭhānesu sammappadhānesu iddhipādesu indriyesu balesu bojjhaṅgesu puthunānāriyamaggesu sāmāññaphalesu abhiññāsu puthujjanasādhāraṇe dhamme samatikkamma paramatthe nibbāne ñāṇaṃ pavattatīti puthupaññā.

Katamā **hāsapaññā**? Idhekacco hāsabahulo vedabahulo tuṭṭhibahulo pāmojjabahulo sīlaṃ paripūreti indriyasamvaram paripūreti bhojane mattaññutaṃ jāgariyānuyogaṃ sīlakkhandhaṃ samādhiikkhandhaṃ paññākkhandhaṃ vimuttikkhandhaṃ vimuttiñāḍassanakkhandhaṃ paripūretīti hāsapaññā. Hāsabahulo...pe... pāmojjabahulo ṭhānāṭhānaṃ paṭivijjhatīti hāsapaññā. Hāsabahulo vihārasamāpattiyo paripūretīti hāsapaññā. Hāsabahulo ariyasaccāni paṭivijjhatīti hāsapaññā. Satiṭṭhāne sammappadhāne iddhipāde indriyāni balāni bojjhaṅge ariyamaggam bhāvetīti hāsapaññā. Hāsabahulo sāmāññaphalāni sacchikarotīti hāsapaññā. Abhiññāyo paṭivijjhatīti hāsapaññā. Hāsabahulo vedatuṭṭhipāmojjabahulo paramatthaṃ nibbānaṃ sacchikarotīti hāsapaññā.

Katamā **javanapaññā**? Yaṃkiñci rūpaṃ atītānāgatapaccuppannaṃ yaṃ dūre santike vā, sabbaṃ taṃ rūpaṃ aniccato khippaṃ javatīti javanapaññā. Dukkhatō khippaṃ anattato khippaṃ javatīti javanapaññā. Yā kāci vedanā...pe... yaṃkiñci viññānaṃ atītānāgatapaccuppannaṃ, sabbaṃ taṃ viññānaṃ aniccato dukkhato anattato khippaṃ javatīti javanapaññā. Cakkhu...pe... jarāmaṇaṃ atītānāgatapaccuppannaṃ aniccato dukkhato anattato khippaṃ javatīti javanapaññā. Rūpaṃ atītānāgatapaccuppannaṃ aniccaṃ khayatṭhena dukkhaṃ bhayaṭṭhena anattā asārakaṭṭhenāti tulayitvā tīrayitvā vibhāvayitvā vibhūtaṃ katvā rūpanirodhe nibbāne khippaṃ javatīti javanapaññā. Vedanā saññā saṅkhārā viññānaṃ cakkhu...pe... jarāmaṇaṃ atītānāgatapaccuppannaṃ aniccaṃ khayatṭhena...pe... vibhūtaṃ katvā jarāmaṇanirodhe nibbāne khippaṃ javatīti javanapaññā. Rūpaṃ atītānāgatapaccuppannaṃ. Cakkhu...pe... jarāmaṇaṃ aniccaṃ saṅkhataṃ paṭṭicasamuppannaṃ khayadhammaṃ vayadhammaṃ virāgadhammaṃ nirodhadhammanti tulayitvā tīrayitvā vibhāvayitvā vibhūtaṃ katvā jarāmaṇanirodhe nibbāne khippaṃ javatīti javanapaññā.

Katamā **tikkhapaññā**? Khippaṃ kilese chindatīti tikkhapaññā. Uppannaṃ kāmavitakkaṃ nādhivāseti, uppannaṃ byāpādavittakkaṃ, uppannaṃ vihiṃsāvittakkaṃ, uppannuppanne pāpake akusale dhamme uppannaṃ rāgaṃ dosaṃ moḥaṃ kodhaṃ upanāhaṃ makkhaṃ paḷasaṃ issaṃ macchariyaṃ māyaṃ sāṭṭheyyaṃ thambhaṃ sārambhaṃ mānaṃ atimānaṃ madaṃ pamādaṃ sabbe kilese sabbe duccharite sabbe abhisāṅkhāre sabbe bhavaḡāmikamme nādhivāseti pajahati vinodeti byantī karoti anabhāvaṃ gametīti tikkhapaññā. Ekasmiṃ āsane cattāro ariyamaggā cattāri sāmāññaphalāni catasso paṭisambhidāyo cha abhiññāyo adhigatā honti sacchikatā phassitā paññāyāti tikkhapaññā.

Katamā **nibbedhikapaññā**? Idhekacco sabbasaṅkhāresu ubbegabahulo hoti uttāsabahulo ukkaṇṭhanabahulo aratibahulo anabhiratibahulo bahimukho na ramati sabbasaṅkhāresu, anibbidhappubbaṃ apadālitapubbaṃ lobhakkhandhaṃ nibbijjhati padāletīti nibbedhikapaññā. Anibbidhappubbaṃ apadālitapubbaṃ dosakkhandhaṃ mohakkhandhaṃ kodhaṃ upanāhaṃ...pe... sabbe bhavaḡāmikamme nibbijjhati padāletīti nibbedhikapaññāti (paṭi. ma. 3.3).

217. Pabbajitaṃ upāsītāti paṇḍitaṃ pabbajitaṃ upasaṅkamitvā payirupāsītā. **Atthantaroti** yathā eke randhagavesino upārambhacīttāya dosaṃ abbhantaraṃ karitvā nisāmayanti, evaṃ anisāmetvā atthaṃ abbhantaraṃ katvā atthayuttaṃ kathaṃ nisāmayi upadhārayi.

Paṭilābhagatenāti paṭilābhatthāya gatena. **Uppādanimittakovidāti** uppāde ca nimitte ca chekā. **Avecca dakkhitīti** ñatvā passissati.

Atthānusiṭṭhīsu pariggahesu cāti ye atthānusāsanesu pariggahā atthānattham pariggāhakāni ñāṇāni, tesūti attho.

Suvaṇṇavaṇṇalakkhaṇavaṇṇanā

218. Akkodhanoti na anāgāmimaggena kodhassa pahīnattā, atha kho sacepi me kodho uppajjeyya, khippameva naṃ paṭivinodeyyanti evaṃ akkodhavasikattā. **Nābhisajjīti** kuṭilakaṇṭako viya tattha tattha mammaṃ tudanto viya na laggi. **Na kuppi na byāpajjīti**ādīsu pubbuppattiko **kopo**. Tato balavataro **byāpādo**. Tato balavatarā **patitthiyānā**. Taṃ sabbaṃ akaronto na kuppi na byāpajji na patitthiyi. **Appaccayanti** domanassaṃ. **Na pātvākāsīti** na kāyavikārena vā vacīvikārena vā pākaṭamakāsi.

Idha kammaṃ nāma dīgharattaṃ akkodhanatā ceva sukhumattharaṇādīdānañca. **Kammasarikkhakaṃ** nāma kodhanassa chavivaṇṇo āvilo hoti mukhaṃ duddasiyaṃ vatthacchādanasadiṣaṇca maṇḍanaṃ nāma natthi. Tasmā yo kodhano ceva vatthacchādanānañca adātā, so iminā kāraṇena jano kodhanādibhāvaṃ jānātūti dubbaṇṇo hoti dussaṇṭhāno. Akkodhanassa pana mukhaṃ virocāti, chavivaṇṇo vipasīdati. Sattā hi catūhi kāraṇehi pāsādikā honti āmisadānena vā vatthadānena vā sammajjanena vā akkodhanatāya vā. Imāni cattāripi kāraṇāni dīgharattaṃ tathāgatena katāneva. Tenassa imesaṃ katabhāvaṃ sadevako loko iminā kāraṇena jānātūti suvaṇṇavaṇṇaṃ mahāpurisalakkhaṇaṃ nibbattati. **Lakkhaṇaṃ** nāma idameva lakkhaṇaṃ. Sukhumattharaṇādīlābhītā **ānisamso**.

219. Abhivissajjīti abhivissajjesi. **Mahimiva suro abhivassanti** suro vuccati devo, mahāpathaviṃ abhivassanto devo viya.

Suravarataroriva indoti surānaṃ varataro indo viya.

Apabbajjamicchanti apabbajjaṃ gihibhāvaṃ icchanto. **Mahatimahinti** mahantiṃ pathaviṃ.

Acchādanavatthamokkhapāvuraṇānanti acchādanānañceva vatthānañca uttamapāvuraṇānañca. **Panāsoti** vināso.

Kosohitavatthaguyhalakkhaṇavaṇṇanā

220. Mātarampi puttena samānetā ahosīti imaṃ kammaṃ rajje patitthitena sakkā kātuṃ. Tasmā bodhisattopi rajjaṃ kārayamāno antonagare catukkādīsu catūsu nagaradvāresu bahinagare catūsu disāsu imaṃ kammaṃ karoṭhāti manusse ṭhapesi. Te mātaraṃ kuhiṃ me putto puttaṃ na passāmīti vilapantiṃ pariyesamānaṃ disvā ehi, amma, puttaṃ dakkhasīti taṃ ādāya gantvā nahāpetvā bhojetvā puttamassā pariyesitvā dassenti. Esa nayo sabbattha.

Idha **kammaṃ** nāma dīgharattaṃ ñātīnaṃ samaṅgibhāvakaṇaṃ. **Kammasarikkhakaṃ** nāma ñātayo hi samaṅgībhūtā aññañānañssa vajjaṃ paṭicchādentī. Kiñcāpi hi te kalahakāle kalaham karonti, ekassa pana dose uppanne aññaṃ jānāpetuṃ na icchanti. Ayaṃ nāma etassa dosoti vutte sabbe utthahitvā kena diṭṭhaṃ kena sutam, amhākaṃ ñātīsu evarūpaṃ kattā nāma natthīti. Tathāgatena ca taṃ ñātisaṅgahaṃ karontena dīgharattaṃ idaṃ vajjappaṭicchādanakammaṃ nāma kataṃ hoti. Athassa sadevako loko iminā kāraṇena evarūpassa kammassa katabhāvaṃ jānātūti kosohitavatthaguyhalakkhaṇaṃ nibbattati. **Lakkhaṇaṃ** nāma idameva lakkhaṇaṃ. Pahūtaputtatā **ānisamso**.

221. Vatthachādiyanti vatthena chādetabbaṃ vatthaguyhaṃ.

Amittatāpanāti amittānaṃ patāpanā. **Gihissa pītiṃ jananā**ti gihibhūtaṃ sato pītijananā.

Parimaṇḍalādilakkhaṇavaṇṇanā

222. Samaṃ jānātīti “ayaṃ tārukkhasamo ayaṃ pokkharasātisamo”ti evaṃ tena tena samaṃ jānāti. **Sāmaṃ jānātī**ti sayamaṃ jānāti. **Purisaṃ jānātī**ti “ayaṃ seṭṭhasammato”ti purisaṃ jānāti. **Purisavisesaṃ jānātī**ti muggamaṃ māsenā samaṃ akatvā guṇavisiṭṭhassa visesaṃ jānāti. **Ayamidamarahatī**ti ayaṃ puriso idaṃ nāma dānasakkāraṃ arahati. **Purisavisesakaro ahoṣī**ti purisavisesaṃ ñatvā kāraṅko ahoṣi. Yo yaṃ arahati, tasseva taṃ adāsi. Yo hi kahāpaṇārahassa aḍḍhaṃ deti, so parassa aḍḍhaṃ nāseti. Yo dve kahāpaṇe deti, so attano kahāpaṇaṃ nāseti. Tasmā idaṃ ubhayampi akatvā yo yaṃ arahati, tassa tadeva adāsi. **Saddhādhananti**ādīsu sampattipaṭilābhattāthena saddhādīnaṃ dhanabhāvo vedītabbo.

Idha **kammaṃ** nāma dīgharattaṃ purisavisesaṃ ñatvā kataṃ samasaṅgahakammaṃ. **Kammasarikkhakaṃ** nāma tadassa kammaṃ sadevako loko iminā kāraṇena jānātīti imāni dve lakkhaṇāni nibbattanti. **Lakkhaṇaṃ** nāma idameva lakkhaṇadvayaṃ. Dhanasampatti **ānisaṃso**.

223. Tulyāti tulayitvā. **Paṭivicayā**ti paṭivicitvā. **Mahājanasaṅgāhakanti** mahājanasaṅgahaṇaṃ. **Samekkhamā**noti samaṃ pekkhamāno. **Atinipuṇā manujā**ti atinipuṇā sukhumapaññaṃ lakkhaṇapāṭhakamanussā. **Bahuvividhā gihīnaṃ arahānī**ti bahū vividhāni gihīnaṃ anucchavikāni paṭilābhanti. **Daharo susu kumāro** “ayaṃ daharo kumāro paṭilābhissati”ti byākāmsu **mahīpatissā**ti rañño.

Sihapubbaddhakāyādilakkhaṇavaṇṇanā

224. Yogakkhemakāmoti yogato khemakāmo. **Paññāyā**ti kammassakatapaññāya. Idha **kammaṃ** nāma mahājanassa atthakāmatā. **Kammasarikkhakaṃ** nāma taṃ mahājanassa atthakāmatāya vaḍḍhimeva paccāsisitabhāvaṃ sadevako loko iminā kāraṇena jānātīti imāni samantaparipūrāni aparihīnāni tīṇi lakkhaṇāni nibbattanti. **Lakkhaṇaṃ** nāma idameva lakkhaṇattayaṃ. Dhanādīhi ceva saddhādīhi ca aparihīnāni **ānisaṃso**.

225. Saddhāyāti okappanasaddhāya paśādasaddhāya. **Silenā**ti pañcasīlena dasasīlena. **Sutenā**ti pariyaṭṭisavanena. **Buddhiyā**ti etesaṃ buddhiyā, “kinti etehi vaḍḍheyyu”nti evaṃ cintesīti attho. **Dhammenā**ti lokiyadhammena. **Bahūhi sādhu**hīti aññehipi bahūhi uttamaguṇehi. **Asahānadhammatanti** aparihīnadhammaṃ.

Rasaggasaggitālakkhaṇavaṇṇanā

226. Samābhivāhīniyoti yathā tilaphalamattampi jivhagge ṭhapitaṃ sabbattha pharati, evaṃ samā hutvā vahanti. Idha **kammaṃ** nāma aviheṭhanakammaṃ. **Kammasarikkhakaṃ** nāma pañiādīhi pahāraṃ laddhassa tattha tattha lohitaṃ saṅghāti, gaṅṭhi gaṅṭhi hutvā antova pubbaṃ gaṅghāti, antova bhijjati, evaṃ so bahurogo hoti. Tathāgatena pana dīgharattaṃ imaṃ ārogyakaraṇakammaṃ kataṃ. Tadassa sadevako loko iminā kāraṇena jānātīti ārogyakaraṇaṃ rasaggasaggilakkhaṇaṃ nibbattati. **Lakkhaṇaṃ** nāma idameva lakkhaṇaṃ. Appābādhatā **ānisaṃso**.

227. Maraṇavadhenāti “etaṃ māretha etaṃ ghāteṭhā”ti evaṃ āṇattena maraṇavadhena. **Ubbādhanāyā**ti bandhanāgārappavesanena.

Abhinīlanettādilakkhaṇavaṇṇanā

228. Na ca visaṭanti kakkāṭako viya akkhīni nīharitvā na kodhavasena pekkhitā ahoṣi. **Na ca visācīti** vaṅkakkhikoṭiyā pekkhitāpi nāhoṣi. **Na ca pana viceyya pekkhitāti** viceyya pekkhitā nāma yo kujjhivā yadā naṃ paro oloketi, tadā nimmīleti na oloketi, puna gacchantam kujjhivā oloketi, evarūpo nāhoṣi. “Vineyyapekkhitā”tipi paṭho, ayamevattho. **Ujūṃ tathā pasaṭamujumanoti** ujumano hutvā uju pekkhitā hoti, yathā ca ujūṃ, tathā pasaṭam vipulam vitthataṃ pekkhitā hoti. **Piyadassanoti** piyāyamānehi passitabbo.

Idha **kammaṃ** nāma dīgharattam mahājanassa piyacakkhunā olokanakammaṃ. **Kammasarikkhakaṃ** nāma kujjhivā oloketo kāṇo viya kākakkhi viya hoti, vaṅkakkhi pana āvilakkhi ca hotiyeva. Pasannacittassa pana olokayato akkhīnam pañcavaṇṇo pasādo paññāyati. Tathāgato ca tathā olokesi. Athassa tam dīgharattam piyacakkhunā olokitabhāvaṃ sadevako loko iminā kāraṇena jānātūti imāni nettasampattikarāni dve mahāpurisalakkhaṇāni nibbattanti. **Lakkhaṇam** nāma idameva lakkhaṇadvayaṃ. Piyadassanā **ānisamso**. **Abhiyoginoti** lakkhaṇasatthe yuttā.

Uṇhīsasīsalakkaṇavaṇṇanā

230. Bahujanapubbaṅgamo ahoṣīti bahujanassa pubbaṅgamo ahoṣi gaṇajettṭhako. Tassa diṭṭhānugatiṃ aññe āpajjimsu. Idha **kammaṃ** nāma pubbaṅgamatā. **Kammasarikkhakaṃ** nāma yo pubbaṅgamo hutvā dānādīni kusalakammāni karoti, so amaṅkubhūto sīsam ukkhipivā pītipāmojjena paripuṇṇasīso vicarati, mahāpuriso ca hoti. Tathāgato ca tathā akāsi. Athassa sadevako loko iminā kāraṇena idaṃ pubbaṅgamakammaṃ jānātūti uṇhīsasīsalakkaṇam nibbattati. **Lakkhaṇam** nāma idameva lakkhaṇam. Mahājanānuvattanā **ānisamso**.

231. Bahujanam hessatīti bahujanassa bhavissati. **Paṭibhogiyāti** veyyāvaccakarā, etassa bahū veyyāvaccakarā bhavissantīti attho. **Abhiharanti tadāti** daharakāleyeva tadā evaṃ byākaronti. **Paṭihārakanti** veyyāvaccakarabhāvaṃ. **Visavīti** ciṇṇavasī.

Ekekalomatādilakkhaṇavaṇṇanā

232. Upavattatīti ajjhāsayaṃ anuvattati, idha **kammaṃ** nāma dīgharattam saccakathanam. **Kammasarikkhakaṃ** nāma dīgharattam advejjhakathāya parisuddhakathāya kathitabhāvamassa sadevako loko iminā kāraṇena jānātūti ekekalomalakkhaṇaṃ uṇṇalakkaṇaṃ nibbattati. **Lakkhaṇam** nāma idameva lakkhaṇadvayaṃ. Mahājanassa ajjhāsayaṇukūlena anuvattanā **ānisamso**. **Ekekalomūpacitaṅgavāti** ekekehi lomehi upacitasarīro.

Cattālīsādilakkhaṇavaṇṇanā

234. Abhejjaparisoti abhinditabbapariso. Idha **kammaṃ** nāma dīgharattam apisuṇavācāya kathanam. **Kammasarikkhakaṃ** nāma pisuṇavācassa kira samaggabhāvaṃ bhindanato dantā aparipuṇṇā ceva honti viralā ca. Tathāgatassa pana dīgharattam apisuṇavācatam sadevako loko iminā kāraṇena jānātūti idaṃ lakkhaṇadvayaṃ nibbattati. **Lakkhaṇam** nāma idameva lakkhaṇadvayaṃ. Abhejjaparisa **ānisamso**. **Caturo dasāti** cattāro dasa cattālīsam.

Pahūtajivhādilakkhaṇavaṇṇanā

236. Ādeyyavāco hotīti gaṭhetabbavacano hoti. Idha **kammaṃ** nāma dīgharattam aphaṇsavādītā. **Kammasarikkhakaṃ** nāma ye pharusavācā honti, te iminā kāraṇena nesam jivham parivattetvā parivattetvā pharusavācāya kathitabhāvaṃ jano jānātūti baddhajivhā vā honti, gūḷhajivhā vā dvijivhā vā mammanā vā. Ye pana jivham parivattetvā parivattetvā pharusavācam na vadanti, te baddhajivhā gūḷhajivhā dvijivhā na honti. Mudu nesam jivhā hoti rattakambalavaṇṇā. Tasmā tathāgatassa

dīgharattaṃ jivhaṃ parivattetvā pharusāya vācāya akathitabhāvaṃ sadevako loko iminā kāraṇena jānātūti pahūtajivhālakkhaṇaṃ nibbattati. Pharusavācaṃ kathentānañca saddo bhijjati. Te saddabhedam katvā pharusavācāya kathitabhāvaṃ jano jānātūti chinnassarā vā honti bhinnassarā vā kākassarā vā. Ye pana sarabhedakaraṃ pharusavācaṃ na kathenti, tesam saddo madhuro ca hoti pemaṇiyo. Tasmā tathāgataṃ dīgharattaṃ sarabhedakarāya pharusavācāya akathitabhāvaṃ sadevako loko iminā kāraṇena jānātūti brahmassaralakkhaṇaṃ nibbattati. **Lakkhaṇaṃ** nāma idameva lakkhaṇadvayaṃ. Ādeyyavacanaṭā **ānisamso**.

237. Ubbādhikanti akkosayuttattā ābādhakarim **bahujanappamaddananti** bahujanānaṃ pamaddaniṃ **abālhaṃ giram so na bhaṇi pharusanti** ettha akāro parato bhaṇisaddena yojetabbo. **Bālhaṃ** balavaṃ atipharusam. **Bālhaṃ giram so na abhaṇīti** ayamettha attho. **Susamhitanti** sutṭhu pemaṇhitam. **Sakhilanti** mudukaṃ. **Vācāti** vācāyo. **Kaṇṇasukhāti** kaṇṇasukhāyo. ‘‘Kaṇṇasukha’’ntipi pāṭho, yathā kaṇṇānaṃ sukhaṃ hoti, evaṃ erayatīti attho. **Vedayathāti** vedayittha. **Brahmassarattanti** brahmassarataṃ. **Bahuno bahunti** bahujanassa bahum. ‘‘Bahūnaṃ bahunti’’pi pāṭho, bahujanānaṃ bahunti attho.

Sīhahanulakkhaṇavaṇṇanā

238. Appadhaṃsiko hotīti guṇato vā ṭhānato vā padhaṃsetuṃ cāvetuṃ asakkuṇeyyo. Idha **kammaṃ** nāma palāpakathāya akathanaṃ. **Kammasarikkhakaṃ** nāma ye taṃ kathenti, te iminā kāraṇena nesam hanukaṃ cāletvā cāletvā palāpakathāya kathitabhāvaṃ jano jānātūti antopaviṭṭhahanukā vā vaṅkahanukā vā pabbhārahanukā vā honti. Tathāgato pana tathā na kathesi. Tenassa hanukaṃ cāletvā cāletvā dīgharattaṃ palāpakathāya akathitabhāvaṃ sadevako loko iminā kāraṇena jānātūti sīhahanulakkhaṇaṃ nibbattati. **Lakkhaṇaṃ** nāma idameva lakkhaṇaṃ. Appadhaṃsikaṭā **ānisamso**.

239. Avikiṇṇavacanabyappatho cāti avikiṇṇavacanānaṃ viya purimabodhisattānaṃ vacanapatho assāti avikiṇṇavacanabyappatho. **Dvidugamavaratarahanuttamalattāti** dvīhi dvīhi gacchatīti dvidugamo, dvīhi dvīhīti catūhi, catuppadānaṃ varatarassa sīhasseva hanubhāvaṃ alattāti attho. **Manujādhīpati**ti manujānaṃ adhipati. **Tathattoti** tathasabhāvo.

Samadantādīlakkhaṇavaṇṇanā

240. Suciparivāroti parisuddhparivāro. Idha **kammaṃ** nāma sammājīvatā. **Kammasarikkhakaṃ** nāma yo visamena samkiliṭṭhājīvena jīvitaṃ kappeti, tassa dantāpi visamā honti dāṭhāpi kiliṭṭhā. Tathāgataṃ pana samena suddhājīvena jīvitaṃ kappitabhāvaṃ sadevako loko iminā kāraṇena jānātūti samadantalakkhaṇaṃ susukkadāṭhālakkhaṇaṃ nibbattati. **Lakkhaṇaṃ** nāma idameva lakkhaṇadvayaṃ. Suciparivāraṭā **ānisamso**.

241. Avassajīti pahāsi **tidivapuravarasamoti** tidivapuravarena sakkena samo. **Lapanajanti** mukhajaṃ, dantanti attho. **Dijasamasukkasucisobhanadantoti** dve vāre jātattā dijanāmakā sukkā suci sobhanā ca dantā assāti dijasamasukkasucisobhanadanto. **Na ca janapadatudananti** yo tassa cakkavāḷaparicchinno janapado, tassa aññaena tudanaṃ pīḷā vā ābādhō vā natthi. **Hitamapi ca bahujana sukhañca carantīti** bahujanā samānasukhadukkhā hutvā tasmim janapade aññaṃaññaṃ hitaṇceva sukhañca caranti. **Vipāpoti** vigatapāpo. **Vigatadarathakilamathoti** vigatakāyikadarathakilamatho. **Malakhilakalīkilese panudehīti** rāgādimalānañceva rāgādikhilānañca dosakalīnañca sabbakilesānañca panudehi. Sesam sabbattha uttānatthamevāti.

Sumaṅgalavilāsiniyā dīghanikāyatṭhakathāya

Lakkhaṇasuttavaṇṇanā niṭṭhitā.

8. Siṅgālasuttavaṇṇanā

Nidānavāṇṇanā

242. Evaṃ me sutanti siṅgālasuttaṃ. Tatrāyamanuttānapadavaṇṇanā – **veḷuvane kalandakanivāpeti** veḷuvananti tassa uyyānassa nāmaṃ. Taṃ kira veḷūhi parikkhittaṃ ahosi aṭṭhārasahatthena ca pākārena gopuraṭṭālakayuttaṃ nīlobhāsaṃ manoramam, tena veḷuvananti vuccati. Kalandakānañcetha nivāpaṃ adamsu, tena kalandakanivāpoti vuccati.

Pubbe kira aññataro rājā tattha uyyānakālanatthaṃ āgato surāmadena matto divā niddaṃ okkami. Parijanopissa “sutto rājā”ti pupphaphalādīhi palobhiyamāno ito cito ca pakkāmi. Atha surāgandhena aññatarasmā susirarukkā kaṇhasappo nikkhamitvā rañño abhimukho āgacchati, taṃ disvā rukkhadevatā “rañño jīvitaṃ dammī”ti kālākavesena āgantvā kaṇṇamūle saddamakāsi. Rājā paṭibujjhi. Kaṇhasappo nivatto. So taṃ disvā “imāya kālākāya mama jīvitaṃ dinna”nti kālākānaṃ tattha nivāpaṃ paṭṭhapesi, abhayaghosañca ghosāpesi. Tasmā taṃ tato pabhuti “kalandakanivāpo”ti saṅkhyam gatam. **Kalandakāti** hi kālākānaṃ etaṃ nāmaṃ.

Tena kho pana samayenāti yasmim samaye bhagavā rājagahaṃ gocaragāmaṃ katvā veḷuvane kalandakanivāpe viharati, tena samayena. **Siṅgāloko gahapatiputtoti** siṅgālakoti tassa nāmaṃ. **Gahapatiputtoti** gahapatissa putto gahapatiputto. Tassa kira pitā gahapatimahāsālo, nidahitvā ṭhapitā cassa gehe cattālīsa dhanakoṭiyo atthi. So bhagavati niṭṭhaṅgato upāsako sotāpanno, bhariyāpissa sotāpannāyeva. Putto panassa assaddho appasanno. Atha naṃ mātāpitaro abhikkhaṇaṃ evaṃ ovadanti – “tāta satthāraṃ upasaṅkama, dhammasenāpatiṃ mahāmoggallānaṃ mahākassapaṃ asītimahāsāvake upasaṅkamā”ti. So evamāha – “natthi mama tumhākaṃ samaṇānaṃ upasaṅkamanakiccaṃ, samaṇānaṃ santikaṃ gantvā vanditabbaṃ hoti, onamitvā vandantassa piṭṭhi rujjati, jāṇukāni kharāni honti, bhūmiyaṃ nisīditabbaṃ hoti, tattha nisinnassa vatthāni kilissanti jīranti, samīpe nisinnakālato paṭṭhāya kathāsallāpo hoti, tasmim sati vissāso uppajjati, tato nimantetvā cīvarapiṇḍapātādīni dātābbāni honti. Evaṃ sante attho parihāyati, natthi mayhaṃ tumhākaṃ samaṇānaṃ upasaṅkamanakicca”nti. Iti naṃ yāvajīvaṃ ovodantāpi mātāpitaro sāsane upanetuṃ nāsakkhimsu.

Athassa pitā maraṇamañce nipanno “mama puttassa ovādaṃ dātuṃ vaṭṭati”ti cintetvā puna cintesi – “disā tāta namassāhī”ti evamassa ovādaṃ dassāmi, so atthaṃ ajānanto disā namassissati, atha naṃ satthā vā sāvakā vā passitvā “kiṃ karosī”ti pucchissanti. Tato “mayhaṃ pitā disā namassanaṃ karohīti maṃ ovadī”ti vakkhati. Athassa te “na tuyhaṃ pitā etā disā namassāpeti, imā pana disā namassāpetī”ti dhammaṃ desessanti. So buddhasāsane guṇaṃ ñatvā “puññakammaṃ karissati”ti. Atha naṃ āmantāpetvā “tāta, pātova uṭṭhāya cha disā namasseyyāsī”ti āha. Maraṇamañce nipannassa kathā nāma yāvajīvaṃ anussaraṇīyā hoti. Tasmā so gahapatiputto taṃ pituvacanam anussaranto tathā akāsi. Tasmā “kālasseva uṭṭhāya rājagahā nikkhamitvā”tiādi vuttaṃ.

243. Puthudisāti bahudisā. Idāni tā dassento **puratthimaṃ disanti**ādīmāha. **Pāvisīti** na tāva pavīṭṭho, pavissamānti nikkhantattā pana antarāmagge vattamānopi evaṃ vuccati. **Addasā kho bhagavāti** na idāneva addasa, paccūsasamayepi buddhacakkhunā lokaṃ volokento etaṃ disā namassamānaṃ disvā “ajja ahaṃ siṅgālassa gahapatiputtassa gihivinayaṃ siṅgālasuttantaṃ kathessāmi, mahājanassa sā kathā saphalā bhavissati, gantabbaṃ mayā etthā”ti. Tasmā pātova nikkhamitvā rājagahaṃ piṇḍāya pāvīsī, pavisanto ca naṃ tatheva addasa. Tena vuttaṃ – “addasā kho bhagavā”ti. **Etadavocāti** so kira avidūre ṭhitampi satthāraṃ na passati, disāyeva namassati. Athaṃ naṃ bhagavā sūriyarasmisamphassena vīkasamānaṃ mahāpadumaṃ viya mukhaṃ vivaritvā “kiṃ nu kho tvaṃ, gahapatiputtā”tiādikam etadavoca.

Chadisādivāṇṇanā

244. Yathā katham pana, bhanteti so kira taṃ bhagavato vacanaṃ sutvāva cintesi “yā kira mama pitarā cha disā namassitabbā”ti vuttā, na kira tā etā, aññā kira ariyasāvakena cha disā namassitabbā. Handāhaṃ ariyasāvakena namassitabbā disāyeva pucchitvā namassāmīti. So tā pucchanto **yathā katham pana, bhanteti**ādīmāha. Tattha **yathāti** nipātamattaṃ. **Katham panāti** idameva pucchāpadaṃ. **Kammakilesāti** tehi kammehi sattā kilissanti, tasmā kammakilesāti vuccanti. **Thānehīti** kāraṇehi. **Apāyamukhānīti** vināsamukhāni. **Soti** so sotāpanno ariyasāvako. **Cuddasa pāpakāpagatoti** etehi cuddasahi pāpakehi lāmakehi apagato. **Chaddisāpaṭicchādīti** cha disā paṭicchādentō. **Ubholokavijayāyāti** ubhinnaṃ idhalokaparalokānaṃ vijinanatthāya. **Ayañceva loko āraddho hotīti** evarūpassa hi idha loke pañca verāni na honti, tenassa ayañceva loko āraddho hoti paritosito ceva nipphādito ca. Paralokepi pañca verāni na honti, tenassa paro ca loko ārādhito hoti. Tasmā so kāyassa bheda parammaraṇā sugatiṃ saggamaṃ lokaṃ upapajjati.

245. Iti bhagavā saṅkhepena mātikaṃ ṭhapetvā idāni tameva vitthārento **katamassa cattāro kammakilesāti**ādīmāha. **Kammakilesoti** kammañca taṃ kilesasampayuttattā kilesō cāti kammakilesō. Sakilesoyeva hi pāṇaṃ hanati, nikkilesō na hanati, tasmā pāṇātipāto “kammakilesō”ti vutto. **Adinnādānādīsupi** eseva nayo. **Athāparanti** aparampi etadatthaparidīpakameva gāthābandhaṃ avocāti attho.

Catuṭhānādivaṇṇanā

246. Pāpakammaṃ karotīti idaṃ bhagavā yasmā kārake dassite akārako pākaṭo hoti, tasmā “pāpakammaṃ na karotī”ti mātikaṃ ṭhapetvāpi desanākusalatāya paṭhamataraṃ kārakaṃ dassento āha. Tattha **chandāgatiṃ gacchantoti** chandena pemena agatiṃ gacchanto akattabbaṃ karonto. Parapadesupi eseva nayo. Tattha yo “ayaṃ me mitto vā sambhatto vā sandiṭṭho vā ñātako vā lañjaṃ vā pana me detī”ti chandavasena assāmikaṃ sāmikaṃ karoti, ayaṃ chandāgatiṃ gacchanto pāpakammaṃ karoti nāma. Yo “ayaṃ me verī”ti pakativeravasena taṅkhaṇuppannakodhavasena vā sāmikaṃ assāmikaṃ karoti, ayaṃ dosāgatiṃ gacchanto pāpakammaṃ karoti nāma. Yo pana mandattā momūhattā yaṃ vā taṃ vā vatvā assāmikaṃ sāmikaṃ karoti, ayaṃ mohāgatiṃ gacchanto pāpakammaṃ karoti nāma. Yo pana “ayaṃ rājavallabho vā visamanissito vā anattampī me kareyyā”ti bhīto assāmikaṃ sāmikaṃ karoti, ayaṃ bhayāgatiṃ gacchanto pāpakammaṃ karoti nāma. Yo pana yaṃkiñci bhājento “ayaṃ me sandiṭṭho vā sambhatto vā”ti pemavasena atirekaṃ deti, “ayaṃ me verī”ti dosavasena ūnakaṃ deti, momūhattā dinnādinnaṃ ajānamāno kassaci ūnaṃ kassaci adhikaṃ deti, “ayaṃ imasmiṃ adiyamāne mayhaṃ anattampī kareyyā”ti bhīto kassaci atirekaṃ deti, so catubbidhopi yathānukkamena chandāgatiādīni gacchanto pāpakammaṃ karoti nāma.

Ariyasāvako pana jīvitakkhayaṃ pāpuṇantopi chandāgatiādīni na gacchati. Tena vuttaṃ – “imehi catūhi thānehi pāpakammaṃ na karotī”ti.

Nihīyati yaso tassāti tassa agatigāmino kittiyasopi parivārayasopi nihīyati parihāyati.

Chaapāyamukhādivaṇṇanā

247. Surāmerayamajjappamādaṭṭhānānuyogoti ettha **surāti** piṭṭhasurā pūvasurā odanasurā kiṇṇapakkhittā sambhārasaṃyuttāti pañca surā. **Merayanti** pupphāsavo phalāsavo madhvāsavo guḷāsavo sambhārasaṃyuttoti pañca āsavā. Taṃ sabbampī madakaraṇavasena **majjaṃ. Pamādaṭṭhānanti** pamādakāraṇaṃ. Yāya cetanāya taṃ majjaṃ pivati, tassa etaṃ adhivacanaṃ. **Anuyogoti** tassa surāmerayamajjappamādaṭṭhānassa anuanuyogo punappunaṃ karaṇaṃ. Yasmā panetaṃ anuyuttassa uppannā ceva bhogā parihāyanti, anuppannā ca nuppajjanti, tasmā “bhogānaṃ apāyamukha”nti vuttaṃ. **Vikālavisikhācariyānuyogoti** avelāya visikhāsu cariyānuyuttatā.

Samajjābhicaraṇanti naccādidassanavasena samajjāgamaṇaṃ. **Ālasyānuyogoti** kāyālasīyatāya

yuttappayuttatā.

Surāmerayassa chaādīnavādivaṇṇanā

248. Evaṃ channaṃ apāyamukhānaṃ mātikaṃ ṭhapetvā idāni tāni vibhajanto **cha kho me, gahapatiputta ādīnavā**tiādīmāha. Tattha **sandiṭṭhikā**ti sāmāṃ passitabbā, idhalokabhāvinī. **Dhanajānī**ti dhanahāni. **Kalahappavaḍḍhanī**ti vācākalahassa ceva hatthaparāmāsādikāyakahassa ca vaḍḍhanī. **Rogānaṃ āyatananti** tesāṃ tesāṃ akkhirogādīnaṃ khettaṃ. **Akittisañjananī**ti suraṃ pivivā hi mātarampi paharanti pitarampi, aññaṃ bahumpi avattabbaṃ vadanti, akattabbaṃ karonti. Tena garahampi daṇḍampi hatthapādādichedampi pāpuṇanti, idhalokepi paralokepi akittim pāpuṇanti, iti tesāṃ sā surā akittisañjananī nāma hoti. **Kopīnanidaṃsanī**ti guyhaṭṭhānañhi vivariyamānaṃ hirim kopeti vināseti, tasmā “kopīna”nti vuccati, surāmadamattā ca taṃ taṃ aṅgaṃ vivarivā vicaranti, tena nesāṃ sā surā kopīnassa nidaṃsanato “kopīnanidaṃsanī”ti vuccati. **Paññāya dubbalikaraṇī**ti sāgatatherassa viya kammassakatapaññaṃ dubbalaṃ karoti, tasmā “paññāya dubbalikaraṇī”ti vuccati. Maggapaññaṃ pana dubbalaṃ kātum na sakkoti. Adhigatamaggānañhi sā antomukhameva na pavisati. **Chaṭṭhaṃ padanti** chaṭṭhaṃ kāraṇaṃ.

249. **Attāpissa agutto arakkhito hotī**ti avelāya caranto hi khāṇukaṇṭakādīnīpi akkamati, ahināpi yakkhādīhipi samāgacchati, taṃ taṃ ṭhānaṃ gacchatīti ṇatvā verinopi naṃ nilīyivā gaṇhanti vā hananti vā. Evaṃ attāpissa agutto hoti arakkhito. Puttadārāpi “amhākaṃ pitā amhākaṃ sāmī rattim vicarati, kimaṅgaṃ pana maya”nti itissa puttadhītaropi bhariyāpi bahi patthanaṃ katvā rattim carantā anayabyasanaṃ pāpuṇanti. Evaṃ **puttadāropissa agutto arakkhito hoti. Sāpateyyanti** tassa puttadāraparijanassa rattim caraṇakabhāvaṃ ṇatvā corā suññaṃ gehaṃ pavisitvā yaṃ icchanti, taṃ haranti. Evaṃ **sāpateyyampissa aguttaṃ arakkhitaṃ hoti. Saṅkiyo ca hotī**ti aññehi katapāpakammesupi “iminā kataṃ bhavissati”ti saṅkitabbo hoti. Yassa yassa gharadvārena yāti, tattha yaṃ aññena corakammaṃ paradārikakammaṃ vā kataṃ, taṃ “iminā kata”nti vutte abhūtaṃ asantampi tasmim rūhati patiṭṭhāti. **Bahūnañca dukkhadhammānanti** ettakaṃ dukkhaṃ, ettakaṃ domanassanti vattum na sakkā, aññasmim puggale asati sabbaṃ vikālacārimhi āharitabbaṃ hoti, iti so bahūnaṃ dukkhadhammaṃ purakkhato puregāmī hoti.

250. **Kva naccanti** “kasmim ṭhāne naṭanāṭakādīnaccāṃ atthī”ti pucchitvā yasim gāme vā nigame vā taṃ atthi, tattha gantabbaṃ hoti, tassa “sve naccadassanaṃ gamissāmī”ti ajja vatthagandhamālādīni paṭiyādentasseva sakaladivasampi kammacchedo hoti, naccadassanaena ekāhampi dvīhampi tīhampi tattheva hoti, atha vuṭṭhisampattiyādīni labhitvāpi vappādikāle vappādīni akarontassa anuppannā bhogā nuppajjanti, tassa bahi gatabhāvaṃ ṇatvā anārakkhe gehe corā yaṃ icchanti, taṃ karonti, tenassa uppannāpi bhogā vinassanti. **Kva gīntanti**ādīsipi eseva nayo. Tesāṃ nānākaraṇaṃ brahmajāle vuttameva.

251. **Jayaṃ veranti** “jitaṃ mayā”ti parisamajjhe parassa sātakaṃ vā veṭhanaṃ vā gaṇhāti, so “parisamajjhe me avamānaṃ karosi, hotu, sikkhāpessāmi na”nti tattha veraṃ bandhati, evaṃ jinanto sayāṃ veraṃ pasavati. **Jinoti** aññena jito samāno yaṃ tena tassa veṭhanaṃ vā sātako vā aññaṃ vā pana hiraññasuvaṇṇādivittaṃ gahitaṃ, taṃ anusocati “ahosi vata me, taṃ taṃ vata me natthī”ti tappaccayā socati. Evaṃ so jino vittaṃ anusocati. **Sabhāgatassa vacanaṃ na rūhatī**ti vinicchayaṭṭhāne sakkhipuṭṭhassa sato vacanaṃ na rūhati, na patiṭṭhāti, “ayaṃ akkhasoṇḍo jūtakarō, mā tassa vacanaṃ gaṇhitthā”ti vattāro bhavanti. **Mittāmaccānaṃ paribhūto hotī**ti tañhi mitāmaccā evaṃ vadanti – “samma, tvampi nāma kulaputto jūtakarō chinnabhinnako hutvā vicarasi, na te idaṃ jātigottānaṃ anurūpaṃ, ito paṭṭhāya mā evaṃ kareyyāsī”ti. So evaṃ vuttopi tesāṃ vacanaṃ na karoti. Tato tena saddhim ekato na tiṭṭhanti na nisīdanti. Tassa kāraṇā sakkhipuṭṭhāpi na kathenti. Evaṃ mittāmaccānaṃ paribhūto hoti.

Āvāhavivāhakānanti āvāhakā nāma ye tassa gharato dārikaṃ gahetukāmā. Vivāhakā nāma ye tassa gehe dārikaṃ dātukāmā. **Apatthito hotī**ti anicchito hoti. **Nālaṃ dārabharaṇāyāti** dārabharaṇāya

na samattho. Etassa gehe dārikā dinnāpi etassa gehato āgatāpi amhehi eva positabbā bhavissatiyeva.

Pāpamittatāya chaādīnavādivaṇṇanā

252. Dhuttāti akkhadhuttā. **Soṇḍāti** itthisoṇḍā bhattasoṇḍā pūvasoṇḍā mūlakasoṇḍā. **Pipāsāti** pānasoṇḍā. **Nekatikāti** patirūpakena vañcanakā. **Vañcanikāti** sammukhāvañcanāhi vañcanikā. **Sāhasikāti** ekāgārikādīsāhasikakammakārino. **Tyāssa mittā hontīti** te assa mittā hontī. Aññehi sappurisehi saddhiṃ na ramati gandhamālādīhi alaṅkaritvā varasayanam āropitasūkaro gūthakūpamiva, te pāpamitteyeva upasankamati. Tasmā diṭṭhe ceva dhamme samparāyañca bahum ananttham nigacchati.

253. Atisītanti kammaṃ na karotīti manussehi kālasseva vuṭṭhāya “etha bho kammantam gacchāmā”ti vutto “atisītam tāva, aṭṭhīni bhijjanti viya, gacchatha tumhe pacchā jānissāmī”ti aggim tapanto nisīdati. Te gantvā kammaṃ karonti. Itarassa kammaṃ parihāyati. **Atiṇṇhanti**ādīsupi eseva nayo.

Hoti pānasakhā nāmāti ekacco pānaṭṭhāne surāgeheyeva sahāyo hoti. “Pannasakhā”tipi pāṭho, ayamevattho. **Sammiyasammiyoti** samma sammāti vadanto sammukheyeva sahāyo hoti, parammukhe verīsadiso otārameva gavesati. **Atthesu jātesūti** tathārūpesu kicesu samuppannesu. **Verappasavoti** verabahulatā. **Anatthātīti** anattakāritā. **Sukadariyatāti** suṭṭhu kadariyatā thaddhamacchariyabhāvo. **Udakamiva iṇaṃ vigāhatīti** pāsāṇo udakam viya saṃsīdanto iṇaṃ vigāhati.

Rattinūṭṭhānadessināti rattim anuṭṭhānasīlena. **Atisāyamidaṃ ahūti** idaṃ atisāyam jātanti ye evaṃ vatvā kammaṃ na karonti. **Iti vissatṭhakammanteti** evaṃ vatvā pariccattakammante. **Atthā accenti māṇaveti** evarūpe puggale atthā atikkamanti, tesu na tiṭṭhanti.

Tiṇā bhiyyoti tiṇatopi uttari. **So sukhaṃ na vihāyatīti** so puriso sukhaṃ na jahāti, sukhasamaṅgiyeva hoti. Iminā kathāmaggena imamattam dasseti “gihibhūtena satā ettakaṃ kammaṃ na kātabbam, karontassa vaḍḍhi nāma natthi. Idhaloke paraloke garahameva pāpuṇāti”ti.

Mittapatirūpakādivaṇṇanā

254. Idāni yo evaṃ karoto anatto uppajjati, aññāni vā pana yāni kānici bhayāni yekeci upaddavā yekeci upasaggā, sabbe te bālam nissāya uppajjanti. Tasmā “evarūpā bālā na sevittabbā”ti bāle mittapatirūpake amitte dassetuṃ **cattārome, gahapatiputta amittāti**ādīmāha. Tattha **aññadatthuharoti** sayam tucchahattho āgantvā ekaṃsena yaṃkiñci haratiyeva. **Vacīparamoti** vacanaparamo vacanamatteneva dāyako kārako viya hoti. **Anuppiyabhāṇīti** anuppiyam bhaṇati. **Apāyasahāyoti** bhogaṇam apāyesu sahāyo hoti.

255. Evaṃ cattāro amitte dassetvā puna tattha ekekaṃ catūhi kāraṇehi vibhajanto **catūhi kho, gahapatiputtāti**ādīmāha. Tattha **aññadatthuharo hotīti** ekaṃsena hārakoyeva hoti. Sahāyassa geham rittahattho āgantvā nivatthasātakādīnam vaṇṇam bhāsati, so “ativiya tvaṃ samma imassa vaṇṇam bhāsasi”ti aññam nivāsetvā tam deti. **Appena bahumicchati**ti yaṃkiñci appakaṃ datvā tassa santikā bahum pattheti. **Bhayassa kiccaṃ karotīti** attano bhaye uppanne tassa dāso viya hutvā tam tam kiccaṃ karoti, ayam sabbadā na karoti, bhaye uppanne karoti, na pemeṇāti amitto nāma jāto. **Sevati atthakāraṇāti** mittasanthavavasena na sevati, attano atthameva paccāsīanto sevati.

256. Atītena paṭisantharatīti sahāye āgate “hiyyo vā pare vā na āgatosi, amhākaṃ imasmim vāre sassam ativiya nipphanam, bahūni sāliyavabījādīni ṭhapetvā maggaṃ oloketā nisīdimha, ajja pana sabbam khīṇa”nti evaṃ atītena saṅgaṇhāti. **Anāgatenāti** “imasmim vāre amhākaṃ sassam manāpaṃ bhavissati, phalabhārabharitā sāliādāyo, sassasaṅgahe kate tumhākaṃ saṅgaṇam kātuṃ samatthā

bhavissāmā”ti evaṃ anāgatena saṅgaṇhāti. **Niratthakenāti** hatthikkhandhe vā assapiṭṭhe vā nisinnō sahāyaṃ disvā “ehi, bho, idha nisīdā”ti vadati. Manāpaṃ sātakaṃ nivāsetvā “sahāyakassa vata me anucchaviko añño pana mayhaṃ natthī”ti vadati, evaṃ niratthakena saṅgaṇhāti nāma. **Paccuppannesu kicesu byasanaṃ dassētī** “sakaṭena me attho”ti vutte “cakkamassa bhinnāṃ, akkho chinno”tiādīni vadati.

257. Pāpakampissa anujānātiti pāṇātipātādīsu yaṃkiñci karomāti vutte “sādhu samma karomā”ti anujānāti. Kalyāṇepi eseva nayo. **Sahāyo hotīti** “asukatṭhāne suraṃ pivanti, ehi tatha gacchāmā”ti vutte sādhitū gacchati. Esa nayo sabbattha. **Iti viññāyāti** “mittapatirūpakā ete”ti evaṃ jānitvā.

Suhadamittādivaṇṇanā

260. Evaṃ na sevitabbe pāpamitte dassetvā idāni sevitabbe kalyāṇamitte dassento puna **cattārome, gahapatiputtāti**tiādīmāha. Tattha **suhadāti** sundarahadayā.

261. Pamattaṃ rakkhatīti majjaṃ pivitvā gāmamajjhe vā gāmadvāre vā magge vā nipannaṃ disvā “evaṃnipannassa kocideva nivāsanapārūpanampi hareyyā”ti samīpe nisīditvā pabuddhakāle gahetvā gacchati. **Pamattassa sāpateyyanti** sahāyo bahigato vā hoti suraṃ pivitvā vā pamatto, geḥaṃ anārakkhaṃ “kocideva yaṃkiñci hareyyā”ti geḥaṃ pavisitvā tassa dhaṇaṃ rakkhati. **Bhītassāti** kismiñcideva bhaye uppanne “mā bhāyi, mādise sahāye ṭhite kiṃ bhāyasi”ti taṃ bhayaṃ haranto paṭisaraṇaṃ hoti. **Taddiḅḅaṃ bhoganti** kiccakaraṇīye uppanne sahāyaṃ attano santikaṃ āgataṃ disvā vadati “kasmā āgatosī”ti? Rājakule kammaṃ atthīti. Kiṃ laddhuṃ vaṭṭatīti? Eko kahāpaṇoti. “Nagare kammaṃ nāma na ekakahāpaṇena nipphajjati, dve gaṇhāhī”ti evaṃ yattakaṃ vadati, tato diḅḅaṃ deti.

262. Guyhamassa ācikkhatīti attano guyhaṃ nigūhituṃ yuttakathaṃ aññassa akathetvā tasseva ācikkhati. **Guyhamassa parigūhatīti** tena kathitaṃ guyhaṃ yathā añño na jānāti, evaṃ rakkhati. **Āpadāsu na vijahatīti** uppanne bhaye na pariccajati. **Jīvitampissa atthāyāti** attano jīvitampi tassa sahāyassa atthāya pariccattameva hoti, attano jīvitaṃ agaṇetvāpi tassa kammaṃ karotiyeva.

263. Pāpā nivāretīti amhesu passantesu passantesu tvaṃ evaṃ kātuṃ na labhasi, pañca verāni dasa akusalakammapathe mā karohīti nivāreti. **Kalyāṇe nivesetīti** kalyāṇakamme tīsu saraṇesu pañcasīlesu dasakusalakammapatthesu vattassu, dānaṃ dehi puññaṃ karohi dhammaṃ suṇhīti evaṃ kalyāṇe niyojati. **Assutaṃ sāvetīti** assutapubbaṃ sukhumāṃ nipuṇaṃ kāraṇaṃ sāveti. **Saggassa magganti** idaṃ kammaṃ katvā sagge nibbantatīti evaṃ saggassa maggaṃ ācikkhati.

264. Abhavenassa na nandatīti tassa abhavana avuḍḍhiyā puttadārassa vā parijanassa vā tathārūpaṃ pārijuññaṃ disvā vā sutvā vā na nandati, anattamaṃ hoti. **Bhavenāti** vuḍḍhiyā tathārūpassa sampattiṃ vā issariyappaṭilābhaṃ vā disvā vā sutvā vā nandati, attamaṃ hoti. **Avaññaṃ bhaṇamānaṃ nivāretīti** “asuko virūpo na pāsādiko dujjātiko dussilo”ti vā vutte “evaṃ mā bhaṇi, rūpavā ca so pāsādiko ca sujāto ca sīlasampanno ca”tiādīhi vacanehi paraṃ attano sahāyassa avaññaṃ bhaṇamānaṃ nivāreti. **Vaññaṃ bhaṇamānaṃ pasamsatīti** “asuko rūpavā pāsādiko sujāto sīlasampanno”ti vutte “aho suṭṭhu vadasi, subhāsitaṃ tayā, evametaṃ, esa puriso rūpavā pāsādiko sujāto sīlasampanno”ti evaṃ attano sahāyakassa paraṃ vaññaṃ bhaṇamānaṃ pasamsati.

265. Jalaṃ aggīva bhāsatiti rattim pabbatamatthake jalamāno aggi viya virocāti.

Bhoge saṃharamānassāti attānampi parampi apīletvā dhammena samena bhoge sampiṇḍentassa rāsīm karontassa. **Bhamarasseva iriyatoti** yathā bhamaro pupphānaṃ vañṇagandhaṃ apothayaṃ tuṇḍenapi pakkhehipi rasaṃ āharitvā anupubbena cakkappamānaṃ madhupaṭalaṃ karoti, evaṃ anupubbena mahantaṃ bhogaṃ rāsīm karontassa. **Bhogā sannicayaṃ yantīti** tassa bhogaṃ nicayaṃ gacchanti. Kathaṃ? Anupubbena upacikāhi saṃvaḍḍhiyamāno vammiko viya. Tenāha

“vammikovupacīyati”ti. Yathā vammiko upaciyati, evaṃ nicayaṃ yantīti attho.

Samāhatvāti samāharitvā. **Alamatto**ti yuttasabhāvo samattho vā pariyattarūpo gharāvāsaṃ saṅghāpetuṃ.

Idāni yathā vā gharāvāso saṅghapetabbo, tathā oবাদanto **catudhā vibhaje bhogeti**ādīmāha. Tattha **sa ve mittāni ganthatīti** so evaṃ vibhajanto mittāni ganthati nāma abhejjanāni ṭhapeti. Yassa hi bhogā santi, so eva mitte ṭhapetuṃ sakkoti, na itaro.

Ekena bhoge bhuñjeyyāti ekena koṭṭhāsesa bhoge bhuñjeyya. **Dvīhi kammaṃ payojayeti** dvīhi koṭṭhāsehi kasivāñijjādikammaṃ payojeyya. **Catutthañca nidhāpeyyāti** catutthaṃ koṭṭhāsaṃ nidhāpetvā ṭhapeyya. **Āpadāsu bhavissatīti** kulānañhi na sabbakālaṃ ekasadisāṃ vattati, kadāci rājādivasena āpadāpi uppajjanti, tasmā evaṃ āpadāsu uppannāsu bhavissatīti “ekam koṭṭhāsaṃ nidhāpeyyā”ti āha. Imesu pana catūsu koṭṭhāsesu katarakoṭṭhāsaṃ gahetvā kusalaṃ kātabbanti? “Bhoge bhuñjeyyā”ti vuttakoṭṭhāsaṃ. Tato gaṇhitvā bhikkhūnampi kapaṇaddhikādīnampi dātabbaṃ, pesakāraṇhāpitādīnampi vetanaṃ dātabbaṃ.

Chaddisāpaṭicchādānakaṇḍavaṇṇanā

266. Iti bhagavā ettakena kathāmaggena evaṃ gahapatiputtassa ariyasāvako catūhi kāraṇehi akusalaṃ pahāya chahi kāraṇehi bhogānaṃ apāyamukhaṃ vajjetvā soḷasa mittāni sevanto gharāvāsaṃ saṅghapetvā dārabharaṇaṃ karonto dhammikenā ajīvena jīvati, devamanussānañca antare aggikkhandho viya virocātīti vajjanīyadhammavajjanatthaṃ sevitaḥḥadhammasevanatthañca ovādaṃ datvā idāni namassitabbā cha disā dassento **kathañca gahapatiputtāti**ādīmāha.

Tattha **chaddisāpaṭicchādīti** yathā chahi disāhi āgamanabhayaṃ na āgacchati, khemaṃ hoti nibbhayaṃ evaṃ viharanto “chaddisāpaṭicchādī”ti vuccati. “Puratthimā disā mātāpitaro veditabbā”tiādīsu **mātāpitaro** pubbupakāritāya **puratthimā disāti** veditabbā. **Ācariyā** dakkhiṇeyyatāya **dakkhiṇā disāti**. **Puttadārā** piṭṭhito anubandhanavasena **pacchimā disāti**. **Mittāmaccā** yasmā so mittāmacce nissāya te te dukkhavisesa uttarati, tasmā **uttarā disāti**. **Dāsakammakarā** pādāmūle patiṭṭhānavasena **heṭṭhimā disāti**. **Samaṇabrāhmaṇā** guṇehi upari ṭhitabhāvena **uparimā disāti** veditabbā.

267. Bhato ne bharissāmīti ahaṃ mātāpitūhi thaññaṃ pāyevā hatthapāde vaḍḍhetvā mukhena siṅghānikaṃ apanetvā nahāpetvā maṇḍetvā bhato bharito jaggito, svāhaṃ ajja te mahallake pādadhovanāhāpanayāgubhattadānādīhi bharissāmī.

Kiccaṃ nesāṃ karissāmīti attano kammaṃ ṭhapetvā mātāpitūnaṃ rājakulādīsu uppannaṃ kiccaṃ gantvā karissāmī. **Kulavaṃsaṃ saṅghapessāmīti** mātāpitūnaṃ santakaṃ khattavatthuhiraññasuvaṇṇādīṃ avināsetvā rakkhantopi kulavaṃsaṃ saṅghapeti nāma. Mātāpitaro adhammikavaṃsato hāretvā dhammikavaṃse ṭhapentopi, kulavaṃsena āgatāni salākabhattādīni anupacchinditvā pavattentopi kulavaṃsaṃ saṅghapeti nāma. Idaṃ sandhāya vuttaṃ – “kulavaṃsaṃ saṅghapessāmī”ti.

Dāyajjaṃ paṭipajjāmīti mātāpitaro attano ovāde avattamāne micchāpaṭipanne dārake vinicchayaṃ patvā aputte karonti, te dāyajjārahā na hontī. Ovāde vattamāne pana kulasantakassa sāmike karonti, ahaṃ evaṃ vattissāmīti adhippāyena “dāyajjaṃ paṭipajjāmī”ti vuttaṃ.

Dakkhiṇaṃ anuppadassāmīti tesāṃ pattidānaṃ katvā tatiyadivasato paṭṭhāya dānaṃ anuppadassāmī. **Pāpā nivārentīti** pāṇātipātādīnaṃ diṭṭhadhammikasaṃparāyikaṃ ādīnaṃ vatvā, “tāta, mā evarūpaṃ karī”ti nivārentī, katampi garahanti. **Kalyāṇe nivesentīti** anāthapiṇḍiko viya

lañjaṃ datvāpi sīlasamādānādīsu nivesenti. **Sippaṃ sikkhāpentīti** attano ovāde ʘhitabhāvaṃ ñatvā vaṃsānugataṃ muddāgaṇaṇādīsippaṃ sikkhāpentī. **Patirūpenāti** kulasīlarūpādīhi anurūpena.

Samaye dāyajjaṃ niyyādentīti samaye dhaṇaṃ denti. Tattha nīccasamayo kālasamayoti dve samayā. **Nīccasamaye** denti nāma “uṭṭhāya samuṭṭhāya imaṃ gaṇhitabbaṃ gaṇha, ayaṃ te paribbayo hotu, iminā kusalaṃ karohī”ti denti. **Kālasamaye** denti nāma sikkhāṭṭhāpanaāvāhavivāhādīsamaye denti. Apica pacchime kāle maraṇamañce nipannassa “iminā kusalaṃ karohī”ti dentāpi samaye denti nāma. **Paṭicchannā hotīti** yaṃ puratthimadisato bhayaṃ āgaccheyya, yathā taṃ nāgacchati, evaṃ pihitā hoti. Sace hi puttā vippaṭipannā, assu, mātāpitaro daharakālato paṭṭhāya jagganādīhi sammā paṭipannā, ete dārakā, mātāpitūnaṃ appatirūpāti etaṃ bhayaṃ āgaccheyya. Puttā sammā paṭipannā, mātāpitaro vippaṭipannā, mātāpitaro puttānaṃ nānurūpāti etaṃ bhayaṃ āgaccheyya. Ubhosu vippaṭipannesu duvidhampi taṃ bhayaṃ hoti. Sammā paṭipannesu sabbaṃ na hoti. Tena vuttaṃ – “paṭicchannā hoti khemā appaṭibhaya”ti.

Evañca pana vatvā bhagavā siṅgālakam etadavoca – “na kho te, gahapatiputta, pitā lokasammataṃ puratthimaṃ disaṃ namassāpeti. Mātāpitaro pana puratthimadisāsādise katvā namassāpeti. Ayañhi te pitarā puratthimā disā akkhātā, no aññā”ti.

268. Uṭṭhānenāti āsanā uṭṭhānena. Antevāsikena hi ācariyaṃ dūrato āgacchantam disvā āsanā vuṭṭhāya paccuggamaṇaṃ katvā hatthato bhaṇḍakaṃ gahetvā āsanaṃ paññāpetvā nisīdāpetvā bījanapādadhovanapādamaṃkhaṇāni kātabbāni. Taṃ sandhāya vuttaṃ “uṭṭhānenā”ti. **Upaṭṭhānenāti** divasassa tikkhattuṃ upaṭṭhānagamaṇena. Sippuggahaṇakāle pana avassakameva gantabbaṃ hoti. **Sussūsāyāti** saddahitvā savanena. Asaddahitvā suṇanto hi viṣesaṃ nādhigacchati. **Pāricariyāyāti** avasesakhuddakapāricariyāya. Antevāsikena hi ācariyassa pātova vuṭṭhāya mukhodakadantaṭṭhaṃ datvā bhattakiccakālepi pānīyaṃ gahetvā paccupaṭṭhānādīni katvā vanditvā gantabbaṃ. Kiliṭṭhavatthādīni dhovitaṃbāni, sāyaṃ nahānodakaṃ paccupaṭṭhapetabbaṃ. Aphāsukāle upaṭṭhātabbaṃ. Pabbajitenapi sabbaṃ antevāsikavattaṃ kātabbaṃ. Iḍaṃ sandhāya vuttaṃ – “pāricariyāyā”ti. **Sakkaccaṃ sippapaṭiggahaṇenāti** sakkaccaṃ paṭiggahaṇaṃ nāma thokaṃ gahetvā bahuvāre sajjhāyakaṇaṃ, ekapadampi visuddhameva gahetabbaṃ.

Suvinītaṃ vinentīti “evaṃ te nisīditabbaṃ, evaṃ ʘhātabbaṃ, evaṃ khādītabbaṃ, evaṃ bhuñjītabbaṃ, pāpamittā vajjetabbā, kalyāṇamittā sevītabbā”ti evaṃ ācāraṃ sikkhāpentī vinentī. **Suggahitaṃ gāhāpentīti** yathā suggahitaṃ gaṇhāti, evaṃ atthañca byañjanañca sodhetvā payogaṃ dassetvā gaṇhāpentī. **Mittāmaccesu paṭiyādentīti** “ayaṃ amhākaṃ antevāsiko byatto bahussuto mayā samasamo, etaṃ sallakkheyyāthā”ti evaṃ guṇaṃ kathetvā mittāmaccesu paṭiṭṭhapentī.

Disāsu parittānaṃ karontīti sippasikkhāpanenevassa sabbadisāsu rakkhaṃ karontī. Uggahitasippo hi yaṃ yaṃ disaṃ gantvā sippaṃ dasseti, tattha tathassa lābhasakkāro uppajjati. So ācariyena kato nāma hoti, guṇaṃ kathentopissa mahājano ācariyapāde dhovitvā vasitaantevāsiko vata ayantī paṭhamam ācariyasēva guṇaṃ kathenti, brahmalokappamāṇopissa lābho uppajjamāno ācariyasantakova hoti. Apica yaṃ vijjaṃ pariappitvā gacchantam aṭaviyaṃ corā na passanti, amanussā vā dīghajātīdayo vā na vihetṭenti, taṃ sikkhāpentāpi disāsu parittānaṃ karontī. Yaṃ vā so disaṃ gato hoti, tato kaṅkhaṃ uppādetvā attano santikaṃ āgatamanusse “etissaṃ disāyaṃ amhākaṃ antevāsiko vasati, tassa ca mayhañca imasmiṃ sippe nānākaṇaṃ natthi, gacchatha tameva pucchathā”ti evaṃ antevāsikaṃ paggaṇhantāpi tassa tattha lābhasakkārūppattiyā parittānaṃ karontī nāma, paṭiṭṭhaṃ karontī attho. Sesamettha purimanayeneva yojetabbaṃ.

269. Tatiyadisāvāre **sammānanāyāti** devamāte tissamāte evaṃ sambhāvitakathākathanena. **Anavamānanāyāti** yathā dāsakammakarādayo pothetvā vihetṭetvā kathenti, evaṃ hīletvā vimānetvā akathanena. **Anaticariyāyāti** taṃ atikkamitvā bahi aññāya itthiyā saddhiṃ paricaranto taṃ aticarati nāma, tathā akaraṇena. **Issariyavossaggenāti** itthiyo hi mahālatāsadisampi ābharaṇaṃ labhitvā bhattaṃ

vicāretuṃ alabhamānā kujjhanti, kaṭacchuṃ hatthe ṭhapetvā tava ruciyā karohīti bhattagehe vissatthe sabbam issariyaṃ vissattham nāma hoti, evaṃ karaṇenāti attho. **Alaṅkāraṇuppadānenāti** attano vibhānurūpena alaṅkāradānena. **Susaṃvihitakammantāti** yāgubhattapacanakālādīni anatikkamitvā tassa tassa sādhukaṃ karaṇena suṭṭhu saṃvihitakammantā. **Saṅgahitaparijanāti** sammānanādīhi ceva paheṇakapesanādīhi ca saṅgahitaparijanā. Idha pariṇāna nāma sāmikassa ceva attano ca ñātijano. **Anaticārinīti** sāmikaṃ muñcitvā aññaṃ manasāpi na pattheti. **Sambhatanti** kasivāñijjādīni katvā ābhatadhaṇaṃ. **Dakkhā ca hotīti** yāgubhattasampādanādīsu chekā nipuṇā hoti. **Analasāti** nikkosajjā. Yathā añña kusītā nisinnaṭṭhāne nisinnāva honti ṭhitaṭṭhāne ṭhitāva, evaṃ ahutvā vipphāritena cittena sabbakiccāni nipphādeti. Sesamidhāpi purimanayeneva yojetabbaṃ.

270. Catutthadisāvāre **avisamvādanatāyāti** yassa yassa nāmaṃ gaṇhāti, taṃ taṃ avisamvādetvā idampi amhākaṃ gehe atthi, idampi atthi, gahetvā gacchāhīti evaṃ avisamvādetvā dānena. **Aparapajā cassa paṭipūjenti**ti sahāyassa puttadhītarō pajā nāma, tesam pana puttadhītarō ca nattupanattakā ca aparapajā nāma. Te paṭipūjenti keḷāyanti mamāyanti maṅgalakālādīsu tesam maṅgalādīni karonti. Sesamidhāpi purimanayeneva vedītabbaṃ.

271. **Yathābalaṃ kammantasamvidhānenāti** daharehi kātabbaṃ mahallakehi, mahallakehi vā kātabbaṃ daharehi, itthīhi kātabbaṃ purisehi, purisehi vā kātabbaṃ itthīhi akāretvā tassa tassa balānurūpeneva kammantasamvidhānena. **Bhattavetanānuppadānenāti** ayaṃ khuddakaputto, ayaṃ ekavīhārīti tassa tassa anurūpaṃ sallakkhetvā bhattadānena ceva paribbayaḍānena ca. **Gilānupaṭṭhānenāti** aphāsukakāle kammaṃ akāretvā sappāyabhesajjādīni datvā paṭijaggaṇena. **Acchariyānaṃ rasānaṃ saṃvihāgenāti** accharīye madhurarase labhītvā sayameva akhādītvā tesampi tato saṃvihāgākaraṇena. **Samaye vossaggenāti** niccasamaye ca kālasamaye ca vossajjanaṃ. **Niccasamaye** vossajjanaṃ nāma sakaladivasam kammaṃ karontā kilamanti. Tasmā yathā na kilamanti, evaṃ velaṃ ñatvā vissajjanaṃ. **Kālasamaye** vossaggo nāma chaṇanakkhattakīlādīsu alaṅkārabhaṇḍakhādanīyabhojanīyādīni datvā vissajjanaṃ. **Dinnādāyīnoti** corikāya kiñci agahetvā sāmikehi dinnasseva ādāyino. **Sukatakammakarāti** “kiṃ etassa kammena katena, na mayaṃ kiñci labhāmā”ti anujjhāyītvā tuṭṭhahadāyā yathā taṃ kammaṃ sukataṃ hoti, evaṃ kārakā. **Kittivaṇṇaharāti** parisamajjhe kathāya sampattāya “ko amhākaṃ sāmikehi sadiso atthi, mayaṃ attano dāsabhāvampi na jānāma, tesam sāmikabhāvampi na jānāma, evaṃ no anukampantī”ti guṇakathāhārakā. Sesamidhāpi purimanayeneva yojetabbaṃ.

272. **Mettena kāyakammenāti**ādīsu mettacittaṃ paccupaṭṭhapetvā katāni kāyakammādīni mettāni nāma vuccanti. Tattha bhikkhū nimantessāmīti vihāragamaṇaṃ, dhamakaraṇaṃ gahetvā udakaparissāvaṇaṃ, piṭṭhiparikammaṃ pādāparikammādīkaraṇaṃca mettāṃ **kāyakammaṃ** nāma. Bhikkhū piṇḍāya pavīṭṭhe disvā “sakkaccaṃ yāguṃ detha, bhattaṃ dethā”tiādīvacanañceva, sādhukāraṃ datvā dhammasavanañca sakkaccaṃ paṭisanthārakaraṇādīni ca mettāṃ **vacīkammaṃ** nāma. “Amhākaṃ kulūpakattherā averā hontu abyāpajjā”ti evaṃ cintanaṃ mettāṃ **manokammaṃ** nāma. **Anāvaṭadvāratāyāti** apihitadvāratāya. Tattha sabbadvārāni vivarītvāpi sīlavantānaṃ adāyako akārako pihitadvāroyeva. Sabbadvārāni pana pidahītvāpi tesam dāyako kārako vivaṭadvāroyeva. Iti sīlavantesu gehadvāraṃ āgatesu santamāyeva natthīti avatvā dātābbaṃ. Evam anāvaṭadvāratā nāma hoti.

Āmisānuppadānenāti purebhattaṃ paribhuñjitābbaṃ āmisāṃ nāma, tasmā sīlavantānaṃ yāgubhattasampādanenāti attho. **Kalyāṇena manasā anukampantīti** “sabbe sattā sukhītā hontu averā arogā abyāpajjā”ti evaṃ hitapharaṇena. Apica upaṭṭhākānaṃ gehaṃ añña sīlavante sabrahmacārī gahetvā pavisaṇṭāpi kalyāṇena cetasā anukampanti nāma. **Sutaṃ pariyodāpentīti** yaṃ tesam pakatiyā sutaṃ atthi, tassa atthaṃ kathetvā kaṅkhaṃ vinodenti, tathattāya vā paṭipajjāpentī. Sesamidhāpi purimanayeneva yojetabbaṃ.

273. **Alamattoti** puttadārabharaṇaṃ katvā agāraṃ ajjhāvasanasamattho. **Paṇḍitoti** disānamassanaṭṭhāne paṇḍito hutvā. **Sanhoti** sukhumatthadassanena saṅhavācābhaṇaṇena vā saṅho

hutvā. **Paṭibhānavā**ti disānamassanaṭṭhāne paṭibhānavā hutvā **nivātavuttī**ti nīcavutti. **Atthaddhoti** thambharahito. **Uṭṭhānakoti** uṭṭhānavīriyasampanno. **Analasoti** nikkosajjo. **Acchinnavuttī**ti nirantarakaraṇavasena akhaṇḍavutti. **Medhāvī**ti ṭhānuppattiyā paññāya samannāgato.

Saṅgāhakoti catūhi saṅgahavatthūhi saṅgahakaro. **Mittakaroti** mittagavesano. **Vadaññū**ti pubbakārinā, vuttavacanam jānāti. Sahāyakassa gharam gatakāle “mayham saṅgahakassa veṭhanam detha, sāṭakam detha, manussānam bhattavetanam dethā”ti vuttavacanamanussaranto tassa attano geham āgataṣṣa tattakam vā tato atirekam vā paṭikattāti attho. Apica saṅgahakassa gharam gantvā imam nāma gaṇhissāmīti āgataṣṣa saṅgahakam lajjāya gaṇhitum asakkontam anicchāritampi tassa vācam ſatvā yena atthena so āgato, tam nipphādentō vadaññū nāma. Yena yena vā pana saṅgahakassa ſnam hoti, oloketvā tam tam dentopi vadaññūyeva. **Netā**ti tam tam attham dassentō paññāya netā. Vividhāni karaṇāni dassentō netīti **vinetā**. Punappunam netīti **anunetā**.

Tattha tatthāti tasmim tasmim puggale. **Rathassāṇiva yāyatoti** yathā āṇiyā satiyeva ratho yāti, asati na yāti, evam imesu saṅgahesu satiyeva loko vattati, asati na vattati. Tena vuttam – “ete kho saṅgahā loke, rathassāṇiva yāyato”ti.

Na mātā puttakāraṇāti yadi mātā ete saṅgahē puttassa na kareyya, puttakāraṇā mānam vā pūjam vā na labheyya.

Saṅgahā eteti upayogavacane paccattam. “Saṅgahē ete”ti vā paṭho. **Sammapekkhantī**ti sammā pekkhanti. **Pāsaṃsā ca bhavantī**ti paṣaṃsanīyā ca bhavanti.

274. Iti bhagavā yā disā sandhāya te gahapatiputta pitā āha “disā namasseyyāsī”ti, imā tā cha disā. Yadi tvam pitu vacanam karosi, imā disā namassāti dassentō siṅgālassa pucchāya ṭhatvā desanam matthakam pāpetvā rājagaham piṇḍāya pāvīsi. Siṅgālakopi saraṇesu paṭiṭṭhāya cattālīsakoṭṭidhanam buddhasāsane vikiritvā puññakammaṃ katvā saggaparāyaṇo ahoṣi. Imasmiṅca pana sutte yaṃ giṭhīhi kattabham kammaṃ nāma, tam akathitam natthi, **gihivinayo nāmāyaṃ suttanto**. Tasmā imam sutvā yathānusiṭṭham paṭipajjamānassa vuddhiyeva paṭikaṅkhā, no parihānīti.

Sumaṅgalavilāsiniyā dīghanikāyaṭṭhakathāya

Siṅgālasuttavaṇṇanā niṭṭhitā.

9. Āṭānāṭiyasuttavaṇṇanā

Paṭhamabhāṇavāraṇṇanā

275. **Evam me sutanti** āṭānāṭiyasuttam. Tatrāyamapubbapadavaṇṇanā – **catuddisaṃ rakkham ṭhapetvā**ti asurasenāya nivāraṇattham sakkassa devānamindassa catūsu disāsu ārakkham ṭhapetvā. **Gumbam ṭhapetvā**ti balagumbam ṭhapetvā. **Ovaraṇam ṭhapetvā**ti catūsu disāsu ārakkhake ṭhapetvā. Evam sakkassa devānamindassa ārakkham susamvihitam katvā āṭānāṭanagare nisinnā satta buddhe ārabha imam parittam bandhitvā “ye satthu dhammāṇam amhākaṅca rājaṇam na suṇanti, tesam idaṅcīdaṅca karissāmā”ti sāvanam katvā attanopi catūsu disāsu mahatīyā ca yakkhasenāyātiādīhi catūhi senāhi ārakkham samvidahitvā abhikkantāya rattiyā...pe... ekamantam nisīdīmsu.

Abhikkantāya rattiyāti ettha abhikkantasaddo khayasundarābhirūpaabbhanumodanādīsu dissati. Tattha “abhikkantā, bhante ratti, nikkhanto paṭhamo yāmo, ciranisino bhikkhusaṅgho uddisatu, bhante, bhagavā bhikkhūnam pātimokkha”nti (a. ni. 8.20) evamādīsu khaye dissati. “Ayaṃ imesaṃ catunnam puggalānam abhikkantataro paṇītarō cā”ti (a. ni. 4.100) evamādīsu sundare.

“Ko me vandati pādāni, iddhiyā yasasā jalam;
Abhikkantena vaṇṇena, sabbā obhāsayaṃ disā”ti. (vi. va. 857);

Evamādīsu abhirūpe. “Abhikkantaṃ, bho gotamāti (pārā. 15) evamādīsu abbhanumodane. Idha pana khaye. Tena abhikkantāya rattiyā, parikkhīṇāya rattiyāti vuttaṃ hoti.

Abhikkantavaṇṇāti idha abhikkantasaddo abhirūpe. Vaṇṇasaddo pana chavithutikulavaggakāraṇasaṅghānapamāṇarūpāyatanādīsu dissati. Tattha “suvanṇavaṇṇosi bhagavā”ti (ma. ni. 2.399) evamādīsu chaviyaṃ. “Kadā saññūlhā pana te, gahapati, ime samaṇassa gotamassa vaṇṇā”ti (ma. ni. 2.77) evamādīsu thutiyā. “Cattārome, bho gotama, vaṇṇā”ti (dī. ni. 1.266) evamādīsu kulavagge. “Atha kena nu vaṇṇena gandhathenoti vuccatī”tiādīsu (saṃ. ni. 1.234) kāraṇe. “Mahantaṃ hatthirājavaṇṇaṃ abhinimminivā”ti (saṃ. ni. 1.138) evamādīsu saṅghāne. “Tayo pattassa vaṇṇā”ti (pārā. 602) evamādīsu pamāṇe. “Vaṇṇo gandho raso ojā”ti evamādīsu rūpāyatane. So idha chaviyaṃ daṭṭhabbo. Tena “abhikkantavaṇṇā abhirūpacchavī”ti vuttaṃ hoti.

Kevalakappanti ettha kevalasaddo anavasesayebhuyyaabyāmissānatirekadalhatthavisamyoḡādiānekatho. Tathā hissa “kevalaparipuṇṇaṃ parisuddhaṃ brahmacariya”nti (pārā. 1) evamādīsu anavasesatā attho. “Kevalakappā ca aṅgamāgadhā pahūtaṃ khādanīyaṃ bhojanīyaṃ ādāya abhikkamitukāmā hontī”ti (mahāva. 43) evamādīsu yebhuyyatā. “Kevalassa dukkhakkhandhassa samudayo hoti”ti (mahāva. 1) evamādīsu abyāmissatā. “Kevalaṃ saddhāmatkamaṃ nūna ayamāyasmā”ti (a. ni. 6.55) evamādīsu anantirekatā. “Āyasmato, bhante, anuruddhassa bhāhiko nāma saddhivihāriko kevalakappaṃ saṅghabhedāya ṭhito”ti (a. ni. 4.243) evamādīsu dalhatthatā. “Kevalī vusitavā uttamapurisoti vuccatī”ti (a. ni. 10.12) evamādīsu visamyoḡo. Idha panassa anavasesattho adhippeto.

Kappasaddo panāyaṃ abhisaddahanavohārakālapaññattichedanavikappalesasamantabhāvādiānekatho. Tathā hissa “okappaniyametaṃ bhoto gotamassa. Yathā taṃ arahato sammāsambuddhassā”ti (ma. ni. 1.387) evamādīsu abhisaddahanamattho. “Anujānāmi, bhikkhave, pañcahi samaṇakappehi phalaṃ paribhuñjitu”nti (cūlava. 250) evamādīsu vohāro. “Yena sudaṃ niccakappaṃ viharāmi”ti (ma. ni. 1.387) evamādīsu kālo. “Iccāyasmā kappo”ti (su. ni. 1098) evamādīsu paññatti. “Alānkato kappitakesamassū”ti (vi. va. 1094) evamādīsu chedanāṃ. “Kappati dvaṅgulakappo”ti (cūlava. 446) evamādīsu vikappo, atthi kappo nipajjitu”nti (a. ni. 8.80) evamādīsu lesa. “Kevalakappaṃ veḷuvanaṃ obhāsetvā”ti (saṃ. ni. 1.94) evamādīsu samantabhāvo. Idha pana samantabhāvo attho adhippeto. Tasmā “kevalakappaṃ gijjhakūṭa”nti ettha anavasesaṃ samantato gijjhakūṭanti evamattho daṭṭhabbo.

Obhāsetvāti vatthamālālaṅkārasarīrasamuṭṭhitāya ābhāya pharivā, candimā viya sūriyo viya ca ekobhāsaṃ ekapajjotaṃ karitvāti attho. **Ekamantaṃ nisīdīmsūti** devatānaṃ dasabalassa santike nisinnatṭhānaṃ nāma na bahu, imasmim̐ pana sutte parittagāravavasena nisīdīmsu.

276. Vessavaṇoti kiñcāpi cattāro mahārājāno āgatā, vessavaṇo pana dasabalassa vissāsiko kathāpavattane byatto susikkhito, tasmā vessavaṇo mahārājā bhagavantaṃ etadavoca. **Uḷārāti** mahesakkhānubhāvasampannā. **Pāṇātipātā veramaṇiyāti** pāṇātipāte diṭṭhadhammikasamparāyikaṃ ādīnavāṃ dassavā tato veramaṇiyā dhammaṃ deseti. Sesesupi eseva nayo. **Tattha santi uḷārā yakkhā nivāsīnoti** tesu senāsanesu santi uḷārā yakkhā nibaddhavāsino. **Āṭānāṭiyanti** āṭānāṭanagare baddhattā evaṇṇāmaṃ. Kiṃ pana bhagavato apaccakkhadhammo nāma atthīti, natthi. Atha kasmā vessavaṇo “uggaṇhātu, bhante, bhagavā”tiādīmāha? Okāsakaraṇatthaṃ. So hi bhagavantaṃ imaṃ parittaṃ sāvetuṃ okāsaṃ kārento evamāha. Sattu kathite imaṃ parittaṃ garu bhavissatītipi āha. **Phāsuvihārāyāti** gamanaṭṭhānādīsu catūsu iriyāpathesu sukhavihārāya.

277. Cakkhumantassāti na vipassīyeva cakkhumā, sattapi buddhā cakkhumanto, tasmā ekekassa

buddhassa etāni satta satta nāmāni honti. Sabbepi buddhā cakkhumanto, sabbe sabbabhūtānukampino, sabbe nhātakilesattā nhātakā. Sabbe mārasenāpamaddino, sabbe vusitavanto, sabbe vimuttā, sabbe aṅgato rasmīnaṃ nikkhantattā aṅgīrasā. Na kevalaṅca buddhānaṃ etāneva satta nāmāni asaṅkhyeyyāni nāmāni saguṇena mahesinoti vuttaṃ.

Vessavaṇo pana attano pākāṭanāmasavasena evamāha. **Te janāti** idha khīṇāsavā janāti adhippetā. **Apisuṇāthāti** desanāsīsamattametam, amusā apisuṇā aphaṛusā mantabhāṇinoti attho. **Mahattāti** mahantabhāvaṃ pattā. “Mahantā”tipi pāṭho, mahantāti attho. **Vitasāradāti** nissāradā vigatalomahaṃsā.

Hitanti mettāpharaṇena hitaṃ. **Yaṃ namassantīti** ettha yanti nipātamattaṃ. **Mahattanti** mahantaṃ. Ayameva vā pāṭho, idaṃ vuttaṃ hoti “ye cāpi loke kilesanibbānena nibbutā yathābhūtaṃ vipassisum, vijjādiguṇasampannaṅca hitaṃ devamanussānaṃ gotamaṃ namassanti, te janā apisuṇā, tesampi namatthū”ti. Aṭṭhakathāyaṃ pana te janā apisuṇāti te buddhā apisuṇāti evaṃ paṭhamagāthāya buddhānaṃyeva vaṇṇo kathito, tasmā paṭhamagāthā sattannaṃ buddhānaṃ vasena vuttā. Dutiyagāthāya “gotama”nti desanāmukhamattametam. Ayampi hi sattannaṃyeva vasena vuttāti veditabbā. Ayañhettha attho – loke paṇḍitā devamanussā yaṃ namassanti gotamaṃ, tassa ca tato purimānaṅca buddhānaṃ namatthūti.

278. Yato uggacchatīti yato ṭhānato udeti. **Ādiccoti** aditiyā putto, vevacanamattaṃ vā etaṃ sūriyasaddassa. Mahantaṃ maṅḍalaṃ assāti **maṅḍalimahā**. **Yassa cuggacchamānassāti** yamhi uggacchamāne. **Samvarīpi nirujjhatīti** ratti antaradhāyati. **Yassa cuggateti** yasmim uggate.

Rahadoti udakarahado. **Tatthāti** yato uggacchati sūriyo, tasmim ṭhāne. **Samuddoti** yo so rahadoti vutto, so na añño, atha kho samuddo. **Saritodakoti** viṣaṭodako, saritā nānappakārā nadiyo assa udake pavitṭhāti vā **saritodako**. **Evaṃ taṃ tattha jānantīti** taṃ rahadaṃ tattha evaṃ jānanti. Kinti jānanti? Samuddo saritodakoti evaṃ jānanti.

Itoti sineruto vā tesam nisinnaṭṭhānato vā. **Janoti** ayaṃ mahājano. **Ekanāmāti** indanāmena ekanāmā. Sabbesaṃ kira tesam sakkassa devaraṅṅo nāmameva nāmamakamsu. **Asīti dāsa eko cāti** ekanavutijanā. **Indanāmāti** indoti evaṃnāmā. **Buddhaṃ ādiccabandhunaṃ** kilesaniddāpagamanenāpi buddhaṃ. Ādiccena samānagottatāyapi ādiccabandhunaṃ. **Kusalena samekkhasīti** anavajjena nipuṇena vā sabbaññutaññāṇena mahājanaṃ olokesi. **Amanussāpi taṃ vandantīti** amanussāpi taṃ “sabbaññutaññāṇena mahājanaṃ olokesī”ti vatvā vandanti. **Sutaṃ netam abhiṅhasoti** etaṃ amhehi abhikkhaṇaṃ sutam. **Jinaṃ vandatha gotamaṃ, jinaṃ vandāma gotamanti** amhehi puṭṭhā jinaṃ vandāma gotamanti vadanti.

279. Yena petā pavuccantīti petā nāma kālaṅkatā, te yena disābhāgena nīhariyantūti vuccanti. **Pisuṇā piṭṭhimamsikāti** pisuṇāvācā ceva piṭṭhimamsaṃ khādantā viya parammukhā garahakā ca. Ete ca yena nīhariyantūti vuccanti, sabbepi hete dakkhiṇadvārena nīharitvā dakkhiṇato nagarassa ḍayhantu vā chijjantu vā haññantu vāti evaṃ vuccanti. **Ito sā dakkhiṇā disāti** yena disābhāgena te petā ca pisuṇādikā ca nīhariyantūti vuccanti, ito sā dakkhiṇā disā. **Itoti** sineruto vā tesam nisinnaṭṭhānato vā. **Kumbhaṇḍānanti** te kira devā mahodarā honti, rahassaṅgampi ca nesaṃ kumbho viya mahantaṃ hoti. Tasmā kumbhaṇḍāti vuccanti.

280. Yattha coggacchati sūriyoti yasmim disābhāge sūriyo atthaṃ gacchati.

281. Yenāti yena disābhāgena. **Mahānerūti** mahāsineru pabbatarājā. **Sudassanoti** sovaṇṇamayattā sundaradassano. Sinerussa hi pācīnapassaṃ rajatamayaṃ, dakkhiṇapassaṃ maṇimayaṃ, pacchimapassaṃ phalikamayaṃ, uttarapassaṃ sovaṇṇamayam, taṃ manuññadassanaṃ hoti. Tasmā yena disābhāgena sineru sudassanoti ayametthattho. **Manussā tattha jāyantīti** tattha uttarakurumhi manussā jāyanti. **Amamāti** vatthābharaṇapānabhojanādīsipi mamattavirahitā. **Apariggahāti**

itthipariggahena apariggahā. Tesam kira “ayaṃ mayhaṃ bhariyā”ti mamattaṃ na hoti, mātaraṃ vā bhaginiṃ vā disvā chandarāgo nuppajjati.

Napi nīyanti naṅgalāti naṅgalānipi tattha “kasikammaṃ karissāmā”ti na khettaṃ nīyanti. **Akaṭṭhapākimaṃti** akaṭṭhe bhūmibhāge araṅṅe sayameva jātaṃ. **Taṇḍulapphalanti** taṇḍulāva tassa phalaṃ hoti.

Tuṇḍikīre pacitvānāti ukkhaliyaṃ ākiritvā niddhumaṅgārena agginā pacitvā. Tattha kira jotikapāsānā nāma honti. Atha kho te tayo pāsāne ṭhapetvā taṃ ukkhalim āropenti. Pāsānehi tejo samuṭṭhahitvā taṃ pacati. **Tato bhuñjanti bhojananti** tato ukkhalito bhojanaṃeva bhuñjanti, añño sūpo vā byañjanaṃ vā na hoti, bhuñjantānaṃ cittaṇukūloyevassa raso hoti. Te taṃ ṭhānaṃ sampattānaṃ dentiyeva, macchariyacittaṃ nāma na hoti. Buddhapaccekaḥādayopi mahiddhikā tattha gantvā piṇḍapātaṃ gaṇhanti.

Gāviṃ ekakhuraṃ katvāti gāviṃ gahetvā ekakhuraṃ vāhanaṃeva katvā. Taṃ abhiruyha vessavaṇassa paricārakā yakkhā. **Anuyanti disodisanti** tāya tāya disāya caranti. **Pasuṃ ekakhuraṃ katvāti** ṭhapetvā gāviṃ avasesacatuppadaḥātikāṃ pasuṃ ekakhuraṃ vāhanaṃeva katvā disodisaṃ anuyanti.

Itthim vā vāhanaṃ katvāti yebhuyyena gabbhiniṃ mātugāmaṃ vāhanaṃ karitvā. Tassā piṭṭhiyā nisīditvā caranti. Tassā kira piṭṭhi onamituṃ sahati. Itarā pana itthiyo yāne yoḥenti. **Purisaṃ vāhanaṃ katvāti** purisaṃ gahetvā yāne yoḥenti. Gaṇhantā ca sammādiṭṭhike gahetuṃ na sakkonti. Yebhuyyena paccantimamilakkhuvāsike gaṇhanti. Aññataro kirettha jānapado ekassa therassa samīpe nisīditvā niddāyati, thero “upāsaka ativiya niddāyasī”ti pucchi. “Ajja, bhante, sabbarattim vessavaṇadāsehi kilamitomhī”ti āha.

Kumāriṃ vāhanaṃ katvāti kumāriyo gahetvā ekakhuraṃ vāhanaṃ katvā rathe yoḥenti. **Kumāravāhanepi** eseva nayo. **Pacārā tassa rājinoti** tassa raṅṅo paricārikā. **Hatthiyānaṃ assayānanti** na kevalaṃ goyānādīniyeva, hatthiassayānādīnipi abhiruhitvā vicaranti. **Dibbaṃ yānanti** aññampi nesam bahuvidhaṃ dibbayānaṃ upaṭṭhitameva hoti, etāni tāva nesam upakappanayānāni. Te pana pāsāde varasayanamhi nipannāpi piṭṭhasivikādīsu ca nisinnāpi vicaranti. Tena vuttaṃ “pāsādā sivikā cevā”ti. **Mahārājassa yasassinoti** evaṃ ānubhāvasampannaṃ yasassino mahārājassa etāni yānāni nibbattanti.

Tassa ca nagarā ahu antalikkhe sumāpitāti tassa raṅṅo ākāse suṭṭhu māpitā ete āṭānāṭādikā nagarā ahesuṃ, nagarāni bhaviṃsūti attho. Ekañhissa nagaraṃ āṭānāṭā nāma āsi, ekaṃ kusināṭā nāma, ekaṃ parakusināṭā nāma, ekaṃ nāṭasūriyā nāma, ekaṃ parakusiṭānāṭā nāma.

Uttarena kasivantoti tasmim ṭhatvā ujum uttaradisāya kasivanto nāma aññaṃ nagaraṃ. **Janoghamaparena cāti** etassa aparabhāge janoghaṃ nāma aññaṃ nagaraṃ. **Navanavatiyoti** aññampi navanavatiyo nāma ekaṃ nagaraṃ. Aparam ambaraambaravatiyo nāma. **Āḷakamandāti** aparampi āḷakamandā nāma rājadhāni.

Tasmā kuvero mahārājāti ayaṃ kira anuppanne buddhe kuvero nāma brāhmaṇo hutvā ucchuvappaṃ kāretvā satta yantāni yojesi. Ekissāya yantasālāya uṭṭhitaṃ āyaṃ āgatāgatassa mahājanassa datvā puññaṃ akāsi. Avasesasālāhi tattheva bahutaro āyo uṭṭhāsi, so tena pasīditvā avasesasālāsūpi uppajjanakaṃ gahetvā vīsati vassasahassāni dānaṃ adāsi. So kālaṃ katvā cātumahārājikesu kuvero nāma devaputto jāto. Aparabhāge visāṇāya rājadhāniyā rajjaṃ kāresi. Tato paṭṭhāya vessavaṇoti vuccati.

Paccesanto pakāsentīti paṭiesanto visuṃ visuṃ atthe upaparikkhamānā anusāsamānā aññe

dvādasa yakkharatthikā pakāsentī. Te kira yakkharatthikā sāsanaṃ gahetvā dvādasannaṃ yakkhadovārikānaṃ nivedenti. Yakkhadovārikā taṃ sāsanaṃ mahārājassa nivedenti. Idāni tesāṃ yakkharatthikānaṃ nāmaṃ dassento **tatolātiādīmāha**. Tesu kira eko tatolā nāma, eko tattalā nāma, eko tatotalā nāma, eko ojasi nāma, eko tejasi nāma, eko tatojasī nāma. **Sūro rājāti** eko sūro nāma, eko rājā nāma, eko sūrorājā nāma, **ariṭṭho nemīti** eko ariṭṭho nāma, eko nemi nāma, eko ariṭṭhanemi nāma.

Rahadopi tattha dharanī nāmāti tattha paneko nāmena dharanī nāma udakarahado atthi, paṇṇāsajojanā mahāpokkharanī atthīti vuttaṃ hoti. **Yato meghā pavassantīti** yato pokkharanīto udakaṃ gahetvā meghā pavassanti. **Vassā yato patāyantīti** yato vuṭṭhiyo avattharamānā nigacchanti. Meghesu kira uṭṭhitesu tato pokkharanīto purāṇaudakaṃ bhassati. Upari megho uṭṭhahitvā taṃ pokkharanīṃ navodakena pūreti. Purāṇodakaṃ heṭṭhimāṃ hutvā nikkhamati. Paripuṇṇāya pokkharanīyā valāhakā vigacchanti. **Sabhāpīti** sabhā. Tassā kira pokkharanīyā tīre sālaviyā nāma latāya parikkhitto dvādasajojaniko ratanamaṇḍapo atthi, taṃ sandhāyetaṃ vuttaṃ.

Payirupāsantīti nisīdanti. **Tattha niccaphalā rukkhāti** tasmim̐ thāne taṃ maṇḍapaṃ parivāretvā sadā phalitā ambajambuādayo rukkhā niccappupphitā ca campakamālādayoti dasseti. **Nānādiḷḷagaṇāyutāti** vividhapakkhisāṅghasamākulā. **Mayūraḷḷabhīrudāti** mayūrehi koṇcasakuṇehi ca abhirudā upagītā.

Jīvañjīvakasaddetthāti “jīva jīvā”ti evaṃ viravantānaṃ jīvañjīvakasakuṇānampi ettha saddo atthi. **Oṭṭhavacittakāti** “uṭṭhehi, citta, uṭṭhehi cittā”ti evaṃ vassamānā uṭṭhavacittakasakuṇāpi tattha vicaranti. **Kukkuṭakāti** vanakukkuṭakā. **Kuḷīrakāti** suvaṇṇakakkakā. **Vaneti** padumavane. **Pokkharasātakāti** pokkharasātakā nāma sakuṇā.

Sukasālikasaddetthāti sukānañca sālikānañca saddo ettha. **Daṇḍamāṇavakāni cāti** manussamukhasakuṇā. Te kira dvīhi hatthehi suvaṇṇadaṇḍaṃ gahetvā ekaṃ pokkharapattaṃ akkamitvā anantare pokkharapatte suvaṇṇadaṇḍaṃ nikkhipantā vicaranti. **Sobhati sabbakālaṃ sāti** sā pokkharanī sabbakālaṃ sobhati. **Kuveranaḷḷinīti** kuverassa naḷḷinī padumasarabhūtā, sā dharanī nāma pokkharanī sadā nirantaram̐ sobhati.

282. Yassa kassacīti idaṃ vessavaṇo ātānāṭiyāṃ rakkhaṃ niṭṭhapetvā tassā parikkammaṃ dassento āha. Tattha **suggahitāti** atthañca byañjanañca parisodhetvā suṭṭhu uggahitā. **Samattā pariyāputāti** padabyañjanāni ahāpetvā paripuṇṇaṃ uggahitā. Atthampi pāḷimpī viṣaṃvādetvā sabbaso vā pana appaṇaṃ katvā bhaṇantassa hi parittaṃ tejavantaṃ na hoti, sabbaso paṇaṃ katvā bhaṇantasseva tejavantaṃ hoti. Lābhahetu uggahetvā bhaṇantassāpi atthaṃ na sādheti, nissaraṇapakkhe thātvā mettaṃ purecārikaṃ katvā bhaṇantasseva atthāya hotīti dasseti. **Yakkhapacāroti** yakkhaparicārako.

Vatthum vāti gharavatthum vā. **Vāsaṃ vāti** tattha nibaddhavāsaṃ vā. **Samitinti** samāgamaṃ. **Anāvayhanti** na āvāhayuttaṃ. **Avivayhanti** na vivāhayuttaṃ. Tena saha āvāhavivāhaṃ na kareyyunti attho. **Attāhipi paripuṇṇāhīti** “kaḷārakkhi kaḷārādantā”ti evaṃ etesaṃ attabhāvaṃ upanetvā vuttāhi paripuṇṇabyañjanāhi paribhāsāhi paribhāseyyum̐ yakkhaakkosehi nāma akkoseyyunti attho. **Rittampissa pattanti** bhikkhūnaṃ pattasadisameva lohapattaṃ hoti. Taṃ sīse nikkujjitaṃ yāva galavātakā bhassati. Atha naṃ majjhe ayokhīlena ākoṭenti.

Caṇḍāti kodhanā. **Ruddhāti** viruddhā. **Rabhasāti** karaṇuttariyā. **Neva mahārājānaṃ ādiyantīti** vacanaṃ na gaṇhanti, āṇaṃ na karonti. **Mahārājānaṃ purisakānanti** atṭhavīsatiyakkhasenāpatīnaṃ. **Purisakānanti** yakkhasenāpatīnaṃ ye manassā tesāṃ. **Avaruddhā nāmāti** paccāmittā verino. **Ujjhāpetabbanti** parittaṃ vatvā amanusse paṭikkamāpetum̐ asakkontena etesaṃ yakkhānaṃ ujjhāpetabbaṃ, ete jānāpetabbāti attho.

Parittaparikkammakathā

Idha pana thatvā parittassa parikammaṃ kathetabbaṃ. Paṭhamameva hi āṭānāṭiyasuttaṃ na bhaṇitabbaṃ, mettassuttaṃ dhajaggasuttaṃ ratanasuttanti imāni sattāhaṃ bhaṇitabbāni. Sace muñcati, sundaraṃ. No ce muñcati, āṭānāṭiyasuttaṃ bhaṇitabbaṃ, taṃ bhaṇantena bhikkhunā piṭṭhaṃ vā maṃsaṃ vā na khāditabbaṃ, susāne na vasitabbaṃ. Kasmā? Amanussā okāsaṃ labhanti. Parittakaraṇaṭṭhānaṃ haritupalittaṃ kāretvā tattha parisuddhaṃ āsanaṃ paññāpetvā nisīditabbaṃ.

Parittakāraṇo bhikkhu vihārato gharaṃ nentehi phalakāvudhehi parivāretvā netabbo. Abbhokāse nisīditvā na vattabbaṃ, dvāravātapānāni pidahitvā nisinnena āvudhahatthehi saṃparivāritena mettacittaṃ purecārikaṃ katvā vattabbaṃ. Paṭhamaṃ sikkhāpadāni gāhāpetvā sīle patiṭṭhitassa parittaṃ kātabbaṃ. Evampi mocetuṃ asakkontena vihāraṃ ānetvā cetiyaṅgaṇe nipajjāpetvā āsanapūjaṃ kāretvā dīpe jālāpetvā cetiyaṅgaṇaṃ sammajjitvā maṅgalakathā vattabbā. Sabbasannipāto ghoṣetabbo. Vihārassa upavane jeṭṭhakarukkho nāma hoti, tattha bhikkhusaṅgho tumhākaṃ āgamaṇaṃ paṭimānetīti paṇiṭṭhitabbaṃ. Sabbasannipātaṭṭhāne anāgantūṃ nāma na labbhati. Tato amanussagahitako “tvāṃ ko nāmā”ti pucchitabbo. Nāme kathite nāmeneva ālapitabbo. Itthannāma tuyhaṃ mālāgandhādīsu patti āsanapūjāya patti piṇḍapāte patti, bhikkhusaṅghena tuyhaṃ paṇṇākāratthāya mahāmaṅgalakathā vuttā, bhikkhusaṅghe gāravena etaṃ muñcāhīti mocetabbo. Sace na muñcati, devatānaṃ ārocetabbaṃ “tumhe jānātha, ayaṃ amanusso amhākaṃ vacanaṃ na karoti, mayaṃ buddhaāṇaṃ karissāmā”ti parittaṃ kātabbaṃ. Etaṃ tāva gihīnaṃ parikammaṃ. Sace pana bhikkhu amanussena gahito hoti, āsanāni dhovivā sabbasannipātaṃ ghoṣāpetvā gandhamālādīsu pattiṃ datvā parittaṃ bhaṇitabbaṃ. Idaṃ bhikkhūnaṃ parikammaṃ.

Vikkanditabbanti sabbasannipātaṃ ghoṣāpetvā aṭṭhavāsati yakkhasenāpatayo kandidatā. **Viravitabbanti** “ayaṃ yakkho gaṇhātī”tiādīni bhaṇantena tehi saddhiṃ kathetabbaṃ. Tattha **gaṇhātīti** sarīre adhimuccati. **Āvisatīti** tasseva vevacanaṃ. Atha vā laggati na apetīti vuttaṃ hoti. **Heṭhetīti** uppannaṃ rogaṃ vaḍḍhento bādhati. **Viheṭhetīti** tasseva vevacanaṃ. **Himsatīti** appamaṃsalohitaṃ karonto dukkhāpeti. **Vihimsatīti** tasseva vevacanaṃ. **Na muñcatīti** appamādagāho hutvā muñcituṃ na icchati, evaṃ etesaṃ viravitabbaṃ.

283. Idāni yesaṃ evaṃ viravitabbaṃ, te dassetuṃ **katamesaṃ yakkhānanti**ādīmāha. Tattha **indo somoti**ādīni tesāṃ nāmāni. Tesu **vessāmittoti** vessāmittapabbatavāsī eko yakkho. **Yugandharopi** yugandharapabbatavāsīyeva. **Hiri netti ca mandiyoti** hiri ca netti ca mandiyō ca. **Maṇi māṇi varo dīghoti** maṇi ca māṇi ca varo ca dīgho ca. **Atho serīsako saḥātī** tehi saha añño serīsako nāma. “Imesaṃ yakkhānaṃ...pe... ujjhāpetabba”nti ayaṃ yakkho imaṃ heṭheti viheṭheti na muñcatīti evaṃ etesaṃ yakkhasenāpatīnaṃ ārocetabbaṃ. Tato te bhikkhusaṅgho attano dhammāṇaṃ karoti, mayampi amhākaṃ yakkharājaṇaṃ karomāti ussukkaṃ karissanti. Evaṃ amanussānaṃ okāso na bhavissati, buddhasāvakaṇaṃ phāsuvihāro ca bhavissatīti dassento “ayaṃ kho sā, mārisa, āṭānāṭiyā rakkhā”tiādīmāha. Taṃ sabbaṃ, tato parañca uttānatthamevāti.

Sumaṅgalavilāsiniyā dīghanikāyaṭṭhakathāya

Āṭānāṭiyasuttavaṇṇanā niṭṭhitā.

10. Saṅgītisuttavaṇṇanā

296. Evaṃ me sutanti saṅgītisuttaṃ. Tatrāyamaṃpubbapadavaṇṇanā – **cārikaṃ caramānoti** nibaddhacārikaṃ caramāno. Tadā kira satthā dasasahassacakkavāle ñāṇajālaṃ pattharivā lokam volokayamāno pāvānagaravāsino mallarājāno disvā ime rājāno mayhaṃ sabbaññutaññāṇajālassa anto paññāyanti, kiṃ nu khoti āvajjanto “rājāno ekaṃ sandhāgāraṃ kāresuṃ, mayi gate maṅgalaṃ bhaṇāpessanti, ahaṃ tesāṃ maṅgalaṃ vatvā uyyojetvā ‘bhikkhusaṅghassa dhammakathaṃ kathehī’ti sārīputtaṃ vakkhāmi, sārīputto tīhi piṭakehi sammasitvā cuddasapañhādihikena pañhasahassena

paṭimaṇḍetvā bhikkhusaṅghassa saṅgītisuttaṃ nāma kathessati, suttantaṃ āvajjetvā pañca bhikkhusatāni saha paṭisambhidāhi arahattaṃ pāpuṇissanti”ti imamatthaṃ disvā cārikaṃ pakkanto. Tena vuttaṃ – “mallesu cārikaṃ caramāno”ti.

Ubbhatakanavasandhāgāraṇṇā

297. Ubbhatakanti tassa nāmaṃ, uccattā vā evaṃ vuttaṃ. **Sandhāgāranti** nagaramajjhe sandhāgārasālā. **Samaṇena vāti** ettha yasmā gharavatthupariggahakāleyeva devatā attano vasanaṭṭhānaṃ gaṇhanti. Tasmā devena vāti avatvā “samaṇena vā brāhmaṇena vā kenaci vā manussabhūtenā”ti vuttaṃ. **Yena bhagavā tenupasaṅkamimsūti** bhagavato āgamaṇaṃ sutvā “amhehi gantvāpi na bhagavā ānīto, dūtaṃ pesetvāpi na pakkosāpito, sayameva pana mahābhikkhusaṅghaparivāro amhākaṃ vasanaṭṭhānaṃ sampatto, amhehi ca sandhāgārasālā kārītā, ettha mayaṃ dasabalaṃ ānetvā maṅgalaṃ bhaṇāpessāmā”ti cintetvā upasaṅkamimsu.

298. Yena sandhāgāraṃ tenupasaṅkamimsūti taṃ divasaṃ kira sandhāgāre cittakammaṃ niṭṭhapetvā aṭṭakā muttamattā honti, buddhā ca nāma araṇṇājjhāsaya āraṇṇārāmā, antogāme vaseyyuṃ vā no vā. Tasmā bhagavato maṇaṃ jānitvāva paṭijaggissamāti cintetvā te bhagavantaṃ upasaṅkamimsu. Idāni pana maṇaṃ labhitvā paṭijaggitukāmā yena sandhāgāraṃ tenupasaṅkamimsu. **Sabbasantharinti** yathā sabbam santhataṃ hoti, evaṃ. **Yena bhagavā tenupasaṅkamimsūti** ettha pana te mallarājāno sandhāgāraṃ paṭijaggitvā nagaravāthiyopi sammajjāpetvā dhaje ussāpetvā gehadvāresu puṇṇaghaṭe ca kadaliyo ca ṭhapāpetvā sakalanagaraṃ dīpamālādīhi vipakinnatāraṃ viya katvā khīrapāyake dāraṃ khīraṃ pāyetha, dahare kumāre lahuṃ lahuṃ bhojāpetvā sayāpetha, uccāsaddaṃ mā karittha, ajja ekarattim satthā antogāme vasissati, buddhā nāma appasaddakāmā hontīti bherim carāpetvā sayam daṇḍadīpikaṃ ādāya yena bhagavā tenupasaṅkamimsu.

299. Bhagavantamyeva purakkhatvāti bhagavantaṃ purato katvā. Tattha bhagavā bhikkhūnañceva upāsakānañca majjhe nisinna ativiya virocāti, samantapāsādiko suvaṇṇavaṇṇo abhirūpo dassanīyo. Purimakāyato suvaṇṇavaṇṇā rasmi utṭhahitvā asītihatthaṃ ṭhānaṃ gaṇhāti. Pacchimakāyato. Dakkhiṇahatthato. Vāmahatthato suvaṇṇavaṇṇā rasmi utṭhahitvā asītihatthaṃ ṭhānaṃ gaṇhāti. Upari kesantato paṭṭhāya sabbakesāvaṭṭhehi moragīvaṇṇā rasmi utṭhahitvā gaganatale asītihatthaṃ ṭhānaṃ gaṇhāti. Heṭṭhā pādālehi pavāḷavaṇṇā rasmi utṭhahitvā ghanapathaviyaṃ asītihatthaṃ ṭhānaṃ gaṇhāti. Evaṃ samantā asīti hatthamattaṃ ṭhānaṃ chabbāṇṇā buddharasmiyo vijjotamānā vipphandamānā vidhāvanti. Sabbe disābhāgā suvaṇṇacampakapupphehi vikiriyaṃānā viya suvaṇṇaghaṭato nikkhantasuvaṇṇarasadhārāhi siñcamānā viya pasāritasuvaṇṇapaṭaparikkhittā viya verambhavātasamuṭṭhitakimsukakaṇikārapuppacuṇṇasamākinṇā viya ca vippakāsanti.

Bhagavatopi asītiyanubyañjanabyāmapabhādvattiṃsavaraḷakkhaṇasamujjalaṃ sarīraṃ samuggatātāraṃ viya gaganatalaṃ, vikasitamiva padumavanaṃ, sabbapāliphullo viya yojanasatiko pāricchattako paṭipāṭiyā ṭhapitānaṃ dvattiṃsacandānaṃ dvattiṃsasūriyānaṃ dvattiṃsacakkavattirājānaṃ dvattiṃsadevarājānaṃ dvattiṃsamahābrahmānaṃ siriyā sirim abhibhavamānaṃ viya virocāti. Parivāretvā nisinnā bhikkhūpi sabbeva appicchā santuṭṭhā pavivittā asaṃsaṭṭhā āradhāvīriyā vattāro vacanakkhamā codakā pāpāgarahino sīlasampannā samādhisampannā paññāvimutti vimuttiñāḍassanasampannā. Tehi parivārito bhagavā rattakambalaparikkhitto viya suvaṇṇakkhandho, rattapadumavanasāḍamajjhagatā viya suvaṇṇanāvā, pavāḷavedikāparikkhitto viya suvaṇṇapāsādo virocittha.

Asītimahātherāpi naṃ meghavaṇṇaṃ paṃsukūlaṃ pārūpitvā maṇivammavammitā viya mahānāgā parivārayimsu vantarāgā bhinnakilesā vijatitajaṭā chinnabandhanā kule vā gaṇe vā alaggā. Iti bhagavā sayam vītarāgo vītarāgehi, vītadoso vītadosehi, vītamoho vītamohēhi, nittaṇho nittaṇhehi, nikkilesō nikkilesehi, sayam buddho bahussutabuddhehi parivārito pattaparivāritaṃ viya kesaraṃ, kesaraparivāritā viya kaṇṇikā, aṭṭhanāgasahassaparivārito viya chaddanto nāgarājā, navutihaṃsasahassaparivārito viya

dhatarattho hamsarājā, senaṅgaparivārito viya cakkavattirājā, marugaṅgaparivārito viya sakko devarājā, brahmagaṅgaparivārito viya hārito mahābrahmā, asamena buddhavesena aparimāṇena buddhaviḷāsena tassaṃ parisati nisinno pāveyyake malle bahudeva rattiṃ dhammiyā kathāya sandassetvā uyyojesi.

Ettha ca **dhammikathā** nāma sandhāgāraanumodanappaṭisaṃyuttā pakiṇṇakakathā veditabbā. Tadā hi bhagavā ākāsaṅgaṃ otārento viya pathavojaṃ ākaḍḍhanto viya mahājambuṃ matthake gahetvā cārento viya yojaniyamadhugaṅgaṃ cakkayantena piḷetvā madhupānaṃ pāyamāno viya ca pāveyyakānaṃ mallānaṃ hitasukhāvahaṃ pakiṇṇakakathaṃ kathesi.

300. Tuṇhībhūtaṃ tuṇhībhūtaṃ yaṃ yaṃ disaṃ anuviloketi, tattha tattha tuṇhībhūtaṃeva. **Anuviloketvāti** maṃsacakkhunā dibbacakkhunāti dvīhi cakkhūhi tato tato viloketvā. Maṃsacakkhunā hi nesaṃ bahiddhā iriyāpathaṃ pariggahesi. Tattha ekabhikkhussāpi neva hatthakukkuccaṃ na pādakukkuccaṃ ahosi, na koci sīsamukhipi, na kathaṃ kathesi, na niddāyanto nisīdi. Sabbepi tīhi sikkhāhi sikkhitā nivāte padīpasikhā viya niccalā nisīdiṃsu. Iti nesaṃ imaṃ iriyāpathaṃ maṃsacakkhunā pariggahesi. Ālokaṃ pana vaḍḍhayitvā dibbacakkhunā hadayarūpaṃ disvā abhantaragataṃ sīlaṃ olokesi. So anekasatānaṃ bhikkhūnaṃ antokumbhiyaṃ jalamānaṃ padīpaṃ viya arahattupagaṃ sīlaṃ addasa. Āraddhavipassakā hi te bhikkhū. Iti nesaṃ sīlaṃ disvā “imepi bhikkhū mayhaṃ anucchavikā, ahampi imesaṃ anucchaviko”ti cakkhutaḷesu nimittaṃ ṭhapetvā bhikkhusaṅgaṃ oloketvā āyasmantaṃ sārīputtaṃ āmantesi “piṭṭhi me āgilāyati”ti. Kasmā āgilāyati? Bhagavato hi chabbassāni mahāpadhānaṃ padahantassa mahantaṃ kāyadukkhaṃ ahosi. Athassa aparabhāge mahallakakāle piṭṭhivāto uppajji.

Saṅghāṭiṃ paññāpetvāti sandhāgārassa kira ekapasse te rājāno kappiyamañcakaṃ paññapesuṃ “appeva nāma satthā nipajjeyyā”ti. Satthāpi catūhi iriyāpathehi paribhuttaṃ imesaṃ mahapphalaṃ bhavissatīti tattha saṅghāṭiṃ paññāpetvā nipajji.

Bhinnanigaṅṭhavatthuvaṇṇanā

301. Tassa kālaṅkiriyaṃtiādīsu yaṃ vattabbaṃ, taṃ sabbaṃ heṭṭhā vuttameva.

302. Āmantesīti bhaṅḍanādivūpasamakaraṃ svākhyātaṃ dhammaṃ desetukāmo āmantesi.

Ekakavaṇṇanā

303. Tatthāti tasmīṃ dhamme. **Saṅgāyitabbanti** samaggehi gāyitabbaṃ, ekavacanehi aviruddhavacanehi bhaṅḍitabbaṃ. **Na vivaditabbanti** atthe vā byañjane vā vivādo na kātabbo. **Eko dhammoti** ekakadukatikādivasena bahudhā sāmaggiraṃsaṃ dassetukāmo paṭhamam tāva “eko dhammo”ti āha. **Sabbe sattāti** kāmabhavādīsu saññābhavādīsu ekavokārabhavādīsu ca sabbabhavesu sabbe sattā. **Āhāraṭṭhitikāti** āhārato ṭṭhiti etesanti āhāraṭṭhitikā. Iti sabbasattānaṃ ṭṭhiti hetu āhāro nāma eko dhammo amhākaṃ satthārā yāthāvato ñatvā sammadakkhāto āvusoti dīpeti.

Nanu ca evaṃ sante yaṃ vuttaṃ “asaññasattā devā ahetukā anāhārā aphaṣsakā”tiādi, (vibha. 1017) taṃ vacanaṃ virujjhatīti, na virujjhati. Tesañhi jhānaṃ āhāro hoti. Evaṃ santepi “cattārome, bhikkhave, āhārā bhūtānaṃ vā sattānaṃ ṭṭhitiyā sambhavesīnaṃ vā anuggahāya. Katame cattāro? Kabaḷikāro āhāro oḷāriko vā sukhumo vā, phasso dutiyo, manosañcetanā tatiyā, viññānaṃ catuttha”nti (saṃ. ni. 2.11) idampi virujjhatīti, idampi na virujjhati. Etasmīñhi sutte nipariyāyena āhāralakkhaṇāva dhammā āhārāti vuttā. Idha pana pariyaṇena paccayo āhārōti vutto. Sabbadhammānañhi paccayo laddhuṃ vaṭṭati. So ca yaṃ yaṃ phalaṃ janeti, taṃ taṃ āharati nāma, tasmā āhārōti vuccati. Tenevāha “avijjampāhaṃ, bhikkhave, sāhāraṃ vadāmi, no anāhāraṃ. Ko ca, bhikkhave, avijjāya āhāro? Pañcanīvaraṇātissa vacanīyaṃ. Pañcanīvaraṇepāhaṃ, bhikkhave, sāhāre vadāmi, no anāhāre. Ko ca, bhikkhave, pañcanaṃ

nīvaraṇānaṃ āhāro? Ayonisomanasikārotissa vacanīya’’nti (a. ni. 10.61). Ayaṃ idha adhippeto.

Etasmiñhi paccayāhāre gahite pariyāyāhāropi nippariyāyāhāropi sabbo gahitova hoti. Tattha asaññabhave paccayāhāro labbhati. Anuppanne hi buddhe titthāyatane pabbajitā vāyokasiṇe parikkammaṃ katvā catutthajjhānaṃ nibbattetvā tato vuṭṭhāya dhī cittaṃ, dhibbatetaṃ cittaṃ cittaṃ nāma abhāvoyeva sādhu, cittañhi nissāyeva vadhabandhādipaccayaṃ dukkhaṃ uppajjati. Citte asati natthetanti khantiṃ ruciṃ uppādetvā aparihīnājjhānā kālaṅkatvā asaññabhave nibbattanti. Yo yassa iriyāpatho manussaloke pañihito ahoṣi, so tena iriyāpathena nibbattitvā pañca kappasatāni ṭhito vā nisinnō vā nipanno vā hoti. Evarūpānampi sattānaṃ paccayāhāro labbhati. Te hi yaṃ jhānaṃ bhāvetvā nibbattā, tadeva nesamaṃ paccayo hoti. Yathā jiyāvegena khittasaro yāva jiyāvego atthi, tāva gacchati, evamaṃ yāva jhānapaccayo atthi, tāva tiṭṭhanti. Tasmaṃ niṭṭhite khīṇavego saro viya patanti. Ye pana te nerayikā neva uṭṭhānaphalūpajīvī na puññaphalūpajīvīti vuttā, tesamaṃ ko āhāroti? Tesamaṃ kammameva āhāro. Kiṃ pañca āhārā atthīti ce. Pañca, na pañcāti idaṃ na vattabbaṃ. Nanu paccayo āhāroti vuttametaṃ. Tasmā yena kammena te niraye nibbattā, tadeva tesamaṃ ṭhitipaccayattā āhāro hoti. Yaṃ sandhāya idaṃ vuttaṃ “na ca tāva kālaṅkaroti, yāva na taṃ pāpakammaṃ byanti’’ti (ma. ni. 3.250).

Kabaḷikāraṃ āhāraṃ ārabba cettha vivādo na kātabbo. Mukhe uppanno kheḷopi hi tesamaṃ āhārakiccaṃ sādheti. Kheḷopi hi niraye dukkhavedaniyo hutvā paccayo hoti, sagge sukhavedaniyo. Iti kāmabhave nippariyāyena cattāro āhārā. Rūpārūpabhavesu ṭhapetvā asaññaṃ sesānaṃ tayo. Asaññaṃ avasesānaṃ paccayāhāroti iminā āhārena “sabbe sattā āhāraṭṭhitikā’’ti etaṃ pañhaṃ kathetvā “ayaṃ kho āvuso’’ti evamaṃ niyyātanampi “atthi kho āvuso’’ti puna uddharaṇampi akatvā “sabbe sattā saṅkhāraṭṭhitikā’’ti dutiyapañhaṃ vissajjesi.

Kasmā pana na niyyātesī na uddharittha? Tattha tattha niyyātiyamānepi uddhāriyamānepi pariyāpuṇiṭṭhaṃ vācetaṃ dukkhaṃ hoti, tasmā dve ekābaddhe katvā vissajjesi. Imasmimpi vissajjane heṭṭhā vuttapaccayova attano phalassa saṅkhāraṇato saṅkhāroti vutto. Iti heṭṭhā āhārapaccayo kathito, idha saṅkhārapaccayoti ayamettha heṭṭhimato viṣeso. “Heṭṭhā nippariyāyāhāro gahito, idha pariyāyāhāroti evamaṃ gahite viṣeso pākaṭo bhavēyya, no ca gaṇhiṃsū’’ti mahāsīvatthero āha. Indriyabaddhassapi hi anindriyabaddhassapi paccayo laddhuṃ vaṭṭati. Vinā paccayena dhammo nāma natthi. Tattha anindriyabaddhassa tiṇarukkhalatādino pathavīraso āporaso ca paccayo hoti. Deve avassante hi tiṇādāni milāyanti, vassante ca pana haritāni honti. Iti tesamaṃ pathavīraso āporaso ca paccayo hoti. Indriyabaddhassa avijjā taṇhā kammaṃ āhāroti evamaṃdayo paccayā, iti heṭṭhā paccayoyeva āhāroti kathito, idha saṅkhāroti. Ayamevettha viṣeso.

Ayaṃ kho, āvusoti āvuso amhākaṃ satthārā mahābodhimaṇḍe nisīditvā sayamaṃ sabbaññutaññāṇena sacchikatvā ayaṃ ekadhammo desito. Tattha ekadhamme tumhehi sabbeheva saṅgāyitabbaṃ na vivaditabbaṃ. **Yathayidaṃ brahmacariyanti** yathā saṅgāyamānaṃ tumhākaṃ idaṃ sāsānabrahmacariyaṃ addhaniyaṃ assa. Ekena hi bhikkhunā “atthi, kho āvuso, eko dhammo sammadakkhāto. Katamo eko dhammo? Sabbe sattā āhāraṭṭhitikā. Sabbe sattā saṅkhāraṭṭhitikā’’ti kathite tassa kathaṃ sutvā añño kathessati. Tassapi aññoti evamaṃ paramparakathāniyamena idaṃ brahmacariyaṃ ciraṃ tiṭṭhamānaṃ sadevakassa lokassa atthāya hitāya bhavissatīti ekakavasena dhammasenāpati sārīputtatthero sāmaggirasamaṃ dassesīti.

Ekakavaṇṇanā niṭṭhitā.

Dukavaṇṇanā

304. Iti ekakavasena sāmaggirasamaṃ dassetvā idāni dukavasena dassetaṃ puna desanaṃ ārabhi. Tattha nāmarūpaduke **nāmaṃ** cattāro arūpino khandhā nibbānaṃca. Tattha cattāro khandhā nāmanaṭṭhena **nāmaṃ**. Nāmanaṭṭhenāti nāmakaraṇaṭṭhena. Yathā hi mahājanasammatattā

mahāsammatassa “mahāsammatō”ti nāmaṃ ahoṣi, yathā mātāpitaro “ayaṃ tisso nāma hotu, phusso nāma hotū”ti evaṃ puttassa kittimanāmaṃ karonti, yathā vā “dhammakathiko vinayadharo”ti guṇato nāmaṃ āgacchati, na evaṃ vedanādīnaṃ. Vedanādayo hi mahāpathavīdayo viya attano nāmaṃ karontāva uppajjanti. Tesu uppannesu tesam nāmaṃ uppannameva hoti. Na hi vedanaṃ uppannaṃ “tvam vedanā nāma hohī”ti, koci bhaṇati, na cassā yena kenaci kāraṇena nāmaggaṇakiccaṃ atthi, yathā pathaviyā uppannāya “tvam pathavī nāma hohī”ti nāmaggaṇakiccaṃ natthi, cakkavālasinerumhi candimasūriyanakkhattesu uppannesu “tvam cakkavālaṃ nāma, tvam nakkhattaṃ nāma hohī”ti nāmaggaṇakiccaṃ natthi, nāmaṃ uppannameva hoti, opapātikā paññatti nipatati, evaṃ vedanāya uppannāya “tvam vedanā nāma hohī”ti nāmaggaṇakiccaṃ natthi, tāya uppannāya vedanāti nāmaṃ uppannameva hoti. Saññādīsupi eseva nayo atītepi hi vedanā vedanāyeva. Saññā. Saṅkhārā. Viññāṇaṃ viññāṇameva. Anāgatepi. Paccuppannepi. Nibbānaṃ pana sadāpi nibbānamevāti. Nāmaṇṭṭhena nāmaṃ. Nāmaṇṭṭhena cetta cattāro khandhā nāmaṃ. Te hi ārammaṇābhimukhaṃ namanti. Nāmaṇṭṭhena sabbampi nāmaṃ. Cattāro hi khandhā ārammaṇe aññamaññaṃ nāmenti, nibbānaṃ ārammaṇādhipatipaccayatāya attani anavajjadhamme nāmeti.

Rūpanti cattāro ca mahābhūtā catunnaṅca mahābhūtānaṃ upādāya rūpaṃ, taṃ sabbampi ruppaṇṭṭhena **rūpaṃ**. Tassa vitthārakathā visuddhimagge vuttanayeneva veditabbā.

Avijjāti dukkhādīsu aññāṇaṃ. Ayampi vitthārato visuddhimagge kathitāyeva. **Bhavataṇhāti** bhavapatthanā. Yathāha “tattha katamā bhavataṇhā? Yo bhavesu bhavacchando”tiādi (dha. sa. 1319).

Bhavadiṭṭhīti bhavo vuccati sassataṃ, sassatavasena uppajjanakadiṭṭhī. Sā “tattha katamā bhavadiṭṭhī? ‘Bhavissati attā ca loko cā’ti yā evarūpā diṭṭhi diṭṭhigata”ntiādinā (dha. sa. 1320) nayena abhidhamme vitthāritā. **Vibhavadiṭṭhīti** vibhavo vuccati ucchedaṃ, ucchedavasena uppajjanakadiṭṭhī. Sāpi “tattha katamā vibhavadiṭṭhī? ‘Na bhavissati attā ca loko cā’ti (dha. sa. 285). Yā evarūpā diṭṭhi diṭṭhigata”ntiādinā (dha. sa. 1321) nayena tattheva vitthāritā.

Ahirikanti “yaṃ na hiriyati hiriyitabbenā”ti (dha. sa. 1328) evaṃ vitthāritā nillajjatā. **Anottappanti** “yaṃ na ottappati ottappitabbenā”ti (dha. sa. 1329) evaṃ vitthāritā abhāyanakaākāro.

Hirī ca ottappaṅcāti “yaṃ hiriyati hiriyitabbenā, ottappati ottappitabbenā”ti (dha. sa. 1330-31) evaṃ vitthāritāni hiriottappāni. Api cettha ajjhattasamuṭṭhānā **hirī**, bahiddhāsamuṭṭhānaṃ **ottappaṃ**. Attādhipeyyā hirī, lokādhipeyyaṃ ottappaṃ. Lajjāsabhāvasaṅghitā hirī, bhayasabhāvasaṅghitaṃ ottappaṃ. Vitthārakathā panettha sabbākārena visuddhimagge vuttā.

Dovacassatāti dukkhaṃ vaco etasmiṃ vippaṭikūlagāhimhi vipaccanīkasāte anādare puggaleti dubbaco, tassa kammaṃ dovacassaṃ, tassa bhāvo **dovacassatā**. Vitthārato panesā “tattha katamā dovacassatā? Sahadhammike vuccamāne dovacassāya”nti (dha. sa. 1332) abhidhamme āgatā. Sā atthato saṅkhārakkhandho hoti. “Catunnaṅca khandhānaṃ etenākārena pavattānaṃ etaṃ adhvācana”nti vadanti. **Pāpamittatāti** pāpā assaddhādayo puggalā etassa mittatī pāpamitto, tassa bhāvo pāpamittatā. Vitthārato panesā – “tattha katamā pāpamittatā? Ye te puggalā assaddhā dussilā appassutā maccharino duppañña. Yā tesam sevanā nisevanā saṃsevanā bhajānā saṃbhajānā bhatti saṃbhatti taṃsāmpavaṅkatā”ti (dha. sa. 1333) evaṃ āgatā. Sāpi atthato dovacassatā viya daṭṭhabbā.

Sovacassatā ca kalyāṇamittatā ca vuttappaṭipakkhanayena veditabbā. Ubhopi panetā idha lokiyalokuttaramissakā kathitā.

Āpattikusalatāti “pañcapi āpattikkhandhā āpattiyo, sattapi āpattikkhandhā āpattiyo. Yā tāsam āpattīnaṃ āpattikusalatā pañña pajānanā”ti (dha. sa. 1336) evaṃ vutto āpattikusalabhāvo.

Āpattivuṭṭhānakusalatāti “yā tāhi āpattīhi vuṭṭhānakusalatā pañña pajānanā”ti (dha. sa. 1337)

evaṃ vuttā saha kammavācāya āpattīhi vuṭṭhānaparicchedajānanā paññā.

Samāpattikusalatāti “atthi savitakkasavicārā samāpatti, atthi avitakkavicāramattā samāpatti, atthi avitakkaavicārā samāpatti. Yā tāsamaṃ samāpattīnaṃ kusalatā paññā pajānanā”ti (dha. sa. 1338) evaṃ vuttā saha parikkammaṃ appanāparicchedajānanā paññā. **Samāpattivuṭṭhānakusalatāti** “yā tāhi samāpattīhi vuṭṭhānakusalatā paññā pajānanā”ti (dha. sa. 1339) evaṃ vuttā yathāparicchinnaṃ samāpattito vuṭṭhānasamattā “ettamaṃ gate sūriye uṭṭhahissāmī”ti vuṭṭhānakālaparicchedakā paññā.

Dhātukusalatāti “aṭṭhārasa dhātuyo cakkhuddhātu...pe... manoviññādhātu. Yā tāsamaṃ dhātūnaṃ kusalatā paññā pajānanā”ti (dha. sa. 1340) evaṃ vuttā aṭṭhārasannaṃ dhātūnaṃ sabhāvaparicchedakā savanadhāraṇasammasanapaṭivedhapaññā. **Manasikārakusalatāti** “yā tāsamaṃ dhātūnaṃ manasikārakusalatā paññā pajānanā”ti (dha. sa. 1341) evaṃ vuttā tāsamaṃ eva dhātūnaṃ sammasanapaṭivedhapaccavekkhaṇapaññā.

Āyatanakusalatāti “dvādasāyatanāni cakkhāyatanamaṃ...pe... dhammāyatanamaṃ. Yā tesamaṃ āyatanānaṃ āyatanakusalatā paññā pajānanā”ti (dha. sa. 1342) evaṃ vuttā dvādasannaṃ āyatanānaṃ uggahamaṇasikārapajānanā paññā. Apica dhātukusalatāpi uggahamaṇasikārasavanasammasanapaṭivedhapaccavekkhaṇesu vattati manasikārakusalatāpi āyatanakusalatāpi. Ayaṃ panettha viśeso, savanauggahapaccavekkhaṇā lokiyā, paṭivedho lokuttaro, sammasanamaṇasikārā lokiyalokuttaramissakā. **Paṭiccasamuppādakusalatāti** “avijjāpaccayā saṅkhārā...pe... samudayo hotīti yā tattha paññā pajānanā”ti (dha. sa. 1343) evaṃ vuttā dvādasannaṃ paccayākārānaṃ uggahādivasena pavattā paññā.

Ṭhānakusalatāti “ye ye dhammā yesamaṃ yesamaṃ dhammānaṃ hetupaccayā uppādāya taṃ taṃ ṭhānanti yā tattha paññā pajānanā”ti (dha. sa. 1344) evaṃ vuttā “cakkhumaṃ vatthumaṃ katvā rūpaṃ ārammaṇamaṃ katvā uppānassa cakkhuvīññāṇassa cakkhurūpaṃ (dha. sa. aṭṭha. 1344) ṭhānañceva kāraṇaṇcā”ti evaṃ ṭhānaparicchindanasamattā paññā. **Aṭṭhānakusalatāti** “ye ye dhammā yesamaṃ yesamaṃ dhammānaṃ na hetū na paccayā uppādāya taṃ taṃ aṭṭhānanti yā tattha paññā pajānanā”ti (dha. sa. 1345) evaṃ vuttā “cakkhumaṃ vatthumaṃ katvā rūpaṃ ārammaṇamaṃ katvā sotaviññāṇāḍḍhīni nuppajjanti, tasmā tesamaṃ cakkhurūpaṃ na ṭhānaṃ na kāraṇa”nti evaṃ aṭṭhānaparicchindanasamattā paññā apica etasmiṃ duke “kittāvataṃ pana, bhante, ṭhānāṭṭhānakusalo bhikkhūti alaṃ vacanāyāti. Idhānanda, bhikkhu aṭṭhānametaṃ anavakāso, yaṃ diṭṭhisampanno puggalo kañci saṅkhāraṃ niccato upagaccheyya, netamaṃ ṭhānaṃ vijjatīti pajānāti. Ṭhānañca kho etaṃ vijjati, yaṃ puthujjano kañci saṅkhāraṃ niccato upagaccheyyā”ti (ma. ni. 3.127) imināpi suttena attho vedītabbo.

Ajjavanti gomuttavaṅkatā candavaṅkatā naṅgalakoṭivaṅkatāti tayo anajjavā. Ekacco hi bhikkhu paṭhamavaye ekavīsatiyā anesanāsu chasu ca agocaresu carati, majjhimapacchimavayesu lajjī kukkucako sikkhākāmo hoti, ayaṃ gomuttavaṅkatā nāma. Eko paṭhamavayepi pacchimavayepi catupārisuddhisīlaṃ pūreti, lajjī kukkucako sikkhākāmo hoti, majjhimapacchimavayepi purimasadiso, ayaṃ candavaṅkatā nāma. Eko paṭhamavayepi majjhimapacchimavayepi catupārisuddhisīlaṃ pūreti, lajjī kukkucako sikkhākāmo hoti, pacchimavayepi purimasadiso ayaṃ naṅgalakoṭivaṅkatā nāma. Eko sabbametaṃ vaṅkatamaṃ pahāya tīsupi vayasū pesalo lajjī kukkucako sikkhākāmo hoti. Tassa yo so ujubbhāvo, idaṃ ajjavamaṃ nāma. Abhidhammepi vuttamaṃ – “tattha katamaṃ ajjavā. Yā ajjavatā ajjimhatā vaṅkatā akuṭīlatā, ayaṃ vuccati ajjavā”ti (dha. sa. 1346). **Lajjavanti** “tattha katamaṃ lajjavo? Yo hiriyati hiriyitabbena hiriyati pāpakānaṃ akusalānaṃ dhammānaṃ samāpattiyā. Ayaṃ vuccati lajjavo”ti evaṃ vutto lajjībhāvo.

Khantīti “tattha katamā khanti? Yā khanti khamaṇatā adhivāsanaṭṭhā acaṇḍikkamaṃ anassuro po attamaṇatā cittaṃ”ti (dha. sa. 1348) evaṃ vuttā adhivāsanaṭṭhā. **Soraccanti** “tattha katamaṃ soraccamaṃ? Yo kāyiko avītikkaṃ, vācasiko avītikkaṃ, kāyikavācasiko avītikkaṃ. Idaṃ vuccati

soraccam. Sabbopi sīlasamvaro soracca’’nti (dha. sa. 1349) evaṃ vutto suratabhāvo.

Sākhalyanti ‘‘tatha katamaṃ sākhalyaṃ? Yā sā vācā aṇḍakā kakkasā parakaṭukā parābhisajjanī kodhasāmantā asamādhisaṃvattanikā, tathārūpiṃ vācaṃ pahāya yā sā vācā neḷā kaṇṇasukhā pemaṇīyā hadayaṅgamā porī bahujanakantā bahujanamanāpā, tathārūpiṃ vācaṃ bhāsītā hoti. Yā tatha saṅhavācatā sakhilavācatā apharusavācatā. Idaṃ vuccati sākhalya’’nti (dha. sa. 1350) evaṃ vutto sammodakamudukabhāvo. **Paṭisanthāroti** ayaṃ lokasannivāso āmisena dhammena cāti dvīhi chiddo, tassa taṃ chiddaṃ yathā na paññāyati, evaṃ piṭhassa viya paccattharaṇena āmisena dhammena ca paṭisantharaṇaṃ. Abhidhammepi vuttaṃ ‘‘tatha katamo paṭisanthāro? Āmisapaṭisanthāro ca dhammapaṭisanthāro ca. Idhekacco paṭisanthārako hoti āmisapaṭisanthārena vā dhammapaṭisanthārena vā. Ayaṃ vuccati paṭisanthāro’’ti (dha. sa. 1351). Ettha ca āmisena saṅgaho āmisapaṭisanthāro nāma. Taṃ karontena mātāpitūnaṃ bhikkhugatikassa veyyāvaccakarassa rañño corānaṅca aggamaṃ aggahetvāpi dātuṃ vaṭṭati. Āmasitvā dinne hi rājāno ca corā ca anattampi karonti jīvitakkhayampi pāpenti, anāmasitvā dinne attamaṇā honti. Coranāgavatthuādīni cettha vatthūni kathetabbāni. Tāni samantapāsādikāya vinayaṭṭhakathāyaṃ (pāci. aṭṭha. 185-7) vitthāritāni. Sakkaccaṃ uddesadānaṃ pālivaṇṇanā dhammakathākathananti evaṃ dhammena saṅgaho dhammapaṭisanthāro nāma.

Avihimsāti karuṇāpi karuṇāpubbabhāgopi. Vuttampi cetamaṃ – ‘‘tatha katamā avihimsā? Yā sattesu karuṇā karuṇāyanā karuṇāyitattaṃ karuṇācetovimutti, ayaṃ vuccati avihimsā’’ti. **Soceyyanti** mettāya ca mettāpubbabhāgassa ca vasena sucibhāvo. Vuttampi cetamaṃ – ‘‘tatha katamaṃ soceyyaṃ? Yā sattesu metti mettāyanā mettāyitattaṃ mettācetovimutti, idaṃ vuccati soceyya’’nti.

Muṭṭhassaccanti sativippavāso, yathāha ‘‘tatha katamaṃ muṭṭhassaccaṃ? Yā asati ananussati appaṭissati assaraṇatā adhāraṇatā pilāpanatā sammussanatā, idaṃ vuccati muṭṭhassaccaṃ’’ (dha. sa. 1356). **Asampajaññanti**, ‘‘tatha katamaṃ asampajaññaṃ? Yaṃ aññaṇaṃ adassanaṃ avijjālaṅgī moho akusalamūla’’nti evaṃ vuttā avijjāyeva. **Sati** satiyeva. **Sampajaññaṃ** ññaṃ.

Indriyesu aguttadvāratāti ‘‘tatha katamā indriyesu aguttadvāratā? Idhekacco cakkhunā rūpaṃ disvā nimittagāhī hoti’’tiādīnā (dha. sa. 1352) nayena vitthārito indriyasamvarabhedo. **Bhojane amattaññutāti** ‘‘tatha katamā bhojane amattaññutā? Idhekacco appaṭisaṅkhā ayoniso āhāraṃ āhāreti davāya madāya maṇḍanāya vibhūsanāya. Yā tatha asantuṭṭhitā amattaññutā appaṭisaṅkhā bhojane’’ti evaṃ āgato bhojane amattaññubhāvo. Anantaraduko vuttappaṭipakkhanayena vedītabbo.

Paṭisaṅkhānabalanti ‘‘tatha katamaṃ paṭisaṅkhānabalaṃ? Yā paññā pajānanā’’ti evaṃ vitthāritaṃ appaṭisaṅkhāya akampanaññaṃ. **Bhāvanābalanti** bhāventassa uppannaṃ balaṃ. Atthato vīriyasambojjhaṅgasīna satta bojjaṅgā honti. Vuttampi cetamaṃ – ‘‘tatha katamaṃ bhāvanābalaṃ? Yā kusalaṇaṃ dhammānaṃ āsevanā bhāvanā bahulīkammaṃ, idaṃ vuccati bhāvanābalaṃ. Sattabojjaṅgā bhāvanābala’’nti.

Satibalanti assatiyā akampanavasena satiyeva. **Samādhibalanti** uddhacce akampanavasena samādhiyeva. **Samatho** samādhi. **Vipassanā** paññā. Samathova taṃ ākāraṃ gahetvā puna pavattetabbassa samathassa nimittavasena **samathanimittaṃ paggāhanimittepi** eseva nayo. **Paggāho** vīriyaṃ. **Avikkhepo** ekaggatā. Imehi pana sati ca sampajaññaṇa paṭisaṅkhānabalaṇca bhāvanābalaṇca satibalaṇca samādhibalaṇca samatho ca vipassanā ca samathanimittaṇca paggāhanimittaṇca paggāho ca avikkhepo cāti chahi dukehi parato sīladiṭṭhisampadādukena ca lokiyalokuttaramissakā dhammā kathitā.

Sīlavipattīti ‘‘tatha katamā sīlavipatti? Kāyiko vītikkamo...pe... sabbampi dussīlyaṃ sīlavipatti’’ti evaṃ vutto sīlavināsako asaṃvaro. **Diṭṭhivipattīti** ‘‘tatha katamā diṭṭhivipatti? Natthi dīnaṃ natthi yīṭṭha’’nti evaṃ āgatā sammādiṭṭhivināsikā micchādiṭṭhi.

Sīlasampadāti ‘‘tatha katamā sīlasampadā? Kāyiko avītikkamo’’ti evaṃ pubbe vuttasoraccameva

sīlassa sampādanato paripūraṇato “sīlasampadā”ti vuttaṃ. Ettha ca “sabbopi sīlasamvaro sīlasampadā”ti idaṃ mānasikapariyādānattham vuttaṃ. **Diṭṭhisampadā**ti “tattha katamā diṭṭhisampadā? Atthi dinnam atthi yiṭṭham...pe... sacchikatvā pavedentīti yā evarūpā paññā pajānanā”ti evaṃ āgataṃ diṭṭhipāripūribhūtaṃ ñāṇam.

Sīlavisuddhīti visuddhiṃ pāpetuṃ samattham sīlam. Abhidhamme panāyaṃ “tattha katamā sīlavisuddhi? Kāyiko avītikkamo vācasiko avītikkamo kāyikavācasiko avītikkamo, ayaṃ vuccati sīlavisuddhī”ti evaṃ vibhattā. **Diṭṭhivisuddhī**ti visuddhiṃ pāpetuṃ samattham dassanaṃ. Abhidhamme panāyaṃ “tattha katamā diṭṭhivisuddhi? Kammassakatañāṇam saccānulomikañāṇam maggasamaṅgissañāṇam phalasmaṅgissañāṇa”nti evaṃ vuttā. Ettha ca tividham duccharitaṃ attanā katampi parena katampi sakam nāma na hoti atthabhañjanato. Sucaritaṃ sakam nāma atthajananatoti evaṃ jānanaṃ kammassakatañāṇam nāma. Tasmim ṭhatvā bahum vaṭṭagāmikammaṃ āyūhitvā sukhato sukheveva arahattaṃ pattā gaṇanapathaṃ vītivattā. **Vipassanāñāṇam** pana vacīsaccañca anulometi, paramatthasaccañca na vilometīti saccānulomikaṃ ñāṇanti vuttaṃ.

“Diṭṭhivisuddhi kho pana yathādiṭṭhissa ca padhāna”nti ettha **diṭṭhivisuddhī**ti ñāṇadassanaṃ kathitaṃ. **Yathādiṭṭhissa ca padhānanti** taṃsāmpayuttameva vīriyaṃ. Api ca purimapadena catumaggañāṇam. Pacchimapadena taṃsāmpayuttaṃ vīriyaṃ. **Abhidhamme** pana “diṭṭhivisuddhi kho panāti yā paññā pajānanā amoho dhammavicayo sammādiṭṭhi. Yathādiṭṭhissa ca padhānanti yo cetasiko vīriyārambho sammāvāyāmo”ti evaṃ ayaṃ duko vibhatto.

“Samvego ca samvejanīyesu ṭhānesū”ti ettha “**samvegoti** jātibhayaṃ jarābhayaṃ byādhibhayaṃ maraṇabhaya”nti evaṃ jātiādīni bhayato dassanañāṇam. Samvejanīyaṃ ṭhānanti jātijarābyādhibhayaṃ. Etāni hi cattāri jāti dukkhā, jarā dukkhā, byādhi dukkho, maraṇam dukkhanti evaṃ samveguppattikāraṇattā **samvejanīyaṃ ṭhānanti** vuttāni. **Samviggassa ca yoniso padhānanti** evaṃ samvegajātassa upāyapadhānaṃ. “Idha bhikkhu anuppanānaṃ pāpakānaṃ akusalānaṃ dhammānaṃ anuppādāya chandaṃ janetī”ti evaṃ āgataṃ vīriyassetam adhivacanaṃ.

Asantuttāhitā ca kusalesu dhammesūti yā kusalānaṃ dhammānaṃ bhāvanāya asantuttāhassa bhīyyokamyatā, tāya hi samaṅgībhūto puggalo sīlam pūretvā jhānaṃ uppādeti. Jhānaṃ labhitvā vipassanaṃ ārabhati. Āraddhavipassako arahattaṃ agahetvā antarā vosānaṃ nāpajjati. **Appaṭivānitā ca padhānasminti** “kusalānaṃ dhammānaṃ bhāvanāya sakkaccakiriyatā sātaccakiriyatā aṭṭhitakiriyatā anolīnavuttitā anikkhittachandatā anikkhittadhuratā āsevanā bhāvanā bahulīkamma”nti evaṃ vuttā rattindivaṃ cha koṭṭhāse katvā jāgariyānuvogavasena āraddhe padhānasmim arahattaṃ apatvā anivattanā.

Vijjāti tisso vijjā. Vimuttīti dve vimuttiyo, cittassa ca adhimutti, nibbānañca. Ettha ca aṭṭha samāpattiyo nīvaraṇādīhi suṭṭhu muttattā adhimutti nāma. Nibbānaṃ sabbasaṅkhatato muttattā vimuttīti veditabbaṃ.

Khaye ñāṇanti kilesakkhayakare ariyamagge ñāṇam. **Anuppāde ñāṇanti** paṭisandhivasena anuppādabhūte taṃtamaggavajjhakilesānaṃ vā anuppādapariyosāne uppanne ariyaphale ñāṇam. Tenevāha “khaye ñāṇanti maggasamaṅgissa ñāṇam. Anuppāde ñāṇanti phalasmaṅgissa ñāṇa”nti. **Ime kho, āvusoti**ādi ekake vuttanayeneva yojetabbaṃ. Iti pañcatimsāya dukkānaṃ vasena thero sāmaggirasam dassesīti.

Dukavaṇṇanā niṭṭhitā.

Tikavaṇṇanā

305. Iti dukavasena sāmaggirasam dassetvā idāni tikavasena dassetuṃ puna ārabhi. Tattha

lubbhatīti **lobho**. Akusalañca taṃ mūlañca, akusalānaṃ vā mūlanti **akusalamūlaṃ**. Dussatīti **doso**. Muyhatīti **moho**. Tesam paṭipakkhanayena alobhādayo veditabbā.

Duṭṭhu caritāni, virūpāni vā caritānīti **duccaritāni**. Kāyena duccaritaṃ, kāyato vā pavattaṃ duccaritanti **kāyaduccaritaṃ**. Sesesupi eseva nayo. Suṭṭhu caritāni, sundarāni vā caritānīti **sucaritāni**. Dvepi cete tikā paṇṇattiyā vā kamma-pathēhi vā kathetabbā. Paññattiyā tāva kāyadvāre paññattasikkhāpadassa vītikkamo **kāyaduccaritaṃ**. Avītikkamo **kāyasucaritaṃ**. Vacīdvāre paññattasikkhāpadassa vītikkamo **vacīduccaritaṃ**, avītikkamo **vacīsucaritaṃ**. Ubhayattha paññattassa sikkhāpadassa vītikkamova **manoduccaritaṃ**, avītikkamo **manosucaritaṃ**. Ayaṃ paṇṇattikathā. Pāṇātipātādayo pana tisso cetanā kāyadvārepi vacīdvārepi uppannā **kāyaduccaritaṃ**. Catasso musāvādādicetanā **vacīduccaritaṃ**. Abhijjhā byāpādo micchādīṭṭhīti tayo cetanāsampayuttadhammā **manoduccaritaṃ**. Pāṇātipātādīhi viramantassa uppannā tisso cetanāpi viratīyopi kāyasucaritaṃ. Musāvādādīhi viramantassa catasso cetanāpi viratīyopi vacīsucaritaṃ. Anabhijjhā abyāpādo sammādīṭṭhīti tayo cetanāsampayuttadhammā manosucaritanti ayaṃ kamma-pathakathā.

Kāmapaṭisaṃyutto vitakko **kāmavitakko**. Byāpādapaṭisaṃyutto vitakko **byāpādavitakko**. Vihimsāpaṭisaṃyutto vitakko **vihimsāvitakko**. Tesu dve sattesupi saṅkhāresupi uppajjanti. Kāmavitakko hi piye manāpe satte vā saṅkhāre vā vitakkentassa uppajjati. Byāpādavitakko appiye amanāpe satte vā saṅkhāre vā kujjhivā olokanakālato paṭṭhāya yāva vināsanā uppajjati. Vihimsāvitakko saṅkhāresu nuppajjati. Saṅkhāro hi dukkhāpetabbo nāma natthi. Ime sattā haññantu vā ucchijjantu vā vinassantu vā mā vā ahesunti cintanakāle pana sattesu uppajjati.

Nekkhammapaṭisaṃyutto vitakko **nekkhammavitakko**. So asubhapubbabhāge kāmāvacaro hoti. Asubhajjhāne rūpāvacaro. Taṃ jhānaṃ pādakaṃ katvā uppannamaggaphalakāle lokuttaro. Abyāpādapaṭisaṃyutto vitakko **abyāpādavitakko**. So mettāpubbabhāge kāmāvacaro hoti. Mettājhāne rūpāvacaro. Taṃ jhānaṃ pādakaṃ katvā uppannamaggaphalakāle lokuttaro. Avihimsāpaṭisaṃyutto vitakko **avihimsāvitakko**. So karuṇāpubbabhāge kāmāvacaro. Karuṇājhāne rūpāvacaro. Taṃ jhānaṃ pādakaṃ katvā uppannamaggaphalakāle lokuttaro. Yadā alobho sīsaṃ hoti, tadā itare dve tadanvāyikā bhavanti. Yadā mettā sīsaṃ hoti, tadā itare dve tadanvāyikā bhavanti. Yadā karuṇā sīsaṃ hoti, tadā itare dve tadanvāyikā bhavanti. Kāmasaṅkappādayo vuttanayeneva veditabbā. Desanāmatameva hetam. Atthato pana kāmavitakkādīnañca kāmasaṅkappādīnañca nānākaraṇaṃ natthi.

Kāmapaṭisaṃyuttā saññā **kāmasaññā**. Byāpādapaṭisaṃyuttā saññā **byāpādasaññā**. Vihimsāpaṭisaṃyuttā saññā **vihimsāsaññā**. Tāsampi kāmavitakkādīnaṃ viya uppajjanākāro veditabbo. Taṃsāmpayuttāyeva hi etā. **Nekkhammasaññādayopi** nekkhammavitakkādisampayuttāyeva. Tasmā tāsampi tatheva kāmāvacarādībhāvo veditabbo.

Kāmadhātuādīsu “kāmapaṭisaṃyutto takko vitakko micchāsaṅkappo. Ayaṃ vuccati kāmādhātu. Sabbepi akusalā dhammā kāmādhātū”ti ayaṃ **kāmādhātu**. “Byāpādapaṭisaṃyutto takko vitakko micchāsaṅkappo. Ayaṃ vuccati byāpādadhātu. Dasasu āghātavatthūsu cittassa āghāto paṭighāto anattamanatā cittassā”ti ayaṃ **byāpādadhātu**. “Vihimsā paṭisaṃyutto takko vitakko micchāsaṅkappo. Ayaṃ vuccati vihimśadhātu. Idhekacco pāṇinā vā leḍḍunā vā daṇḍena vā satthēna vā rajjuyā vā aññataraññatarena vā satte viheṭṭeti”ti ayaṃ **vihimśadhātu**. Tattha dve kathā sabbasaṅgāhikā ca asambhinnā ca. Tattha kāmādhātuyā gahitāya itarā dve gahitāva honti, tato pana nīharitvā ayaṃ byāpādadhātu ayaṃ vihimśadhātūti dassatīti ayaṃ sabbasaṅgāhikakathā nāma. Kāmādhātum kathento pana bhagavā byāpādadhātum byāpādadhātuṭṭhāne, vihimśadhātum vihimśadhātuṭṭhāne ṭhapetvā avasesaṃ kāmādhātu nāmāti kathesīti ayaṃ asambhinnakathā nāma.

Nekkhammadhātuādīsu “nekkhammapaṭisaṃyutto takko vitakko sammāsaṅkappo. Ayaṃ vuccati nekkhammadhātu. Sabbepi kusalā dhammā nekkhammadhātū”ti ayaṃ **nekkhammadhātu**. “Abyāpādapaṭisaṃyutto takko...pe... ayaṃ vuccati abyāpādadhātu. Yā sattesu mettī...pe...

mettācetovimutti’ ti ayam **abyāpādadhātu**. “Avihimsāpaṭisaṃyutto takko...pe... ayam vuccati avihimsādhātu. Yā sattesu karuṇā...pe... karuṇācetovimutti’ ti ayam **avihimsādhātu**. Idhāpi vuttanayeneva dve kathā veditabbā.

Aparāpi tisso dhātuyoti aññāpi suññataṭṭhena tisso dhātuyo. Tāsu “tattha katamā kāmādhātu? Heṭṭhato avīcinirayam pariyaṃ karitvā” ti evam vitthārito kāmabhavo **kāmādhātu** nāma. “Heṭṭhato brahmalokaṃ pariyaṃ karitvā ākāśānañcāyatanupage deve pariyaṃ karitvā” ti evam vitthāritā pana rūpārūpabhavā itarā dve dhātuyo. Dhātuyā āgataṭṭhānamhi hi bhavena paricchinditabbā. Bhavassa āgataṭṭhāne dhātuyā paricchinditabbā. Idha bhavena paricchedo kathito. Rūpadhātuādīsu rūpārūpadhātuyo rūpārūpabhavāyeva. Nirodhadhātuyā nibbānam kathitaṃ.

Hīnādīsu hīnā dhātūti dvādasa akusalacittuppādā. Avasesā tebhūmakadhammā **majjhimadhātu**. Nava lokuttaradhammā **paññadhātu**.

Kāmataṇhāti pañcakāmaguṇiko rāgo. Rūpārūpabhavesu pana rāgo jhānanikantisassatadīṭṭhisahagato rāgo bhavavasena patthanā **bhavataṇhā**. Uccedadīṭṭhisahagato rāgo **vibhavataṇhā**. Apica ṭhapetvā pacchimaṃ taṇhādvayam sesataṇhā kāmataṇhā nāma. Yathāha “tattha katamā bhavataṇhā? Bhavadiṭṭhisahagato rāgo sārāgo cittassa sārāgo. Ayam vuccati bhavataṇhā. Tattha katamā vibhavataṇhā? Uccedadiṭṭhisahagato rāgo sārāgo cittassa sārāgo, ayam vuccati vibhavataṇhā. Avasesā taṇhā kāmataṇhā” ti. Puna kāmataṇhādīsu pañcakāmaguṇiko rāgo kāmataṇhā. Rūpārūpabhavesu chandarāgo itarā dve taṇhā. Abhidhamme panetā “kāmādhātupaṭisaṃyutto...pe... arūpadhātupaṭisaṃyutto” ti evam vitthāritā. Iminā vārena kiṃ dasseti? Sabbepi tebhūmakā dhammā rajanīyaṭṭhena taṇhāvattukāti sabbataṇhā kāmataṇhāya pariyaṃ karitvā tato nīharitvā itarā dve taṇhā dasseti. Rūpataṇhādīsu rūpabhavesu chandarāgo **rūpataṇhā**. Arūpabhavesu chandarāgo **arūpataṇhā**. Uccedadiṭṭhisahagato rāgo **nirodhataṇhā**.

Samyojanattike vaṭṭasmiṃ samyojayanti bandhantīti **samyojanāni**. Sati rūpādībhede kāye dīṭṭhi, vijjānā vā kāye dīṭṭhīti **sakkāyadīṭṭhi**. Vicinanto etāya kicchati, na sakkoti sannīṭṭhānaṃ kātunti **vicikicchā**. Sīlaṅca vataṅca parāmasatīti **silabbataparāmāso**. Atthato pana “rūpaṃ attato samanupassati” tiādinā nayena āgatā vīsativattukā dīṭṭhi **sakkāyadīṭṭhi** nāma. “Satthari kaṅkhatī” tiādinā nayena āgatā aṭṭhavattukā vimati **vicikicchā** nāma. “Idhekacco sīlena suddhi vatena suddhi sīlabbatena suddhīti sīlam parāmasati, vataṃ parāmasati, sīlabbataṃ parāmasati. Yā evarūpā dīṭṭhi dīṭṭhigata” tiādinā nayena āgato vipariyesaggāho **silabbataparāmāso** nāma.

Tayo āsavāti ettha cirapārivāsiyaṭṭhena vā āsavanaṭṭhena vā **āsavā**. Tattha “purimā, bhikkhave, koṭi na paññāyati avijjāya, ito pubbe avijjā nāhosi, atha pacchā samabhavī” ti, “purimā, bhikkhave, koṭi na paññāyati bhavataṇhāya bhavadiṭṭhiyā, ito pubbe bhavadiṭṭhi nāhosi, atha pacchā samabhavī” ti evam tāva cirapārivāsiyaṭṭhena āsavā veditabbā. Cakkhuto rūpe savati āsavati sandati pavattati. Sotato sadde. Ghānato gandhe. Jivhāto rase. Kāyato phoṭṭhabbe. Manato dhamme savati āsavati sandati pavattatīti evam āsavanaṭṭhena āsavāti veditabbā.

Pāliyam pana katthaci dve āsavā āgatā “dīṭṭhadhammikā ca āsavā samparāyikā ca āsavā” ti, katthaci “tayo, bhikkhave, āsavā. Kāmāsavo bhavāsavo avijjāsavo” ti tayo. Abhidhamme teyeva dīṭṭhāsavena saddhiṃ cattāro. Nibbedhikapariyāye “atthi, bhikkhave, āsavā nirayagāminiyā, atthi āsavā tiracchānāyogāminiyā, atthi āsavā pettivisayagāminiyā, atthi āsavā manussalokagāminiyā atthi āsavā devalokagāminiyā” ti evam pañca. Chakkanipāte āhuneyyasutte “atthi, bhikkhave, āsavā samvarā pahātabbā, atthi āsavā paṭisevanā pahātabbā, atthi āsavā parivajjanā pahātabbā, atthi āsavā adhivāsānā pahātabbā, atthi āsavā vinodanā pahātabbā, atthi āsavā bhāvanā pahātabbā” ti evam cha. Sabbāsavapariyāye teyeva dassanāpahātabbehi saddhiṃ satta. Imasmiṃ pana saṅgītisutte tayo. Tattha “yo kāmesu kāmācchando” ti evam vutto pañcakāmaguṇiko rāgo **kāmāsavo** nāma. “Yo bhavesu bhavācchando” ti evam vutto sassatadīṭṭhisahagato rāgo, bhavavasena vā patthanā **bhavāsavo** nāma.

“Dukkhe aññāna”ntiādinā nayena āgatā avijjā **avijjāsavo** nāmāti. Kāmabhavādayo kāmadhātuādivasena vuttāyeva.

Kāmesanādīsu “tattha katamā kāmesanā? Yo kāmesu kāmaccando kāmajjhosānaṃ, ayaṃ vuccati kāmesanā”ti evaṃ vutto kāmagavesanarāgo **kāmesanā** nāma. “Tattha katamā bhavesanā? Yo bhavesu bhavaccando bhavajjhosānaṃ, ayaṃ vuccati bhavesanā”ti evaṃ vutto bhavagavesanarāgo **bhavesanā** nāma. “Tattha katamā brahmacariyesanā? Sassato lokoti vā...pe... neva hoti na nahoti tathāgato parammaraṇāti vā, yā evarūpā diṭṭhi diṭṭhigataṃ vipariyesaggāho, ayaṃ vuccati brahmacariyesanā”ti evaṃ vuttā diṭṭhigatikasammatassa brahmacariyassa gavesanadiṭṭhi **brahmacariyesanā** nāma. Na kevalañca bhavarāgadiṭṭhiyova, tadekaṭṭhaṃ kammampi esanāyeva. Vuttañhetvaṃ “tattha katamā kāmesanā? Kāmarāgo tadekaṭṭhaṃ akusalaṃ kāyakammaṃ vacīkammaṃ manokammaṃ, ayaṃ vuccati kāmesanā. Tattha katamā bhavesanā? Bhavarāgo tadekaṭṭhaṃ akusalaṃ kāyakammaṃ vacīkammaṃ manokammaṃ, ayaṃ vuccati bhavesanā. Tattha katamā brahmacariyesanā? Antaggāhikā diṭṭhi tadekaṭṭhaṃ akusalaṃ kāyakammaṃ vacīkammaṃ manokammaṃ, ayaṃ vuccati brahmacariyesanā”ti.

Vidhāsu “kathaṃvidhaṃ sīlavantaṃ vadanti, kathaṃvidhaṃ paññavantaṃ vadanti”tiādīsu (saṃ. ni. 1.95) ākārasaṅghānaṃ vidhā nāma. “Ekavidhena ñāṇavattū duvidhena ñāṇavattū”tiādīsu (vibha. 751) koṭṭhāso. “Seyyohamasmīti vidhā”tiādīsu (vibha. 920) māno vidhā nāma. Idha so adhippeto. Māno hi seyyādivasena vidahanato **vidhāti** vuccati. **Seyyohamasmīti** iminā seyyasadiśāññānaṃ vasena tayo mānā vuttā. Sadiśāññesupi eseva nayo.

Ayañhi **māno** nāma seyyassa tividho, sadiśassa tividho, hīnassa tividhoti **navavidho** hoti. Tattha “seyyassa seyyohamasmī”ti māno rājūnañceva pabbajitānañca uppajjati.

Rājā hi raṭṭhena vā dhanavāhanehi vā “ko mayā sadiso atthī”ti etaṃ mānaṃ karoti. Pabbajitopi sīladhutaṅgādīhi “ko mayā sadiso atthī”ti etaṃ mānaṃ karoti. “Seyyassa sadiśohamasmī”ti mānopi etesaṃyeva uppajjati. Rājā hi raṭṭhena vā dhanavāhanehi vā aññarājūhi saddhiṃ mayhaṃ kiṃ nānākaraṇanti etaṃ mānaṃ karoti. Pabbajitopi sīladhutaṅgādīhipi aññena bhikkhūna mayhaṃ kiṃ nānākaraṇanti etaṃ mānaṃ karoti. “Seyyassa hīnohamasmī”ti mānopi etesaṃyeva uppajjati. Yassa hi rañño raṭṭhaṃ vā dhanavāhanādīni vā nātisampannāni honti, so mayhaṃ rājāti vohāramukhamattameva, kiṃ rājā nāma ahanti etaṃ mānaṃ karoti. Pabbajitopi appalābhasakkāro ahaṃ dhammakathiko bahussuto mahātheroti kathāmatkameva, kiṃ dhammakathiko nāmāhaṃ kiṃ bahussuto kiṃ mahāthero yassa me lābhasakkāro natthīti etaṃ mānaṃ karoti.

“Sadiśassa seyyohamasmī”ti mānādayo amaccādīnaṃ uppajjanti. Amacco vā hi raṭṭhiyo vā bhogayānavāhanādīhi ko mayā sadiso añño rājapuriso atthīti vā mayhaṃ aññehi saddhiṃ kiṃ nānākaraṇanti vā amaccoti nāmameva mayhaṃ, ghāsacchādanamattampi me natthi, kiṃ amacco nāmāhanti vā ete māne karoti.

“Hīnassa seyyohamasmī”ti mānādayo dāsādīnaṃ uppajjanti. Dāso hi mātito vā pitito vā ko mayā sadiso añño dāso nāma atthi, aññe jīvitūṃ asakkontā kucchihetu dāsā jātā, ahaṃ pana pavenīāgatattā seyyoti vā pavenīāgatabhāvena ubhatosuddhikadāsattena asukadāsena nāma saddhiṃ kiṃ mayhaṃ nānākaraṇanti vā kucchivasenāhaṃ dāsabya upagato, mātāpitukoṭiyā pana me dāsaṭṭhānaṃ natthi, kiṃ dāso nāma ahanti vā ete māne karoti. Yathā ca dāso, evaṃ pukkusaṇḍālādayopi ete māne karontiyeva.

Ettha ca seyyassa seyyohamasmīti, ca sadiśassa sadiśohamasmīti ca hīnassa hīnohamasmīti ca ime tayo mānā yāthāvamānā nāma arahattamaggavajjhā. Sesā cha mānā ayāthāvamānā nāma paṭhamamaggavajjhā.

Tayo addhāti tayo kālā. **Atīto addhāti**ādīsu dvepariyāyā suttantapariyāyo ca abhidhammapariyāyo ca. Suttantapariyāyena paṭisandhito pubbe **atīto addhā** nāma. Cutito pacchā **anāgato addhā** nāma. Saha

cutipaṭisandhīhi tadantaraṃ **paccuppanno addhā** nāma. Abhidhammapariyāyena tīsu khaṇesu bhaṅgato uddhaṃ **atīto addhā** nāma. Uppādato pubbe **anāgato addhā** nāma. Khaṇattaye **paccuppanno addhā** nāma. Atītādibhedo ca nāma ayaṃ dhammānaṃ hoti, na kālassa. Atītādibhede pana dhamme upādāya idha paramatthato avijjamānopi kālo teneva vohārena vuttoti vedītabbo.

Tayo antāti tayo koṭṭhāsā. “Kāyabandhanassa anto jīraṭi”tiādīsu (cūḷava. 278) hi antoyeva anto. “Esevanto dukkhassā”tiādīsu (saṃ. ni. 2.51) parabhāgo anto. “Antamidaṃ, bhikkhave, jīvikāna”nti (saṃ. ni. 3.80) ettha lāmakabhāvo anto. “Sakkāyo kho, āvuso, paṭhamo anto”tiādīsu (a. ni. 6.61) koṭṭhāso anto. Idha koṭṭhāso adhippeto. **Sakkāyoti** pañcupādānakkhandhā. **Sakkāyasamudayoti** tesam nibbattikā purimatanhā. **Sakkāyanirodhoti** ubhinnaṃ appavattibhūtaṃ nibbānaṃ. Maggo pana nirodhādhiḡamaṃ upāyattā nirodhe gahite gahitovāti vedītabbo.

Dukkhadukkhatāti dukkhabhūtā dukkhatā. Dukkavedanāyetaṃ nāmaṃ. **Saṅkhāradukkhatāti** saṅkhārabhāvena dukkhatā. Adukkhamasukhāvedanāyetaṃ nāmaṃ. Sā hi saṅkhatattā uppādajārābhāṅgapīḷitā, tasmā aññadukkhāsabhāvavirahato saṅkhāradukkhatāti vuttā. **Vipariṇāmadukkhatāti** vipariṇāme dukkhatā. Sukhavedanāyetaṃ nāmaṃ. Sukhassa hi vipariṇāme dukkhaṃ uppajjati, tasmā sukhaṃ vipariṇāmadukkhatāti vuttaṃ. Apica ṭhapetvā dukkavedanaṃ sukhavedanañca sabbeṃ tebhūmakā dhammā “sabbe saṅkhārā dukkhā”ti vacanato saṅkhāradukkhatāti vedītabbā.

Micchattaniyatoti micchāsabhāvo hutvā niyato. Niyatamicchādīṭṭhiyā saddhiṃ ānantariyakammassetam nāmaṃ. Sammāsabhāve niyato **sammattaniyato**. Catunnaṃ ariyamaggānametaṃ nāmaṃ. Na niyatoti **aniyato**. Avasesānaṃ dhammānametaṃ nāmaṃ.

Tayo tamāti “tamandhakāro sammoho avijjogho mahābhayo”ti vacanato avijjā tamo nāma. Idha pana avijjāsīsenā vicikicchā vuttā. **Ārabbhāti** āgamma. **Kaṅkhatīti** kaṅkhaṃ uppādeti. **Vicikicchati** vicinanto kicchaṃ āpajjati, sannīṭṭhātuṃ na sakkoti. **Nādhimucchatīti** tattha adhimucchituṃ na sakkoti. **Na sampasīdatīti** tam ārabbhā pasādaṃ āropetuṃ na sakkoti.

Arakkheyānīti na rakkhitabbāni. Tīsu dvāresu paccekaṃ rakkhaṇakiccaṃ natthi, sabbāni satiyā eva rakkhitānīti dīpeti. **Natthi tathāgatassāti**. “Idaṃ nāma me sahasā uppannaṃ kāyaduccaritaṃ, imāhaṃ yathā me paro na jānāti, tathā rakkhāmi, paṭicchādemī”ti evaṃ rakkhitabbaṃ natthi tathāgatassa kāyaduccaritaṃ. Sesesupi eseva nayo. Kiṃ pana sesakhīṇāsavānaṃ kāyasamācārādayo aparissuddhāti? No aparissuddhā. Na pana tathāgatassa viya parisuddhā. Appassutakhīṇāsavo hi kiñcāpi lokavajjaṃ nāpajjati, paṇṇattiyam pana akovidattā viharākāraṃ kuṭikāraṃ sahaḡāraṃ sahasēyyanti evarūpā kāyadvāre āpattiyō āpajjati. Sañcarittaṃ padasodhammaṃ uttarichappañcavācaṃ bhūtārocānanti evarūpā vacīdvāre āpattiyō āpajjati. Upanikkhittasādiyanavasena manodvāre rūpiyappaṭiggāhaṇāpattim āpajjati, dhammasenāpatisadisassāpi hi khīṇāsavassa manodvāre saupārambhavasena manoduccaritaṃ uppajjati eva.

Cātumavattusmiñhi pañcahi bhikkhusatehi saddhiṃ sārīputtamoggallānānaṃ paṇāmitakāle tesam atthāya cātumēyyakehi sakyehi bhagavati khamāpīte therō bhagavatā “kinti te sārīputta ahoṣi mayā bhikkhusaṅhe paṇāmite”ti puṭṭho ahaṃ parisāya abyattabhāvena sathārā paṇāmito. Ito dāni paṭṭhāya paraṃ na ovaḡissāmīti cittaṃ uppādetvā āha “evaṃ kho me, bhante, ahoṣi bhagavatā bhikkhusaṅho paṇāmito, apposukka dāni bhagavā dīṭṭhadhammasukhavihāraṃ anuyutto viharissati, mayampi dāni apposukkā dīṭṭhadhammasukhavihāraṃ anuyuttā viharissāmā”ti.

Athassa tasmim manoduccarite upārambhaṃ āropento sathā āha – “āgamehi tvaṃ, sārīputta na kho te, sārīputta, punapi evarūpaṃ cittaṃ uppādetabba”nti. Evaṃ paraṃ na ovaḡissāmi nānūsāsissāmīti vitakkitaṃ attampi therassa manoduccaritaṃ nāma jātaṃ. Bhagavato pana ettakaṃ nāma natthi, anacchariyañcetaṃ. Sabbaññutaṃ pattassa duccharitaṃ na bhaveyya. Bodhisattabhūmiyaṃ ṭhitassa

chabbassāni padhānaṃ anuyuñjantassāpi panassa nāhosi. Udaracchaviyā piṭṭhikaṅṭakaṃ allīnāya “kālaṅkato samaṇo gotamo”ti devatānaṃ vimatiyā uppajjamānāyapi “siddhattha kasmā kilamasi? Sakkā bhoge ca bhuñjituṃ puññāni ca kātu”nti mārena pāpimatā vuccamānassa “bhoge bhuñjissāmī”ti vitakkamattampi nuppajjati. Atha naṃ māro bodhisattakāle chabbassāni buddhakāle ekaṃ vassaṃ anubandhitvā kiñci vajjaṃ apassitvā idaṃ vatvā pakkāmi –

“Sattavassāni bhagavantaṃ, anubandhiṃ padāpadaṃ;
Otāraṃ nādhigacchissaṃ, sambuddhassa saṭīmato”ti. (su. ni. 448);

Apica aṭṭhārasannaṃ buddhadhammānaṃ vassenāpi bhagavato duccharitābhāvo veditabbo. **Aṭṭhārasa buddhadhammā** nāma natthi tathāgatassa kāyaduccharitaṃ, natthi vacīduccaritaṃ, natthi manoduccharitaṃ, atīte buddhassa appaṭihatañāṇaṃ, anāgate, paccuppanne buddhassa appaṭihatañāṇaṃ, sabbaṃ kāyakammaṃ buddhassa bhagavato ñāṇānuparivatti, sabbaṃ vacīkammaṃ, sabbaṃ manokammaṃ buddhassa bhagavato ñāṇānuparivatti, natthi chandassa hāni, natthi vīriyassa hāni, natthi satiyā hāni, natthi davā, natthi ravā, natthi calitaṃ natthi sahasā, natthi abyāvaṇo mano, natthi akusalacittanti.

Kiñcanāti palibodhā. **Rāgo kiñcananti** rāgo uppajjamāno satte bandhati palibundhati tasmā kiñcananti vuccati. Itaresupi dvīsu eseva nayo.

Aggīti anudahanatṭhena **aggi. Rāgaggīti** rāgo uppajjamāno satte anudahati jhāpeti, tasmā aggīti vuccati. Itaresupi eseva nayo. Tattha vatthūni ekā daharabhikkhunī cittalapabbatavihāre uposathāgāraṃ gantvā dvārapālarūpakam olokayamānā ṭhitā. Athassā anto rāgo uppanno. Sā teneva jhāyitvā kālamakāsi. Bhikkhuniyo gacchamānā “ayaṃ daharā ṭhitā, pakkosatha, na”nti āhaṃsu. Ekā gantvā kasmā ṭhitāsīti hatthe gaṇhi. Gahitamattā parivattitvā papatā. Idaṃ tāva rāgassa anudahanatāya vatthu. Dosassa pana anudahanatāya **manopadosikā** devā. Mohassa anudahanatāya **khiddāpadosikā** devā daṭṭhabbā. Mohavasena hi tasmaṃ satisammoso hoti. Tasmā khiddāvasena āhārakālaṃ ativattitvā kālaṅkaronti.

Āhuneyyaggītiādīsu āhunaṃ vuccati sakkāro, āhunaṃ arahantīti **āhuneyyā**. Mātāpitaro hi puttānaṃ bahūpakāratāya āhunaṃ arahanti. Tesu vipaṭipajjamānā puttā nirayādīsu nibbattanti. Tasmā kiñcāpi mātāpitaro nānudahanti, anudahanassa pana paccayā honti. Iti anudahanatṭhena āhuneyyaggīti vuccanti. Svāyamattho mittavindakavatthunā dīpetabbo –

Mittavindako hi mātārā “tāta, ajja uposathiko hutvā vihāre sabbarattiṃ dhammassavanaṃ suṇa, sahasaṃ te dassāmī”ti vutto dhanalobhena uposathaṃ samādāya vihāraṃ gantvā idaṃ ṭhānaṃ akutobhayanti sallakkhetvā dhammāsanassa heṭṭhā nipanno sabbarattiṃ niddāyitvā gharaṃ agamāsi. Mātā pātova yāguṃ pacitvā upanāmesi. So sahasaṃ gahetvāva pivi. Athassa etadahosi – “dhanam saṃharissāmī”ti. So nāvāya samuddam pakkhanditukāmo ahosi. Atha naṃ mātā “tāta, imasmiṃ kule cattālīsakoṭidhanaṃ atthi, alaṃ gamanēnā”ti nivāresi. So tassā vacanaṃ anādiyitvā gacchati eva. Mātā purato aṭṭhāsi. Atha naṃ kujjhivā “ayaṃ mayhaṃ purato tiṭṭhatī”ti pādena paharivā patitaṃ antaraṃ katvā agamāsi.

Mātā uṭṭhahitvā “mādisāya mātari evarūpaṃ kammaṃ katvā gatassa te gataṭṭhāne sukhaṃ bhavissatīti evaṃsaññī nāma tvaṃ puttā”ti āha. Tassa nāvaṃ āruya gacchato sattame divase nāvā aṭṭhāsi. Atha te manussā “addhā ettha pāpuriso atthi salākaṃ dethā”ti āhaṃsu. Salākā diyyamānā tasseva tikkhattuṃ pāpuṇāti. Te tassa uḷumpaṃ datvā taṃ samudde pakkhipiṃsu. So ekaṃ dīpaṃ gantvā vimānapetīhi saddhiṃ sampattiṃ anubhavanto tāhi “purato purato mā agamāsi”ti vuccamānopi taddiḡuṇaṃ taddiḡuṇaṃ sampattiṃ passanto anupubbena khuracakkadharaṃ ekaṃ addasa. Tassa taṃ cakkam padumapupphaṃ viya upaṭṭhāsi. So taṃ āha – “ambho, idaṃ tayā piḷandhitam padumaṃ mayhaṃ dehī”ti. “Na idaṃ sāmī padumaṃ, khuracakkaṃ eta”nti. So “vañcesi maṃ, tvaṃ kiṃ mayā

padumaṃ adiṭṭhapubba’’nti vatvā tvaṃ lohitacandanam vilimpitvā piḷandhanam padumapuppham mayham na dātukāmoti āha. So cintesi ‘‘ayampi mayā katasadisam kammaṃ katvā tassa phalam anubhavitukāmo’’ti. Atha nam ‘‘handa re’’ti vatvā tassa matthake cakkam pakkhipi. Tena vuttam –

‘‘Catubbhi aṭṭhājḡagamā, aṭṭhāhipi ca soḷasa;
Soḷasāhi ca bāṭṭimsa, atriccam cakkamāsado;
Icchāhatassa posassa, cakkam bhamati matthake’’ti. (jā. 1.1.104).

Gahapatīti pana gehasāmiko vuccati. So mātuḡāmassa sayanavattḡalaṅkāradianuppādānena bahūpakāro. Tam aticaranto mātuḡāmo nirayādīsu nibbattati, tasmā sopi purimanayeneva anudhanaṭṭhena gahapataggīti vutto.

Tattha vatthu – kassapabuddhassa kāle sotāpannassa upāsakassa bhariyā aticārinī ahosi. So tam paccakkhato disvā ‘‘kasmā tvaṃ evam karosī’’ti āha. Sā ‘‘sacāham evarūpaṃ karomi, ayam me sunakho viluppamāno khādatū’’ti vatvā kālaṅkatvā kaṇṇamuṇḡakadahe vemānikapetī hutvā nibbattā. Divā sampattim anubhavati, rattim dukkham. Tadā bārāṇasīrājā migavaṃ caranto araṇṇam pavisitvā anupubbena kaṇṇamuṇḡakadaham sampatto tāya saddhim sampattim anubhavati. Sā tam vaṅcetvā rattim dukkham anubhavati. So ṇatvā ‘‘kattha nu kho gacchatī’’ti piṭṭhito piṭṭhito gantvā avidūre ṭhito kaṇṇamuṇḡakadahato nikkhamitvā tam ‘‘paṭapaṭa’’nti khādamānam ekaṃ sunakham disvā asinā dvidhā chindi. Dve ahesuṃ. Puna chinne cattāro. Puna chinne aṭṭha. Puna chinne soḷasa ahesuṃ. Sā ‘‘kiṃ karosī sāmī’’ti āha. So ‘‘kiṃ ida’’nti āha. Sā ‘‘evam akatvā khelapiṇḡam bhūmiyam niṭṭhubhitvā pādena ghaṃsāhī’’ti āha. So tathā akāsi. Sunakhā antaradhāyimsu. Tam divasaṃ tassā kammaṃ khīṇam. Rājā vipṭasārī hutvā gantum āradḡho. Sā ‘‘mayham, sāmī, kammaṃ khīṇam mā agamā’’ti āha. Rājā asutvāva gato.

Dakkhiṇeyyaggīti ettha pana **dakkhiṇāti** cattāro paccayā, bhikkhusaṅgho dakkhiṇeyyo. So gihīnam tīsu saraṇesu pañcasu sīlesu dasasu sīlesu mātāpituupaṭṭhāne dhammikasamaṇabrāhmaṇaupāṭṭhāneti evamādīsu kalyāṇadhammesu nīyojanena bahūpakāro, tasmim micchāpaṭṭipannā gihī bhikkhusaṅgham akkositvā paribhāsitvā nirayādīsu nibbattanti, tasmā sopi purimanayeneva anudhanaṭṭhena dakkhiṇeyyaggīti vutto. Imassa panatthassa vibhāvanattham vimānavatthusmim revatīvatthu vitthāretabam.

‘‘Tividhena rūpasāṅgaho’’ti ettha **tividhenāti** tīhi koṭṭhāsehi. **Saṅgahoti** jātisaṅgātikiriyagaṇanavasena catubbidho saṅgaho. Tattha sabbe khattiyā āgacchantūtiādiko (ma. ni. 1.462) jātisaṅgaho. Sabbe kosalakātiādiko saṅgājātisaṅgaho. Sabbe hatthārohātiādiko kiriyasaṅgaho. Cakkhāyatanam katamam khandhagaṇanam gacchatīti? Cakkhāyatanam rūpakkhandhagaṇanam gacchatīti. Hañci cakkhāyatanam rūpakkhandhena saṅgahitanti ayam gaṇanasāṅgaho, so idha adhippeto. Tasmā tividhena rūpasāṅgahoti tīhi koṭṭhāsehi rūpagaṇanāti attho.

Sanidassanādīsu attānam ārabba pavattena cakkhuvīṇṇāṇasaṅkhātena saha nidassanenāti **sanidassanam**. Cakkhupaṭṭihananasamatthato saha paṭṭighenāti **sappaṭigham**. Tam atthato rūpāyatanameva. Cakkhuvīṇṇāṇasaṅkhātam nāssa nidassananti **anidassanam**. Sotādiṭṭihananasamatthato saha paṭṭighenāti **sappaṭigham**. Tam atthato cakkhāyatanādīni nava āyatanāni. Vuttappakāram nāssa nidassananti **anidassanam**. Nāssa paṭṭighoti **appaṭigham**. Tam atthato ṭhapetvā dasāyatanāni avasesam sukhumarūpaṃ.

Tayo saṅkhārāti saḡajātadhamme ceva samparāye phaladhamme ca saṅkharonti rāsī karontīti saṅkhārā. Abhisāṅkharontīti abhisāṅkhāro. Puṇṇo abhisāṅkhāro **puṇṇābhisāṅkhāro**.

‘‘Tattha katamo puṇṇābhisāṅkhāro? Kusalā cetanā kāmāvacarā rūpāvacarā dānamayā silamayā bhāvanāmayā’’ti evam vuttānam aṭṭhannam kāmāvacarakusalamahācittacetanānam, pañcannam

rūpāvacarakusalacetanānañcetam adhivacanam. Ettha ca dānasīlamayā aṭṭheva cetanā honti. Bhāvanāmayā terasāpi. Yathā hi paṇaṇam dhammam sajjhāyamāno ekaṃ dve anusandhim gatopi na jānāti, pacchā āvajjanto jānāti, evameva kaṣiṇaparikkammaṃ karontassa paṇaṇajjhānam paccavekkhantassa ñāṇavippayuttāpi bhāvanā hoti. Tena vuttam “bhāvanāmayā terasāpi”ti.

Tattha dānamayādīsu “dānam ārabba dānamadhikicca yā uppajjati cetanā sañcetanā cetayitattam, ayaṃ vuccati dānamayo puññābhisaṅkhāro. Sīlam ārabba, bhāvanam ārabba, bhāvanamadhikicca yā uppajjati cetanā sañcetanā cetayitattam, ayaṃ vuccati bhāvanāmayo puññābhisaṅkhāro”ti ayaṃ saṅkhepadesanā.

Cīvarādīsu pana catūsu paccayesu rūpādīsu vā chasu ārammaṇesu annādīsu vā dasasu dānavatthūsu tam tam dentassa tesam uppādanato paṭṭhāya pubbhāge, pariccāgākāle, pacchā somanassacittena anussaraṇe cāti tīsu kālesu pavattā cetanā dānamayā nāma. Sīlapūraṇatthāya pana pabbajissāmīti vihāram gacchantassa, pabbajantassa manoratham matthakam pāpetvā pabbajito vatamhi sādhu sādhu āvajjantassa, pātimokkham saṃvarantassa, cīvarādayo paccaye paccavekkhantassa, āpāthagatesu rūpādīsu cakkhuvārādīni saṃvarantassa, ājīvam sodhentassa ca pavattā cetanā sīlamayā nāma.

Paṭisambhidāyam vuttena vipassanāmaggena “cakkhum aniccato dukkhato anattato bhāventassa... pe... manam. Rūpe. Dhamme. Cakkhuvīññānam...pe... manovīññānam. Cakkhusamphassam...pe... manosamphassam. Cakkhusamphassajam vedanam...pe... manosamphassajam vedanam. Rūpasāññam, jarāmarāṇam aniccato dukkhato anattato bhāventassa pavattā cetanā bhāvanāmayā nāmā”ti ayaṃ vittharakathā.

Apuñño ca so abhisaṅkhāro cāti **apuññābhisaṅkhāro**. Dvādasaakusalacittasampayuttānam cetanānam etaṃ adhivacanam. Vuttampi cetam “tattha katamo apuññābhisaṅkhāro? Akusalacetanā kāmāvacarā, ayaṃ vuccati apuññābhisaṅkhāro”ti. Āneñjam niccalam santam vipākabhūtam arūpameva abhisaṅkharotīti **āneñjābhisaṅkhāro**. Catunnam arūpāvacarakusalacetanānam etaṃ adhivacanam. Yathāha “tattha katamo āneñjābhisaṅkhāro? Kusalacetanā arūpāvacarā, ayaṃ vuccati āneñjābhisaṅkhāro”ti.

Puggalattike sattavidho purisapuggalo, tisso sikkhā sikkhatīti **sekkho**. Khīṇāsavo sikkhitasikkhattā puna na sikkhissatīti **asekkho**. Puthujjano sikkhāhi paribāhiyattā **nevasekkho nāsekkho**.

Therattike jātimahallako gihi **jātitthero** nāma. “Cattārome, bhikkhave, therakaraṇā dhammā. Idha, bhikkhave, thero sīlavā hoti, bahussuto hoti, catunnam jhānānam lābhī hoti, āsavānam khayā bahussuto hoti, catunnam jhānānam lābhī hoti, āsavānam khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharati. Ime kho, bhikkhave, cattāro therakaraṇā dhammā”ti (a. ni. 4.22). Evaṃ vuttasu dhammesu ekena vā anekehi vā samannāgato **dhammathero** nāma. Aññataro theranāmakko bhikkhūti evam theranāmakko vā, yaṃ vā pana mahallakakāle pabbajitam sāmaṇerādayo disvā thero theroti vadanti, ayaṃ **sammutithero** nāma.

Puññakiriyavatthūsu dānameva **dānamayam**. Puññakiriyā ca sā tesam tesam ānisaṃsānam vatthu cāti **puññakiriyavatthu**. Itaresupi dvīsu eseva nayo. Atthato pana pubbe vuttadānamayacetanādivaseneva saddhim pubbhāgaaparabhāgacetanāhi imāni tīni puññakiriyavatthūni veditabbāni. Ekamekañcetta pubbhāgato paṭṭhāya kāyena karontassa kāyakammaṃ hoti. Tadattham vācam nicchārentassa vacīkammaṃ. Kāyaṅgavācaṅgam acopetvā manasā cintentassa manokammaṃ. Annādīni dentassa cāpi annadānādīni demīti vā dānapāramiṃ āvajjetvā vā dānakāle dānamayam puññakiriyavatthu hoti. Vattasīse thatvā dadato sīlamayam. Khayato vayato sammānam paṭṭhapetvā dadato bhāvanāmayam puññakiriyavatthu hoti.

Aparānīpi satta puññakiriyavatthūni apacitisahagatam puññakiriyavatthu, veyyāvaccasahagatam,

pattānuppadānaṃ, pattabbhanumodanaṃ, desanāmayāṃ, savanamayaṃ, diṭṭhijugataṃ puññakiriyavattḥūti. Tattha mahallakaṃ disvā paccuggamanapattacīvarappaṭiggahaṇaabhivādanamaggasampadānādivasena apacitisahagataṃ veditabbaṃ. Vuḍḍhatarānaṃ vattappaṭipattikaraṇavasena, gāmaṃ piṇḍāya pavitṭhaṃ bhikkhuṃ disvā pattaṃ gahetvā gāme bhikkhaṃ samādapetvā upasamharaṇavasena, “gaccha bhikkhūnaṃ pattaṃ āharā”ti sutvā vegena gantvā pattāharaṇādivasena ca veyyāvaccasahagataṃ veditabbaṃ. Cattāro paccaye datvā sabbasattānaṃ patti hotūti pavattanavasena pattānuppadānaṃ veditabbaṃ. Parehi dinnāya pattiyaṃ sādhu suṭṭhūti anumodanāvasena pattabbhanumodanaṃ veditabbaṃ. Eko “evaṃ maṃ ‘dhammakathiko’ti jānissanti”ti icchāya ṭhatvā lābhagaruko hutvā deseti, taṃ na mahapphalaṃ. Eko attano paṇḍadhammaṃ apaccāsīsamaṇo paresaṃ deseti, idaṃ desanāmayāṃ puññakiriyavattu nāma. Eko suṇanto “iti maṃ ‘saddho’ti jānissanti”ti suṇāti, taṃ na mahapphalaṃ. Eko “evaṃ me mahapphalaṃ bhavissati”ti hitappharaṇena muducittena dhammaṃ suṇāti, idaṃ savanamayaṃ puññakiriyavattu. Diṭṭhijugataṃ pana sabbesaṃ niyamalakkaṇaṃ. Yaṃkiñci puññaṃ karontassa hi diṭṭhiyā ujjbhāveneva mahapphalaṃ hoti.

Iti imesaṃ sattannaṃ puññakiriyavattḥūnaṃ purimeheva tīhi saṅgaho veditabbo. Ettha hi apacitiveyyāvaccāni sīlamaye. Pattidānapattabbhanumodanāni dānamaye. Desanāsavanāni bhāvanāmaye. Diṭṭhijugataṃ tīsupi saṅgahaṃ gacchati.

Codanāvattḥūnīti codanākāraṇāni. **Diṭṭhenāti** maṃsacakkhunā vā dibbacakkhunā vā vītikkamaṃ disvā codeti. **Sutenāti** pakatisotena vā dibbasotena vā parassa saddaṃ sutvā codeti. **Parisaṅkāya vāti** diṭṭhaparisaṅkitena vā sutaparisaṅkitena vā mutaparisaṅkitena vā codeti. Ayamettha saṅkhepo, vitthāro pana samantapāsādikāyaṃ vuttanayeneva veditabbo.

Kāmūpapattiyoti kāmūpasevanā kāmappaṭilābhā vā. **Paccupaṭṭhitakāmāti** nibaddhakāmā nibaddhārammaṇā. **Seyyathāpi manussāti** yathā manussā. Manussā hi nibaddheyyeva vatthusmiṃ vasaṃ vattenti. Yatha paṭibaddhacittā honti, satampi sahasampi datvā mātugāmaṃ ānetvā nibaddhabhogāṃ bhuñjanti. **Ekacce devā** nāma catudevalokavāsino. Tepi nibaddhavatthusmiṃyeva vasaṃ vattenti. **Ekacce vinipātikā** nāma nerayike ṭhapetvā avasesā macchakacchapādayopi hi nibaddhavatthusmiṃyeva vasaṃ vattenti. Maccho attano macchiyā kacchapo kacchapiyāti. **Nimminivā nimminivāti** nīlapītādivasena yādisaṃ yādisaṃ attano rūpaṃ icchanti, tādisaṃ tādisaṃ nimminivā āyasmato anuruddhassa purato manāpakāyikā devatā viya. **Nimmānaratīti** evaṃ sayaṃ nimmite nimmite nimmāne rati etesanti nimmānaratī. **Paranimmitakāmāti** parehi nimmitakāmā. Tesañhi manāṃ ñatvā pare yathāruccitaṃ kāmabhogaṃ nimminanti, te tattha vasaṃ vattenti. Kathaṃ parassa manāṃ jānantīti? Pakatisevanavasena. Yathā hi kusalo sūdo rañño bhuñjantassa yaṃ yaṃ so bahuṃ gaṇhāti, taṃ taṃ tassa ruccatīti jānāti, evaṃ pakatiyā abhirucitārammaṇaṃ ñatvā tādīsakaṃyeva nimminanti. Te tattha vasaṃ vattenti, methunaṃ sevanti. Keci pana therā “hasitamattena olokitamattena āliṅgitamattena ca tesāṃ kāmakkiccaṃ ijjhāti”ti vadanti, taṃ aṭṭhakathāyaṃ “etaṃ pana natthī”ti paṭikkhittaṃ. Na hi kāyena aphasantassa phoṭṭhabbaṃ kāmakkiccaṃ sādheti. Channampi hi kāmāvacarānaṃ kāmā pākatikā eva. Vuttampi cetāṃ –

“Cha ete kāmāvacarā, sabbakāmasamidhdhino;
Sabbesaṃ ekasaṅkhātāṃ, āyu bhavati kittaka”nti. (vibha. 1023);

Sukhūpapattiyoti sukhappaṭilābhā. **Uppādetvā uppādetvā sukhaṃ viharantīti** te heṭṭhā paṭhamajjhānasukhaṃ nibbattetvā upari vipākajjhānasukhaṃ anubhavanti attho. **Sukhena abhisannāti** dutiyajjhānasukhena tintā. **Parisannāti** samantato tintā. **Paripūrāti** paripuṇṇā. **Paripphuṭāti** tasseva vevacanaṃ. Idampi vipākajjhānasukhameva sandhāya vuttaṃ. **Ahosukhaṃ ahosukhanti** tesāṃ kira bhavalobho mahā uppajjati. Tasmā kadāci karahaci evaṃ udānaṃ udānenti. **Santamevāti** paṇītameva. **Tusitāti** tato uttarim sukhasa apatthanato santuṭṭhā hutvā. **Sukhaṃ paṭivedentīti** tatiyajjhānasukhaṃ anubhavanti.

Sekkhā paññāti satta ariyapaññā. Arahato paññā **asekkhā**. Avasesā paññā **nevasekkhānāsekkhā**.

Cintāmayādīsu ayaṃ vitthāro – ‘‘tatha katamā cintāmayā paññā? Yogavihitesu vā kammāyatanesu yogavihitesu vā sippāyatanesu yogavihitesu vā vijjāṭṭhānesu kammassakataṃ vā saccānulomikaṃ vā rūpaṃ aniccanti vā...pe... viññāṇaṃ aniccanti vā yaṃ evarūpaṃ anulomikaṃ khantiṃ diṭṭhiṃ ruciṃ muttiṃ pekkhaṃ dhammanijjhānakkhantiṃ parato asutvā paṭilabhati, ayaṃ vuccati **cintāmayā paññā**. Tattha katamā sutamayā paññā? Yogavihitesu vā kammāyatanesu...pe... dhammanijjhānakkhantiṃ parato sutvā paṭilabhati, ayaṃ vuccati **sutamayā paññā**. (Tattha katamā bhāvanāmayā paññā?) Sabbāpi samāpannassa paññā **bhāvanāmayā paññā**’ti (vibha. 768-69).

Sutāvudhanti sutameva āvudhaṃ. Taṃ atthato tepiṭakaṃ buddhavacanaṃ. Tañhi nissāya bhikkhu paññāvudhaṃ nissāya sūro yodho avikampamāno mahākantāraṃ viya saṃsārakantāraṃ atikkamati avihaññamāno. Teneva vuttaṃ – ‘‘sutāvudho, bhikkhave, ariyasāvako akusalaṃ pajahati, kusalaṃ bhāveti, sāvajjaṃ pajahati, anavajjaṃ bhāveti, suddhamattānaṃ pariharatī’ ti (a. ni. 7.67).

Pavivekāvudhanti ‘‘kāyaviveko cittaviveko upadhiviveko’’ti ayaṃ tividhopi vivekova āvudhaṃ. Tassa nānākaraṇaṃ kāyaviveko vivekaṭṭhakāyānaṃ nekkhammābhiraṭānaṃ. Cittaviveko ca parisuddhacittānaṃ paramavodānappattānaṃ. Upadhiviveko ca nirupadhīnaṃ puggalānaṃ. Imasmiñhi tividhe viveke abhirato, na kutoci bhāyati. Tasmā ayampi avassayaṭṭhena āvudhanti vutto. Lokiyalokuttarapaññāva āvudhaṃ **paññāvudhaṃ**. Yassa sā atthi, so na kutoci bhāyati, na cassa koci bhāyati. Tasmā sāpi avassayaṭṭheneva āvudhanti vuttā.

Anaññātaññassāmītindriyanti ito pubbe anaññātaṃ aviditaṃ dhammaṃ jānissāmīti paṭipannassa uppannaṃ indriyaṃ. Sotāpattimaggaññassettaṃ adhivacanaṃ. **Aññindriyanti** aññābhūtaṃ ājānanabhūtaṃ indriyaṃ. Sotāpattiphalato paṭṭhāya chasu ṭhānesu ñāṇassettaṃ adhivacanaṃ. **Aññātāvindriyanti** aññātāvīsu jānanakiccapariyosānappattesu dhammesu indriyaṃ. Arahattaphalaññassettaṃ adhivacanaṃ.

Maṃsacakkhu cakkhupasādo. **Dibbacakkhu** ālokanissitaṃ ñāṇaṃ. **Paññācakkhu** lokiyalokuttarapaññā.

Adhisīlasikkhādīsu adhisīlaṅca taṃ sikkhitabbato sikkhā cāti **adhisīlasikkhā**. Itarasmim dvayepi eseve nayo. Tattha sīlaṃ adhisīlaṃ, cittaṃ adhicittaṃ, paññā adhipaññāti ayaṃ pabhedo veditabbo –

Sīlaṃ nāma pañcasīladasasīlāni, pātimokkhasaṃvaro **adhisīlaṃ** nāma. Aṭṭha samāpattiyo cittaṃ, vipassanāpādakajjhānaṃ **adhicittaṃ**. Kammassakataññaṃ paññā, vipassanāpaññā **adhipaññā**. Anuppannepi hi buddhuppāde pavattatīti pañcasīladasasīlāni sīlameva, pātimokkhasaṃvarasīlaṃ buddhuppādeyeva pavattatīti adhisīlaṃ. Cittapaññāsupi eseve nayo. Apica nibbānaṃ patthayantena samādinnaṃ pañcasīlampi dasasīlampi adhisīlameva. Samāpannā aṭṭha samāpattiyopi adhicittameva. Sabbhaṃ vā lokiyaṃ sīlameva, lokuttaraṃ adhisīlaṃ. Cittapaññāsupi eseve nayo.

Bhāvanāsu khīṇāsavassa pañcadvārikakāyo **kāyabhāvanā** nāma. Aṭṭha samāpattiyo **cittabhāvanā** nāma. Arahattaphalapaññā **paññābhāvanā** nāma. Khīṇāsavassa hi ekanteneva pañcadvārikakāyo subhāvito hoti. Aṭṭha samāpattiyo cassa na aññesaṃ viya dubbalā, tasseva ca paññā bhāvitā nāma hoti paññāvepullapattiyā. Tasmā evaṃ vuttaṃ.

Anuttariyesu vipassanā **dassanānuttariyaṃ** maggo **paṭipadānussariyaṃ**. Phalaṃ **vimuttānuttariyaṃ**. Phalaṃ vā dassanānuttariyaṃ. Maggo paṭipadānuttariyaṃ. Nibbānaṃ vimuttānuttariyaṃ. Nibbānaṃ vā dassanānuttariyaṃ, tato uttariñhi daṭṭhabbaṃ nāma natthi. Maggo paṭipadānuttariyaṃ. Phalaṃ vimuttānuttariyaṃ. **Anuttariyanti** uttamaṃ jeṭṭhakaṃ.

Samādhīsu paṭhamajjhānasamādhī **savitakkasavicāro**. Pañcakanayena dutiyajjhānasamādhī **avitakkavicāramatto**. Sesō **avitakkaavicāro**.

Suññatādīsu tividhā kathā āgamanato, saḡuṇato, ārammaṇatoti. Āgamanato nāma eko bhikkhu anattato abhinivisitvā anattato disvā anattato vuṭṭhāti, tassa vipassanā **suññatā** nāma hoti. Kasmā? Asuññatattakāraṇānaṃ kilesānaṃ abhāvā. Vipassanāgamanena maggasamādhī suññato nāma hoti. Maggāgamanena phalāsamādhī suññato nāma. Aparō aniccato abhinivisitvā aniccato disvā aniccato vuṭṭhāti. Tassa vipassanā animittā nāma hoti. Kasmā? Nimittakāraṇakilesābhāvā. Vipassanāgamanena maggasamādhī **animitto** nāma hoti. Maggāgamanena phalaṃ animittaṃ nāma. Aparō dukkhato abhinivisitvā dukkhato disvā dukkhato vuṭṭhāti, tassa vipassanā **appaṇihitā** nāma hoti. Kasmā? Paṇidhikāraṇakilesābhāvā. Vipassanāgamanena maggasamādhī appaṇihito nāma. Maggāgamanena phalaṃ appaṇihitaṃ nāmāti ayaṃ **āgamanato** kathā. Maggasamādhī pana rāgādīhi suññatattā suññato, rāganimittādīnaṃ abhāvā animitto, rāgapaṇidhiādīnaṃ abhāvā appaṇihitoti ayaṃ **saḡuṇato** kathā. Nibbānaṃ rāgādīhi suññatattā rāgādinimittapaṇidhīnaṃ abhāvā suññatañceva animittaṃ appaṇihitaṃ. Tadārammaṇo maggasamādhī suññato animitto appaṇihito. Ayaṃ **ārammaṇato** kathā.

Soceyyānīti sucibhāvakarā soceyyappaṭipadā dhammā. Vitthāro panettha “tattha katamaṃ **kāyasoceyyaṃ**? Pāṇātipātā veramaṇī”tiādīnaṃ nayena vuttānaṃ tiṇṇaṃ sucaritānaṃ vasena veditabbo.

Moneyyānīti munibhāvakarā moneyyappaṭipadā dhammā. Tesam vitthāro “tattha katamaṃ **kāyamoneyyaṃ**? Tividhakāyaduccaritassa pahānaṃ kāyamoneyyaṃ, tividhaṃ kāyasucaritaṃ kāyamoneyyaṃ, kāyārammaṇe ñāṇaṃ kāyamoneyyaṃ, kāyapariññā kāyamoneyyaṃ, kāyapariññāsahagato maggo kāyamoneyyaṃ, kāyasmiṃ chandarāgappahānaṃ kāyamoneyyaṃ, kāyasaṅkhāranirodhā catutthajjhānasamāpatti kāyamoneyyaṃ. Tattha katamaṃ **vacīmoneyyaṃ**? Catubbidhavaduccaritassa pahānaṃ vacīmoneyyaṃ, catubbidhaṃ vacīsucaritaṃ vacīmoneyyaṃ, vācārammaṇe ñāṇaṃ vacīmoneyyaṃ vācāpariññā vacīmoneyyaṃ pariññāsahagato maggo, vācāya chandarāgappahānaṃ, vacīsaṅkhāranirodhā dutiyajjhānasamāpatti vacīmoneyyaṃ. Tattha katamaṃ **manomoneyyaṃ**? Tividhamanoduccaritassa pahānaṃ manomoneyyaṃ, tividhaṃ manosucaritaṃ manomoneyyaṃ, manārammaṇe ñāṇaṃ manomoneyyaṃ, manopariññā manomoneyyaṃ. Pariññāsahagato maggo, manasmiṃ chandarāgappahānaṃ, cittasaṅkhāranirodhā saññāvedayitanirodhasamāpatti manomoneyya”nti (mahāni. 14).

Kosallesu **āyoti** vuḍḍhi. **Apāyoti** avuḍḍhi. Tassa tassa kāraṇaṃ **upāyo**. Tesam pajānanā kosallaṃ. Vitthāro pana vibhaṅge vuttoyeva.

Vuttañhetam – “tattha katamaṃ āyakosallaṃ? Ime dhamme manasikaroto anuppannā ceva akusalā dhammā nuppajjanti, uppannā ca akusalā dhammā nirujjhanti. Ime vā pana me dhamme manasikaroto anuppannā ceva kusalā dhammā uppajjanti, uppannā ca kusalā dhammā bhīyyobhāvāya vepullāya bhāvanāya pāripūriyā saṃvattantīti, yā tattha paññā pajānanā...pe... sammādiṭṭhi. Idaṃ vuccati āyakosallaṃ. Tattha katamaṃ apāyakosallaṃ? Ime dhamme manasikaroto anuppannā ceva kusalā dhammā na uppajjanti, uppannā ca kusalā dhammā nirujjhanti. Ime vā pana me dhamme manasikaroto anuppannā ceva akusalā dhammā uppajjanti, uppannā ca akusalā dhammā bhīyyobhāvāya vepullāya bhāvanāya pāripūriyā saṃvattantīti, yā tattha paññā pajānanā...pe... sammādiṭṭhi. Idaṃ vuccati apāyakosallaṃ. Sabbāpi tatrupāyā paññā upāyakosalla”nti (vibha. 771). Idaṃ pana accāyikakicce vā bhaye vā uppanne tassa tikicchanatthaṃ ṭhānuppattiyā kāraṇajānavaseneva veditabbaṃ.

Madāti majjanākāravasena pavattamānā. Tesu “ahaṃ nirogo saṭṭhi vā sattati vā vassāni atikkantāni, na me harītakīkhaṇḍampi khādītapubbaṃ, ime panaññe asukaṃ nāma ṭhānaṃ rujjati, bhesajjaṃ khādāmāti vicaranti, ko añño mādiso nirogo nāmā”ti evaṃ mānakaraṇaṃ **ārogyamado**. “Mahallakakāle puññaṃ karissāma, daharamha tāvā”ti yobbane ṭhatvā mānakaraṇaṃ **yobbanamado**. “Ciraṃ jīviṃ, ciraṃ jīvāmi, ciraṃ jīvissāmi; sukhaṃ jīviṃ, sukhaṃ jīvāmi, sukhaṃ jīvissāmi”ti evaṃ

mānakaraṇaṃ **jīvitamado**.

Ādhipateyyesu adhipatito āgataṃ ādhipateyyaṃ. “Ettakomhi sīlena samādhinā paññāya vimuttiyā, na me etaṃ patirūpa”nti evaṃ attānaṃ adhipattiṃ jeṭṭhakaṃ katvā pāpassa akaraṇaṃ **attādhipateyyaṃ** nāma. Lokaṃ adhipatiṃ katvā akaraṇaṃ **lokādhipateyyaṃ** nāma. Lokuttaradhammaṃ adhipatiṃ katvā akaraṇaṃ **dhammādhipateyyaṃ** nāma.

Kathāvatthūnīti kathākāraṇāni. **Atītaṃ vā addhānanti** atītaṃ dhammaṃ, atītakkhandheti attho. Apica “yaṃ, bhikkhave, rūpaṃ atītaṃ niruddhaṃ vipariṇataṃ, ‘ahosī’ti tassa saṅkhā, ‘ahosī’ti tassa paññatti ‘ahosī’ti tassa samaññā, na tassa saṅkhā ‘atthī’ti, na tassa saṅkhā ‘bhavissatī’ti (saṃ. ni. 3.62) evaṃ āgatena niruttipathasuttenapettha attho dīpetabbo.

Vijjāti tamavijjhanatṭhena vijjā. Viditakaraṇatṭhenāpi vijjā. Pubbenivāsānussatiññaṇāhi uppajjamānaṃ pubbenivāsaṃ chādetvā tṭhitaṃ tamaṃ vijjhati, pubbenivāsaṇca viditaṃ karotīti vijjā. Cutūpapātāññaṃ cutipaṭisandhicchādakaṃ tamaṃ vijjhati, taṇca viditaṃ karotīti vijjā. Āsavānaṃ khaye ñāṇaṃ catusaccacchādakaṃ tamaṃ vijjhati, catusaccadhammaṇca viditaṃ karotīti vijjā.

Vihāresu aṭṭha samāpattiyo **dibbo vihāro**. Catasso appamaññā **brahmā vihāro**. Phalasaṃpatti ariyo **vihāro**.

Pāṭihāriyāni kevattasutte vitthāritāneva.

“Ime kho, āvuso”tiādīsu vuttanayeneva yojetabbaṃ. Iti samasaṭṭhiyā tikānaṃ vasena asītisatapañhe kathento thero sāmaggiraṃ dassesīti.

Tikavaṇṇanā niṭṭhitā.

Catukkavaṇṇanā

306. Iti tikavasena sāmaggiraṃ dassetvā idāni catukkavasena dassetuṃ puna desanaṃ ārabhi. Tattha “satipaṭṭhānacatukkaṃ” pubbe vitthāritameva.

Sammappadhānacatukke **chandaṃ janetīti** “yo chando chandikatā kattukamyatā kusalo dhammacchando”ti evaṃ vuttaṃ kattukamyataṃ janeti. **Vāyamatīti** vāyāmaṃ karoti. **Vīriyaṃ ārabhatīti** vīriyaṃ janeti. **Cittaṃ paggaṇhātīti** cittaṃ upatthambheti. Ayamettha saṅkhepo. Vitthāro pana sammappadhānavibhaṅge āgatoyeva.

Iddhipādesu chandaṃ nissāya pavatto samādhi **chandasaṃādhi**. Padhānabhūtā saṅkhārā **padhānasaṅkhārā**. **Samannāgatanti** tehi dhammehi upetaṃ. Iddhiyā pādaṃ, iddhibhūtaṃ vā pādanti **iddhipādaṃ**. Sesesupī eseva nayo. Ayamettha saṅkhepo, vitthāro pana iddhipādavibhaṅge āgato eva. Visuddhimagge panassa attho dīpito. Jhānakathāpi visuddhimagge vitthāritāva.

307. Diṭṭhadhammasukhavihārāyāti imasmimyeva attabhāve sukhavihāratthāya. Idha phalasaṃpattijhānāni, khīṇāsavassa aparabhāge nibbattitajhānāni ca kathitāni.

Ālokasaññaṃ manasikarotīti divā vā rattim vā sūriyacandapajjotamaṇiādīnaṃ ālokaṃ ālokoti manasikaroti. **Divāsaññaṃ adhiṭṭhātīti** evaṃ manasi katvā divātisaññaṃ tṭhpeti. **Yathā divā tathā rattinti** yathā divā diṭṭho āloko, tatheva taṃ rattim manasikaroti. **Yathā rattim tathā divāti** yathā rattim āloko diṭṭho, evameva divā manasikaroti. **Iti vivaṭena cetāsīti** evaṃ apihitena cittena. **Apariyonaddhenāti** samantato anaddhena. **Sappabhāsanti** saobhāsaṃ. **Ñānadassanapaṭilābhāyāti**

ñānadassanapaṭilābhatthāya. Iminā kiṃ kathitaṃ? Middhavinodanaāloko kathito parikammaāloko vā. Iminā kiṃ kathitaṃ hoti? Khīṇāsavassa dibbacakkhuññaṃ. Tasmim vā āgatepi anāgatepi pādakajjhānasamāpattimeva sandhāya “sappabhāsaṃ cittaṃ bhāveti”ti vuttaṃ.

Satisampajaññāyāti sattaṭṭhānikassa satisampajaññassa atthāya. **Viditā vedanā uppajjantī**tiādīsu khīṇāsavassa vatthu viditaṃ hoti ārammaṇaṃ viditaṃ vatthārammaṇaṃ viditaṃ. Vatthārammaṇaviditatāya evaṃ vedanā uppajjanti, evaṃ tiṭṭhanti, evaṃ nirujjhanti. Na kevalaṅca vedanā eva idha vuttā saññādayopi, avuttā cetanādayopi, viditā ca uppajjanti ceva tiṭṭhanti ca nirujjhanti ca. Api ca vedanāya uppādo vidito hoti, upaṭṭhānaṃ viditaṃ hoti. Avijjāsamudayā vedanāsamudayo, taṇhāsamudayā kammāsamudayo, phassasamudayā vedanāyasamudayo. Nibbattilakkhaṇaṃ passantopi vedanākkhandhassa samudayaṃ passati. Evaṃ vedanāya uppādo vidito hoti. Kathaṃ vedanāya upaṭṭhānaṃ viditaṃ hoti? Aniccato manasikaroto khayatūpaṭṭhānaṃ viditaṃ hoti. Dukkato manasikaroto bhayatūpaṭṭhānaṃ viditaṃ hoti. Anattato manasikaroto suññatūpaṭṭhānaṃ viditaṃ hoti. Evaṃ vedanāya upaṭṭhānaṃ viditaṃ hoti, khayato bhayato suññato jānāti. Kathaṃ vedanāya atthaṅgamo vidito hoti? Avijjānirodhā vedanānirodho....Pe... evaṃ vedanāya atthaṅgamo vidito hoti. Imināpi nāyenettha attho veditabbo.

Iti rūpantiādi vuttanayameva. **Ayaṃ āvuso samādhībhāvanā**ti ayaṃ āsavānaṃ khayaññaṃ pādakajjhānasamādhībhāvanā.

308. Appamaññāti pamāṇaṃ agahetvā anavasesapharaṇavasena appamaññāva. Anupadavaṇṇanā pana bhāvanāsamādhividhānaṅca etāsaṃ visuddhimagge vitthāritameva. Arūpakathāpi visuddhimagge vitthāritāva.

Apassenānīti apassayāni. **Saṅkhāyāti** ñāṇena ñatvā. **Paṭisevatīti** ñāṇena ñatvā sevītabbayuttakameva sevati. Tassa ca vitthāro “paṭisaṅkhā yoniso cīvaraṃ paribhuñjati”tiādīnā nayena veditabbo. **Saṅkhāyekaṃ adhivāsetīti** ñāṇena ñatvā adhivāsetabbayuttakameva adhivāseti. Vitthāro panettha “paṭisaṅkhā yoniso khamo hoti sītassā”tiādīnā nayena veditabbo. **Parivajjetīti** ñāṇena ñatvā parivajjetuṃ yuttameva parivajjeti. Tassa vitthāro “paṭisaṅkhā yoniso caṇḍaṃ hatthiṃ parivajjeti”tiādīnā nayena veditabbo. **Vinodetīti** ñāṇena ñatvā vinodetabbameva vinodeti, nudati nīharati anto pavisitūṃ na deti. Tassa vitthāro “uppannaṃ kāmavitakkaṃ nādhivāseti”tiādīnā nayena veditabbo.

Ariyavaṃsacatukkavaṇṇanā

309. Ariyavaṃsāti ariyānaṃ vaṃsā. Yathā hi khattiyavaṃso, brāhmaṇavaṃso, vessavaṃso, suddavaṃso, samaṇavaṃso, kulavaṃso, rājavaṃso, evaṃ ayampi aṭṭhāmo ariyavaṃso ariyatanti ariyapaveṇī nāma hoti. So kho panāyaṃ ariyavaṃso imesaṃ vaṃsānaṃ mūlagandhādīnaṃ kāḷānusāritagandhādayo viya aggamaṃkhaṃyati. Ke pana te ariyā yesaṃ ete vaṃsāti? Ariyā vuccanti buddhā ca paccekabuddhā ca tathāgatasāvaka ca, etesaṃ ariyānaṃ vaṃsāti **ariyavaṃsā**. Ito pubbe hi satahassakappādhikānaṃ catunnaṃ asaṅkhyeyyānaṃ matthake taṇhaṅkaro medhaṅkaro saraṇaṅkaro dīpaṅkaroti cattāro buddhā uppannā, te ariyā, tesāṃ ariyānaṃ vaṃsāti ariyavaṃsā. Tesāṃ buddhānaṃ parinibbānato aparabhāge asaṅkhyeyyaṃ atikkamitvā koṇḍañño nāma buddho uppanno...pe... imasmim kappe kakusandho, koṇāgamano, kassapo, amhākaṃ bhagavā gotamoti cattāro buddhā uppannā. Tesāṃ ariyānaṃ vaṃsāti ariyavaṃsā. Apica atītānāgatapaccuppannānaṃ sabbabuddhapaccekabuddhabuddhasāvakaṅca ariyānaṃ vaṃsāti ariyavaṃsā. Te kho panete **aggaññā** aggāti jānitabbā. **Rattaññā** dīgharattaṃ pavattāti jānitabbā. **Vaṃsaññā** vaṃsāti jānitabbā.

Porāṇāti na adhunuppattikā. **Asaṃkiṇṇā** avikiṇṇā anapanītā. **Asaṃkiṇṇapubbā** atītabuddhehi na saṃkiṇṇapubbā. “Kiṃ imehī”ti na apanītapubbā? **Na saṅkiyantīti** idānīpi na apanīyanti. **Na saṅkiyissantīti** anāgatabuddhehi na apanīyissantīti, ye loke viññū samaṇabrāhmaṇā, tehi appaṭikuṭṭhā,

samaṇehi brāhmaṇehi viññūhi aninditā agarahitā.

Santuṭṭho hotīti paccayasantosavasena santuṭṭho hoti. **Itarītarena cīvarenāti** thūlasukhumalūkhapaṇīthirajinṇānaṃ yena kenaci. Atha kho yathāladdhādīnaṃ itarītarena yena kenaci santuṭṭho hotīti attho. Cīvarasmiṇhi tayo santosā – yathālābhasantoso, yathābalasantoso, yathāsārappasantosoti. Piṇḍapātādīsupi eseva nayo. Tesam vitthārakathā sāmāññaphale vuttanayeneva veditabbā. Ime tayo santose sandhāya “santuṭṭho hoti, itarītarena yathāladdhādīsū yena kenaci cīvarena santuṭṭho hotī”ti vuttaṃ.

Ettha ca cīvaram jānitabbaṃ, cīvarakkhettaṃ jānitabbaṃ, paṃsukūlaṃ jānitabbaṃ, cīvarasantoso jānitabbo, cīvarapaṭisaṃyuttāni dhutaṅgāni jānitabbāni. Tattha **cīvaram jānitabbanti** khomādīni cha cīvarāni dukūlādīni cha anulomacīvarāni jānitabbāni. Imāni dvādasa kappiyacīvarāni. Kusacīraṃ vākacīraṃ phalakacīraṃ kesakambalaṃ vālakambalaṃ potthako cammaṃ ulūkapakkaṃ rukkhadussaṃ latādussaṃ erakadussaṃ kadalidussaṃ veḷudussanti evamādīni pana akappiyacīvarāni.

Cīvarakkhettanti “saṅghato vā gaṇato vā ñātito vā mittato vā attano vā dhanena paṃsukūlaṃ vā”ti evaṃ uppajjanato cha khettāni, aṭṭhannañca mātīkānaṃ vasena **aṭṭha khettāni** jānitabbāni.

Paṃsukūlanti sosānikaṃ, pāpaṇikaṃ, rathiyam saṅkarakūṭakaṃ, sotthiyam, sinānaṃ, titthaṃ, gatapaccāgataṃ, aggidaḍḍhaṃ, gokhāyitaṃ upacikhāyitaṃ, undūrakhāyitaṃ, antacchinnaṃ, dasācchinnaṃ, dhajāhaṭaṃ, thūpaṃ, samaṇacīvaram, sāmuddiyam, ābhisekiyam, panthikam, vātāhaṭaṃ, iddhimayam, devadattiyanti tevīsati paṃsukūlāni veditabbāni.

Ettha ca **sotthiyanti** gabbhamalaharaṇam. **Gatapaccāgataṃ** matakasaṇīraṃ pārupitvā susānaṃ netvā ānītacīvaram. **Dhajāhaṭanti** dhajam ussāpetvā tato ānītaṃ. **Thūpanti** vammike pūjitacīvaram. **Sāmuddiyanti** samuddavīcīhi thalam pāpitaṃ. **Panthikanti** pantham gacchantehi corabhayena pāsāṇehi koṭṭetvā pārutacīvaram. **Iddhimayanti** ehibhikkhucīvaram. Sesam pākaṭameva.

Cīvarasantosoti vīsati cīvarasantosā, vitakkasantoso, gamanasantoso, pariyesanasantoso, paṭilābhasantoso, mattappaṭiggahaṇasantoso, loluppavivajjanasantoso, yathālābhasantoso, yathābalasantoso, yathāsārappasantoso, udakasantoso, dhovanasantoso, karaṇasantoso, parimāṇasantoso, suttasantoso, sibbanasantoso, rajanasantoso, kappasantoso, paribhogasantoso, sannidhiparivajjanasantoso, vissajjanasantosoti.

Tattha sādakabhikkhunā temāsam nibaddhavāsam vasitvā ekamāsamattam vitakketum vaṭṭati. So hi pavāretvā cīvaramāse cīvaram karoti. Paṃsukūliko aḍḍhamāseneva karoti. Iti māsaḍḍhamāsamattam vitakkaṇam vitakkasantoso. Vitakkasantosena pana santuṭṭhena bhikkhunā pācīnakkhaṇḍarājivāsikapāṃsukūlikattherasadisena bhavitabbaṃ.

Thero kira cetiyapabbatavihāre cetiyam vandissāmīti āgato cetiyam vanditvā cintesi “mayham cīvaram jinṇam bahūnaṃ vasanaṭṭhāne labhissāmī”ti. So mahāvihāram gantvā saṅghattheram disvā vasanaṭṭhānaṃ pucchitvā tattha vuttho punadivase cīvaram ādāya āgantvā theram vandi. Thero kiṃ āvusoti āha. Gāmadvāram, bhante, gamissāmīti. Ahampāvuso, gamissāmīti. Sādhu, bhanteti gacchanto mahābodhidvārakoṭṭhake ṭhatvā puññavantaṇam vasanaṭṭhāne manāpaṃ labhissāmīti cintetvā aparisuddho me vitakkoti tatova paṭinivatti. Punadivase ambaṅgaṇasamīpato, punadivase mahācetiyaṃ uttaradvārato, tatheva paṭinivattitvā catutthadivase therassa santikaṃ agamāsi. Thero imassa bhikkhuno vitakko na parisuddho bhavissatīti cīvaram gahetvā tena saddhimyeva paṇham pucchamāno gāmaṃ pāvīsi. Taṅca rattim eko manusso uccārapalibuddho sāṭakeyeva vaccaṃ katvā tam saṅkaraṭṭhāne chaḍḍesi. **Paṃsukūlikatthero** tam nīlamakkhikāhi samparikiṇṇam disvā añjaliṃ paggahesi. Mahāthero “kiṃ, āvuso, saṅkaraṭṭhānassa añjaliṃ paggaṇhāsi”ti? “Nāham, bhante, saṅkaraṭṭhānassa añjaliṃ paggaṇhāmi, mayham pitu dasabalassa paggaṇhāmi, puñṇadāsiyā sarīraṃ pārupitvā chaḍḍitaṃ paṃsukūlaṃ tumbamate pāṇake vidhunitvā susānato gaṇhantena dukkaram kataṃ, bhante”ti. Mahāthero “parisuddho vitakko paṃsukūlikassā”ti cintesi. Paṃsukūlikattheropi tasmimyeva ṭhāne ṭhito

vipassanaṃ vaḍḍhetvā tīṇi phalāni patto taṃ sātakaṃ gahetvā cīvaraṃ katvā pārūpitvā pācīnakkhaṇḍarājīṃ gantvā aggaphalaṃ arahattaṃ pāpuṇi.

Cīvaratthāya gacchantassa pana “kattha labhissāmī”ti acintetvā kammaṭṭhānasīseneva gamaṇaṃ **gamanasantoso** nāma.

Pariyesantassa pana yena vā tena vā saddhiṃ apariyesitvā lajjīṃ pesalaṃ bhikkhuṃ gahetvā pariyesanaṃ **pariyesanasantoso** nāma.

Evaṃ pariyesantassa āhariyamānaṃ cīvaraṃ dūrato disvā “etaṃ manāpaṃ bhavissati, etaṃ amanāpa”nti evaṃ avitakketvā thūlasukhumādīsu yathāladdheneva santussanaṃ **paṭilābhasantoso** nāma.

Evaṃ laddhaṃ gaṇhantassāpi “ettakaṃ dupaṭṭassa bhavissati, ettakaṃ ekapaṭṭassā”ti attano pahonakamatteneva santussanaṃ **mattappaṭiggahaṇasantoso** nāma.

Cīvaraṃ pariyesantassa pana “asukassa gharadvāre manāpaṃ labhissāmī”ti acintetvā dvārapaṭipāṭiyā caraṇaṃ **loluppavivajjanasantoso** nāma.

Lūkhapaṇītesu yena kenaci yāpetuṃ sakkontassa yathāladdheneva yāpanaṃ **yathālābhasantoso** nāma.

Attano thāmaṃ jānitvā yena yāpetuṃ sakkoti, tena yāpanaṃ **yathābalasantoso** nāma.

Manāpaṃ aññassa datvā attano yena kenaci yāpanaṃ **yathāsārūppasantoso** nāma.

“Kattha udakaṃ manāpaṃ, kattha amanāpa”nti avicāretvā yena kenaci dhovanupagena udakena dhovanaṃ **udakasantoso** nāma. Paṇḍumattikagerukapūtīpaṇṇarasakiliṭṭhāni pana udakāni vajjetuṃ vaṭṭati.

Dhavantassa pana muggarādīhi apaharivā hatthehi madditvā dhovanaṃ **dhovanasantoso** nāma. Tathā asujjhantaṃ paṇṇāni pakkhipitvā tāpitaudakenāpi dhovituṃ vaṭṭati.

Evaṃ dhovitvā karontassa idaṃ thūlaṃ, idaṃ sukhumanti akopetvā pahonakanīhārenea karaṇaṃ **karaṇasantoso** nāma.

Timaṇḍalappaṭicchādanamattasseva karaṇaṃ **parimāṇasantoso** nāma.

Cīvarakaraṇatthāya pana manāpasuttaṃ pariyesissāmīti avicāretvā rathikādīsu vā devaṭṭhāne vā āharitvā pādamūle vā ṭhapitaṃ yaṃkiñcīdeva suttaṃ gahetvā karaṇaṃ **suttasantoso** nāma.

Kusibandhanakāle pana aṅgulamatte sattavāre na vijjhitaṃ, evaṃ karontassa hi yo bhikkhu saḥāyo na hoti, tassa vattabhedopi natthi. Tivaṅgulamatte pana sattavāre vijjhitaṃ, evaṃ karontassa maggaṭṭipannaṇāpi saḥāyena bhavitaṃ. Yo na hoti, tassa vattabhedo. Ayaṃ **sibbanasantoso** nāma.

Rajantena pana kālakacchakādīni pariyesantena na rajitaṃ. Somavakkalādīsu yaṃ labhati, tena rajitaṃ. Alabhantena pana manussehi araṇṇe vākaṃ gahetvā chaḍḍitarajanaṃ vā bhikkhūhi pacitvā chaḍḍitakasaṭṭaṃ vā gahetvā rajitaṃ, ayaṃ **rajanasantoso** nāma.

Nīlakaddamakālasāmesu yaṃkiñci gahetvā hatthipiṭṭhe nisinnassa paññāyamānakaparaṇaṃ

kappasantoso nāma.

Hirikopīnapaṭicchādanamattavasena paribhuñjanaṃ **paribhogasantoso** nāma.

Dussaṃ pana labhivā suttaṃ vā sūciṃ vā kāraṃ vā alabhantena ṭhapetuṃ vaṭṭati, labhantena na vaṭṭati. Katampi sace antevāsikādīnaṃ dātukāmo hoti, te ca asannihitā yāva āgamanā ṭhapetuṃ vaṭṭati. Āgatamattesu dātabbaṃ. Dātuṃ asakkontena adhiṭṭhātabbaṃ. Aññasmim cīvare sati paccattharaṇampi adhiṭṭhātuṃ vaṭṭati. Anadhiṭṭhitameva hi sannidhi hoti. Adhiṭṭhitam na hotīti **mahāsivatthero** āha. Ayaṃ **sannidhiparivajjanasantoso** nāma.

Vissajjantena pana na mukhaṃ oloketvā dātabbaṃ. Sāraṇiyadhamme ṭhatvā vissajjitabbanti ayaṃ **vissajjanasantoso** nāma.

Cīvarapaṭisaṃyuttāni dhutaṅgāni nāma paṃsukūlikaṅgañceva tecīvarikaṅgañca. Tesam vitthārakathā **visuddhimaggato** veditabbā. Iti cīvarasantosamahāriyavaṃsaṃ pūrayamāno bhikkhu imāni dve dhutaṅgāni gopeti. Imāni gopento cīvarasantosamahāriyavaṃsena santuṭṭho hoti.

Vaṇṇavādīti eko santuṭṭho hoti, santosassa vaṇṇaṃ na katheti, eko na santuṭṭho hoti, santosassa vaṇṇaṃ katheti, eko neva santuṭṭho hoti, na santosassa vaṇṇaṃ katheti, eko santuṭṭho ceva hoti, santosassa ca vaṇṇaṃ katheti, taṃ dassetuṃ “ītarītaracīvarasantuṭṭhiyā ca vaṇṇavādī” ti vuttaṃ.

Anesananti dūteyyapahinagamanānuyogappabhedam nānappakāraṃ anesanaṃ. **Appatirūpanti** ayuttaṃ. **Aladdhā cāti** alabhivā. Yathā ekacco “kathaṃ nu kho cīvaraṃ labhissāmi” ti. Puññavantehi bhikkhūhi saddhiṃ ekato hutvā kohaññaṃ karonto uttasati paritasati, santuṭṭho bhikkhu evaṃ aladdhā cīvaraṃ na paritasati. **Laddhā cāti** dhammena samena labhivā. **Agadhitoti** vigatalobhagiddho. **Amucchitoti** adhimattataṇhāya mucchaṃ anāpanno. **Anajjhāpannoti** taṇhāya anotthato apariyonaddho. **Ādīnavadassāvīti** anesanāpattiyañca gedhitaparibhoge ca ādīnavaṃ passamāno. **Nissaraṇapaññoti** “yāvadeva sītassa paṭighātāyā” ti vuttaṃ nissaraṇameva pajānanto.

Itarītaracīvarasantuṭṭhiyāti yena kenaci cīvarena santuṭṭhiyā. **Nevattānukkaṃsetīti** “aham paṃsukūlikaṃ mayā upasampadamāleyeva paṃsukūlikaṃ gahitaṃ, ko mayā sadiso atthī” ti attukkaṃsaṃ na karoti. **Na paraṃ vambhetīti** “ime panaññe bhikkhū na paṃsukūlikā” ti vā “paṃsukūlikaṃ gamattampi etesaṃ natthī” ti vā evaṃ paraṃ na vambheti. **Yo hi tattha dakkhoti** yo tasmim cīvarasantose, vaṇṇavādādīsu vā dakkho cheko byatto. **Analasoti** sātaccakiriyāya ālasiyavirahito. **Sampajāno paṭissatoti** sampajānapaññāya ceva satiyā ca yutto. **Ariyavaṃse ṭhitoti** ariyavaṃse paṭiṭṭhito.

Itarītarena piṇḍapātenāti yena kenaci piṇḍapātena. Etthāpi piṇḍapāto jānitabbo. Piṇḍapātakkhattaṃ jānitabbaṃ, piṇḍapātasantoso jānitabbo, piṇḍapātaṭisaṃyuttaṃ dhutaṅgaṃ jānitabbaṃ. Tattha **piṇḍapātoti** “odano, kummāso, sattu, maccho, maṃsaṃ, khīraṃ, dadhi, sappi, navanītaṃ, telaṃ, madhu, phāṇitaṃ, yāgu, khādanīyaṃ, sāyanīyaṃ, lehanīya” nti soḷasa piṇḍapātā.

Piṇḍapātakkhattanti saṅghabhattaṃ, uddesabhattaṃ, nimantaṃ, salākabhattaṃ, pakkhikaṃ, uposathikaṃ, pāṭipadikaṃ, āgantukabhattaṃ, gamikabhattaṃ, gilānabhattaṃ, gilānupaṭṭhākabhattaṃ, dhurabhattaṃ, kuṭibhattaṃ, vārabhattaṃ, vihārabhattanti pannarasa piṇḍapātakkhattāni.

Piṇḍapātasantositoti piṇḍapāte vitakkasantoso, gamanasantoso, pariyesanasantoso paṭilābhasantoso, paṭiggahaṇasantoso, mattappaṭiggahaṇasantoso, loluppavivajjanasantoso, yathālābhasantoso, yathābalasantoso, yathāsāruppasantoso, upakārasantoso, parimāṇasantoso, paribhogasantoso, sannidhiparivajjanasantoso, vissajjanasantositoti pannarasa santosā.

Tattha sādako bhikkhu mukhaṃ dhovivā vitakketi. Piṇḍapātikena pana gaṇena saddhiṃ caratā sāyaṃ therūpaṭṭhānakāle “sve kattha piṇḍāya carissāmāti asukagāme, bhante”’ti, ettakaṃ cintetvā tato paṭṭhāya na vitakketabbaṃ. Ekacārikena vitakkamāḷake ṭhatvā vitakketabbaṃ. Tato paraṃ vitakkento ariyavaṃsā cuto hoti paribāhiro. Ayaṃ **vitakkasantoso** nāma.

Piṇḍāya pavisantena “kuhiṃ labhissāmī”’ti acintetvā kammaṭṭhānasīsena gantabbaṃ. Ayaṃ **gamanasantoso** nāma.

Pariyesantena yaṃ vā taṃ vā agahetvā lajjim pesalameva gahetvā pariyesitabbaṃ. Ayaṃ **pariyesanasantoso** nāma.

Dūratova āhariyamānaṃ disvā “etaṃ manāpaṃ, etaṃ amanāpa”’nti cittaṃ na uppādetabbaṃ. Ayaṃ **paṭilābhasantoso** nāma.

“Imaṃ manāpaṃ gaṇhissāmi, imaṃ amanāpaṃ na gaṇhissāmī”’ti acintetvā yaṃkiñci yāpanamattaṃ gahetabbameva, ayaṃ **paṭiggahaṇasantoso** nāma.

Ettha pana deyyadhammo bahu, dāyako appaṃ dātukāmo, appaṃ gahetabbaṃ. Deyyadhammo bahu, dāyakopi bahuṃ dātukāmo, pamāṇeneva gahetabbaṃ. Deyyadhammo na bahu, dāyakopi appaṃ dātukāmo, appaṃ gahetabbaṃ. Deyyadhammo na bahu, dāyako pana bahuṃ dātukāmo, pamāṇena gahetabbaṃ. Paṭiggahaṇasmiñhi mattaṃ ajānanto manussānaṃ pasādaṃ makkheti, saddhādeyyaṃ vinipāṭeti, sāsanaṃ na karoti, vijātamātuyāpi cittaṃ gahetuṃ na sakkoti. Iti mattaṃ jānitvā paṭiggahetabbanti ayaṃ **mattappaṭiggahaṇasantoso** nāma.

Saddhakulāniyeva agantvā dvārappaṭipāṭiyā gantabbaṃ. Ayaṃ **loluppavivajjanasantoso** nāma. **Yathālābhasantosa**dayo cīvare vuttanayā eva.

Piṇḍapātaṃ paribhuñjitvā samaṇadhammaṃ anupālessāmīti evaṃ upakāraṃ ñatvā paribhuñjanaṃ **upakārasantoso** nāma.

Pattaṃ pūretvā ānītaṃ na paṭiggahetabbaṃ, anupasampanne sati tena gāhāpetabbaṃ, asati harāpetvā paṭiggahaṇamattaṃ gahetabbaṃ. Ayaṃ **parimāṇasantoso** nāma.

“Jighacchāya paṭivinodanaṃ idamettha nissaraṇa”’nti evaṃ paribhuñjanaṃ **paribhogasantoso** nāma.

Nidahitvā na paribhuñjitabbanti ayaṃ **sannidhiparivajjanasantoso** nāma.

Mukhaṃ anoloketvā saraṇīyadhamme ṭhitena vissajjetabbaṃ. Ayaṃ **vissajjanasantoso** nāma.

Piṇḍapātaṭṭhānaṃ pana pañca dhutaṅgāni – piṇḍapātikaṅgaṃ, sapadānacārikaṅgaṃ, ekāsanikaṅgaṃ, pattapiṇḍikaṅgaṃ, khalupacchābhattikaṅganti. Tesāṃ vitthārakathā visuddhimagge vuttā. Iti piṇḍapātasantosamahāriyavaṃsaṃ pūrayamāno bhikkhu imāni pañca dhutaṅgāni gopeti. Imāni gopento piṇḍapātasantosamahāriyavaṃsena santuṭṭho hoti. “Vaṇṇavādī”’tiādīni vuttanayeneva veditabbāni.

Senāsanenāti idha senāsanāṃ jānitabbaṃ, senāsanakkhettaṃ jānitabbaṃ, senāsanasantoso jānitabbo, senāsanapaṭisaṃyuttaṃ dhutaṅgaṃ jānitabbaṃ. Tattha **senāsananti** mañco, pīṭhaṃ, bhisī, bimbohanaṃ, vihāro, aḍḍhayogo, pāsādo, hammiyaṃ, guhā, leṇaṃ, aṭṭo, māḷo, veḷugumbo, rukkhamūlaṃ, yattha vā pana bhikkhū paṭikkamantīti imāni pannarasa senāsanāni.

Senāsanakkhettanti ‘‘saṅghato vā gaṇato vā ñātito vā mittato vā attano vā dhanena paṃsukūlaṃ vā’’ti cha khettāni.

Senāsanasantosoti senāsane vitakkasantosādayo pannarasa santosā. Te piṇḍapāte vuttanayeneva veditabbā. **Senāsanapaṭisaṃyuttāni** pana pañca dhutaṅgāni – āraññikaṅgaṃ, rukkkhamūlikaṅgaṃ, abbhokāsikaṅgaṃ, sosānikaṅgaṃ, yathāsantatikaṅganti. Tesam vittharakathā visuddhimagge vuttā. Iti senāsanasantosamahāriyavaṃsaṃ pūrayamāno bhikkhu imāni pañca dhutaṅgāni gopeti. Imāni gopento senāsanasantosamahāriyavaṃsena santuṭṭho hoti.

Gilānapaccayo pana piṇḍapāteyeva pavitṭho. Tattha yathālābhayathābalayathāsārappasantoseneva santussitabbam. Nesajjikaṅgaṃ bhāvanārāmaariyavaṃsaṃ bhajati. Vuttampi cetam –

‘‘Pañca senāsane vuttā, pañca āhāranissitā;
Eko vīriyasamṃyutto, dve ca cīvaranissitā’’ti.

Iti āyasmā dhammasenāpati sārīputtatthero pathaviṃ pattharamāno viya sāgarakucchiṃ pūrayamāno viya ākāsaṃ vitthārayamāno viya ca paṭhamam cīvarasantosaṃ ariyavaṃsaṃ kathetvā candam utṭhāpento viya sūriyam ullaṅghento viya ca dutiyam piṇḍapātasantaṃsaṃ kathetvā sinerum ukkhipento viya tatiyam senāsanasantosaṃ ariyavaṃsaṃ kathetvā idāni saḥassanayappaṭimaṇḍitaṃ catuttham bhāvanārāmaṃ ariyavaṃsaṃ kathetum **puna caparam āvuso bhikkhu pahānārāmo hotīti** desanam ārabhi.

Tattha āramanam ārāmo, abhiratīti attho. Pañcavidhe pahāne ārāmo assāti **pahānārāmo**. Kāmacchandaṃ pajahanto ramati, nekkhammaṃ bhāvento ramati, byāpādam pajahanto ramati...pe... sabbakilese pajahanto ramati, arahattamaggaṃ bhāvento ramatīti evam pahāne ratoti **pahānarato**. Vuttanayeneva bhāvanāya ārāmo assāti **bhāvanārāmo**. Bhāvanāya ratoti **bhāvanārato**.

Imesu pana catūsu ariyavaṃsesu purimehi tīhi terasannaṃ dhutaṅgānaṃ catupaccayasantosassa ca vasena sakalaṃ vinayapaṭakaṃ kathitaṃ hoti. Bhāvanārāmena avasesam piṭakadvayaṃ. Imaṃ pana bhāvanārāmatam ariyavaṃsaṃ kathentena bhikkhunā paṭisambhidāmagge nekkhammapāliyā kathetabbo. Dīghanikāye dasuttarasuttantapariyāyena kathetabbo. Majjhimanikāye satipaṭṭhānasuttantapariyāyena kathetabbo. Abhidhamme niddesapariyāyena kathetabbo.

Tattha **paṭisambhidāmagge nekkhammapāliyāti** so nekkhammaṃ bhāvento ramati, kāmacchandaṃ pajahanto ramati. Abyāpādam byāpādam. Ālokasaññaṃ, thinamiddham. Avikkhepaṃ uddhaccaṃ. Dhammavavatthānaṃ, vicikicchaṃ. Ñānaṃ, avijjaṃ. Pāmojjaṃ, aratiṃ. Paṭhamam jhānaṃ, pañca nīvaraṇe. Dutiyam jhānaṃ, vitakkavicāre. Tatiyam jhānaṃ, pītiṃ. Catuttham jhānaṃ, sukhadukkhe. Ākāsañācāyatanaṃ samāpattiṃ bhāvento ramati, rūpasaññaṃ paṭighasaññaṃ nānattasaññaṃ pajahanto ramati. Viññānañācāyatanaṃ samāpattiṃ...pe... nevasaññānāsaññāyatanaṃ samāpattiṃ bhāvento ramati, ākiñcaññāyatanaṃ pajahanto ramati.

Aniccānupassanaṃ bhāvento ramati, niccasaññaṃ pajahanto ramati. Dukkhānupassanaṃ, sukhasaññaṃ. Anattānupassanaṃ, attasaññaṃ. Nibbidānupassanaṃ, nandiṃ. Virāgānupassanaṃ, rāgaṃ. Nirodhānupassanaṃ, samudayaṃ. Paṭinissaggānupassanaṃ, ādānaṃ. Khayānupassanaṃ, ghanasaññaṃ. Vayānupassanaṃ, āyūhanaṃ. Vipariṇāmanupassanaṃ, dhuvasaññaṃ. Animittānupassanaṃ, nimittaṃ. Apaṇihitānupassanaṃ, paṇidhiṃ. Suññatānupassanaṃ abhinivesam. Adhipaññādharmavipassanaṃ, sārādānābhinivesam. Yathābhūtañānadassanaṃ, sammohābhinivesam. Ādīnavānupassanaṃ, ālayābhinivesam. Paṭisañkhānupassanaṃ, appaṭisañkhaṃ. Vivaṭṭānupassanaṃ, saṃyogābhinivesam. Sotāpattimaggaṃ, diṭṭhekaṭṭhe kilese. Sakadāgāmaggaṃ, oḷārike kilese. Anāgāmaggaṃ, aṇusahagata kilese. Arahattamaggaṃ bhāvento ramati, sabbakilese pajahanto ramatīti evam **paṭisambhidāmagge** nekkhammapāliyā kathetabbo.

Dīghanikāye dasuttarasuttantapariyāyenāti ekaṃ dhammaṃ bhāvento ramati, ekaṃ dhammaṃ pajahanto ramati...pe... dasa dhamme bhāvento ramati, dasa dhamme pajahanto ramati. Katamaṃ ekaṃ dhammaṃ bhāvento ramati? Kāyagatāsatiṃ sātasahagataṃ. Imaṃ ekaṃ dhammaṃ bhāvento ramati. Katamaṃ ekaṃ dhammaṃ pajahanto ramati? Asmimānaṃ. Imaṃ ekaṃ dhammaṃ pajahanto ramati. Katame dve dhamme...pe... katame dasa dhamme bhāvento ramati? Dasa kasiṇāyatanāni. Ime dasa dhamme bhāvento ramati. Katame dasa dhamme pajahanto ramati? Dasa micchatte. Ime dasa dhamme pajahanto ramati. Evaṃ kho, bhikkhave, bhikkhu bhāvanārāmo hotīti evaṃ dīghanikāye dasuttarasuttantapariyāyena kathetabbo.

Majjhimanikāye satipaṭṭhānasuttantapariyāyenāti ekāyano, bhikkhave, maggo sattānaṃ visuddhiyā, sokaparidevānaṃ samatikkamāya, dukkhadomanassānaṃ atthaṅgamāya, ñāyassa adhigamāya, nibbānassa sacchikiriyāya yadidaṃ cattāro satipaṭṭhānā. Katame cattāro? Idha, bhikkhave, bhikkhu kāye kāyānupassī viharati... vedanāsu vedanānupassī... citte cittānupassī... dhammesu dhammānupassī... ‘atthi dhammā’ti vā panassa sati paccupaṭṭhitā hoti yāvadeva ñāṇamattāya paṭissatimattāya anissito ca viharati na ca kiñci loke upādiyati. Evampi, bhikkhave, bhikkhu bhāvanārāmo hoti bhāvanārato, pahānārāmo hoti pahānarato. Puna caparaṃ, bhikkhave, bhikkhu gacchanto vā gacchāmīti pajānāti...pe... puna caparaṃ, bhikkhave, bhikkhu seyyathāpi passeyya sarīraṃ sivathikāya chaḍḍitaṃ...pe... pūṭīni cuṇṇakajātāni. So imameva kāyaṃ upasaṃharati, ayampi kho kāyo evaṃdhammo evaṃbhāvī evaṃanattīti. Iti ajjhantaṃ vā kāye kāyānupassī viharati...pe... evampi kho, bhikkhave, bhikkhu bhāvanārāmo hotīti evaṃ majjhimanikāye satipaṭṭhānasuttantapariyāyena kathetabbo.

Abhidhamme niddesapariyāyenāti sabbepi saṅkhate aniccato dukkhato rogato gaṇḍato...pe... saṃkilesikadhammato passanto ramati. Ayaṃ, bhikkhave, bhikkhu bhāvanārāmo hotīti evaṃ niddesapariyāyena kathetabbo.

Neva attānukkaṃsetīti ajja me saṭṭhi vā sattati vā vassāni aniccaṃ dukkhaṃ anattāti vipassanāya kammaṃ karontassa, ko mayā sadiso atthīti evaṃ attukkaṃsanaṃ na karoti. **Na paraṃ vambhetīti** aniccaṃ dukkhanti vipassanāmettakampi natthi, kiṃ ime vissatṭhakammaṭṭhānā carantīti evaṃ paraṃ vambhanaṃ na karoti. Sesam vuttanayameva.

310. Padhānānti uttamavīriyāni. **Samvarapadhānanti** cakkhādīni samvarantassa uppannavīriyaṃ. **Pahānapadhānanti** kāmavitakkādayo pajahantassa uppannavīriyaṃ. **Bhāvanāpadhānanti** bojjhaṅge bhāventassa uppannavīriyaṃ. **Anurakkhaṇāpadhānanti** samādhinimittaṃ anurakkhantassa uppannavīriyaṃ.

Vivekanissitantiādīsu viveko virāgo nirodhoti tīṇipi nibbānassa nāmāni. Nibbānañhi upadhivivekattā **viveko**. Taṃ āgamma rāgādayo virajantīti **virāgo**. Nirujjhantīti **nirodho**. Tasmā ‘vivekanissita’ntiādīsu ārammaṇavasena adhigantabbavasena vā nibbānanissitanti attho. **Vossaggapariṇāminti** ettha dve vossaggā pariccāgavossaggo ca pakkhandanavossaggo ca. Tattha vipassanā tadaṅgavasena kilese ca khandhe ca pariccajatīti pariccāgavossaggo. Maggo ārammaṇavasena nibbānaṃ pakkhandatīti pakkhandanavossaggo. Tasmā vossaggapariṇāminti yathā bhāvīyamāno satisambojjhaṅgo vossaggaṭṭhāya pariṇamati, vipassanābhāvañca maggabhāvañca pāpuṇāti, evaṃ bhāvetīti ayamettha attho. Sesapadesupi eseva nayo.

Bhadrakanti bhaddakaṃ. **Samādhinimittaṃ** vuccati aṭṭhikasaññādivasena adhigato samādhiyeva. **Anurakkhatīti** samādhiparibandhakadhamme rāgadosamohe sodhento rakkhati. Ettha ca aṭṭhikasaññādikā pañceva saññā vuttā. Imasmim paṇa ṭhāne dasapi asubhāni vitthāretvā kathetabbāni. Tesam vitthāro visuddhimagge vuttoyeva.

Dhamme ñāṇanti ekapaṭivedhavasena catusaccadhamme ñāṇaṃ catusaccabbhantare nirodhasacce

dhamme ñāṇaṇca. Yathāha – “tattha katamaṃ dhamme ñāṇaṃ? Catūsu maggesu catūsu phalesu ñāṇa’nti (vibha. 796). **Anvaye ñāṇanti** cattāri saccāni paccakkhato disvā yathā idāni, evaṃ atītepi anāgatepi imeva pañcakkhandhā dukkhasaccaṃ, ayameva taṇhā samudayasaccaṃ, ayameva nirodho nirodhasaccaṃ, ayameva maggo maggasaccanti evaṃ tassa ñāṇassa anugatiyaṃ ñāṇaṃ. Tenāha – “so iminā dhammena ñātena diṭṭhena pattena viditena pariyoḡāḷhena atītānāgatena nayaṃ netī’nti. **Pariye ñāṇanti** paresaṃ cittaparicchede ñāṇaṃ. Yathāha – “tattha katamaṃ pariye ñāṇaṃ? Idha bhikkhu parasattānaṃ parapuggalānaṃ cetasā ceto paricca jānātī’nti (vibha. 796) vitthāretabbaṃ. Ṭhapetvā pana imāni tīṇi ñāṇāni avasesaṃ **sammutiñāṇaṃ** nāma. Yathāha – “tattha katamaṃ sammutiñāṇaṃ? Ṭhapetvā dhamme ñāṇaṃ ṭhapetvā anvaye ñāṇaṃ ṭhapetvā paricchede ñāṇaṃ avasesaṃ sammutiñāṇa’nti (vibha. 796).

Dukkhe ñāṇādīhi arahattaṃ pāpetvā ekassa bhikkhuno niggamaṇaṃ catusaccakammaṭṭhānaṃ kathitaṃ. Tattha dve saccāni vaṭṭaṃ, dve vivaṭṭaṃ, vaṭṭe abhiniveso hoti, no vivaṭṭe. Dvīsu saccesu ācariyasantike pariyaṭṭiṃ uggahetvā kammaṃ karoti, dvīsu saccesu “nirodhasaccaṃ nāma iṭṭhaṃ kantaṃ manāpaṃ, maggasaccaṃ nāma iṭṭhaṃ kantaṃ manāpa’nti savanavasena kammaṃ karoti. Dvīsu saccesu uggahaparipucchāsavanadhāraṇasammasanapaṭivedho vaṭṭati, dvīsu savanapaṭivedho vaṭṭati. Tīṇi kiccavasena paṭivijjhati, ekaṃ ārammaṇavasena. Dve saccāni duddasattā gambhīrāni, dve gambhīrattā duddasāni.

Sotāpattiyāṅgādicatukkavaṇṇanā

311. Sotāpattiyāṅgānīti sotāpattiyā āṅgāni, sotāpattimaggassa paṭilābhakāraṇānīti attho. **Sappurisasamsevoti** buddhādīnaṃ sappurisaṇaṃ upasaṅkamtivā sevanaṃ. **Saddhammassavananti** sappāyassa teṭṭakadhammassa savanaṃ. **Yonisomanasikāroti** aniccādivasena manasikāro. **Dhammānudhammapaṭipattīti** lokuttaradhammassa anudhammabhūtāya pubbabhāgaṭipattiyā paṭipajjanaṃ.

Aveccappasādenāti acalappasādena. “Itipi so bhagavā’ntiādīni visuddhimagge vitthāritāni. Phaladhātuāhāracatukkāni uttānatthāneva. Apicettha lūkhapaṇītavatthuvaseṇa oḷārikasukhumatā veditabbā.

Viññāṇaṭṭhitiyoti viññāṇaṃ etāsu tiṭṭhatīti viññāṇaṭṭhitiyō. Ārammaṇaṭṭhitivasenetaṃ vuttaṃ. **Rūpūpāyanti** rūpaṃ upagataṃ hutvā. Pañcavokārabhavasmiñhi abhisankhāravīññāṇaṃ rūpakkhandaṃ nissāya tiṭṭhati. Taṃ sandhāyetaṃ vuttaṃ. **Rūpārammaṇanti** rūpakkhandhagocaraṃ rūpapaṭiṭṭhitam hutvā. **Nandūpasecananti** lobhasahagataṃ sampayuttanandiyāva upasittam hutvā. Itaraṃ upanissayaḡoti. **Vuddhiṃ virūḷhiṃ vepullaṃ āpajjati** saṭṭhipi sattaṭipi vassāni evaṃ pavattamānaṃ vuddhiṃ virūḷhiṃ vepullaṃ āpajjati. **Vedanūpāyādīsipi** eseva nayo. Imehi pana tīhi padehi catuvokārabhave abhisankhāravīññāṇaṃ vuttaṃ. Tassa yāvātāyukaṃ pavattanavasena vuddhiṃ virūḷhiṃ vepullaṃ āpajjanā veditabbā. Catukkavasena pana desanāya āgatattā viññāṇūpāyanti na vuttaṃ. Evaṃ vuccamāne ca “katamaṃ nu kho ettha kammaviññāṇaṃ, katamaṃ vipākaviññāṇa’nti sammoho bhaveyya, tasmāpi na vuttaṃ. **Agatigamanāni** vitthāritāneva.

Cīvarahetūti tattha manāpaṃ cīvaraṃ labhissāmīti cīvarakāraṇā uppajjati. **Iti bhavābhavaḡetūti** ettha itīti nidassanatthe nipāto. Yathā cīvarādīhetu, evaṃ bhavābhavaḡetūpīti attho. **Bhavābhavoti** cettha paṇītapaṇītarāni telamadhuphāṇitādīni adhippetāni. Imesaṃ pana catunnaṃ taṇhuppādānaṃ pahānatthāya paṭipāṭiyāva cattāro ariyavaṃsā desitāti veditabbā. **Paṭipadācatukkaṃ** heṭṭhā vuttameva. Akkhamādīsū padhānakaraṇakāle sītādīni na khamatīti **akkhamā**. Khamatīti **khamā**. Indriyadamaṇaṃ **damā**. “Uppannaṃ kāmavitakkaṃ nādhivāsetī’ntiādīnā nayena vitakkasamaṇaṃ **samā**.

Dhammapadānīti dhammakotṭhāsāni. Anabhijjhā dhammapadaṃ nāma alobho vā alobhasīsena adhigatajjhānavipassanāmaggaḡhalanibbānāni vā. Abyāpādo dhammapadaṃ nāma akopo vā mettāsīsena

adhigatajjhānādīni vā. Sammāsati dhammapadaṃ nāma suppaṭṭhitasati vā satisīsena
adhigatajjhānādīni vā. Sammāsamādhi dhammapadaṃ nāma samāpatti vā aṭṭhasamāpattivāsena
adhigatajjhānavipassanāmaggaḥalanibbānāni vā. Dasāsabhavasena vā adhigatajjhānādīni anabhihā
dhammapadaṃ. Catubrahmavihārasena adhigatāni abyāpādo dhammapadaṃ.
Dasānussatiāhārepaṭikūlasaṅghavasena adhigatāni sammāsati dhammapadaṃ. Dasakasiṇānāpānavasena
adhigatāni sammāsamādhi dhammapadanti.

Dhammasamādānesu paṭhamam aḥelakapaṭipadā. Dutiyam tibbakesassa arahattam gahetum
asakkontassa assumukhassāpi rudato parisuddhabrahmacariyacaraṇam. Tatiyam kāmesu pātabyatā.
Catuttham cattāro paccaye alabhamānassāpi jhānavipassanāvasena sukhasamaṅgino
sāsanabrahmacariyam.

Dhammakkhandhāti ettha guṇaṭṭho khandhaṭṭho. **Sīlakkhandhoti** sīlaguṇo. Ettha ca phalasīlam
adhippetam. Sesapadesupi ese va nayo. Iti catūsupi thānesu phalameva vuttam.

Balānīti upatthambhanaṭṭhena akampiyaṭṭhena ca balāni. Tesam paṭipakkhehi kosajjādīhi
akampaniyatā veditabbā. Sabbānīpi samathavipassanāmaggasena lokiyalokuttarāneva kathitāni.

Adhiṭṭhānānīti ettha **adhīti** upasaggamattam. Atthato pana tena vā tiṭṭhanti, tattha vā tiṭṭhanti,
thānameva vā tamtamguṇādhikānam purisānam adhiṭṭhānam, paññāva adhiṭṭhānam **paññādhiṭṭhānam**.
Ettha ca paṭhamena aggaḥalapaññā. Dutiyena vacīsaccam. Tatiyena āmisapariccāgo. Catutthena
kilesūpasamo kathitoti veditabbo. Paṭhamena ca kammassakatapaññam vipassanāpaññam vā ādim katvā
phalapaññā kathitā. Dutiyena vacīsaccam ādim katvā paramatthasaccam nibbānam. Tatiyena
āmisapariccāgam ādim katvā aggamaggena kilesapariccāgo. Catutthena samāpattivikkhambhite kilese
ādim katvā aggamaggena kilesavūpasamo. Paññādhiṭṭhānena vā ekena arahattaphalapaññā kathitā.
Sesehi paramatthasaccam. Saccādhiṭṭhānena vā ekena paramatthasaccam kathitam. Sesehi
arahattapaññāti **mūsikābhayatthero** āha.

Pañhabyākaraṇādicatukkavaṇṇanā

312. Pañhabyākaraṇāni mahāpadesakathāya vitthāritāneva.

Kaṇhanti kālakam dasaakusalakammam pathakammaṃ. **Kaṇhavipākanti** apāye nibbattanato
kālakavipākam. **Sukkanti** paṇḍaram kusalakammam pathakammaṃ. **Sukkavipākanti** sagge nibbattanato
paṇḍaravipākam. **Kaṇhasukkanti** missakakammaṃ. **Kaṇhasukkavipākanti** sukhadukkhavipākam.
Missakakammañhi katvā akusalena tiracchānayanoyam maṅgalahatthiṭṭhānādīsu uppanno kusala
pavatte sukham vedayati. Kusala rājakulepi nibbato akusalena pavatte dukkham vedayati.
Akaṇhasukkanti kammakkhayakaram catumaggañāṇam adhippetam. Tañhi yadi kaṇham bhavēyya,
kaṇhavipākam dadeyya. Yadi sukham bhavēyya, sukkavipākam dadeyya. Ubhayavipākassa pana
adānato akaṇhasukkavipākattā akaṇham asukkanti ayamettha attho.

Sacchikaraṇīyāti paccakkhakarāṇena ceva paṭilābhena ca sacchikātabbā. **Cakkhunāti**
dibbacakkhunā. **Kāyenāti** sahaṅgatanāmakāyena. **Paññāyāti** arahattaphalañāṇena.

Oghāti vaṭṭasmim satte ohananti osīdāpentīti oghā. Tattha pañcakāmaguṇiko rāgo **kāmogho**.
Rūpārūpabhavesu chandarāgo **bhavogho**. Tathā jhānanikanti sassatadiṭṭhisahagato ca rāgo. Dvāsaṭṭhi
diṭṭhiyo **diṭṭhogho**.

Vaṭṭasmim yojentīti **yogā**. Te oghā viya veditabbā.

Viyaṃyojentīti **visaṅgogā**. Tattha asubhajjhānam kāmayogavisamyogo. Tam pādakam katvā

adhigato anāgāmiṃ maggo ekanteneva **kāmayogavisañño** nāma. Arahattamaggo **bhavayogavisañño** nāma. Sotāpattimaggo **diṭṭhiyogavisañño** nāma. Arahattamaggo **avijjāyogavisañño** nāma.

Ganhanavasena **ganthā**. Vaṭṭasmiṃ nāmakāyañceva rūpakāyañca ganthati bandhati palibundhatīti **kāyagantho**. **Idaṃsaccābhinivesoti** idameva saccaṃ, moghamaññanti evaṃ pavatto diṭṭhābhiniveso.

Upādānānīti ādānaggahaṇāni. Kāmoti rāgo, soyeva gahaṇaṭṭhena upādānanti **kāmupādānaṃ**. Diṭṭhīti micchādiṭṭhī, sāpi gahaṇaṭṭhena upādānanti **diṭṭhupādānaṃ**. Iminā suddhīti evaṃ sīlavatānaṃ gahaṇaṃ **sīlabbatupādānaṃ**. Attāti etena vadati ceva upādiyati cāti **attavādupādānaṃ**.

Yoniyoti koṭṭhāsā. Aṇḍe jātāti **aṇḍajā**. Jalābumhi jātāti **jalābujā**. Saṃsede jātāti **saṃsedajā**. Sayanasmiṃ pūtimacchādīsū ca nibbattānametaṃ adhivacanaṃ. Vegena āgantvā upapatitā viyāti **opapātikā**. Tattha devamanussesu saṃsedajaopapātikānaṃ ayaṃ viseso. Saṃsedajā mandā daharā hutvā nibbattanti. Opapātikā soḷasavassuddesikā hutvā. Manussesu hi bhummadevesu ca imā catassopi yoniyo labbhanti. Tathā tiracchānesu supaṇṇanāgādīsū. Vuttañhetā – “tattha, bhikkhave, aṇḍajā supaṇṇā aṇḍajeva nāge haranti, na jalābujā na saṃsedajā na opapātikā” ti (saṃ. ni. 3.393). Cātumahārājikato paṭṭhāya uparidevā opapātikāyeva. Tathā nerayikā. Petesu catassopi labbhanti. **Gabbhāvakkantiyo** sampasādanīye kathitā eva.

Attabhāvapaṭilābhesu paṭhamo khiḍḍāpadosikavasena veditabbo. Duttiyo orabbhikādīhi ghātiyamānaurabbhādivasena. Tatiyo manopadosikāvasena. Catuttho cātumahārājike upādāya uparisesadevatāvasena. Te hi devā neva attasañcetanāya maranti, na parasañcetanāya.

Dakkhiṇāvisuddhādicatukkavaṇṇanā

313. Dakkhiṇāvisuddhiyoti dānasankhātā dakkhiṇā visujjhanti mahapphalā honti etāhīti **dakkhiṇāvisuddhiyo**.

Dāyakato visujjhati, no paṭiggāhakatoti yattha dāyako sīlavā hoti, dhammenuppannaṃ deyyadhammaṃ deti, paṭiggāhako dussīlo. Ayaṃ dakkhiṇā vessantaramahārājassa dakkhiṇāsadisā. **Paṭiggāhakato visujjhati, no dāyakatoti** yattha paṭiggāhako sīlavā hoti, dāyako dussīlo, adhammenuppannaṃ deti, ayaṃ dakkhiṇā coraghātakassa dakkhiṇāsadisā. **Neva dāyakato visujjhati, no paṭiggāhakatoti** yattha ubhopi dussīlā deyyadhammopi adhammena nibbato. Vipariyāyena catutthā veditabbā.

Saṅghavatthūnīti saṅghakāraṇāni. Tāni heṭṭhā vibhattāneva.

Anariyavohārāti anariyānaṃ lāmakānaṃ vohārā.

Ariyavohārāti ariyānaṃ sappurisānaṃ vohārā.

Diṭṭhavādītāti diṭṭhaṃ mayāti evaṃ vādītā. Ettha ca taṃtaṃsamuṭṭhāpakacetanāvasena attho veditabbo.

Attantapādicatukkavaṇṇanā

314. Attantapādīsū paṭhamo acelako. Duttiyo orabbhikādīsū aññataro. Tatiyo yaññāyājako. Catuttho sāsane sammāpaṭipanno.

Attahitāya paṭipannādīsu paṭhamo yo sayam sīlādisampanno, param sīlādīsu na samādapeti āyasmā vakkalitthero viya. Dutīyo yo attanā na sīlādisampanno, param sīlādīsu samādapeti āyasmā upanando viya. Tatiyo yo nevattanā sīlādisampanno, param sīlādīsu na samādapeti devadatto viya. Catuttho yo attanā ca sīlādisampanno parañca sīlādīsu samādapeti āyasmā mahākassapo viya.

Tamādīsu **tamoti** andhakārabhūto. **Tamaparāyaṇoti** tamameva param ayanam gati assāti tamaparāyaṇo. Evaṃ sabbapadesu attho vedītabbo. Ettha ca paṭhamo nīce caṇḍālādīkule dujjīvite hīnattabhāve nibbattivā tīṇi duccharitāni paripūreti. Dutīyo tathāvidho hutvā tīṇi succharitāni paripūreti. Tatiyo ulāre khattiyakule bahuannapāne sampannattabhāve nibbattivā tīṇi duccharitāni paripūreti. Catuttho tādīsova hutvā tīṇi succharitāni paripūreti.

Samaṇamacaloti samaṇaacalo. Ma-kāro padasandhimattam. So sotāpanno vedītabbo. Sotāpanno hi catūhi vātehi indakhīlo viya parappavādehi akampiyo. Acalasaddhāya samannāgatoti **samaṇamacalo**. Vuttampi cetam – “katamo ca puggalo samaṇamacalo? Idhekacco puggalo tiṇṇam saṃyojanānam parikkhayā”ti (pu. pa. 190) vitthāro. Rāgadosānam pana tanubhūtattā sakadāgāmī **samaṇapadumo** nāma. Tenāha – “katamo pana puggalo samaṇapadumo? Idhekacco puggalo sakideva imam lokam āgantvā dukkhasantam karoti, ayam vuccati puggalo samaṇapadumo”ti (pu. pa. 190). Rāgadosānam abhāvā khippameva pupphissatīti anāgāmī **samaṇapuṇḍarīko** nāma. Tenāha – “katamo ca puggalo samaṇapuṇḍarīko? Idhekacco puggalo pañcannaṃ orambhāgiyānam...pe... ayam vuccati puggalo samaṇapuṇḍarīko”ti (pu. pa. 190). Arahā pana sabbesampi ganthakāraḷesānam abhāvā samaṇesu **samaṇasukhumālo** nāma. Tenāha – “katamo ca puggalo samaṇesu samaṇasukhumālo? Idhekacco āsavānam khayā...pe... upasampajja viharatī. Ayam vuccati puggalo samaṇesu samaṇasukhumālo”ti.

“Ime kho, āvuso”tiādi vuttanayeneva yojetabbam. Iti samapaññāsāya catukkānam vasena dvepañhasatāni kathento thero sāmaggirasam dassesīti.

Catukkavaṇṇanā niṭṭhitā.

Pañcakavaṇṇanā

315. Iti catukkavasena sāmaggirasam dassetvā idāni pañcakavasena dassetuṃ puna desanam ārabhi. Tattha pañcasu khandhesu **rūpakkhandho** lokiyo. Sesā **lokiyalokuttarā**. **Upādānakkhandhā** lokiyāva. Vitthārato pana khandhakathā visuddhimagge vuttā. **Kāmaguṇā** heṭṭhā vitthāritāva.

Sukatadukkaṭādhī gantabbāti **gatiyo**. **Nirayoti** nirassādo. Sahokāsena khandhā kathitā. Tato paresu tīsu nibbattā khandhāva vuttā. Catutthe okāsopi.

Āvāse macchariyam **āvāsamacchariyam**. Tena samannāgato bhikkhu āgantukam disvā “ettha cetiyassa vā saṅghassa vā parikkhāro ṭhapito”tiādīni vatvā saṅghikampi āvāsam nivāreti. So kālaṅkatvā peto vā ajagaro vā hutvā nibbattati. Kule macchariyam **kulamacchariyam**. Tena samannāgato bhikkhu tehi kāraṇehi attano upaṭṭhākakule aññesam pavesanampi nivāreti. Lābhe macchariyam **lābhamacchariyam**. Tena samannāgato bhikkhu saṅghikampi lābham maccharāyanto yathā aññe na labhanti, evam karoti. Vaṇṇe macchariyam **vaṇṇamacchariyam**. **Vaṇṇoti** cettha sarīravaṇṇopi guṇavaṇṇopi vedītabbo. Pariyattidhamme macchariyam **dhammacchariyam**. Tena samannāgato bhikkhu “imam dhammam pariyāpuṇitvā eso mam abhibhavissatī”ti aññassa na deti. Yo pana dhammānuggahena vā puggalānuggahena vā na deti, na tam macchariyam.

Cittam nivārenti pariyonandhantīti **nīvaraṇāni**. Kāmacchando nīvaraṇapatto arahattamaggavajjho. Kāmarāgānusayo kāmarāgasamyojanapatto anāgāmimaggavajjho. Thinaṃ cittagelaññam. Middham khandhattayagelaññam. Ubhayampi arahattamaggavajjham. Tathā uddhaccam. Kukkuccam anāgāmimaggavajjham. Vicīcchā paṭhamamaggavajjhā.

Samyojanānīti bandhanāni. Tehi pana baddhesu puggalesu rūpārūpabhavē nibbattā sotāpannasakadāgāmino antobaddhā bahisayitā nāma. Tesañhi kāmabhavē bandhanaṃ. Kāmabhavē anāgāmino bahibaddhā antosayitā nāma. Tesañhi rūpārūpabhavē bandhanaṃ. Kāmabhavē sotāpannasakadāgāmino antobaddhā antosayitā nāma. Rūpārūpabhavē anāgāmino bahibaddhā bahisayitā nāma. Khīṇāsavo sabbattha abandhano.

Sikkhitabbaṃ padaṃ **sikkhāpadaṃ**, sikkhākoṭṭhāsoti attho. Sikkhāya vā padaṃ sikkhāpadaṃ, adhicittaadhipaññāsikkhāya adhigamupāyoti attho. Ayamettha saṅkhepo. Vitthārato pana sikkhāpadakathā vibhaṅgappakaraṇe sikkhāpadavibhaṅge āgatā eva.

Abhabbaṭṭhānādipaṅcakaṇṇanā

316. “Abhabbo, āvuso, khīṇāsavo bhikkhu sañcicca pāṇa”ntiādi desanāsīsameva, sotāpannādayopi pana abhabbā. Puthujjanakhīṇāsavānaṃ nindāpasamsatthampi evaṃ vuttaṃ. Puthujjano nāma gārayho, mātughātādīnīpi karotī. Khīṇāsavo pana pāsamsa, kunthakipillikaghātādīnīpi na karotīti.

Byasanesu viyassatīti byasanaṃ, hitasukhaṃ khipati viddhaṃsetīti attho. Ñātīnaṃ byasanaṃ **ñātībyasanaṃ**, corarogabhayādīhi ñātīvināsoti attho. Bhogānaṃ byasanaṃ **bhogabyasanaṃ**, rājacorādivasena bhogavināsoti attho. Rogo eva byasanaṃ **rogabyasanaṃ**. Rogo hi ārogyaṃ byasati vināsetīti byasanaṃ, sīlassa byasanaṃ **sīlabyasanaṃ**. Dussīlyassetāṃ nāmaṃ. Sammādiṭṭhiṃ vināsayamānā uppannā diṭṭhi eva byasanaṃ **diṭṭhibyasanaṃ**. Ettha ca ñātībyasanādīni tīṇi neva akusalāni na tilakkhaṇāhatāni. Sīladiṭṭhibyasanaadvayaṃ akusalaṃ tilakkhaṇāhatāṃ. Teneva “nāvuso, sattā ñātībyasanaṃhetu vā”tiādimāha.

Ñātīsampadāti ñātīnaṃ sampadā pāripūrī bahubhāvo. **Bhogasampadāyapi** eseva nayo. Ārogyassa sampadā **ārogyasampadā**. Pāripūrī dīgharattaṃ arogatā. **Sīladiṭṭhisampadāsūpi** eseva nayo. Idhāpi ñātīsampadādayo no kusalā, na tilakkhaṇāhatā. Sīladiṭṭhisampadā kusalā, tilakkhaṇāhatā. Teneva “nāvuso, sattā ñātīsampadāhetu vā”tiādimāha.

Sīlavipattisīlasampattikathā mahāparinibbāne vitthāritāva.

Codakenāti vatthusaṃsandassanā, āpattisaṃsandassanā, saṃvāsappaṭikkhepo, sāmīcippaṭikkhepoti catūhi codanāvattūhi codayamānena. **Kālena vakkhāmi no akālenā**ti ettha cudītakassa kālo kathito, na codakassa. Paraṃ codentena hi parisamajjhe vā uposathapavāraṇagge vā āsanāsālābhōjanāsālādīsū vā na codetabbaṃ. Divāṭṭhāne nisinnakāle “karotāyasmā okāsaṃ, ahaṃ āyasmantaṃ vattukāmo”ti evaṃ okāsaṃ kāretvā codetabbaṃ. Puggalaṃ pana upaparikkhitvā yo lolapuggalo abhūtaṃ vatvā bhikkhūnaṃ ayasaṃ āropeti, so okāsakammaṃ vināpi codetabbo. **Bhūtenā**ti tacchena sabhāvena. **Sañhenā**ti maṭṭhena mudukena. **Atthasañhitenā**ti atthakāmatāya hitakāmatāya upetena.

Padhāniyaṅgapaṅcakaṇṇanā

317. Padhāniyaṅgānīti padhānaṃ vuccati padhanaṃ, padhānamassa atthīti padhāniyo, padhāniyassa bhikkhuno aṅgāni **padhāniyaṅgāni**. **Saddhoti** saddhāya samannāgato. Saddhā panesā āgamanasaddhā, adhigamanasaddhā, okappanasaddhā, pasādasaddhāti catubbidhā. Tattha sabbaññubodhisattānaṃ saddhā abhinīhārato āgatattā **āgamanasaddhā** nāma. Ariyasāvakaṇaṃ paṭivedhena adhigatattā **adhigamanasaddhā** nāma. Buddha dhammo saṅghoti vutte acalabhāvena okappanaṃ **okappanasaddhā** nāma. Pasāduppatti **pasādasaddhā** nāma. Idha okappanasaddhā adhippetā. **Bodhinti** catutthamaggañānaṃ. Taṃ suppaṭividdhaṃ tathāgatenāti saddahati. Desanāsīsameva cetāṃ, iminā pana aṅgena tīsūpi ratanesu saddhā adhippetā. Yassa hi buddhādīsū pasādo balavā, tassa padhānavīriyaṃ ijjhati. **Appābādhoti** arogo. **Appātānkoti** niddukkho. **Samavepākinīyā**ti samavipācanīyā. **Gahaṇīyā**ti kammajatejodhātuyā. **Nātīsīyā nāccuṇhāyā**ti

atisītagahaṇiko sītabhīrū hoti, accuṇhagahaṇiko uṇhabhīrū hoti, tesam padhānaṃ na ijjhati. Majjhimagahaṇikassa ijjhati. Tenāha – “majjhimāya padhānakkhamāyā”ti. **Yathābhūtaṃ attānaṃ āvikattāti** yathābhūtaṃ attano aguṇaṃ pakāsetā. **Udayatthagāminiyāti** udayaṇca atthaṅgamaṇca gantuṃ paricchindituṃ samatthāya, etena paññāsalakkhaṇapariggāhakaṃ udayabbayaññaṃ vuttaṃ. **Ariyāyāti** parisuddhāya. **Nibbedhikāyāti** anibbidhapubbe lobhakkhandhādayo nibbijjhituṃ samatthāya. **Sammā dukkhakkhayagāminiyāti** tadaṅgavasena kilesānaṃ pahīnattā yaṃ yaṃ dukkhaṃ khīyati, tassa tassa dukkhassa khayagāminiyā. Iti sabbehi imehi padehi vipassanāpaññaṃ kathitā. Duppaññaṃ hi padhānaṃ na ijjhati.

Suddhāvāsādīpaṇcakaṇṇanā

318. Suddhāvāsāti suddhā idha āvasiṃsu āvasanti āvasissanti vāti suddhāvāsā. Suddhāti kilesamalarahitā anāgāmikhīṇāsavā. **Avihāti**ādīsu yaṃ vattabbaṃ, taṃ mahāpadāne vuttameva.

Anāgāmīsu āyuno majjhaṃ anatikkamitvā antarāva kilesaparinibbānaṃ arahattaṃ patto **antarāparinibbāyī** nāma. Majjhaṃ upahacca atikkamitvā patto **upahaccaparinibbāyī** nāma. Asaṅkhārena appayogena akilamanto sukkena patto **asaṅkhāraparinibbāyī** nāma. Sasaṅkhārena sappayogena kilamanto dukkhena patto **sasaṅkhāraparinibbāyī** nāma. Ime cattāro pañcasupī suddhāvāsesu labbhanti. **Uddhaṃsotoakaniṭṭhagāmī**ti ettha pana catukkaṃ vedītabbaṃ. Yo hi avihāto paṭṭhāya cattāro devaloke sodhetvā akaniṭṭhaṃ gantvā parinibbāyati, ayaṃ uddhaṃsoto akaniṭṭhagāmī nāma. Yo avihāto dutiyaṃ vā tatiyaṃ vā catutthaṃ vā devalokaṃ gantvā parinibbāyati, ayaṃ uddhaṃsoto na akaniṭṭhagāmī nāma. Yo kāmabhavato akaniṭṭhesu nibbattitvā parinibbāyati, ayaṃ na uddhaṃsoto akaniṭṭhagāmī nāma. Yo heṭṭhā catūsu devalokesu tattha tattheva nibbattitvā parinibbāyati, ayaṃ na uddhaṃsoto na akaniṭṭhagāmī nāmāti.

Cetokhilapaṇcakaṇṇanā

319. Cetokhilāti cittassa thaddhabhāvā. **Satthari kaṅkhatīti** satthu sarīre vā guṇe vā kaṅkhati. Sarīre kaṅkhamāno “dvattiṃsamahāpurisavaralakkhaṇapaṭiṃḍitaṃ nāma sarīraṃ atthi nu kho natthī”ti kaṅkhati. Guṇe kaṅkhamāno “atītānāgatapaccuppannajānanasamatthaṃ sabbaññūtaññaṃ atthi nu kho natthī”ti kaṅkhati. **Ātappāyāti** vīriyakaraṇatthāya. **Anuyogāyāti** punappunaṃ yogāya. **Sātaccāyāti satatakiriyaṃ. Padhānāyāti** padahanatthāya. **Ayaṃ paṭhama cetokhiloti** ayaṃ satthari vicikicchāsaṅkhāto paṭhama cittassa thaddhabhāvo. **Dhammeti** pariyattidhamme ca paṭivedhadhamme ca. Pariyattidhamme kaṅkhamāno “tepiṭakaṃ buddhavacanaṃ caturāsītīdhammakhandhasahassānīti vadanti, atthi nu kho etaṃ natthī”ti kaṅkhati. Paṭivedhadhamme kaṅkhamāno “vipassanānissando maggo nāma, magganissando phalaṃ nāma, sabbasaṅkhārapaṭiṇissaggo nibbānaṃ nāmāti vadanti, taṃ atthi nu kho natthī”ti kaṅkhati. **Saṅghe kaṅkhatīti** “ujuppaṭipanno tiādīnaṃ padānaṃ vasena evarūpaṃ paṭipadaṃ paṭipanno cattāro maggaṭṭhā cattāro phalaṭṭhāti atṭhannaṃ puggalānaṃ samūhabhūto saṅgho nāma atthi nu kho natthī”ti kaṅkhati. **Sikkhāya kaṅkhamāno** “adhisīlasikkhā nāma, adhicitāadhipaññāsikkhā nāmāti vadanti, sā atthi nu kho natthī”ti kaṅkhati. **Ayaṃ pañcamoti** ayaṃ sabrahmacārīsu kopasaṅkhāto pañcama cittassa thaddhabhāvo kacavarabhāvo khāṇukabhāvo.

Cetasovinibandhādīpaṇcakaṇṇanā

320. Cetasovinibandhāti cittaṃ bandhitvā muṭṭhiyaṃ katvā viya gaṇhantīti cetasovinibandhā. **Kāmeti** vatthukāmepe kilesakāmepe. **Kāyeti** attano kāye. **Rūpeti** bahiddhārūpe. **Yāvadatthanti** yattakaṃ icchati, tattakaṃ. **Udarāvadehakanti** udarapūraṃ. Tañhi udaraṃ avadehanato “udarāvadehaka”nti vuccati. **Seyyasukhanti** mañcapīṭhasukhaṃ. **Passasukhanti** yathā samparivattakaṃ sayantassa dakkhiṇapassavāmapassānaṃ sukhaṃ hoti, evaṃ uppannaṃ sukhaṃ. **Middhasukhanti** niddāsukhaṃ. **Anuyuttoti** yuttappayutto viharati. **Paṇidhāyāti** patthayitvā. **Brahmacariyenāti** methunaviratibrahmacariyena. **Devo vā bhavissāmīti** mahesakkhadevo vā bhavissāmi. **Devaññataro**

vāti appesakkhadevesu vā aññataro.

Indriyesu paṭhamapañcake lokiyāneva kathitāni. Dutiyapañcake paṭhamadutiyacatutthāni lokiyāni, tatiyapañcamāni lokiyalokuttarāni. Tatiyapañcake samathavipassanāmaggavasena lokiyalokuttarāni.

Nissaraṇiyapañcakavaṇṇanā

321. Nissaraṇiyāti nissaṭā visaññuttā. **Dhātuyoti** attasuññasabhāvā. **Kāme manasikarototi** kāme manasikarontassa, asubhājñhānato vuṭṭhāya agadaṃ gahetvā viṣaṃ vīmaṃsanto viya vīmaṃsanattham kāmābhikumhaṃ cittam pesentassāti attho. **Na pakkhandatīti** na pavisati. **Na pasīdatīti** pasādam nāpajjati. **Na santiṭṭhatīti** na patiṭṭhati. **Na vimuccatīti** nādhimuccati. Yathā pana kukkuṭapattam vā nhārudaddulaṃ vā aggimhi pakkhattam patilīyati patikuṭati pativattati na sampasāriyati; evam patilīyati na pasāriyati. **Nekkhammaṃ kho panāti** idha nekkhammaṃ nāma dasasu asubhesu paṭhamājñhānam, tadassa manasikaroto cittam pakkhandati. **Tassa tam cittanti** tassa tam asubhājñhānacittam. **Sugatanti** gocare gatattā suṭṭhu gataṃ. **Subhāvitanti** ahānabhāgiyattā suṭṭhu bhāvitam. **Suvuṭṭhitanti** kāmato suṭṭhu vuṭṭhitam. **Suvimuttanti** kāmehi suṭṭhu vimuttam. Kāmapaccayā āsavā nāma kāmahetukā cattāro āsavā. **Vighātāti** dukkhā. **Parilāhāti** kāmarāgaparilāhā. **Na so tam vedanam vedetīti** so tam kāmavedanam vighātaparilāhavedanañca na vedayati. **Idamakkhātam kāmānam nissaraṇanti** idam asubhājñhānam kāmehi nissaṭattā kāmānam nissaraṇanti akkhātam. Yo pana tam jñhānam pādakaṃ katvā sañkhāre sammāsanto tatiyam maggaṃ patvā anāgāmiṭṭhalena nibbānam disvā puna kāmā nāma natthīti jānāti, tassa cittam accantanissaraṇameva. Sesapadesupi eseva nayo.

Ayam pana viseso, dutiyavāre mettājñhānāni byāpādassa nissaraṇam nāma. Tatiyavāre karuṇājñhānāni vihiṃsāya nissaraṇam nāma. Catutthavāre arūpājñhānāni rūpānam nissaraṇam nāma. Accantanissaraṇe cettha arahattaphalaṃ yojetabbam.

Pañcamavāre **sakkāyam manasikarototi** suddhasaṅkhāre pariggaṇhitvā arahattam pattassa sukkhavipassakassa phalasaṃpattito vuṭṭhāya vīmaṃsanattham pañcupādānakkhandhābhikumhaṃ cittam pesentassa. **Idamakkhātam sakkāyanissaraṇanti** idam arahattamaggena ca phalena ca nibbānam disvā ṭhitassa bhikkhuno puna sakkāyo natthīti uppannam arahattaphalasaṃpatticittam sakkāyassa nissaraṇanti akkhātam.

Vimuttāyatanapañcakavaṇṇanā

322. Vimuttāyatanānīti vimuccanakāraṇāni. **Atthapaṭisaṃvedinoti** pāliattham jānantassa. **Dhammapaṭisaṃvedinoti** pāliṃ jānantassa. **Pāmojjanti** taruṇapīti. **Pīṭīti** tuṭṭhākārabhūtā balavapīti. **Kāyoti** nāmakāyo paṭipassambhati. **Sukham vedayatīti** sukham paṭilabhati. **Cittam samādhīyatīti** arahattaphalasaṃpattinā samādhīyati. Ayañhi tam dhammam suṇanto āgatāgataṭṭhāne jñhānavipassanāmaggaṃ phalāni jānāti, tassa evam jānato pīti uppajjati. So tassā pītiyā antarā osakkittum na dento upacārakammaṭṭhāniko hutvā vipassanam vaḍḍhetvā arahattam pāpuṇāti. Tam sandhāya vuttam – “cittam samādhīyatī”ti. Sesesupi eseva nayo. Ayam pana viseso, **samādhinimittanti** atṭhatimṣāya ārammaṇesu aññataro samādhīyeva samādhinimittam. **Suggahitam hotīti** ādisu ācariyasantike kammaṭṭhānam uggaṇhantena suṭṭhu gahitam hoti. **Suṭṭhu manasikatanti** suṭṭhu upadhāritam. **Suppaṭividdham paññāyāti** paññāya suṭṭhu paccakkham kataṃ. **Tasmim dhammeti** tasmim kammaṭṭhānapāliḍhamme.

Vimuttiparipācanīyāti vimutti vuccati arahattam, tam paripācentīti **vimuttiparipācanīyā**. **Aniccasaññāti** aniccānupassanāññāne uppannasaññā. **Anicce dukkhasaññāti** dukkhānupassanāññāne uppannasaññā. **Dukkhe anattasaññāti** anattānupassanāññāne uppannasaññā. **Pahānasaññāti** pahānānupassanāññāne uppannasaññā. **Virāgasaññāti** virāgānupassanāññāne uppannasaññā.

“Ime kho āvuso” tiādi vuttanayeneva yojetabbaṃ. Iti chabbīsatiyā pañcakānaṃ vasena tiṃsasatapañhe kathento thero sāmaggirasam dassesīti.

Pañcakavaṇṇanā niṭṭhitā.

Chakkavaṇṇanā

323. Iti pañcakavasena sāmaggirasam dassetvā idāni chakkavasena dassetuṃ puna desanaṃ ārabhi. Tattha **ajjhattikānīti** ajjhattajjhattikāni. **Bāhirānīti** tato ajjhattajjhattato bahibhūtāni. Vitthārato pana āyatanakathā **visuddhimagge** kathitāva. **Viññānakāyāti** viññānasamūhā. **Cakkhuvīññānanti** cakkhupasādanissitaṃ kusalākusalavipākaviññānaṃ. Esa nayo sabbattha. **Cakkhusamphassoti** cakkhunissito samphasso. **Sotasamphassādīsupi** eseva nayo. **Manosamphassoti** ime dasa samphasse ṭhapetvā seso sabbo manosamphasso nāma. Vedanāchakkampi eteneva nayena veditabbaṃ. **Rūpasaññāti** rūpaṃ ārammaṇaṃ katvā uppannā saññā. Etenupāyena sesāpi veditabbā. Cetanāchakkepi eseva nayo. Tathā taṇhāchakke.

Agāravoti gāravavirahito. **Appatissoti** appatissayo anīcavutti. Ettha pana yo bhikkhu satthari dharamāne tīsu kālesu upaṭṭhānaṃ na yāti. Satthari anupāhane caṅkamante saupāhano caṅkamati, nīce caṅkamante ucce caṅkamati, heṭṭhā vasante upari vasati, satthudassanaṭṭhāne ubho aṃse pārupati, chattaṃ dhāreti, upāhanaṃ dhāreti, nahāyati, uccāraṃ vā passāvaṃ vā karoti. Parinibbute pana cetiyaṃ vanditūṃ na gacchati, cetiyassa paññāyanaṭṭhāne satthudassanaṭṭhāne vuttaṃ sabbaṃ karoti, ayaṃ **satthari agāravo** nāma. Yo pana dhammassavane saṃghuṭṭhe sakkaccaṃ na gacchati, sakkaccaṃ dhammaṃ na suṇāti, samullapanto nisīdati, sakkaccaṃ na gaṇhāti, na vāceti, ayaṃ **dhamme agāravo** nāma. Yo pana therena bhikkhunā anajjhīṭṭho dhammaṃ deseti, nisīdati, pañhaṃ katheti, vuḍḍhe bhikkhū ghaṭṭento gacchati, tiṭṭhati, nisīdati, dussapallatthikaṃ vā hatthapallatthikaṃ vā karoti, saṅghamajjhe ubho aṃse pārupati, chattupāhanaṃ dhāreti, ayaṃ **saṅghe agāravo** nāma. Ekabhikkhusmimpi hi agārave kate saṅghe agāravo katova hoti. Tisso sikkhā pana apūrayamānova **sikkhāya agāravo** nāma. Appamādalakkhaṇaṃ ananubrūhayamāno **appamāde agāravo** nāma. Duvidhampi **paṭisanthāraṃ** akaronto **paṭisanthāre agāravo** nāma. Cha gāravā vuttappaṭipakkhavasena veditabbā.

Somanassūpavicārāti somanassasampayuttā vicārā. **Somanassaṭṭhāniyanti** somanassakāraṇabhūtaṃ. **Upavicarātīti** vitakkena vitakketvā vicārena paricchindati. Esa nayo sabbattha. **Domanassūpavicārāpi** evameva veditabbā. Tathā **upekkhūpavicārā**. **Sāraṇiyadhammā** heṭṭhā vitthāritā. **Diṭṭhisāmaññagatoti** iminā pana padena kosambakasutte paṭhamamaggo kathito. Idha cattāropi maggā.

Vivādamūlachakkavaṇṇanā

325. Vivādamūlānīti vivādassa mūlāni. **Kodhanoti** kujjhanalakkhaṇena kodhena samannāgato. **Upanāhīti** veraappaṭinissaggalakkhaṇena upanāhena samannāgato. **Ahitāya dukkhāya devamanussānanti** dvinnam bhikkhūnaṃ vivādo kathaṃ devamanussānaṃ ahitāya dukkhāya saṃvattati. Kosambakakkhandhake viya dvīsu bhikkhūsu vivādaṃ āpannesu tasmim vihare tesam antevāsikā vivadanti. Tesam ovādaṃ gaṇhanto bhikkhunisaṅgho vivadati. Tato tesam upaṭṭhākā vivadanti. Atha manussānaṃ ārakkhadevatā dve koṭṭhāsā honti. Tattha dhammavādīnaṃ ārakkhadevatā dhammavādīniyo honti adhammavādīnaṃ adhammavādīniyo. Tato ārakkhadevatānaṃ mittā bhummā devatā bhijjanti. Evaṃ paramparā yāva brahmalokā ṭhapetvā ariyasāvake sabbe devamanussā dve koṭṭhāsā honti. Dhammavādīhi pana adhammavādīnova bahutarā honti. Tato “yaṃ bahukehi gahitaṃ, taṃ taccha” nti dhammaṃ vissajjetvā bahutarāva adhammaṃ gaṇhanti. Te adhammaṃ purakkhatvā vadantā apāyesu nibbattanti. Evaṃ dvinnam bhikkhūnaṃ vivādo devamanussānaṃ ahitāya dukkhāya hoti.

Ajjhattaṃ vāti tumhākaṃ abbhantaraparisāya. **Bahiddhā** vāti paresaṃ parisāya.

Makkhīti paresaṃ guṇamakkhanalakkhaṇena makkhena samannāgato. **Paḷāsīti** yugaggāhalakkhaṇena paḷāsena samannāgato. **Issukīti** parasakkārādīni issāyanalakkhaṇāya issāya samannāgato. **Maccharīti** āvāsamacchariyādīhi samannāgato. **Saṭhoti** kerāṭiko. **Māyāvīti** katapāpapaṭicchādako. **Pāpicchoti** asantasambhāvanicchako dussīlo. **Micchādīṭṭhīti** natthikavādī ahetukavādī akiriyavādī. **Sandiṭṭhiparāmāsīti** sayamaṃ diṭṭhimeva parāmasati. **Ādhānaggāhīti** dalhaggāhī. **Duppaṭinissaggīti** na sakkā hoti gahitaṃ vissajjāpetuṃ.

Pathavīdhātūti patitṭhādadhātu. **Āpodhātūti** ābandhanadhātu. **Tejodhātūti** paripācanadhātu. **Vāyodhātūti** vitthambhanadhātu. **Ākāsadhātūti** asamphuṭṭhadhātu. **Viññāṇadhātūti** vijānanadhātu.

Nissaraṇiyachakkavaṇṇanā

326. Nissaraṇiyā dhātuyoti nissaṭadhātuyova. **Pariyādāya tiṭṭhatīti** pariyādiyitvā hāpetvā tiṭṭhati. **‘Mā hevantissa vacanīyo’**ti yasmā abhūtaṃ byākaraṇaṃ byākaroti, tasmā mā evaṃ bhaṇīti vattabbo. **Yadidaṃ mettācetovimuttīti** yā ayaṃ mettācetovimutti, idaṃ nissaraṇaṃ byāpādassa, byāpādato nissaṭāti attho. Yo pana mettāya tikacatukkajjhānato vuṭṭhito saṅkhāre sammāsivā tatiyamaggaṃ patvā “puna byāpādo natthī”ti tatiyaphalena nibbānaṃ passati, tassa cittaṃ accantaṃ nissaraṇaṃ byāpādassa. Etenupāyena sabbattha attho veditabbo.

Animittā cetovimuttīti arahattaphalasaṃpatti. Sā hi rāganimittādīnaṅceva rūpanimittādīnaṅca niccanimittādīnaṅca abhāvā “animittā”ti vuttā. **Nimittānusārīti** vuttappabhedaṃ nimittaṃ anusarātīti nimittānusārī.

Asmīti asmimāno. **Ayamahamaasmīti** pañcasu khandhesu ayaṃ nāma ahaṃ asmīti ettāvataṃ arahattaṃ byākataṃ hoti. **Vicikicchākathaṃkathāsallanti** vicikicchābhūtaṃ kathaṃkathāsallaṃ. **‘Mā hevantissa vacanīyo’**ti sace te paṭhamamaggavajjhā vicikicchā uppajjati, arahattabyākaraṇaṃ micchā hoti, tasmā mā abhūtaṃ bhaṇīti vāretabbo. **Asmimānasamuggātōti** arahattamaggo. Arahattamaggaphalavasena hi nibbāne diṭṭhe puna asmimāno natthīti arahattamaggo asmimānasamuggātōti vutto.

Anuttariyādichakkavaṇṇanā

327. Anuttariyānīti anuttarāni jeṭṭhakāni. Dassanesu anuttariyaṃ **dassanānuttariyaṃ**. Sesapadesupī eseva nayo. Tattha hatthiratanādīnaṃ dassanaṃ na dassanānuttariyaṃ, nivīṭṭhasaddhassa pana nivīṭṭhapemavasena dasabalassa vā bhikkhusaṅghassa vā kasiṇāsūbhānimittādīnaṃ vā aññatarassa dassanaṃ **dassanānuttariyaṃ** nāma. Khattiyādīnaṃ guṇakathāsavanaṃ na savanānuttariyaṃ, nivīṭṭhasaddhassa pana nivīṭṭhapemavasena tiṇṇaṃ vā ratanānaṃ guṇakathāsavanaṃ teṭṭhakabuddhavacanasavanaṃ vā **savanānuttariyaṃ** nāma. Maṇiratanādīlābho na lābhānuttariyaṃ, sattavidhaariyadhanalābho pana **lābhānuttariyaṃ** nāma. Hatthisippādisikkhanaṃ na sikkhānuttariyaṃ, sikkhattayapūraṇaṃ pana **sikkhānuttariyaṃ** nāma. Khattiyādīnaṃ pāricariyā na pāricariyānuttariyaṃ, tiṇṇaṃ pana ratanānaṃ pāricariyā **pāricariyānuttariyaṃ** nāma. Khattiyādīnaṃ guṇānussaraṇaṃ nānussatānuttariyaṃ, tiṇṇaṃ pana ratanānaṃ guṇānussaraṇaṃ **anussatānuttariyaṃ** nāma.

Anussatiyova **anussatiṭṭhānāni** nāma. **Buddhānussatīti** buddhassa guṇānussaraṇaṃ. Evaṃ anussarato hi pīti uppajjati. So taṃ pītiṃ khayato vayato paṭṭhapetvā arahattaṃ pāpuṇāti. Upacāraṃkammaṭṭhānaṃ nāmetamaṃ gihīnampi labbhati, esa nayo sabbattha. Vitthāraṃkathā panettha visuddhimagge vuttanayeneva veditabbā.

Satatavihārachakkavaṇṇanā

328. Satatavihārāti khīṇāsavassa niccavihārā. **Cakkhunā rūpaṃ disvā**ti cakkhudvārārammaṇe āpāthagate taṃ rūpaṃ cakkhuvīññāṇena disvā javanakkhaṇe iṭṭhe arajjanto **neva sumano hoti**, anitṭhe adussanto **na dummano**. Asamapekkhane mohaṃ anuppādento **upekkhako viharati** majjhato, satiyā yuttattā **sato**, sampajaññaena yuttattā **sampajāno**. Sesapadesupi eseva nayo. Iti chasupi dvāresu upekkhako viharatīti iminā chaḷaṅgupekkhā kathitā. **Sampajānoti** vacanato pana cattāri ñāṇasampayuttacittāni labbhanti. **Satatavihārā**ti vacanato aṭṭhapi mahācittāni labbhanti **arajjanto adussantoti** vacanato dasapi cittāni labbhanti. Somanassaṃ kathaṃ labbhatīti ce āsevanato labbhati.

Abhijānichakkavaṇṇanā

329. Abhijātiyoti jātiyo. **Kaṇhābhijātiko samānoti** kaṇhe nīcakule jāto hutvā. **Kaṇhaṃ dhammaṃ abhijāyatīti** kālakam dasadussīlyadhammaṃ pasavati karoti. So taṃ abhijāyitvā niraye nibbattati. **Sukkaṃ dhammanti** ahaṃ pubbepi puññaṇaṃ akatattā nīcakule nibbatto. Idāni puññaṃ karomīti puññaṣaṅkhātāṃ paṇḍaraṃ dhammaṃ abhijāyati. So tena sagge nibbattati. **Akaṇhaṃ asukkaṃ nibbānanti** nibbānañhi sace kaṇhaṃ bhavēyya, kaṇhavipākaṃ dadeyya. Sace sukkaṃ, sukkavipākaṃ dadeyya. Dvinnampi appadānato pana “akaṇhaṃ asukka”nti vuttaṃ. Nibbānañca nāma imasmiṃ atthe arahattaṃ adhippetāṃ. Tañhi kilesanibbānante jātattā nibbānaṃ nāma. Taṃ esa abhijāyati pasavati karoti. **Sukkābhijātiko samānoti** sukke uccakule jāto hutvā. Sesam vuttanayeneva vedītabbaṃ.

Nibbedhabhāgiyachakkavaṇṇanā

Nibbedhabhāgiyāti nibbedho vuccati nibbānaṃ, taṃ bhajanti upagacchantīti **nibbedhabhāgiyā**. Aniccaṣaṅṅādayo pañcake vuttā. Nirodhānupassanāññaṇe sañña **nirodhasaṅṅā** nāma.

“Ime kho, āvuso”tiādi vuttanayeneva yojetabbaṃ. Iti dvāvīsatiyā chakkānaṃ vasena bāttimsasatapañhe kathento thero sāmaggirasam dassesīti.

Chakkavaṇṇanā niṭṭhitā.

Sattakavaṇṇanā

330. Iti chakkavasena sāmaggirasam dassetvā idāni sattakavasena dassetuṃ puna desanaṃ ārabhi.

Tattha sampattiṭṭhānaṃ saddhāva dhanam **saddhādhanam**. Esa nayo sabbattha. **Paññādhanam** panettha sabbasetṭhaṃ. Paññāya hi ṭhatvā tīṇi sucaritāni pañcasīlāni dasasīlāni pūretvā saggūpagā hontī, sāvakaṇṇānaṃ, paccekabodhiññaṇam, sabbāññutaññaṇaṃ paṭivijjhanti. Imāsam sampattīnaṃ paṭilābhakāraṇato paññā “dhana”nti vuttā. Sattapi cetāni lokiyalokuttaramissakāneva kathitāni. **Bojjhaṅgakaṭṭhā** kathitāva.

Samādhiparikkhārāti samādhiparivārā. Sammādiṭṭhādīni vuttatthāneva. Imepi satta parikkhārā lokiyalokuttarāva kathitā.

Asataṃ dhammā asantā vā dhammā lāmakā dhammāti **asaddhammā**. Vipariyāyena **saddhammā** vedītabbā. Sesamettha uttānatthameva. **Saddhammesu** pana saddhādayo sabbepi vipassakasseva kathitā. Tesupi paññā lokiyalokuttarā. Ayaṃ viseso.

Sappurisānaṃ dhammāti **sappurisadhammā**. Tattha suttageyyādikaṃ dhammaṃ jānātīti

dhammaññū. Tassa tasseva bhāsitassa atthaṃ jānātīti **atthaññū.** “Ettakomhi sīlena samādhinā paññāyā”’ti evaṃ attānaṃ jānātīti **attaññū.** Paṭiggahaṇaparibhogesu mattaṃ jānātīti **mattaññū.** Ayaṃ kālo uddesassa, ayaṃ kālo paripucchāya, ayaṃ kālo yogassa adhigamāyāti evaṃ kālaṃ jānātīti **kālaññū.** Ettha ca pañca vassāni uddesassa kālo. Dasa paripucchāya. Iduṃ atisambādhaṃ. Dasa vassāni pana uddesassa kālo. Vīṣati paripucchāya. Tato paraṃ yoge kammaṃ kātappaṃ. Aṭṭhavidhaṃ parisāṃ jānātīti **parisaññū.** Sevitaḥḥāsevitappaṃ puggalaṃ jānātīti **puggalaññū.**

331. Niddasavathūnīti niddasādivathūni. Niddaso bhikkhu, nibbīso, nittiṃso, niccattālīso, nippaññāso bhikkhūti evaṃ vacanakāraṇāni. Ayaṃ kira pañho tittiyasamaye uppanno. Tittiyā hi dasavassakāle mataṃ nigaṇṭhaṃ niddasoti vadanti. So kira puna dasavasso na hoti. Na kevalaṅca dasavassova. Navavassopi...pe... ekavassopi na hoti. Eteneva nayena vīṣativassādikālepi mataṃ nibbīso, nittiṃso, niccattālīso, nippaññāso vadanti. Āyasmā ānando gāme vicaranto taṃ kathaṃ sutvā vihāraṃ gantvā bhagavato ārocesi. Bhagavā āha –

“Na iduṃ, ānanda, tittiyānaṃ adhivacanaṃ mama sāsane khīṇāsavassettaṃ adhivacanaṃ. Khīṇāsavo hi dasavassakāle parinibbuto puna dasavasso na hoti. Na kevalaṅca dasavassova, navavassopi...pe... ekavassopi. Na kevalaṅca ekavassova, dasamāsikopi...pe... ekamāsikopi. Ekadivasikopi. Ekamuhuttopi na hoti eva. Kasmā? Puna paṭisandhiyā abhāvā. Nibbīsādīsopi eeva nayo. Iti bhagavā mama sāsane khīṇāsavassettaṃ adhivacana’nti –

Vatvā yehi kāraṇehi so niddaso hoti, tāni dassetuṃ satta niddasavathūni deseti. Theropi tameva desanaṃ uddharitvā satta niddasavathūni **idhāvuso, bhikkhu, sikkhāsamādāneti**ādīmāha. Tattha **idhāti** imasmiṃ sāsane. **Sikkhāsamādāne tibbacchando hotīti** sikkhattayapūraṇe bahalacchando hoti. **Āyatiṅca sikkhāsamādāne avigatapemoti** anāgate punadivasādīsopi sikkhāpūraṇe avigatapemena samannāgato hoti. **Dhammanisantiyāti** dhammanisāmanāya. Vipassanāyetaṃ adhivacanaṃ. **Icchāvinayeti** taṇhāvinayane. **Paṭisallāneti** ekībhāve. **Vīriyārambheti** kāyikacetāsikassa vīriyassa pūraṇe. **Satinepakketi** satiyañceva nepakkabhāve ca. **Diṭṭhipaṭivedheti** maggadassane. Sesāṃ sabbattha vuttanayeneva veditappaṃ.

Saññāsu asubhānupassanāñāṇe saññā **asubhasaññā.** Ādīnavānupassanāñāṇe saññā **ādīnavasaññā** nāma. Sesā heṭṭhā vuttā eva. Balasattakaviññāṇaṭṭhitisattakapuggalasattakāni vuttanayāneva. Appahīnaṭṭhena anusayantīti **anusayā.** Thāmagato kāmarāgo kāmarāgānusayo. Esa nayo sabbattha. Saṃyojanasattakaṃ uttānatthameva.

Adhikaraṇasamathasattakavaṇṇanā

Adhikaraṇasamathesu adhikaraṇāni samenti vūpasamentīti **adhikaraṇasamathā.** **Uppannuppannānanti** uppannānaṃ uppannānaṃ. **Adhikaraṇānanti** vivādādhikaraṇaṃ anuvādādhikaraṇaṃ āpattādhikaraṇaṃ kiccādhikaraṇanti imesaṃ catunnaṃ. **Samathāya vūpasamāyāti** samathatthañceva vūpasamanatthañca. **Sammukhāvinayo dātabbo...pe... tiṇavatthārakoti** ime satta samathā dātabbā.

Tatrāyaṃ vinicchayanayo. Adhikaraṇesu tāva dhammoti vā adhammoti vā aṭṭhārasahi vatthūhi vivadantānaṃ bhikkhūnaṃ yo vivādo, iduṃ **vivādādhikaraṇaṃ** nāma. Sīlavipattiyā vā ācāradiṭṭhiājīvavipattiyā vā anuvadantānaṃ anuvādo upavadanā ceva codanā ca, iduṃ **anuvādādhikaraṇaṃ** nāma. Mātikāya āgatā pañca, vibhaṅge dveti sattapi āpattikkhandhā, iduṃ **āpattādhikaraṇaṃ** nāma. Saṅghassa apalokanādīnaṃ catunnaṃ kammānaṃ karaṇaṃ, iduṃ **kiccādhikaraṇaṃ** nāma.

Tattha vivādādhikaraṇaṃ dvīhi samathehi sammati sammukhāvinayena ca yebhuyyasikāya ca. Sammukhāvinayeneva sammamānaṃ yasmiṃ vihāre uppannaṃ tasmīyeva vā aññattha vūpasametum

gacchantānaṃ antarāmagge vā yattha gantvā saṅghassa niyyātitaṃ tattha saṅghena vā saṅhe vūpasametuṃ asakkonte tattheva ubbāhikāya sammatapuggalehi vā vinicchitaṃ sammati. Evaṃ sammamāne ca panetasmim̃ yā saṅghasammukhatā dhammasammukhatā vinayasammukhatā puggalasammukhatā, ayaṃ **sammukhāvinayo** nāma.

Tattha ca kārakasaṅghassa saṅghasāmaggivasena sammukhībhāvo **saṅghasammukhatā**. Sametabbassa vatthuno bhūtatā **dhammasammukhatā**. Yathā taṃ sametabbaṃ, tattheva sammanaṃ **vinayasammukhatā**. Yo ca vivadati, yena ca vivadati, tesam̃ ubhinnaṃ atthapaccatthikānaṃ sammukhībhāvo **puggalasammukhatā**. Ubbāhikāya vūpasame panettha saṅghasammukhatā parihāyati. Evaṃ tāva sammukhāvinayeneva sammati.

Sace panevampi na sammati, atha naṃ ubbāhikāya sammatā bhikkhū “na mayaṃ sakkoma vūpasametu”nti saṅghasseva niyyātentī, tato saṅho pañcaṅgasamannāgataṃ bhikkhuṃ salākaggāhāpakaṃ sammannati. Tena gulhakavivaṭakasakaṇṇajappakesu tīsu salākaggāhesu aññataravasena salākaṃ gāhāpetvā sannipatitaparīsāya dhammavādīnaṃ yebhuyyatāya yathā te dhammavādīno vadanti, evaṃ vūpasantaṃ adhikaraṇaṃ sammukhāvinayena ca yebhuyyasikāya ca vūpasantaṃ hoti.

Tattha sammukhāvinayo vuttanayo eva. Yaṃ pana yebhuyyasikākammaṃ karaṇaṃ, ayaṃ **yebhuyyasikā** nāma. Evaṃ vivādādhikaraṇaṃ dvīhi samathehi sammati. **Anuvādādhikaraṇaṃ** catūhi samathehi sammati – sammukhāvinayena ca sativinayena ca amūḷhavinayena ca tassapāpiyasikāya ca. **Sammukhāvinayeneva** sammamānaṃ yo ca anuvadati, yañca anuvadati, tesam̃ vacanaṃ sutvā sace kāci āpatti natthi, ubho khamāpetvā, sace atthi, ayaṃ nāmettha āpattīti evaṃ vinicchitaṃ vūpasammati. Tattha sammukhāvinayalakkhaṇaṃ vuttanayameva. Yadā pana khīṇāsavassa bhikkhuno amūlikāya silavipattiyā anuddhaṃsitassa sativinayaṃ yācamānassa saṅho ñatticatutthena kammena sativinayaṃ deti, tadā sammukhāvinayena ca sativinayena ca vūpasantaṃ hoti. Dinne pana sativinye puna tasmim̃ puggale kassaci anuvādo na ruhati.

Yadā ummattako bhikkhu ummādasena assāmaṇake ajjhācāre “saratāyasmā evarūpiṃ āpatti”nti bhikkhūhi codiyamāno “ummattakena me, āvuso, etaṃ kataṃ, nāhaṃ taṃ sarāmi”ti bhaṇantopi bhikkhūhi codiyamānova puna acodanattāya amūḷhavinayaṃ yācati, saṅho cassa ñatticatutthena kammena amūḷhavinayaṃ deti, tadā sammukhāvinayena ca amūḷhavinayena ca vūpasantaṃ hoti. Dinne pana amūḷhavinaye puna tasmim̃ puggale kassaci tappaccayā anuvādo na ruhati.

Yadā pana pārājikena vā pārājikasāmantena vā codiyamānassa aññenaññaṃ paṭicarato pāpussannatāya pāpiyassa puggalassa “sacāyaṃ acchinnamūlo bhavissati, sammā vattitvā osāraṇaṃ labhissati. Sace chinnamūlo ayamevassa nāsanā bhavissati”ti maññamāno saṅho ñatticatutthena kammena tassapāpiyasikaṃ karoti, tadā sammukhāvinayena ca tassapāpiyasikāya ca vūpasantaṃ hotīti. Evaṃ anuvādādhikaraṇaṃ catūhi samathehi sammati. **Āpattādhikaraṇaṃ** tīhi samathehi sammati sammukhāvinayena ca paṭiññātakaraṇena ca tiṇavatthārakena ca. Tassa sammukhāvinayeneva vūpasamo natthi. Yadā pana ekassa vā bhikkhuno santike saṅghagaṇamajjhesu vā bhikkhu lahukaṃ āpattiṃ deseti, tadā **āpattādhikaraṇaṃ** sammukhāvinayena ca paṭiññātakaraṇena ca vūpasammati.

Tattha sammukhāvinaye tāva yo ca deseti, yassa ca deseti, tesam̃ sammukhībhāvo puggalasammukhatā. Sesam̃ vuttanayameva.

Puggalassa gaṇassa ca desanākāle saṅghasammukhatā parihāyati. Yā panettha ahaṃ, bhante, itthannāmaṃ āpattiṃ āpannoti ca āma, passāmīti ca paṭiññā, tāya paṭiññāya “āyatim̃ saṃvareyyāsī”ti karaṇaṃ, taṃ **paṭiññātakaraṇaṃ** nāma. Saṅghādisese hi parivāsādiyācanā paṭiññā. Parivāsādīnaṃ dānaṃ paṭiññātakaraṇaṃ nāma. Dve pakkhajātā pana bhaṇḍanakārakā bhikkhū bahum̃ assāmaṇakaṃ ajjhācaritvā puna lajjidhamme uppanne sace mayaṃ imāhi āpattīhi aññamaññaṃ kāressāma, siyāpi taṃ

adhikaraṇaṃ kakkhaḷattāya saṃvatteyyāti aññaṃaññaṃ āpattiyā kārāpane dosaṃ disvā yadā tiṇavatthārakammaṃ karonti, tadā āpattādhikaraṇaṃ sammukhāvinayena ca tiṇavatthārakena ca sammati.

Tattha hi yattakā hatthapāsūpagatā “na metaṃ khamatī”ti evaṃ diṭṭhāvikkammaṃ akatvā niddampi okkantā honti, sabbesaṃ ṭhapetvā thullavajjaṅca ghipaṭisaṃyuttaṅca sabbāpattiyō vuṭṭhahanti, evaṃ āpattādhikaraṇaṃ tīhi samathehi sammati. **Kiccādhikaraṇaṃ** ekena samathena sammati sammukhāvinayeneva. Imāni cattāri adhikaraṇāni yathānurūpaṃ imehi sattahi samathehi sammanti. Tena vuttaṃ – uppānuppānānaṃ adhikaraṇānaṃ samathāya vūpasamāya sammukhāvinayo dātabbo... pe... tiṇavatthārakoti. Ayamettha vinicchayanayo. Vitthāro pana samathakkhandhake āgatoyeva. Vinicchayopissa samantapāsādikāyaṃ vutto.

“Ime kho, āvuso”tiādi vuttanayeneva yojetabbaṃ. Iti cuddasannaṃ sattakānaṃ vasena aṭṭhanavuti pañhe kathento thero sāmaggirasam dassesīti.

Sattakavaṇṇanā niṭṭhitā.

Aṭṭhakavaṇṇanā

333. Iti sattakavasena sāmaggirasam dassetvā idāni aṭṭhakavasena dassetuṃ puna desanaṃ ārabhi. Tattha **micchattāti** ayāthāvā micchāsabhāvā. **Sammattāti** yāthāvā sammāsabhāvā.

334. Kusītavatthūnīti kusītassa alasassa vatthūni patiṭṭhā kosajjakāraṇānīti attho. **Kammaṃ kattabbaṃ hotīti** cīvaravicāraṇādikkammaṃ kātabbaṃ hoti. **Na vīriyaṃ ārabhatīti** duvidhampi vīriyaṃ nārabhati. **Appattassāti** jhānavipassanāmaggaḥaladhammassa appattassa pattiyā. **Anadhigatassāti** tasseva anadhigatassa adhigamatthāya. **Asacchikatassāti** tasseva apaccakkhatassa sacchikaraṇatthāya. **Idaṃ paṭhamanti** idaṃ handāhaṃ nipajjāmīti evaṃ osīdanaṃ paṭhamaṃ kusītavatthu. Iminā nayena sabbattha attho veditabbo. “Māsācītaṃ maññe”ti ettha pana **māsācītaṃ** nāma tintamāso. Yathā tintamāso garuko hoti, evaṃ garukoti adhippāyo. **Gilānā vuṭṭhito hotīti** gilāno hutvā pacchā vuṭṭhito hoti.

335. Ārambhavatthūnīti vīriyakāraṇāni. Tesampi imināva nayena attho veditabbo.

336. Dānavatthūnīti dānakāraṇāni. **Āsajja dānaṃ detīti** patvā dānaṃ deti. Āgataṃ disvāva muhuttaṃyeva nisidāpetvā sakkāraṃ katvā dānaṃ deti, dassāmi dassāmīti na kilameti. Iti ettha āsādanaṃ dānakāraṇaṃ nāma hoti. **Bhayā dānaṃ detīti**ādīsupi bhayādīni dānakāraṇānīti veditabbāni. Tattha **bhayaṃ** nāma ayaṃ adāyako akārakoti garahābhayaṃ vā apāyabhayaṃ vā. **Adāsi meti** mayhaṃ pubbe esa idaṃ nāma adāsīti deti. **Dassati meti** anāgate idaṃ nāma dassatīti deti. **Sāhu dānanti** dānaṃ nāma sādhu sundaraṃ, buddhādīhi paṇḍitehi pasatthanti deti. **Cittālaṅkāracittaparikkhāratthaṃ dānaṃ detīti** samathavipassanācittassa alaṅkāratthañceva parivāratthañca deti. Dānañhi cittaṃ mudukaṃ karoti. Yena laddhaṃ hoti, sopi laddhaṃ meti muducitto hoti, yena dīnaṃ, sopi dīnaṃ mayāti muducitto hoti, iti ubhinnaṃ cittaṃ mudukaṃ karoti, teneva “adantadamaṇaṃ dāna”nti vuccati. Yathāha –

“Adantadamaṇaṃ dānaṃ, adānaṃ dantadūsakaṃ;
Dānena piyavācāya, unnamanti namanti cā”ti.

Imesu pana aṭṭhasu dānesu cittālaṅkāradānameva uttamaṃ.

337. Dānūpapattiyoti dānapaccayā upapattiyō. **Dahatīti** ṭhapeti. **Adhiṭṭhātīti** tasseva vevacanaṃ. **Bhāvetīti** vaḍḍheti. **Hīne vimuttanti** hīnesu pañcakāmaguṇesu vimuttaṃ. **Uttari abhāvitanti** tato uttari

maggaphalattḥāya abhāvitam. **Tatrūpapattiyā samvattatī** yaṃ patthetvā kusalam katam, tattha tattha nibbattanattḥāya samvattati.

Vītarāgassā maggena vā samucchinnarāgassa samāpattiyā vā vikkhambhitarāgassa. Dānamatteneva hi brahmaloke nibbattitum na sakkā. Dānam pana samādhivipassanācittassa alaṅkāro parivāro hoti. Tato dānena muducitto brahmavihāre bhāvetvā brahmaloke nibbattati. Tena vuttam “vītarāgassa no sarāgassā”ti.

Khattiyānam parisā **khattiyaparisā**, samūhoti attho. Esa nayo sabbattha.

Lokassa dhammā **lokadhammā**. Etehi mutto nāma natthi, buddhānampi hontiyeva. Vuttampi cetam – “aṭṭhime, bhikkhave, lokadhammā lokam anuparivattanti, loko ca aṭṭha lokadhamme anuparivattatī”ti (a. ni. 8.5). **Lābho alābhoti** lābhe āgate alābho āgato evāti veditabbo. **Yasādīsupi** eseva nayo.

338. Abhibhāyatanavimokkhakathā heṭṭhā kathitā eva.

“Ime kho, āvuso”tiādi vuttanayeneva yojetabbaṃ. Iti ekādasannaṃ aṭṭhakānaṃ vasena aṭṭhāsīti pañhe kathento thero sāmaggirasam dassesīti.

Aṭṭhakavaṇṇanā niṭṭhitā.

Navakavaṇṇanā

340. Iti aṭṭhakavasena sāmaggirasam dassetvā idāni navakavasena dassetum puna desanam ārabhi. Tattha **āghātavattḥūnī** āghātakāraṇāni. **Āghātam bandhatī** kopam bandhati karoti uppādeti.

Tam kutettha labbhāti tam anattacaraṇam mā ahoṣīti etasmiṃ puggale kuto labbhā, kena kāraṇena sakkā laddhum? Paro nāma parassa attano cittaruciya anattam karotīti evam cintetvā āghātam paṭivinodeti. Atha vā sacāham paṭikopam kareyyam, tam kopakaraṇam ettha puggale kuto labbhā, kena kāraṇena laddhabbanti attho. Kuto lābhātīpi pāṭho, sacāham ettha kopam kareyyam, tasmim me kopakaraṇe kuto lābhā, lābhā nāma ke siyunti attho. Imasmiñca atthe **tanti** nipātamattameva hoti.

341. Sattāvāsāti sattānam āvāsā, vasanaṭṭhānānīti attho. Tattha suddhāvāsāpi sattāvāsova, asabbakālikattā pana na gahitā. Suddhāvāsā hi buddhānam khandhāvārasadisā. Asaṅkhyeyyakappe buddhesu anibbattantesu tam ṭhānam suñṇam hotīti asabbakālikattā na gahitā. Sesamettha yaṃ vattabbaṃ, tam heṭṭhā vuttameva.

342. Akkhaṇesu **dhammo ca desiyatī**ti catusaccadhammo desiyati. **Opasamikoti** kilesūpasamakaro. **Parinibbānikoti** kilesaparinibbānena parinibbānāvaho. **Sambodhagāmī**ti catumaggañānapaṭivedhagāmī. **Aññataranti** asaññabhavaṃ vā arūpabhavaṃ vā.

343. Anupubbavīhārāti anupaṭipāṭiyā samāpajjitabbavīhārā.

344. Anupubbanirodhāti anupaṭipāṭiyā nirodhā.

“Ime, kho āvuso”tiādi vuttanayeneva yojetabbaṃ. Iti channaṃ navakānaṃ vasena catupaṇṇāsa pañhe kathento thero sāmaggirasam dassesīti.

Navakavaṇṇanā niṭṭhitā.

Dasakavaṇṇanā

345. Iti navakavasena sāmaggirasam dassetvā idāni dasakavasena dassetuṃ puna desanam ārabhi. Tattha **nāthakaraṇā**ti “sanāthā, bhikkhave, viharatha mā anāthā, dasa ime, bhikkhave, dhammā nāthakaraṇā”ti (a. ni. 10.18) evaṃ akkhātā attano patiṭṭhākarā dhammā.

Kalyāṇamittotiādīsu sīlādiguṇasampannā kalyāṇā assa mittāti **kalyāṇamitto**. Te cassa ṭhānanisajjādīsu saha ayanato sahāyāti **kalyāṇasahāyo**. Cittena ceva kāyena ca kalyāṇamittesu eva sampavaṅko onatoti **kalyāṇasampavaṅko**. **Suvaco hotīti** sukkena vattabbo hoti sukkena anusāsitabbo. **Khamoti** gāḷhena pharusena kakkhaḷena vuccamāno khamati, na kuppāti. **Padakkhiṇaggāhī anusāsaninti** yathā ekacco ovadiyamāno vāmato gaṇhāti, paṭippharati vā asuṇanto vā gacchati, evaṃ akatvā “ovadatha, bhante, anusāsatha, tumhesu anovadantesu ko añño ovadissatī”ti padakkhiṇam gaṇhāti.

Uccāvacānīti uccāni ca avacāni ca. **Kiṃ karaṇīyānīti** kiṃ karomīti evaṃ vatvā kattabbakammāni. Tattha **uccakammāni** nāma cīvarassa karaṇam rajanam cetiye sudhākammaṃ uposathāgāracetiyaḥarabodhiyagharesu kattabbanti evamādi. **Avacakammaṃ** nāma pādadhovanamakkaṇādikhuddakakammaṃ. **Tatrupāyāyāti** tatrupalāmanīyā. **Alam kātunti** kātuṃ samattho hoti. **Alam samvidhātunti** vicāretuṃ samattho.

Dhamme assa kāmo sinehoti **dhammakāmo**, tepiṭakam buddhavacanam piyāyatīti attho. **Piyasamudāhāroti** parasmim kathente sakkaccam suṇāti, sayañca paresam desetukāmo hotīti attho. “Abhidhamme abhivinaye”ti ettha dhammo abhidhammo, vinayo abhivinayoti catukkaṃ veditabbam. Tattha **dhammoti** suttantapiṭakam. **Abhidhammoti** satta pakaraṇāni. **Vinayoti** ubhatovibhaṅgā. **Abhivinayoti** khandhakaparivārā. Atha vā suttantapiṭakampi abhidhammapiṭakampi **dhammo** eva. Maggaphalāni **abhidhammo**. Sakalam vinayapiṭakam **vinayo**. Kilesavūpasamakaraṇam **abhivinayo**. Iti sabbasmimpi ettha dhamme abhidhamme vinaye abhivinaye ca. **Uḷārapāmojjoti** bahulapāmojjo hotīti attho.

Kusalesu dhammesūti kāraṇatthe bhummam, catubhūmakakusaladhammakāraṇā, tesam adhigamattāya anikkhittadhuro hotīti attho.

346. Kasiṇadasake sakalaṭṭhena **kasiṇāni**. Tadārammaṇānam dhammānam khettaṭṭhena vā adhiṭṭhānaṭṭhena vā **āyatanāni**. **Uddhanti** upari gaganatalābhimukham. **Adhoti** heṭṭhā bhūmitalābhimukham. **Tiriyanti** khettaṇḍalamiva samantā paricchinditvā. Ekacco hi uddhameva kasiṇam vaḍḍheti, ekacco adho, ekacco samantato. Tena tena vā kāraṇena evaṃ pasāreti ālokamiva rūpadassanakāmo. Tena vuttaṃ “pathavīkasiṇameko sañjānāti uddham adho tiriya”nti. **Advayanti** idaṃ pana ekassa aññabhāvānupagamanattham vuttaṃ. Yathā hi udakam pavitṭhassa sabbadisāsu udakameva hoti, na aññam, evameva pathavīkasiṇam pathavīkasiṇameva hoti, natthi tassa añño kasiṇasambhedoti. Esa nayo sabbattha. **Appamāṇanti** idaṃ tassa tassa pharaṇaappamāṇavasena vuttaṃ. Tañhi cetasā pharanto sakalameva pharati, na “ayamassa ādi, idaṃ majjha”nti pamāṇam gaṇhātīti. **Viññāṇakasiṇanti** cettha kasiṇugghāṭimākāse pavattaviññāṇam. Tattha kasiṇavasena kasiṇugghāṭimākāse kasiṇugghāṭimākāsavasena tattha pavattaviññāṇe uddham adho tiriyaṭā veditabbā. Ayamettha saṅkhepo. Kammatṭhānabhāvānāyena panetāni pathavīkasiṇādīni vitthārato visuddhimagge vuttāneva.

Akusalakammaphadadasakavaṇṇanā

347. Kammapathesu kammāneva sugatiduggatīnam pathabhūtattā **kammaphathā** nāma. Tesu paṇātipāto adinnādānam musāvādādayo ca cattāro brahmajāle vitthāritā eva. **Kāmesumicchācāroti** ettha pana **kāmesūti** methunasamācāresu methunavattāsu vā. **Micchācāroti** ekantanindito lāmakācāro.

Lakkhaṇato pana asaddhammādhippāyena kāyadvārappavattā agamanīyaṭṭhānavītikkamacetanā **kāmesumicchācāro**.

Tattha **agamanīyaṭṭhānaṃ** nāma purisānaṃ tava māturalakkhitā, pituralakkhitā, mātāpituralakkhitā, bhāturalakkhitā, bhaginiralakkhitā, ñātirakkhitā, gottarakkhitā, dhammarakkhitā, sārakkhā, saparidaṇḍāti māturalakkhitādayo dasa. Dhanakkītā, chandavāsini, bhogavāsini, paṭavāsini, odapattakinī, obhatacumbaṭā, dāsī ca bhariyā ca, kammakārī ca bhariyā ca, dhajāhaṭā, muhuttikāti eṭā dhanakkītādayo dasāti vīsati. Itthīsu pana dvinnaṃ sārakkhasaparidaṇḍānaṃ dasannañca dhanakkītādīnanti dvādasannaṃ itthīnaṃ aññe purisā. Idaṃ agamanīyaṭṭhānaṃ nāma. So pana micchācāro silādiguṇarahite agamanīyaṭṭhāne appasāvajjo. Silādiguṇasampanne mahāsāvajjo. Tassa cattāro sambhārā agamanīyavattu, tasmim sevanacittaṃ, sevanappayogo, maggenamaggappaṭipattiadhivāsanti. Eko payogo sāhatthiko eva.

Abhijjhāyatīti **abhijjhā**, parabhaṇḍābhimukhī hutvā tanninatāya pavattatīti attho. Sā “aho vata idaṃ mamassā”ti evaṃ parabhaṇḍābhijjhāyanalakkhaṇā adinnādānaṃ viya appasāvajjā mahāsāvajjā ca. Tassā dve sambhārā parabhaṇḍaṃ, attano pariṇāmanañca. Parabhaṇḍavattuke hi lobhe uppannepi na tava kammaṭṭhābhedo hoti, yāva “aho vatīdaṃ mamassā”ti attano na pariṇāmeti.

Hitasukhaṃ byāpādayatīti **byāpādo**. So paraṃ vināsāya manopadosalakkhaṇo pharusāvācā viya appasāvajjo mahāsāvajjo ca. Tassa dve sambhārā parasatto ca, tassa vināsacintā ca. Parasattavattuke hi kodhe uppannepi na tava kammaṭṭhābhedo hoti, yāva “aho vatāyaṃ ucchijjheyya vinasseyyā”ti tassa vināsaṃ na cinteti.

Yathābhuccagahaṇābhāvena micchā passatīti **micchādiṭṭhi**. Sā “natthi dinna”ntiadinā nayena viparītadassanalakkhaṇā. Samphappalāpo viya appasāvajjā mahāsāvajjā ca. Apica aniyatā appasāvajjā, niyatā mahāsāvajjā. Tassā dve sambhārā vattuno ca gahitākāraviparītātā, yathā ca taṃ gaṇhāti, tathābhāvena tassūpaṭṭhānanti.

Imesaṃ pana dasannaṃ akusalakammaṭṭhānaṃ dhammato koṭṭhāsato ārammaṇato vedanāto mūlatoti pañcahākārehi vinicchayo veditabbo.

Tattha **dhammatoti** etesu hi paṭipāṭiyā satta cetanādhammāva honti. Abhijjhādayo tayo cetanāsampayuttā.

Koṭṭhāsototi paṭipāṭiyā satta, micchādiṭṭhi cāti ime aṭṭha kammaṭṭhā eva honti, no mūlāni. Abhijjhābyāpādā kammaṭṭhā ceva mūlāni ca. Abhijjhā hi mūlaṃ patvā lobho akusalamūlaṃ hoti. Byāpādo doso akusalamūlaṃ hoti.

Ārammaṇatoti pāṇātipāto jīvitindriyārammaṇato saṅkhārārammaṇo hoti. Adinnādānaṃ sattārammaṇaṃ vā saṅkhārārammaṇaṃ vā, micchācāro phoṭṭhabbavasena saṅkhārārammaṇo. “Sattārammaṇo”tipi eke. Musāvādo sattārammaṇo vā saṅkhārārammaṇo vā, tathā pisuṇavācā. Pharusavācā sattārammaṇāva. Samphappalāpo diṭṭhasutamutaviññātavasena sattārammaṇo vā saṅkhārārammaṇo vā. Tathā abhijjhā. Byāpādo sattārammaṇova. Micchādiṭṭhi tebhūmakadhamavasena saṅkhārārammaṇā.

Vedanātoti pāṇātipāto dukkhavedano hoti. Kiñcāpi hi rājāno coraṃ disvā hasamānāpi “gacchatha naṃ ghātethā”ti vadanti, sannīṭṭhāpakacetanā pana dukkhasampayuttāva hoti. Adinnādānaṃ tivedanaṃ. Micchācāro sukhamajjhattavasena dvivedano. Sannīṭṭhāpakacitte pana majjhattavedano na hoti. Musāvādo tivedano. Tathā pisuṇavācā. Pharusavācā dukkhavedanā. Samphappalāpo tivedano. Abhijjhā sukhamajjhattavasena dvivedanā tathā micchādiṭṭhi. Byāpādo dukkhavedano.

Mūlatoti pāṇātipāto dosamohavasena dvimūlako hoti. Adinnādānaṃ dosamohavasena vā lobhamohavasena vā. Micchācāro lobhamohavasena. Musāvādo dosamohavasena vā lobhamohavasena vā tathā piṣuṇavācā samphappalāpo ca. Pharusavācā dosamohavasena. Abhijjhā mohavasena ekamūlā. Tathā byāpādo. Micchādīṭṭhi lobhamohavasena dvimūlāti.

Kusalakammaphadadasakavaṇṇanā

Pāṇātipātā veramaṇiādīni samādānasampattasamucchedavirativasena veditabbāni.

Dhammato pana etesupi paṭipāṭiyā satta cetanāpi vattanti viratiyopi. Ante tayo cetanāsampayuttāva.

Koṭṭhāsatoti paṭipāṭiyā satta kammaphā eva, no mūlāni. Ante tayo kammaphā ceva mūlāni ca. Anabhijjhā hi mūlaṃ patvā alobho kusalamūlaṃ hoti. Abyāpādo adoso kusalamūlaṃ. Sammādiṭṭhi amoho kusalamūlaṃ.

Ārammaṇatoti pāṇātipātādīnaṃ ārammaṇāneva etesaṃ ārammaṇāni. Vītikkamitabbatoyeva hi veramaṇi nāma hoti. Yathā pana nibbānārammaṇo ariyamaggo kilese pajahati, evaṃ jīvitindriyādiārammaṇāpete kammaphā pāṇātipātādīni dussīlyāni pajahantīti veditabbā.

Vedanātoti sabbe sukhavedanā honti majjhavedanā vā. Kusalaṃ patvā hi dukkhavedanā nāma natthi.

Mūlatoti paṭipāṭiyā satta ñāṇasampayuttacittena viramantassa alobhaadosaamohavasena timūlāni honti, ñāṇavippayuttacittena viramantassa dvimūlāni. Anabhijjhā ñāṇasampayuttacittena viramantassa dvimūlā, ñāṇavippayuttacittena ekamūlā. Alobho pana attanāva attano mūlaṃ na hoti. Abyāpādepi eseva nayo. Sammādiṭṭhi alobhādosavasena dvimūlā evāti.

Ariyavāsadasakavaṇṇanā

348. Ariyavāsāti ariyā eva vasiṃsu vasanti vasissanti etesūti ariyavāsā. **Pañcaṅgavippahīnoti** pañcahi aṅgehi vippayuttova hutvā khīṇāsavo avasi vasati vasissatīti tasmā ayaṃ pañcaṅgavippahīnatā, ariyassa vāsattā ariyavāsoti vutto. Esa nayo sabbattha.

Evaṃ kho, āvuso, bhikkhu chaḷaṅgasamannāgato hotīti chaḷaṅgupekkhāya samannāgato hoti. Chaḷaṅgupekkhā nāma keti? Nāṇādayo. “Nāṇa”nti vutte kiriyato cattāri ñāṇasampayuttacittāni labbhanti. “Satatavihāro”ti vutte aṭṭha mahācittāni. “Rajjanadussanaṃ natthi”ti vutte dasa cittāni labbhanti. Somanassaṃ āsevanavasena labbhati.

Satārakkhena cetasāti khīṇāsavassa hi tīsu dvāresu sabbakālaṃ sati ārakkhakkiccam sādheti. Tenevassa “carato ca tiṭṭhato ca suttassa ca jāgarassa ca satataṃ samitaṃ ñāṇadassanaṃ paccupaṭṭhitam hoti”ti vuccati.

Puthusamaṇabrāhmaṇānanti bahūnaṃ samaṇabrāhmaṇānaṃ. Ettha ca **samaṇā**ti pabbajjupagatā. **Brāhmaṇā**ti bhovādino. **Puthupaccekasaccānī**ti bahūni pāṭekkasaccāni, idameva dassanaṃ saccam, idameva dassanaṃ saccanti evaṃ pāṭiyekkaṃ gahitāni bahūni saccānīti attho. **Nunnānī**ti nihatāni. **Paṇunnānī**ti suṭṭhu nihatāni. **Cattānī**ti vissaṭṭhāni. **Vantānī**ti vamiṭāni. **Muttānī**ti chinnabandhanāni katāni. **Pahīnānī**ti pajahitāni. **Paṭinissatṭhānī**ti yathā na puna cittaṃ āruhanti, evaṃ paṭinissajjitāni. Sabbāneva tāni gahitaggahaṇassa vissaṭṭhabhāvavevacanāni.

Samavayasatthhesanoti ettha **avayāti** anūnā. **Satthāti** vissatthā. Sammā avayā satthā esanā assāti **samavayasatthhesano**. Sammā vissatthasabbaesanoti attho. **Rāgā cittaṃ vimuttantiādīhi** maggassa kiccanipphatti kathitā.

Rāgo me pahīnotiādīhi paccavekkhaṇāya phalaṃ kathitaṃ.

Asekkhadhammadasakavaṇṇanā

Asekkhā sammādiṭṭhītiādayo sabbepi phalasampayuttadhammā eva. Ettha ca sammādiṭṭhi, sammāñāṇanti dvīsu ṭhānesu paññāva kathitā. **Sammāvimuttīti** iminā padena vuttāvasesā. Phalasaṃpattidhammā saṅgahitāti vedītabbā.

“Ime kho, āvuso”tiādi vuttanayeneva yojetabbaṃ. Iti channaṃ dasakānaṃ vasena samasatthi pañhe kathento thero sāmaggirasam dassesīti.

Dasakavaṇṇanā niṭṭhitā.

Pañhasamodhānavaṇṇanā

349. Idha pana ṭhatvā pañhā samodhānetabbā. Imasmiñhi sutte ekakavasena dve pañhā kathitā. Dukavasena sattati. Tikavasena asītisatam. Catukkavasena dvesatāni. Pañcakavasena tiṃsasatam. Chakkavasena bāttiṃsasatam. Sattakavasena aṭṭhanavutī. Aṭṭhakavasena aṭṭhāsīti. Navakavasena catupaṇṇāsa. Dasakavasena samasatthīti evaṃ sahasaṃ cuddasa pañhā kathitā.

Imaṇhi suttantaṃ ṭhapetvā tepiṭake buddhavaacane añño suttanto evaṃ bahupañhapaṭimaṇḍito natthi. Bhagavā imaṃ suttantaṃ ādīto paṭṭhāya sakalaṃ sutvā cintesi – “dhammasenāpati sārīputto buddhabalaṃ dīpetvā appaṭivattiyam sīhanādaṃ nadati. Sāvaka bhāsītoti vutte okappanā na hoti, jinabhāsītoti vutte hoti, tasmā jinabhāsitaṃ katvā devamanussānaṃ okappanaṃ imasmiṃ suttante uppādessāmi”ti. Tato vuṭṭhāya sādhu kārāṃ adāsī. Tena vuttaṃ “atha kho bhagavā vuṭṭhahitvā āyasmantaṃ sārīputtaṃ āmantesi, sādhu, sādhu, sārīputta, sādhu kho tvam sārīputta, bhikkhūnaṃ saṅgītipariyāyaṃ abhāsī”ti.

Tattha **saṅgītipariyāyanti** sāmaggiyā kārāṇaṃ. Idaṃ vuttaṃ hoti – “sādhu, kho tvam, sārīputta, mama sabbaññūtaññāṇena saṃsanditvā bhikkhūnaṃ sāmaggirasam abhāsī”ti. **Samanuñño satthā ahoṣīti** anumodanena samanunño ahoṣī. Ettakena ayaṃ suttanto jinabhāsito nāma jāto. Desanāpariyosāne imaṃ suttantaṃ manasikarontā te bhikkhū arahattaṃ pāpuṇiṃsūti.

Sumaṅgalavilāsiniyā dīghanikāyaṭṭhakathāya

Saṅgītisuttavaṇṇanā niṭṭhitā.

11. Dasuttarasuttavaṇṇanā

350. Evaṃ me sutanti dasuttarasuttaṃ. Tatrāyaṃ apubbapadavaṇṇanā – **āvuso bhikkhavi**te sāvakānaṃ ālapanametam. Buddhā hi parisam āmantayamānā ‘bhikkhave’ti vadanti. Sāvakā satthāraṃ uccaṭṭhāne ṭhapessāmāti satthu ālapanena anālapitvā āvusoti ālapanti. **Te bhikkhūti** te dhammasenāpatiṃ parivāretvā nisinnā bhikkhū. Ke pana te bhikkhūti? Anibaddhavāsā disāgamanīyā bhikkhū. Buddhakāle dve vāre bhikkhū sannipatanti – upakaṭṭhavassūpanāyikakāle ca pavāraṇakāle ca. Upakaṭṭhavassūpanāyikāya dasapi vīsatiṃ tiṃsampi cattālīsampi paññāsampi bhikkhū vaggā vaggā kammaṭṭhānatthāya āgacchanti. Bhagavā tehi saddhiṃ sammoditvā kasmā, bhikkhave, upakaṭṭhāya

vassūpanāyikāya vicarathāti pucchati. Atha te “bhagavā kammaṭṭhānattham āgatamha, kammaṭṭhānam no dethā”ti yācanti.

Satthā tesam cariyavasena rāgacaritassa asubhakammaṭṭhānam deti. Dosacaritassa mettākammaṭṭhānam, mohacaritassa uddeso paripucchā – ‘kālena dhammassavanam, kālena dhammasākacchā, idaṃ tuyham sappāya’nti ācikkhati. Vitakkacaritassa ānāpānassatikammaṭṭhānam deti. Saddhācaritassa pasādanīyasuttante buddhasubodhiṃ dhammasudhammatam saṅhasuppaṭipattiṅca pakāseti. Nāṇacaritassa aniccatādipaṭisaṃyutte gambhīre suttante katheti. Te kammaṭṭhānam gahetvā sace sappāyam hoti, tattheva vasanti. No ce hoti, sappāyam senāsanam pucchitvā gacchanti. Te tattha vasantā temāsikam paṭipadam gahetvā ghaṭetvā vāyamantā sotāpannāpi honti sakadāgāminopi anāgāminopi arahantopi.

Tato vutthavassā pavāretvā satthu santikam gantvā “bhagavā aham tumbhākam santike kammaṭṭhānam gahetvā sotāpattiṭṭhānam patto...pe... aham aggaphalam arahatta”nti paṭiladdhaguṇam ārocenti. Tattha ime bhikkhū upakaṭṭhāya vassūpanāyikāya āgatā. Evaṃ āgantvā gacchante pana bhikkhū bhagavā aggasāvakanam santikam peseti, yathāha “apaloketha pana, bhikkhave, sārīputtamoggallāne”ti. Bhikkhū ca vadanti “kiṃ nu kho mayam, bhante, apalokema sārīputtamoggallāne”ti (sam. ni. 3.2). Atha ne bhagavā tesam dassane uyyojesi. “Sevatha, bhikkhave, sārīputtamoggallāne; bhajatha, bhikkhave, sārīputtamoggallāne. Paṇḍitā bhikkhū anuggāhakā sabrahmacārīnam. Seyyathāpi, bhikkhave, janetā evam sārīputto. Seyyathāpi jātassa āpādetā evam moggallāno. Sārīputto, bhikkhave, sotāpattiṭṭhāne vineti, moggallāno uttamatthe”ti (ma. ni. 3.371).

Tadāpi bhagavā imehi bhikkhūhi saddhiṃ paṭisanthāram katvā tesam bhikkhūnam āsayam upaparikkhanto “ime bhikkhū sāvakaṃvīyā”ti addasa. **Sāvakaṃvīyā** nāma ye buddhānampi dhammadesanāya bujjhanti sāvakanampi. **Buddhaviṃyā** pana sāvakā bodhetuṃ na sakkonti. Sāvakaṃvīyabhāvaṃ pana etesam nātva katarassa bhikkhuno desanāya bujjhissanti olokento sārīputtassāti disvā therassa santikam pesesi. Thero te bhikkhū pucchi “satthu santikam gatattha āvuso”ti. “Āma, gatamha sathārā pana amhe tumbhākam santikam pesitā”ti. Tato thero “ime bhikkhū mayham desanāya bujjhissanti, kīdisī nu kho tesam desanā vaṭṭatī”ti cintento “ime bhikkhū samaggārāmā, samaggirasassa dīpikā nesam desanā vaṭṭatī”ti sannīṭṭhānam katvā tathārūpaṃ desanam desetukāmo **dasuttaram pavakkhāmī**tiādimāha. Tattha dasadhā mātikam ṭhapetvā vibhattoti dasuttaro, ekakato paṭṭhāya yāva dasakā gatoti dasuttaro, ekekasmim pabbe dasa dasa pañhā visesitātipi dasuttaro, tam **dasuttaram. Pavakkhāmī**ti kathessāmi. **Dhammanti** suttaṃ. **Nibbānapattiyā**ti nibbānapaṭilābhathāya. **Dukkhasantakiriyāyā**ti sakalassa vaṭṭadukkhassa pariyantakaraṇattham. **Sabbaganthappamocananti** abhijjhākāyaganthādīnam sabbaganthānam pamocanam.

Iti thero desanam uccam karonto bhikkhūnam tattha pemaṃ janento evametam uggahetabbaṃ pariyāpuṇitabbaṃ dhāretabbaṃ vācetaṃ maññissanti catūhi padehi vaṇṇam kathesi, “ekāyano ayam, bhikkhave, maggo”tiādinā nayena tesam tesam suttānam bhagavā viya.

Ekadhammavaṇṇanā

351. (Ka) tattha **bahukāro**ti bahūpakāro.

(Kha) **bhāvetabboti** vaḍḍhetabbo.

(Ga) **pariññeyyoti** tīhi pariññāhi pariṇānitabbo.

(Gha) **pahātabboti** pahānānupassanāya pajahitabbo.

(Ṇa) **hānabhāgiyoti** apāyagāmaparihānāya saṃvattanako.

(Ca) **visesabhāgiyoti** visesagānivisesāya saṃvattanako.

(Cha) **duppaṭivijjhoti** duppaccakkhako.

(Ja) **uppādetabboti** nipphādetabbo.

(Jha) **abhiññeyyoti** ñātapariññāya abhijānitabbo.

(Ña) **sacchikātabboti** paccakkhaṃ kātabbo.

Evam sabbattha mātikāsu attho veditabbo. Iti āyasmā sārīputto yathā nāma dakkho veḷukāro sammukhībhūtaṃ veḷuṃ chetvā niggaṇṭhiṃ katvā dasadhā khaṇḍe katvā ekamekaṃ khaṇḍaṃ hīraṃ hīraṃ karonto phāleti, evameva tesam bhikkhūnaṃ sappāyaṃ desanaṃ upaparikkhitvā dasadhā mātikaṃ ṭhapetvā ekekakoṭṭhāse ekekapadaṃ vibhajanto “katamo eko dhammo bahukāro, appamādo kusalesu dhammesūti” tiādinā nayena desanaṃ vitthāretuṃ āradhho.

Tattha **appamādo kusalesu dhammesūti** sabbatthakaṃ upakāraṃ appamādaṃ kathesi. Ayañhi appamādo nāma sīlapūraṇe, indriyasamvare, bhojane mattaññutāya, jāgariyānuyoge, sattasu saddhammesu, vipassanāgabbhaṃ gaṇhāpane, atthapaṭisambhidādīsu, sīlakkhandhādīpañcadhammakhandhesu, ṭhānāṭṭhānesu, mahāvihārasamāpattiyā, ariyasaccesu, satipaṭṭhānādīsu, bodhipakkiyesu, vipassanāñāṇādīsu aṭṭhasu vijjāsūti sabbesu anavajjaṭṭhena kusalesu dhammesu bahūpakāro.

Teneva naṃ bhagavā “yāvata, bhikkhave, sattā apadā vā...pe... tathāgato tesam aggamakkhāyati. Evameva kho, bhikkhave, ye keci kusalā dhammā, sabbete appamādamūlakā appamādasamosaraṇā, appamādo tesam dhammānaṃ aggamakkhāyati” tiādinā (saṃ. ni. 5.139) nayena hatthipadādīhi opammehi opamento **saṃyuttanikāye appamādavagge** nānappakāraṃ thometi. Taṃ sabbaṃ ekapadeneva saṅgahetvā thero appamādo kusalesu dhammesūti āha. **Dhammapade** appamādavaggenāpissa bahūpakāratā dīpetabbā. Asokavattunāpi dīpetabbā –

(Ka) asokarājā hi nigrodhasāmaṇerassa “appamādo amatapada” nti gāthaṃ sutvā eva “tiṭṭha, tāta, mayhaṃ tayā teṭṭhakaṃ buddhavacanaṃ kathita” nti sāmaṇere pasīditvā caturāsītivihārasahassāni kāresi. Iti thāmasampanna bhikkhunā appamādassa bahūpakāratā tīhi piṭakehi dīpetvā kathetabbā. Yaṃkiñci suttaṃ vā gāthaṃ vā appamādādīpanatthaṃ āharanto “aṭṭhāne ṭhatvā āharasi, atitthena pakkhando” ti na vattabbo. Dhammakathikasavettha thāmo ca balañca pamāṇaṃ.

(Kha) **kāyagatāsati** ānāpānaṃ catuiriyaṃ patho satisampajaññaṃ dvattiṃsākāro catudhātuvavattānaṃ dasa asubhā nava sivathikā cuṇṇikamanasikāro kesādīsu cattāri rūpajjhānānīti ettha uppannasatiyā etaṃ adhivacanaṃ. **Sātasahagatā** ṭhapetvā catutthajjhānaṃ aññattha sātasahagatā hoti sukhasampayuttā, taṃ sandhāyetuṃ vuttaṃ.

(Ga) **sāsavo upādāniyoti** āsavānañceva upādānānañca paccayabhūto. Iti tebhūmakadhammameva niyameti.

(Gha) **asmimānoti** rūpādīsu asmīti māno.

(Ña) **ayoniso manasikāroti** anicce niccantiādinā nayena pavatto uppathamanasikāro.

(Ca) vipariyāyena **yoniso manasikāro** veditabbo.

(Cha) **ānantariko cetosamādhī** aññattha maggānantaraṃ phalaṃ ānantariko cetosamādhī nāma. Idha pana vipassanānantaro maggo vipassanāya vā anantarattā attano vā anantaraṃ phaladāyakattā ānantariko cetosamādhī adhippeto.

(Ja) **akuppaṃ nāṇanti** aññattha phalapaññā akuppaññaṃ nāma. Idha paccavekkhaṇapaññā adhippetā.

(Jha) **āhāraṭṭhitikā**ti paccayaṭṭhitikā. **Ayaṃ eko dhammoti** yena paccayena tiṭṭhanti, ayaṃ eko dhammo nātapariññāya abhiññeyyo.

(Ña) **akuppā cetovimuttī**ti arahattaphalavimuttī.

Imasmiṃ vāre abhiññāya nātapariññā kathitā. Pariññāya tīraṇapariññā. Pahātabbasacchikātabbehi pahānapariññā. **Duppaṭivijjhoti** ettha pana maggo kathito. **Sacchikātabboti** phalaṃ kathitaṃ, maggo ekasmiṃyeva pade labbhatī. Phalaṃ pana anekesupi labbhatiyeva.

Bhūtāti sabhāvato vijjamānā. **Tacchā**ti yāthāvā. **Tathā**ti yathā vuttā tathāsabhāvā. **Avitathā**ti yathā vuttā na tathā na honti. **Anaññathā**ti vuttappakārato na aññathā. **Sammā tathāgatena abhisambuddhā**ti tathāgatena bodhipallaṅke nisīditvā hetunā kāraṇena sayameva abhisambuddhā nātā viditā sacchikatā. Iminā therō “ime dhammā tathāgatena abhisambuddhā, ahaṃ pana tumhākaṃ rañño lekhaṇācakasadiṣo”ti jīnasuttaṃ dassento okappaṇaṃ janesi.

Ekadhammavaṇṇanā niṭṭhitā.

Dvedhammavaṇṇanā

352. (Ka) **ime dve dhammā bahukārā**ti ime dve satisampajaññā dhammā sīlapūraṇādīsu appamādo viya sabbattha upakārakā hitāvahā.

(Kha) **samatho ca vipassanā cāti** ime dve saṅgītisutte lokiyalokuttarā kathitā. Imasmiṃ dasuttarasutte pubbabhāgā kathitā.

(Cha) **sattānaṃ saṃkilesāya sattānaṃ visuddhiyāti** ayoniso manasikāro hetu ceva paccayo ca sattānaṃ saṃkilesāya, yoniso manasikāro visuddhiyā. Tathā dovacassatā pāpamittatā saṃkilesāya; sovacassatā kalyāṇamittatā visuddhiyā. Tathā tīṇi akusalamūlāni; tīṇi kusalamūlāni. Cattāro yogā cattāro viśaṃyogā. Pañca cetokhilā pañcindriyāni. Cha agāravā cha gāravā. Satta asaddhammā satta saddhammā. Aṭṭha kusītavatthūni aṭṭha ārambhavatthūni. Nava āghātavatthūni nava āghātappaṭivīṇayā. Dasa akusalakammaṭṭhā dasa kusalakammaṭṭhāti evaṃ pabhedā ime dve dhammā duppaṭivijjhāti veditabbā.

(Jha) **saṅkhatā dhātū**ti paccayehi katā pañcakkhandhā. Asaṅkhatā dhātūti paccayehi akataṃ nibbānaṃ.

(Ña) **vijjā ca vimutti cāti** ettha **vijjāti** tisso vijjā. **Vimuttī**ti arahattaphalaṃ.

Imasmiṃ vāre abhiññādīni ekakasadisāneva, uppādetabbapade pana maggo kathito, sacchikātabbapade phalaṃ.

Dvedhammavaṇṇanā niṭṭhitā.

Tayodhammavaṇṇanā

353. (Cha) **kāmānametaṃ nissaraṇaṃ yadidaṃ nekkhammanti** ettha **nekkhammanti** anāgāmimaggo adhippeto. So hi sabbaso kāmānaṃ nissaraṇaṃ. **Rūpānaṃ nissaraṇaṃ yadidaṃ āruppanti** ettha āruppepi arahattamaggo. Puna uppattinivāraṇato sabbaso rūpānaṃ nissaraṇaṃ nāma. **Nirodho tassa nissaraṇanti** idha arahattaphalaṃ nirodhoti adhippeteṃ. Arahattaphalena hi nibbāne diṭṭhe puna āyaṭiṃ sabbasaṅkhārā na hontīti arahattaṃ saṅkhatanirodhassa paccayattā nirodhoti vuttaṃ.

(Ja) **atītaṃse ñāṇanti** atītaṃsārammaṇaṃ ñāṇaṃ itaresuṃ eseva nayo.

Imasmimpi vāre abhiññādayo ekakasadisāva. Duppaṭivijjhāpade pana maggo kathito, sacchikātabbe phalaṃ.

Tayodhammavaṇṇanā niṭṭhitā.

Cattārodhammavaṇṇanā

354. (Ka) **cattāri cakkāni** ettha **cakkaṃ** nāma dārucakkaṃ, ratanacakkaṃ, dhammacakkaṃ, iriyāpathacakkaṃ, sampatticakkanti pañcavidhaṃ. Tattha “yaṃ panidaṃ samma, rathakāra, cakkaṃ chahi māsehi niṭṭhitaṃ, chārattūnehī”ti (a. ni. 3.15) idaṃ dārucakkaṃ. “Pitarā pavattitaṃ cakkaṃ anuppavatteti”ti (a. ni. 5.132) idaṃ ratanacakkaṃ. “Pavattitaṃ cakka”nti (ma. ni. 2.399) idaṃ dhammacakkaṃ. “Catucakkaṃ navadvāra”nti (saṃ. ni. 1.29) idaṃ iriyāpathacakkaṃ. “Cattārimāni, bhikkhave, cakkāni, yehi samannāgatānaṃ devamanussānaṃ catucakkaṃ pavattati”ti (a. ni. 4.31) idaṃ sampatticakkaṃ. Idhāpi etadeva adhippeteṃ.

Patirūpadesavāsoti yattha catasso parisā sandissanti, evarūpe anucchavike dese vāso. **Sappurisūpanissayoti** buddhādīnaṃ sappurisānaṃ avassayanaṃ sevanaṃ bhajanaṃ. **Attasammāpaṇidhīti** attano sammā ṭhapanāṃ, sace pana pubbe assaddhādīhi samannāgato hoti, tāni pahāya saddhādīsu patiṭṭhāpanaṃ. **Pubbe ca katapuññatāti** pubbe upacitakusalatā. Idamevettha pamāṇaṃ. Yena hi ñāṇasampayuttacittena kusalaṃ kataṃ hoti, tadeva kusalaṃ taṃ purisaṃ patirūpadese upaneti, sappurise bhajāpesi. So eva ca puggalo attānaṃ sammā ṭhāpeti. Catūsu āhāresu paṭhamo lokiyova. Sesā pana tayo saṅgītisutte lokiyalokuttaramissakā kathitā. Idha pubbabhāge lokiyā.

(Ca) **kāmayogavisamyoḡādayo** anāgāmimaggādivasena veditabbā.

(Cha) **hānabhāgiyādīsu** paṭhamassa jhānassa lābhī kāmasahagatā saññāmanasikārā samudācaranti **hānabhāgiyo** samādhi. Tadanudhammatā sati santiṭṭhāti **ṭhitibhāgiyo** samādhi. Vitakkasahagatā saññāmanasikārā samudācaranti **visabhāgiyo** samādhi. Nibbidāsahagatā saññāmanasikārā samudācaranti virāgūpasañhito **nibbedhabhāgiyo** samādhīti iminā nayena sabbasamāpattiyo vitthāretvā attho veditabbo. Visuddhimagge panassa vinicchayakathā kathitāva.

Imasmimpi vāre abhiññādīni ekakasadisāneva. Abhiññāpade panettha maggo kathito. Sacchikātabbapade phalaṃ.

Cattārodhammavaṇṇanā niṭṭhitā.

Pañcadhammavaṇṇanā

355. (Kha) pītipharaṇatādīsu pītiṃ pharamānā uppajjātīti dvīsu jhānesu paññā **pītipharaṇatā** nāma. Sukhaṃ pharamānaṃ uppajjātīti tīsu jhānesu paññā **sukhapharaṇatā** nāma. Paresaṃ ceto pharamānā

uppajjatīti cetopariyapaññā **cetopharaṇatā** nāma. Ālokapharaṇe uppajjatīti dibbacakkhupaññā **ālokapharaṇatā** nāma. Paccavekkhaṇaññaṇaṃ **paccavekkhaṇanimittaṃ** nāma. Vuttampi cetamaṃ “dvīsu jhānesu paññā pītipharaṇatā, tīsu jhānesu paññā sukhapharaṇatā. Paracitte paññā cetopharaṇatā, dibbacakkhu ālokapharaṇatā. Tamhā tamhā samādhimhā vuṭṭhitassa paccavekkhaṇaññaṇaṃ paccavekkhaṇanimitta”nti (vibha. 804).

Tattha pītipharaṇatā sukhapharaṇatā dve pādā viya. Cetopharaṇatā ālokapharaṇatā dve hatthā viya. Abhiññāpādakajjhānaṃ majjhimakāyo viya. Paccavekkhaṇanimittaṃ sīsaṃ viya. Iti āyasmā sārīputtatthero pañcaṅgikaṃ sammāsamādhim aṅgapaccāṅgasampannaṃ purisaṃ katvā dassesi.

(Ja) **ayaṃ samādhi paccuppannasukho ce vāti**ādīsu arahattaphalasaṃmādhī adhippeto. So hi appitappitakkhaṇe sukhattā **paccuppannasukho**. Purimo purimo pacchimassa pacchimassa samādhisukhassa paccayattā āyatim **sukhavipāko**.

Kīlesehi ārakattā **ariyo**. Kāmāmisavaṭṭāmisalokāmisānaṃ abhāvā **nirāmisō**. Buddhādīhi mahāpurisehi sevitattā **akāpurisasevito**. Aṅgasantāyā ārammaṇasantāyā sabbakīlesadarathasantāyā ca **santo**. Atappaṇiyatṭhena **pañito**. Kīlesapaṭippassaddhiyā laddhattā kīlesapaṭippassaddhibhāvaṃ vā laddhattā **paṭippassaddhaladdho**. Paṭippassaddham paṭippassaddhīti hi idaṃ atthato ekaṃ. Paṭippassaddhakīlesena vā arahatā laddhattā paṭippassaddhaladdho. Ekodibhāvena adhigatattā ekodibhāvameva vā adhigatattā **ekodibhāvādhigato**. Appaṅgaṇasāsavasamādhī viya sasāṅkhārena sappayogena cittaṇa paccanīkadhamme niggayha kīlese vāretvā anadhigatattā **nasasaṅkhāraniggayhavāritagato**. Tañca samādhim samāpajjanto tato vā vuṭṭhahanto satīvepullapattattā. **Satova samāpajjati sato vuṭṭhahati**. Yathāparicchinnaṅgālavasena vā sato samāpajjati sato vuṭṭhahati. Tasmā yadettha “ayaṃ samādhi paccuppannasukho ceva āyatīṅga sukhavipāko”ti evaṃ paccavekkhamānassa paccattaṃyeva aparappaccayaṃ ñāṇaṃ uppajjati, taṃ ekamaṅgaṃ. Esa nayo sesesupī. Evamimehi pañcahi paccavekkhaṇaññaṇehi ayaṃ samādhi “pañcañāṅgiko sammāsamādhī”ti vutto.

Imasmiṃ vāre visesabhāgiyapade maggo kathito. Sacchikātabbapade phalaṃ. Sesam purimasadisameva.

Chadhammavaṇṇanā

356. Chakkesu sabbaṃ uttānatthameva. Duppaṭivijjhapade panettha maggo kathito. Sesam purimasadisam.

Sattadhammavaṇṇanā

357. (Ña) **sammappaññāya sudiṭṭhā honti**ti hetunā nayena vipassanāññaṇena sudiṭṭhā honti. **Kāmā**ti vatthukāmā ca kīlesakāmā ca, dvepi saparīlāhatṭhena aṅgārakāsu viya sudiṭṭhā honti. **Vivekaninnanti** nibbānaninnaṃ. **Poṇaṃ pabbhāranti** ninnassetam vevacanaṃ. **Byantībhūtaṇi** niyatībhūtaṃ. Nittaṇhanti attho. Kuto? Sabbaso āsavaṭṭhānīyehi dhammehi tebhūmakadhammehīti attho. Idha bhāvetabbapade maggo kathito. Sesam purimasadisameva.

Aṭṭhadhammavaṇṇanā

358. (Ka) **ādibrahmacariyikāya paññāyāti** sikkhattayasāṅgahassa maggabrahmacariyassa ādibhūtāya pubbabhāge taruṇasamathavipassanāpaññāya. Aṭṭhaṅgikassa vā maggassa ādibhūtāya sammādiṭṭhipaññāya. **Tibbanti** balavaṃ. **Hirottappanti** hirī ca ottappañca. **Pemanti** gehassitapemaṃ. **Gāravoti** garucittabhāvo. Garubhāvanīyañhi upanissāya viharato kīlesā nuppajjanti ovādānusāsaṇim labhati. Tasmā taṃ nissāya vihāro paññāpaṭilābhassa paccayo hoti.

(Cha) akkhaṇesu yasmā petā asurānaṃ āvāhanaṃ gacchanti, vivāhanaṃ gacchanti, tasmā pettivisayeneva asurakāyo gahitoti veditabbo.

(Ja) **appicchassāti** ettha paccayaappiccho, adhigamaappiccho, pariyattiappiccho, dhutaṅgaappicchoti cattāro appicchā. Tattha paccayaappiccho bahum dente appaṃ gaṇhāti, appaṃ dente appataraṃ vā gaṇhāti, na vā gaṇhāti, na anavasesagāhī hoti. Adhigamaappiccho majjhantikatthero viya attano adhigamaṃ aññesaṃ jānitum na deti. Pariyattiappiccho teṭṭakopi samāno na bahussutabhāvaṃ jānāpetukāmo hoti sāketatissatthero viya. Dhutaṅgaappiccho dhutaṅgapariharāṇabhāvaṃ aññesaṃ jānitum na deti dvebhātikattheresu jeṭṭhatthero viya. Vatthu visuddhimagge kathitaṃ. **Ayaṃ dhammoti** evaṃ santaguṇanigūhanena ca paccayaapaṭiggahaṇe mattaññūtāya ca appicchassa puggalassa ayaṃ navalokuttaradhammo sampajjati, no mahicchassa. Evaṃ sabbattha yojetabbaṃ.

Santuṭṭhassāti catūsu paccayesu tīhi santosehi santuṭṭhassa. **Pavivittassāti** kāyacittaupadhivivekehi vivittassa. Tattha **kāyaviveko** nāma gaṇasaṅgaṇikaṃ vinodetvā aṭṭhārambhavatthuvāsena ekībhāvo. Ekībhāvamattena pana kammaṃ na nipphajjati kasiṇaparikkammaṃ katvā aṭṭha samāpattiyo nibbatteti, ayaṃ **cittaviveko** nāma. Samāpattimatteneva kammaṃ na nipphajjati jhānaṃ pādakaṃ katvā saṅkhāre sammasitvā saha paṭisambhidāhi arahattaṃ pāpuṇāti, ayaṃ **upadhiviveko** nāma. Tenāha bhagavā – “kāyaviveko ca vivekaṭṭhakāyānaṃ nekkhammābhiraṭānaṃ. Cittaviveko ca parisuddhacittānaṃ paramavodānappattānaṃ. Upadhiviveko ca nirupadhīnaṃ puggalānaṃ visāṅkhāragatānaṃ”nti (mahāni. 49).

Saṅgaṇikārāmassāti gaṇasaṅgaṇikāya ceva kilesasaṅgaṇikāya ca ratassa. **Āraddhavīriyassāti** kāyikacetāsikavīriyavasena āraddhavīriyassa. **Upaṭṭhitasatissāti** catusatipaṭṭhānavasena upaṭṭhitasatissa. **Samāhitassāti** ekaggacittassa. **Paññavatoti** kammassakatapaññāya paññavato. **Nippapañcassāti** vigatamānatanhādiṭṭhipapañcassa.

Idha bhāvetabbapade maggo kathito. Sesam purimasadisameva.

Navadhammavaṇṇanā

359. (Kha) **sīlavisuddhīti** visuddhiṃ pāpetum samatthaṃ catupārisuddhisīlam. **Pārisuddhipadhāniyaṅanti** parisuddhabhāvassa padhānaṅgaṃ. **Cittavisuddhīti** vipassanāya padaṭṭhānabhūtā aṭṭha paguṇasamāpattiyo. **Diṭṭhivisuddhīti** sapaccayanāmarūpadassanaṃ. **Kaṅkhāvitaraṇavisuddhīti** paccayākāraññaṃ. Addhattayepi hi paccayavaseneva dhammā pavattantīti passato kaṅkhaṃ vitarati. **Maggāmaggaññadassanavisuddhīti** obhāsādayo na maggo, vīthippaṭipannaṃ udayabbayaññaṃ maggoti evaṃ maggāmagge ññaṃ. **Paṭipadāññadassanavisuddhīti** rathavinīte vuṭṭhānagāminivipassanā kathitā, idha taruṇavipassanā. **Ññadassanavisuddhīti** rathavinīte maggo kathito, idha vuṭṭhānagāminivipassanā. Etā pana sattapi visuddhiyo vitthārena visuddhimagge kathitā. **Paññāti** arahattaphalapaññā. **Vimutti** arahattaphalavimuttiyeva.

(Cha) **dhātunānattaṃ paṭicca uppajjati phassanānattanti** cakkhādīdhātunānattaṃ paṭicca cakkhusamphassādīnānattaṃ uppajjati attho. **Phassanānattaṃ paṭiccāti** cakkhusamphassādīnānattaṃ paṭicca. **Vedanānānattanti** cakkhusamphassajādivedanānānattaṃ. **Saññānānattaṃ paṭiccāti** kāmasaññādīnānattaṃ paṭicca. **Saṅkappanānattanti** kāmasaṅkappādīnānattaṃ. **Saṅkappanānattaṃ paṭicca uppajjati chandanānattanti** saṅkappanānattatāya rūpe chando sadde chandoti evaṃ chandanānattaṃ uppajjati. **Pariḷāhanānattanti** chandanānattatāya rūpapariḷāho saddapariḷāhoti evaṃ pariḷāhanānattaṃ uppajjati. **Pariyesanānattanti** pariḷāhanānattatāya rūpapariyesanādīnānattaṃ uppajjati. **Lābhanānattanti** pariyesanānānattatāya rūpapaṭilābhādīnānattaṃ uppajjati.

(Ja) saññāsu **marāṇasaññāti** marāṇānupassanāññaṃ saññā. **Āhārepaṭikūlasaññāti** āhāraṃ

pariggaṅhantassa uppannasaññā. **Sabbalokeanabhiratisaññā**ti sabbasmim vaṭṭe ukkaṅṭhantassa uppannasaññā. Sesā heṭṭhā kathitā eva. Idha bahukārapade maggo kathito. Sesam purimasadisameva.

Dasadhammavaṇṇanā

360. (Jha) **nijjaravatthūnī**ti nijjarakāraṇāni. **Micchādīṭṭhi nijjiṇṇā hotī**ti ayam heṭṭhā vipassanāyapi nijjiṇṇā eva pahīnā. Kasmā puna gahitāti asamucchinnattā. Vipassanāya hi kiñcāpi jiṇṇā, na pana samucchinnā, maggo pana uppajjivā tam samucchindati, na puna vuṭṭhātuṃ deti. Tasmā puna gahitā. Evaṃ sabbapadesu nayo netabbo.

Ettha ca sammādīṭṭhipaccayā catusaṭṭhi dhammā bhāvanāpāripūriṃ gacchanti. Katame catusaṭṭhi? Sotāpattimaggaṅkhaṇe adhimokkhaṭṭhena saddhindriyaṃ paripūreti, paggahaṭṭhena vīriyindriyaṃ paripūreti, anussaraṇaṭṭhena satindriyaṃ paripūreti, avikkhepaṭṭhena samādhindriyaṃ paripūreti, dassanaṭṭhena paññindriyaṃ paripūreti, vijānanaṭṭhena manindriyaṃ, abhinandanaṭṭhena somanassindriyaṃ, pavattasantatiadhipateyyaṭṭhena jīvitindriyaṃ paripūreti...pe... arahattaphalakkhaṇe adhimokkhaṭṭhena saddhindriyaṃ, pavattasantatiadhipateyyaṭṭhena jīvitindriyaṃ paripūretīti evaṃ catūsu maggesu catūsu phalesu aṭṭha aṭṭha hutvā catusaṭṭhi dhammā pāripūriṃ gacchanti. Idha abhiññeyyapade maggo kathito. Sesam purimasadisameva.

Idha ṭhatvā pañhā samodhānetabbā. Dasake satam pañhā kathitā. Ekake ca navake ca satam, duke ca aṭṭhake ca satam, tike ca sattake ca satam, catukke ca chakke ca satam, pañcake paññāsāti aḍḍhachaṭṭhāni pañhasatāni kathitāni honti.

“Idamavoca āyasmā sārīputto, attamanā te bhikkhū āyasmato sārīputtassa bhāsitaṃ abhinandu”nti sādhu, sādhuī abhinandantā sirasā sampaṭicchimsu. Tāya ca pana attamanatāya imameva suttaṃ āvajjamānā pañcasatāpi te bhikkhū saha paṭisambhidāhi aggaphale arahatte patiṭṭhahimsūti.

Sumaṅgalavilāsiniyā dīghanikāyaṭṭhakathāya

Dasuttarasuttavaṇṇanā niṭṭhitā.

Niṭṭhitā ca pāthikavaggassa vaṇṇanāti.

Pāthikavaggaṭṭhakathā niṭṭhitā.

Nigamanakathā

Ettāvatā ca –

Āyācīto **sumaṅgala**, **pariveṇa**nivāsīnā thiragaṇeṇa;
Dāṭhānāgasaṅghattherena, theravaṃsanvayena.

Dīghāgamavarassa dasabala, guṇagaṇaparidīpanassa aṭṭhakathaṃ;
Yaṃ ārabhiṃ **sumaṅgala**, **vilāsiniṃ** nāma nāmena.

Sā hi mahāṭṭhakathāya, sāramādāya niṭṭhitā;
Esā ekāsītipamaṇāya, pāḷiyā bhāṇavārehi.

Ekūnasatṭhimatto, **visuddhimaggopi** bhāṇavārehi;
Atthappakāsanatthāya, āgamānaṃ kato yasmā.

Tasmā tena sahā'yam, aṭṭhakathā bhāṇavāraṇānāya;
Saparimitaparicchinnam, cattālīsasatam hoti.

Sabbam cattālīsādhikasata, parimāṇam bhāṇavārato evam;
Samayam pakāsayantiṃ, mahāvihāre nivāsinaṃ.

Mūlakaṭṭhakathāsāra, mādāya mayā imaṃ karontena;
Yam puññamupacitaṃ tena, hotu sabbo sukhī lokoti.

Paramavisuddhasaddhābuddhivīriyapaṭimaṇḍitena
sīlācārājjavamaddavādiguṇasamudayasamuditena sakasamayasamayantaragahanajjhogāhaṇasamatthena
paññāveyyattiyasamannāgatena tipīṭakapariyattippabhede sātṭhakathe satthusāsane
appaṭihatañāṇappabhāvena mahāveyyākaraṇena
karaṇasampattijanitasukhaviniggaṭamadhurodāravacanalāvaṇṇayuttana yuttamuttavādinā vādīvarena
mahākavinā pabhinnapaṭisambhidāparivāre chaḷabhiññādippabhedaguṇapaṭimaṇḍite
uttarimanussadhamme suppatiṭṭhitabuddhīnaṃ theravaṃsappadīpānaṃ therānaṃ mahāvihāravāsīnaṃ
vaṃsālaṅkārahūtena vipulavisuddhabuddhinā **buddhaghosoti** garūhi gahitanāmadheyena therena katā
ayam **sumaṅgalavilāsini** nāma dīghanikāyaṭṭhakathā –

Tāva tiṭṭhatu lokasmiṃ, lokanittaraṇesinaṃ;
Dassenti kulaputtānaṃ, nayam diṭṭhivissuddhiyā.

Yāva buddhoti nāmampi, suddhacittassa tādino;
Lokamhi lokajeṭṭhassa, pavattati mahesinoti.

Sumaṅgalavilāsini nāma

Dīghanikāyaṭṭhakathā niṭṭhitā.